





77





UNIVERSITY OF MICHIGAN
LIBRARY
ANN ARBOR, MICHIGAN

W. H. Wood

CORN. STALPARTII vander WIEL
Medici Hagienfis
OBSERVATIONUM RARIORUM
Medic Chirurgic Anatomicarum.
Centur. Prior.



C. STALPARTII VANDER WIELE

Medici Hagienſis

OBSERVATIONUM
RARIORUM

MEDIC. ANATOMIC.
CHIRURGICARUM

CENTURIA PRIOR,

ACCEDIT

DE UNICORNU
DISSERTATIO.

*Utraque tertia parte auctior, longeque
emendatior.*



LUGDUNI BATAVORUM,
Apud PETRUM vander AA, Bibliopolam

CID. MD. C. LXXXVII.

THE UNIVERSITY OF CHICAGO

August 11, 1885

RARIORUM OBSERVATIONUM

CHIRURGICARUM
MEDIC. ANATOMIC.

О П И С А Н И Е

ACCIDENT

THE UNIVERSITY OF CHICAGO
PRESS

UNIVERSITY OF CHICAGO

MRUCBUI-BATAVORUM

Andri PETRUM vander A. Bilio

SECRET

DEDICATIO.

Nobilissimis Amplissimisque

VIRIS

D. ADRIANO ROSA, JC.

Prætori.

D. NICOLAO SPLINTER, JC.

D. JOHANNI BYEMONTIO.

D. EWALDO BRANDT, JC.

Coff.

D. JOHANNI ROSA, JC.

D. WILHELMO ROTTERMONT.

D. JOHANNI DEDEL, JC.

D. HENRICO POTS, JC.

D. MARCELLO BRUINESTEYN,

D. PAULO AB ASSENDELT, JC.

Scabinis.

DEDICATIO.

Nec non

D. HEYMANNO BEUKELAAR,

Quæstori.

D. NICOLA OHOEKIO,

Syndico.

Quique eorum à Secretis,

D. ANTHONIO DE VEER, JC.

S. P.



NON levi certe jure merito notandus fuisset ingrati animi maculâ , si qualescunque laborum fructus Vobis , Viri Amplissimi , atque Præstantissimi , non obtulisset : cum non Hagienfis tantum natalibus ,
sed

DEDICATIO.

sed & annuo honorario Medicus
vester ab anno usque labentis se-
culi quadagesimo secundo re-
muneratus sim. Quid enim ju-
stius, quid naturali æquitati con-
venientius, quam quorum sub
auspiciis, muneribusque profe-
ceris, commoda ad eos ut per-
veniant? Vestrâ insuper tutelâ,
patrocinioque indigere mihi vi-
debar, quo securus manus per-
ambulans iniquorum (quos ego
homines Anticyras navigare ju-
beo) morsus contemnam. Hac
itaque spe fretus, fiduciaque ple-
nus, quam nota animorum ve-
strorum nobilitas neutiquam fal-

D E D I C A T I O.


li permittit , Vobis , generosa
conspicui Confessus lumina , haf-
ce meas confecro Observationes ,
Summumque Mundi , quam pos-
sum maxume , Moderatorem ro-
go , uti Vos , Viri Excellentissi-
mi , longo annorum cursu Ci-
vium bona , ut facitis , augere
velit , ac à cujusvis mali injuriâ
incolumes præstet , atque con-
servet.



A D

ARTIS PÆONIAE

STUDIOSOS.

 Uicunque animum ad Medicinam appulit, id sibi negotii datum credat, ut, quod defendendum suscepit, omni ope conservare nitatur cæleste depositum. Homo namque divinæ mentis umbra non tantum ventri obedientia dignitate, atque excellentiâ immane quantum anteit pecora, verum quæ singula unumquodque ditant, atque evehunt animal, universa solus possidet coacervata: Quare illum non immerito Microcosmum dixere veteres Sapientiæ Antistites. Neque enim ad Creatoris solum imaginem effictus, sed & nunquam interiturâ, utut ipse mortalis, decoratus est anima; quæ quamquam sese non una indies contaminet

Ad Artis Pæoniæ Studiosos.

*labe, superest tamen usque divivæ auræ
particula extingui nescia. Quamvis au-
tem, si quorundam brutorum roboris habea-
tur ratio, homunciones videamur, in nul-
lo tamen eorum tanta elucent fortitudi-
nis documenta. Insignem namque Deus
T. O. M., præstantemque nobis indidit
vim, qua quævis, vel omnium maxime
infestissima aut sub jugum mittantur, aut
domentur tandem, ut servire, ac prodesse
discant, animalia; quibus & quæ Cælum,
Tellusque largiuntur, accedunt dona. Etsi
autem rationis quoddam bestiarum nonnullis
superesse videatur vestigium, hoc tamen
quicquid est, non nisi conservandi, alen-
dique σοφὴν, ac studium ministrat. Soli
namque homini rerum post Æternum Opi-
ficem causas cognoscere, erectosque ad side-
ra vultus tollere datum est, concessumque,
utiquævis, queis vel maxima efficiat, in-
telligat. Quin etiam nova Dei progenies
alto demissa Cælo, ac in terras delapsa in-
gens humano generi jubar, summamque
addidit gloriam. Necessum itaque ante
omnia*

Ad Artis Pæoniæ Studiosos.

omnia est, ut, quisquis præstantissima mendendi arte afflictis succurrere animum induxit, non tantum discere bene incipiat, quod facti, ut ait ille, dimidium est, verum etiam, sapientiæ, ingeniique largitoris opem flagrantissimis imploret precibus, scientiæque angustos, quoad ejus fieri poterit, promoveat limites. Ita enim fiet, ut, quam nactus est, strenue Spartam ornent, atque evidentior longe, certiorque tandem evadat Medicina, quam non exiguo Dei beneficio, mortaliumque bono proximis aliquot annis indefessus præstantissimorum virorum labor vicinis in Europæ regionibus ad summum perduxit fastigium. Medicus autem, in quo semper non est, ut relevetur æger, cum homo sit, nihil a se humani putet alienum: Quare quam sibi præstitam velit, aliis opem impertiat. Quæcunque denique rerum magistro didicerit usu, ad Dei Omnipotentis gloriam, hominumque conferat salutem. Hæc ego non perfunctorie perpendens, quicquid dimidio fere labente seculo memoratu dignum reperi,

Ami-

Ad Artis Pæoniæ Studiosos.

Amicorum tandem & precibus victus qualicunque hac scriptione iis, quos scire juvat, innotescere volui. Nec operam lusus mihi videbar, si filio unico tum, cum patrio primum hæc sermone ederem, Lugdunensis nostræ Palladis alumno, stimulos adderem. Tantum autem abest, ut invidorum extimescam latratus, ut vel felicitatis eos umbram appellem. Tanta tamen animo non est superbia, quin meliora edoctus lubentissime sententiam mutem. Interim, Medicis me scribere quivis meminerit, velim; quorum dicendi modos totidem verbis apud Ciceronem haud exstare non primus moneo.

JO P I D E
GENEES-HEEL- EN SNYKUNSTIGE
A A N M E R K I N G E N
V A N D E N H E R E

KORNELIS STALPART VANDER WIEL,

STADTS DOKTER IN 'S GRAVENHAGE.

*Non hac humanis opibus, non arte magistra
Proveniunt.*



Ch hoe ydel woelen, wenschen,
Roemen, dromen blinde menschen!
Die de doot zo heimlyk zit
Met hare oorzaak, lit by lit,
In gebeente en vleesch verholen,
Dat d'ervarenste artsen dolen
In 't nasporen, in 't verhaal
Van zo velerhande quaal,
Door den gront niet kunnen delven
Dezer kennis van zich zelven.
Kunst, geleertheid, vlyt, vernuft,
En ervarings staan versuft;
Daarze geen gemene plagen
Vinden, die d'aalouden zagen
Voor vele ewen, dag op dag,
Maar een overzelsaam slag
Zien van ziekten en van wonden
By geen' Eskulaap gevonden,

Hooft

Hooft en herffens, bekkeneel,
Ogen, oren, hals en keel,
't Hart, des levens bron, de nieren;
Aders, zenuwen, en spieren,
Long en lever, milt en maag,
Borst en buik, voor 't lyf zo graag;
Bei de benen, die elkandere
Zo gediensig, voor al 't andere
Pylers strekken, die hunn' last
Staag vervoeren, vlug en vast;
En de leên, die 't eerste leven,
d'Eerste vorm al d'andren geven,
Daar de hant, die 't al regeert,
Menschen door den mensch bootseert;
Och wat baren zy al pynen,
Daarze jammerlyk van quynen!
Hoe bederftze een ogenblik,
Harde slag, of snelle schrik!
d'Erffchult wil geen kintsche jaren,
Minst de zwakste sexe sparen.
Gal en bloet, gelyk een beek,
Die verdwaalt is, houdt geen streek.
Kan myn dicht met eedle klanken
Wyzen raat hier ooit voldanken,
Ooit volpryzen STALPARTS vlyt?
Dees Machaon (die zyn' tydt,
Door veel jaren hoog gestegen
Tot veel kennis, allerwegen
Trou besteedt aan 't kranke bedt,
Duizenden voorzichtig redt,
Daar de doot met holle kaken

Haar

Haar' gereetsten roof moet staken)
Deelt aan elk nu even rê
Door den druk zyn' arbeit mê,
En 't gemerkte niet by kranken,
Door geopende aâr of dranken
Licht geholpen, maar het geen
Zelden beurde, of nooit voorheen.
Zyn papier melt ſtaag iet wonders,
Iet uitſtekends, iet byzonders:
Breuk of ſcheur, gezwel of ſteen
Buiten hun gewone leên:
Ramp, die elk niet kon bevroeden;
Heil, daar 't niemand zou vermoeden;
Hulp door geen' gebaanden weg,
Boven menſchlyk overleg:
't Lichaam levend wechgeſtorven,
Leên gemiſt, of gansch bedorven,
Leden van gebruik berooft;
Brein ontbeert in 's menſchen hooft:
Schriklyk quaat van klene wonden,
d'Ergſte in ſchyn naar wensch verbonden;
Sterken bloetvloet, of heel traag,
Of ſpoorbyſter : mont en maag
Lang van ſpys en drank verſteken:
Milt- en long- en hartgebreken,
Laſt, ontlaſting, misgeboort,
Vuilnis, zuivring, nooit gehoort:
Heilzaam, 't geen men plag te ſchromen;
Iet vergiftigs wel bekomen,
Diſchvreugt ſtof tot lykgeſchrei;
Boos vergift in tuin of wei

Voor een lekkerny gelezen;
En die andren trouw genezen
 (Och wat regt de doot niet uit!)
Zelfs vergeven door hun kruut
Dees natuurgeheimeniffen
Kloek te peilen, op te viffen
 Met haar oorsprong, recht gevat,
 Zulk een' dierbren letterschat
Aan de werelt te vereeren,
En geleerden dus te leren,
 Eifcht een' dankbren zegengalm,
 Meer dan lauwerkrans of palm.
Lang moet u de Hemel sparen,
STALPART, waardig Nestors jaren:
 Levens en gezontheits ftut,
 Leef veel menfchen lang tot nut:
Leef met uwen name onfterflyk
In dees bladen, nooit bederflyk.



C. STALPARTII VANDER WIEL
OBSERVATIONUM
RARIORUM
CENTURIA PRIMA.

OBSERVATIO I.

Cranii suturæ pavore quodam defunctæ.



Nimi motus insolitos etiam corpus tangere, atque agitare, propter arctam, quæ illum, & hoc jungit, unionem, palam est: quâ non tantum, quæ ipsis obveniunt, bona, sed & queis turbantur, mala continuo secum communicant. Quantas autem turbas hi motus dare, quantasque ipsis corpori-

A bus

2 OBSERVAT. RARIORUM
bus ærumnas excitare queant, quam-
quam vel quotidianæ experientiæ invi-
cto constet testimonio, evidentius ta-
men, opinor, atque lucidius hac ob-
servatione, ac secuturis 16. & 79. patefcet.

Uxor *Friderici* cujusdam, qui Hortu-
lanus, ac custos fuit magnificentissimi
prædii suburbani Illustriss. Viduæ *Frideri-
ci Henrici* Celsiss. quondam *Arausionum*
Principis, quod in Hagiensi visitur ne-
more, usque adeo expavit, furibus
nocturnis non procul ipsâ infractiorem
ausis, ut præ nimio, quo corripiebatur,
terrore, cerebrique ipsius agitatione, &
concussione, quam & febris Chephalal-
giaque sequebantur, ossa parietalia a se in-
vicem dissiluerint. Quam quidem futu-
rarum disjunctionem non, nisi post
unum, & alterum demum animadver-
tit menssem, quamquam illa vel adulti
hominis minimum admitteret digitum.
Hæc tamen mulier a Chirurgo *du Foix*
(vulgo *Lucq*) priori sanitati, adhibitis
fasciis, & ligaturis, restituta fuit.

IN OBSERVATIONEM I.



Icuti futurarum separatio, cujus modo facta mentio, ab externâ causâ subito provenerat, & quam minimo temporis intervallo; ita sæpius in *Hibernia* (prout *Arnoldus Bootius de affectibus omissis cap. 4. pag. mihi 17. memorat*) capitis ossa evidenti distantia disjunguntur, præsertim quâ *coronalis*, quamvis & quandoque, quâ *sagittalis* excurrit futura. Quod tamen lente, atque internâ causâ, quam exterior vis non præcessit, tam masculis, quam fæminis, nec minus robustis, quam tenellis accidit. Hanc futurarum ab invicem seperationem gravis, illo teste, sequitur *Cephalalgia*, quæ ex duræ matris cranio multis membranosis fibris ut plurimum adhærentis, ac dictâ ossium divulsione tensæ, atque dilatatæ stimulis oritur. Quidolor tolli vix potest, nisi conjunctione dictorum ossium, ac in priorem sedem reductione. Quod quidem imprimis Chirurghi manibus efficitur, quem laborantis caput, si *coronalis* disjungatur futura, oportet comprimere, & unâ manu frontem, alterâ occiput adducere; si vero *sagittalis* aperiatur futura, ab utrâque parte tempora comprimantur necesse est. Quo factô, requisitis fasciis, queis dicta ossa suo loco contineantur, obvolvendum caput est. De modis, quibus juncturarum distantia in ossibus

4 OBSERVAT. RARIORUM
capitis firmentur, legatur *Hippocrates de officio
medici.*

*D. Sennertus prax. lib. I. part. I. cap. XXII. pag.
mihi 52.* etiam nonnihil de hoc mali genere
refert, cum dicit internis aliquando causis fu-
turas capitis, quæ alias contiguæ sunt, ita
disjungi, ut evidens inter eas sit distantia,
quod ab humorum copiâ fieri judicat, quæ dis-
tendendo facit, ut futuræ magno spatio distent,
ut docet *P. Agineta libr. 3. cap. 7.* nec non
Jacob Fontanus, qui *Prax. libr. I. cap. 3.* ex-
emplum profert juvenis cujusdam, cujus capitis
futuræ tanto disjunctæ erant spatio, quantum qua-
tuor adimplerent digiti.

G. Fabrit. Hildanus Centur. I. observ. I. p. I.
duo etiam adduxit exempla divulsarum futura-
rum, quarum prima disjunctio e diuturnâ *He-
micraniâ* orta erat, quâ durante, ac inflamma-
tione, nec non humorum copiâ in cerebro ur-
gentibus, futuræ adeo hiabant, ut se *systolen*, &
diastolen cerebri satis distinctè sensisse memoret:
Altera autem disjunctio è morbo graviore, arden-
tique feбри, cum dolore capitis acutissimo prove-
nerat.

*Quin & Thom. Mermannus Consultat. 4.
libr. I. fol. 15. Cephalæ*, quâ præcipua quædam
puella laborabat, mentionem facit, eâque futu-
ram quâdam capitis parte disjunctam testatur.

*Sutura capitis, inquit Foubertus de Cephalal-
gia cap. 9. pag. mihi 437. interdum a se invicem
sepa:*

separantur, quod ego semel observavi in fronte cujusdam puellæ, cui unius lateris os alterius superabat altitudinem post pertinacem in infantiâ capitis dolorem.

Ex inflammatione hoc malum oriri posse asserit *Ætius libr. 6. cap. 25.*, ut & *Hippocrates 7. de morb. popul.* Idem affirmat *Avicenna fen. 1. tract. 3. cap. 40.*

De futura cap. *Lambdoide* hiscente in Infante vide sis *miscell. curiosa German. decur. 1. anni 9. observ. 139. fol. 438.*

Thom. Bartholinus centur. 5. hist. 92. pag. mihi 173. hujus etiam rei mentionem facit, ut & *Fabrit. Hildanus Centur. 2. observ. 7. pag. mihi 84.* nec non *Anthon. de Pozzis miscell. curios. med. phys. Decur. 1. an. 2. observ. 34.* de Tribuno quodam narrans non militiæ minus, quam potandi egregie gnaro: qui cum se aliquando vino annoso plus æquo ingurgitasset, ob sanguinis inflammationem, & inde ortam vaporum cerebri dilatationem, divulsâ magno cum cruciatu durâ meninge, nunquam quieverit, nisi cum cranii contiguæ extremitates circa coronalem suturam ad pollicis latitudinem essent disjunctæ. Ex hoc tamen malo id percepit commodi (si fas ita dicere) quod nempe postea absque cerebri perturbatione abunde se Liberi patris flore aspergere, ebriæque compotum turbæ solus mentis compos superesse posset.

Petr. Marchettis obs. Med. Chirurg. cap. 15.

6 OBSERVAT. RARIORUM

pag. mihi 31. mentionem injicit vulneris frontis usque ad *Diploen* penetrantis, ac gladio inflicti, citra ullam cerebri, & membranæ labem, omnibus licet symptomatibus vulneris capitis præsentibus, quare ipse postridie trepano usus est, subjectam membranam nonnihil inflammata inveniens, cui apta procuravit remedia. Cum vero vulnerati, ac 14. die mortui caput aperiretur, constitit a vulnere nec membranam, nec cerebrum quidquam incommodi sensisse, imo ipsam vitream tabulam mansisse illæsam: licet futura *Lambdoides* tam late esset aperta, ut minimum intromitteret digitum, dum saniei non multum inter ipsas futuras, ac supra duram matrem lateret. Haud absimile exemplum describit *J. Baptist. a Lamzweerde obs. 8. p. mihi 232.*

Denique cranii futuræ etiam disjunguntur in infantibus, qui *Hydrocephalo* laborant.

OBSERVATIO II.

Infans absque cerebro in lucem editus.

Octavo die May, 1678. à Medicis *P. Christ. Romphio, J. Stalpartio vander Wiel, Adriano Veermanno, nec non Chirurgo Frid. Kempio* inspectus fuit infans factoris Hagienfis, cui nomen *Bont*, viginti quatuor horas etiam post nativitatem

vivens, cujus mater (ut dictus *Bont* testabatur) sexto, ex quo uterum ferre cœperat, mense ceciderat in cisternam impacto capite. quem casum, quod referre paro, malum secutum est. Post ternos quippe menses fœtus perfectus fungosâ caput obtectus inter *Coronalem*, ac *sagittalem* futuram, excreſcentiâ prodiit. Hæc autem tres digitos transversos altitudine, duos latitudine, unum vero crassitie æquabat, ejusque basis unum pollicem lata erat; summa vero pars extra cranium minimi digiti latitudine eminebat. Ossa *parietalia* eum in modum erant depressa, ut non rotunda sed omnino plana, ac circum dictum *fungum* nonnihil intro recedentia, ac, quanta minimi digiti est latitudo, carnea apparerent. Aperto cranio ossium *jugalium* crassities, eorumque, quæ supra nasum erant, cum minimi digiti latitudine conveniebat, posteriorem autem ossium, eorumque, quæ latera, qua in Occiput vergunt, constituunt, naturalis erat crassitudo. In capite nihil conspiciebatur cerebri, nihil materiæ corruptæ, humorisve proxime ad ferum acceden-

8 OBSERVAT. RARIORUM
dentis, nec cerebro quidquam simile;
cujus loco exigua tantum cavitas appare-
bat, quæ ne columbinum quidem ovum
caperet; eratque illa, tanquam natura-
liter, intus cerebri membranis vestita,
nec ex eâ (quod observatu dignissimum)
dicta *excreſcentia* procedebat, sed a me-
dullæ spinalis principio, prope primam
colli vertebram oriebatur, ac adulti ho-
minis digito crassitie, & rotunditate par
erat. Ex fungosâ hac carne post disse-
ctionem humor quidam sero non mul-
tum dissimilis, qui variis continebatur
vesiculis, effluebat.

IN OBSERVATIONEM II.

Z *Acutus Lusitanus prax. med. adm. lior. I.
Observ. 5. pag. 2.* Narrat de puero decenni,
cujus occiput gladio ita vulneratum erat, ut in
ipsam cerebri substantiam vulnus penetraret, e
quâ jam pars juglandis magnitudine per vul-
nus effluxerat: dicitque hunc puerum, nullo
impedimento superstite, plane fuisse sanatum,
quamvis idem post triennium, quoniam paula-
tim nonnulli humores ad hanc debilitatam par-
tem sese conferrent, *Hydrocephalo* laborare inci-
peret, hincque decederet.

Dis-

Dissecto dein post obitum capite deesse cerebrum, ac duram matrem duplicem esse constitit, inter cujus duplicaturam multum aquæ puræ delitescibat.

Nicol. Fontanus respons. & Curat. Medicinal. libr. 1. pag. 16. mentionem facit infantis, qui absque cerebro, anno 1629. 24. Decemb. natus erat, quem se oculis vidisse testatur.

J. C. Geilfusius ait loco cerebri membranam crassiorem in capite repertam fuisse, additque se vidisse fæminam in *Nosocomio Argentoratensi*, cujus cerebrum omnino putrefactum erat, quæque eo delata triduum tamen integrâ mente vixerat, quod & testatur *Schneiderus de Catarrho lib. 4. cap. 3. fol. mihi 57.*

Sennertus in Paralipomenon ad libr. 1. prax. part. 1. cap. 24. de veritate modò memoratæ *Zacuti Lusitani* Historiæ dubitat, cum dicit se perspicere vix posse, quo pacto quisquam vel momentum temporis absque cerebro vivere possit: concedite quidem partem cerebri tolle posse, verum tam diu quemquam, omni cerebri substantiâ sublatâ, aut consumptâ, vivere posse, a nullo unquam demonstratum asserit.

Hujus etiam est opinionis *Caspar a Reyes Franco, campo Elysio, quæst. xxxi.* Unde & *Foniani, Zacuti*que narrationes rejicit.

Miscell. med. phys. German. Decur. 1. an. 8. observ. 64. pag. 107. Legimus puellam, 3 Janu. 1677. absque cerebro, & cranio *Presburgi*

natam, cujus tamen corporis partes omnes perfectæ, atque elegantes essent, præterquam quod cerebri, craniique loco, massam aliquam carneam haberet in supremitate pulsanter, & nescio quid, ferose emittentem. Hæc puella cum nata esset, more infantum non vagiit, sed vagitus loco quasi stertens, aliquot rhonchos duxit. Porro caput, reliquaque membra satis commode movere potuit, quin & immissum ab obstetrice digitum in os, parum, sed debiliter, suxit. Post vitam autem 24. ferme horarum acerrimis infestata est epilepticis convulsionibus, atque ita interiit. Intra carneam hanc massam duæ conspiciebantur cavitates, ventriculis haud dispares, reliquâ substantiâ spongiosâ, atque dissolutâ. Nihil medullæ repertum spinalis, & quicquid in spina delitescibat, a coagulato sanguine vix differre visum. Nervi optici justo rubicundiores sese in protuberantes, ac superne orbitâ carentes oculos inferebant. Illi autem nervi e dictâ massâ proveniebant, ex quâ & innumera huc illuc dispergebantur filamenta itidem rubicunda, nervis similia, vel eorum ad minimum suppletia defectum. *Isdem miscell. med. phys. Decur. 1. anni 3. obs. 129. fol. 205.* gravidæ fæminæ fit mentio, quæ medio graviditatis ferme tempore rusticum detecto capite, eoque saucio, ac sanguinis plurimum ejiciente viderat, quo illa repente conterrita, caput perfricuit manibus, atque solito partus tempore edidit puellam, quæ ali-

aliquoties vagiit, brachia, cruraque commovit, supra caput carneam excrescentiam habuit, ac sedecim prope horas vixit, postquam gravibus attrita fuisset convulsionibus. In ipso capite pro cerebro massa plurimis constans vesiculis reperta est, quæ sibi invicem tenuissimis fibrillis cohærebant, per spatia intermedia vasa sanguifera incedebant, & quælibet vesicula minutissimis, ac rutilis vasis decorabatur. Vesiculæ hæerant inæqualis figuræ, & magnitudinis, omnesque paucissimis exceptis, aquam limpidissimam intra sinus suos coercebant, quam faucibus, & pressæ cum impetu projecerunt, integræ vero ne guttulam quidem vel profuderunt, vel vicinæ suppeditarunt, ceu omni exitu privata, *hydatidum* plerarumque more, quæ alibi in cadaveribus animalium nonnunquam reperiuntur.

Totus vesicularum acervus tantuserat, ut cerebrum, & cerebellum fætus humani vel adæquaret, vel superaret. Omnibus vesiculis ablatis, basis cranii maximam partem plana erat: *ossa petrosa* utrimque, & antè *crista Galli* leviter prominebant: *os cribrosum* oblitteratum videbatur. In medio basis, ubi *sella equina ossi Sphenoidi* insculpta est, sinus erat superficialius, in quo duo conspiciebantur corpuscula juxta se posita, quorum singula Phaseoli magnitudinem æquabant, quibus in parte posticâ aliud rotundum pisi mediocris magnitudine adiacebat:

A tri-

Atribus istis corpusculis medulla spinalis in progressu amplior procedebat per finem alium superficialium ad foramen magnum occipitis, obtinuitque magnitudinem, figuram, colorem, & consistentiam legitimam, & perfectissimorum fætuum simillimam, omnibusque numeris absolutam. Tria hæc corpuscula medullosa erant, & subcinericea. Ab illis antrosum duo nervi, seu potius fibræ graciles versus oculos pergebant, &c. Eiusdem libri *pag. 495. obs. 280.* mentio fit bene nati pueri, qui anno 1666 a matre post 11. mensium fastidia in lucem editus erat cerebro carens, cranioque, quorum loco carneum corpus instar jecoris, at illo paulò durius conspiciebatur, quod undique e capite dependens medio sui ossi *Sphænoïdi* adhærebat, ac apertum aliquantulum emittebat sanguinis. Superius deerat cranium, sed duo parva, ac imperfecta admodum occipitis, & ad latera, anteriùsque duo *parietalia* ossa inveniebantur frontis suppletia defectum, quæ vix aliud quam oculorum orbitam efformabant, altius quippe non ascendebant. Oculorum singuli pro nervis opticis, debito loco duo considerabilia venosa habebant vascula, sanguine subnigro repleta, ab hac substantiâ hepaticâ prodeuntia: spinalis medulla sanguini coagulato per omnia similis erat. Omnia porra viscera satis benè se habentia, atque minimè defectiva erant.

De alio infante, sine fronte, calvariâ, cerebroque

que, ac cerebello nato, cujus truncus, & extrema fatis benè conformata erant, & præter faciem, auriumque plagas vix aliud in capite occurrebat, cujusque in oppositâ faciei parte, durum quoddam corpus, figurâ primæ vertebræ alatâ, carneâ mole obductum protuberabat, sub quo foramen insigne penetrabat ad vertebrarum cervicalium, & dorsalium thecas, &c. Consule eadem *miscell. med. phys. German. Decur. I. an. 2. Obs. 36. pag. 60.*

Mauriceus Gallicus scriptor *lib. I. cap. IX. de gravidarum*, nec non enixarum morbis agens, meminit infantis cujusdam anno 1665 nati, qui nec cerebrum, nec cranium, sed eorum loco carneam tantum habebat massam.

Idem infans ejusdem conditionis fuerat novem, queis maternâ in alvo creverat, mensibus. Omnes autem ejus corporis partes ad maturitatem pervenerant sanæ admodum, atque perfectæ. Vivus quidem ille ex Utero prodiit, at non diu postea superfuit.

Actis Philosoph. Societ. Regiæ in Anglia an. 1667 pag. mihi 125. de infante immaturo agitur, qui loco capitis, & cerebri habebat massam carnis similem hepati, comperiebaturque moveri, hic autem vixit iv dies, & post obiit. Nulli nervi fuerint inventi, qui a cerebro prodibant, spinalis medulla erat ejusdem substantiæ.

Theod. Kerckringius obs. Anatom. 46. p. 102. refert de infante, qui post quinque cum dimidio men-

14 OBSERVAT. RARIORUM

mensium vitam, *Hydrocephalo* interiit, cujusque cranii futuræ plurimum erant disjunctæ, nec in capite cerebrum, at ejus loco aqua viscosa reperta. Hujusmodi exempla ait cuidam Lanioni sæpius in ipsis ovibus obvenisse, quæ etiamnum vivæ adeo stupidæ, & fatuæ erant, ut neque edendi, neque bibendi a naturâ cunctis animalibus suggestos sentire viderentur stimulos, sed fame perisissent, nisi in os vi apertum alimenta idem ingessisset Lanio.

Th. Bartholinus Centur. 1. Histor. Anatom. 83. fol. 124. ait in *Norvegia* anno 1639 puellulam natam, quæ dimidiæ tantum horæ spatium vivebat, quæque pro fronte, cerebroque informem rubicundioris carnis gerebat massam, mitra Episcopali exteriori parte non omnino dissimilem.

Ephemerid. eruditorum Gallie conventionē 12. anno 1673 fit mentio infantis *Novemb.* 1673 nono mense absque cerebro nati, qui illico post partum moriebatur: ac quamvis idem satis robustus, ac pinguis esset, justæque magnitudinis haberet membra, deesse tamen frontis os, pelle, ac capillis superiorem ac posteriorem capitis partem carere constitit, eorum autem loco reperta fuit rubræ carnis massa coagulati sanguinis instar, quæ posteriorem obtegebat capitis partem, sub qua carne rubente os quoddam repertum est, absque omni futura, reliquarumque, quæ in cranio reperiuntur, partium distinctione: Illud os in-
super

super anteriori parte adhærebat ossi faciei, posteriore autem nequaquam vertebrae colli conjungebatur. Prima vertebrarum colli ita peculiari membranâ erat obtecta, ut credere vix liceret spinali medullæ quidquam cum capite communicationis esse, quamquam id ipsum debito more nervis non careret. Hic foetus denique partus tempore materno in utero valde se quaquaversum commoverat.

Si quis quærat, unde hi dictis infantibus motus, ut pote cerebro carentibus? Responsum ferat; Quamvis illi cerebro ad recipiendos, communicandosque spiritus caruerint, medulla nihilo minus spinalis, quæ revera non nisi productio, ac veluti cauda quædam cerebri est, ortus nervorum reliquarum partium existit, iisque median-tibus, membris, partibusque corporis spiritus ad motum necessarios impertit, quorum materia dictæ medullæ per *carotidis*, & vertebrarum arterias illam undique rigantes subministrari potest, licet ille motus eo quidem casu minus validus sit, atque durabilis.

Nicol. de Blegonii Zed. Med. Gall. an. 3. fol. 54. obs. 3. refert de puella, in cujus post mortem cranii capacitate nihil præter aquam limpida-m deprehendere licuit omnino adimplentem membranas, nullo præsentem cerebro, aut substantiâ solidâ; unde concludit, quando cerebrum rite constitutum est, functiones animæ probe fieri, valere sensus, ac spiritus subtilius in cerebro filtrari,
nec

16 OBSERVAT. RARIORUM

nec non majori copiâ distribui; cum autem illius substantia ex toto, aut parte consumpta est, satis esse ait, si cæteræ partes, quæ intra cranium continentur, atque intra spinam constitutionem suam nativam servaverint, ad jugem, & perennem actionum animalium motum, etiam si tunc temporis imperfectius, edantur. Equibus duo, inquit, consideratu digna inferre licet. I. Si cerebrum totum, aut maximâ parte consumptum fuerit, hominem neque ingenio, neque judicio pollere. II. Cum cerebrum eo modo constitutum est, motum, qui vitæ principium est, nihilominus continuum esse in sanguine, ac partibus solidis, dummodo nulla immutatio in meningum, medullæ productæ spinalis, & nervorum statu naturali contigerit.

OBSERVATIO III.

Abcessus in fronte infantis.

Quantopere Chirurgorum interfit omnem ossium structuram probè nosse, tum demum illi ipsi sentiunt, cum in ossibus, vel circa eadem mali quidpiam exoritur. Neque enim suffecerit, si sciant, quomodo illa sibi invicem jungantur, cohæreantque, verum etiam exacte

exacte noverint, necesse est, cujus illa sint naturæ, substantiæque, quænam eorum sit forma, qualisque diversitas, quænam etiam sit crassities, quæ planities, cavitasve, quam denique illa cum reliquis corporis partibus, quæ illis junguntur, agglutinanturque, habeant communionem.

Non ita diu est, quod cum Chirurgo quodam trium, aut quatuor circiter annorum infanti mederer, qui e cubili obversâ in saxeum pavementum fronte ceciderat, ita ut maxima in fronte mediâ appareret contusio, cui commodis remediis non ita poterat resisti, quin tandem in abscessum degeneraret. Quare necessum fuit, ut aperiretur, verum lapsu temporis observatum omne pus per factam aperturam non posse educi. Nec tamen placuit alterâ incisione (erat enim puel-
lula) frontem deformare: quare parumper expectavimus, & pus pulvillis ad dictam aperturam propellere adnisi sumus, quod tamen neutiquam successit. Tunc mihi in mentem venit de osse frontis infantum ad septimum plerumque, octavumve annum futurâ in duas diviso

partes, per quam futuram dura mater etiam transmissa pericranio adhæret, atque ibi interstitium quoddam efficit, quod ipsum nos adegit, ut & aliam frontis partem incisione aperiremus, quâ puella brevi tempore sanata est.

IN OBSERVATIONEM III.

OS frontis infantum communiter in duas divisum partes Deus Opt. Max. prudentissimo consilio ideo ordinavit, ut præter cætera calvariae ossa, bina hæc etiam in partu non aliter, ac duæ scandulæ, sive laminæ tanto melius sibi invicem cederent, atque aliud super aliud eveheretur, ac tanto faciliior foret enixus. Rarissime dictum os in adultis masculis, quanquam aliquando in foeminis duplex reperitur. In senioribus illud ipsum non est duplex, quoniam in illis tractu temporis siccescit, adeo ut futura præficcitate paulatim evanescat, ac per consequens duræ etiam matris productiones, quæ antea pericranio ossis frontis alligatæ erant, evanescant. Quando tamen dictum os in adultis reperitur duplex, tum *sagittalis* futura frontis os medium discernit, atque ad nasum usque excurrit. Hoc autem plerumque ejusmodi contingit hominibus, queis post septimum circiter, octavumve annum capitis ossa circa verticem non coalescunt, sed

sed cavitas ibidem remanet, quæ vel vigesimo anno parum pressa dolorem ciet. In illis enim hominibus os frontis ut plurimum invenietur duplex, quæque dictum os medium separat, minimo negotio admotis digitis sentietur futura.

OBSERVATIO IV.

Abscessus ossis capitis.

MOrbi Gallici inveterati proprietas veluti quædam est, ut ossibus multo magis, citiusque, quam carni noceat. Illa quippe lues non solum extus, sed & intus ossa haud aliter, quam tineæ pannos, ac vermes ligna, rodit. Ego domi meæ ossis partem quandam servo volæ manus magnitudine parem, quæ ex osse frontis mulieris cujusdam dicto morbo laborantis provenerat, atque ita a toto sui separata erat. Estque eadem passim tam ab interiore, quam ab exteriori parte veluti blattis comesa, cujus tabula inferior omnino est consumpta, nec non haud exigua ossis Sphænoidis pars, quam illa mulier ore suo emisit cum dentibus aliquot, ut & quibusdam palati

palati officulis, quæ omnia mihi suppeditavit, prout in adjectâ figurâ videre est.

IN OBSERVATIONEM IV.

MIrari equidem merito licet, cur ipsa cranii ossa morbo gallico consumantur, ac putrescant, capitis interea pelle integrâ, atque illæsa. *Benivenius de abdit. morb. caus. cap. 18. pag. mihi 166.* de quodam Monacho *S. Augustini* ordinis narrat, cujus frons jam tota pene ossibus carebat, intactâ tamen ejusdem pelle, ac carne.

R. Dodoneus in annotat. ad illam narrationem vidisse se ait in cadavere mulieris, quæ isto laboraverat morbo, ossa sub incorruptis membranarum tumentia, atque medullitis exulcerata.

Alardus Cummenus Parisiis notavit, Nobili cuidam *Burgundo* ex confirmatâ & inveteratâ lue Venereâ ossa tam fragilia fuisse, ut ad minimum impulsu frangerentur.

P. Marchettis obs. med. Chirurg. 18. fol. 47. meminit viri cujusdam septuaginta jam annos nati, ex cujus cranio ipse, post *cephaleam*, nec non plura accidentia gravia, magnam sustulit ossis partem, quod hîc illic comestum, nec aliter corruptum erat, quam si per integrum decennium sepulchro fuisset conditum. Ille tamen sub eo
osse

osse non reperit membranam cerebri, sed carnis aliquid rubentis ac planæ.

G. Fallopius cap. 96. fol. mihi 745. quandoque se vidisse ait cranium totum quantum comesum. Cujus rei non unum profert exemplum, e quorum numero illud est, quod *libro de ulceribus cap. 47.* adfert. Id ipsum autem in quovis morbo gallico inveterato contingere negat, at eo tantum fieri autumat, cui curando inunctiones mercuriales adhibitæ sunt.

Sæpius autem os palati dicto morbo consumitur, atque excidit; quo defectu linguæ minuitur, sonique claritas: Vocis enim quidquid perit sonantis, per nasum egreditur.

Fabritius tamen Hildanus centur. 2. fol. mihi 101. obs. 12. docet, quo pacto apertus palati locus argenteà laminà, cui spongiæ frustum affixum sit, claudi queat. Quâ de re vide etiam *A. Paræum libr. 22. cap. 3. Amat. Lusitanum centur. 5. curat. 14. p. mihi 490. Fallopium cap. 97. fol. mihi 747. Tulpium obs. medicinal. lib. 1. cap. 37. fol. 75.*

Quamquam autem ossium corruptio tam circa cranium, quam circa nasum, ac palatum morbo Gallico plerumque Originem debet, sæpenumero tamen hæc putrefactio ex acri, ac maligno humore ossa haud aliter, quam solet *Cancer*, atterente, & velut comedente oritur. Calvariæ ossis cariem sive marcorem experti meminit *Hippocrates 2. de morb. sect. v. fol. mihi 469. Cum ca-*

ries, inquit, facta fuerit in osse, dolor ex hoc corripit os ipsum, & progressu temporis attenuatur, atque inflatur, & fit in ipso fractura, & si hanc rescueris, comperies ipsum os elevatum & asperum, ac fulvum, quibusdam vero etiam ad cerebrum usque corrosum. Cum ita habentem offenderis, siquidem ultra corrosum fuerit, sinere optimum, & quam citissime ulcus curare.

Ejusmodi etiam caluse exemplum illustre posuit *Amat. Lusitanus centur. 1. curat. 76. fol. 106.* Post ulcera fœda, & talpariam orti. Ut & *A. Paræus libr. 9. cap. 20.* Vidi olim infantem, inquit *H. Fabrit. ab Aquapendente operation. Chirurg. p. 175. cap. de Gummat,* è cujus partibus cranio subjectis, durâ scil. matre, acerrimus quidam, ac malignus humor proveniens per ipsum os penetrabat, illudque passim plurimis variæ magnitudinis perforabat foraminibus, inferiore nihilominus membranâ integrâ. Qui sane humor ossi capitis, nequaquam vero membranæ subjectæ erat adversarius.

Zacutus Lusitanus prax. med. mirab. libr. 1. obs. 83. p. 20. Scribit detergentibus tantum remediis palatum amissum, cujus morbus Gallicus non fuerat causa, restitutum fuisse, quod ipsum non immeritò rarissimum ducit.

Sic quoque *Jacob. Bontius p. 37. cap. 10. de Medicinâ Indorum,* ait eodem modo pene omnino sublatum dictum os frontis fuisse sanatum. Idem *obs. 6. fol. 36. earum quas Batavia Batavo-*

rum in Indiâ Asiaticâ urbis, observavit, ac collegit, narrat de nautâ quodam, cujus caput inter cymbam, atque aliam navim ita compressum fuerit, ut nemo dubitaret, quin totum quantum diffractum, & comminutum esset, cum & ipse sanguinis plurimum ore, naso, atque aribus emitteret. Cranium ejus repertum in multa frustra divisum, quorum nonnulla tollebantur. Per sex menses continuos Chirurgi illi operam præstitere; intra quod tempus, totum illud os, quod futurâ *Lambdoide* ambitur, frustatim eductum est, paulò supra id foramen cui inferitur prima cervicis vertebra, dentiformis dicta. Convaluit tandem, cerebrumque ab externâ injuriâ semi-galeâ argenteâ defendit, ipsi ab *Indiâ*, quæ in *Batavorum* ditione est, Rectore, (*Generalem* vocant) dono datâ.

OBSERVATIO V.

Cranii dedolatio.

INter multifaria Capitis vulnera meritò numerandam existimo ipsius cranii *dedolationem*, five *amputationem*, cujus rei exemplum ipsemet cum Fratre meo P. M. *Joh. Stalpartio vander Wiel* (qui tempore belli inter *Fæderati Belgii Proceres*, Re-

24 OBSERVAT. RARIORUM
gemque Galliae gesti, vulneratis militibus
cum Chirurgo *Cornelio vander Hoog* mede-
batur) hîc Hagienfi in *Nosocomio* in milite
vidi, cui ægro ossis *parietalis* pars, num-
mi, quem *Imperialem* vocant, instar, cum
utrâque tabulâ, inferiore tamen superio-
ri magnitudine cedente, prope verticem
amputata erat, quam partem pellis ali-
quid, ac membrana carnosâ etiamnum
affixam tenebat. Quamprimum autem
dictum os detractum fuit, pelle suâ ad-
hærente caput iterum contactum est, non
exspectatis pluribus vulnerati cranii ex-
tremitatum separationibus: Atque ita
dictum vulnus quam brevissimo tempore
omnino percuratum est.

IN OBSERVATIONEM V.

Jobus *Mekeranus* cap. 1. *obs. med. Chir. pag. 4.*
meminit incisuræ ossis *parietalis* sinistri ad *sa-*
gittalis futuræ latus acinace factæ, quâ a pri-
mâ separatum fuerit tabulâ ossis segmentum ejus
figuræ, quam ille ibidem exhibet delineatam.
Scultetus in Armament. Chirurgico obs. 17. fol.
mihi 214. primæ tabulæ *Dedolationem* narrat,
ejus nummi, quem modo nominavi, magnitu-
dinis, inque ipsum penetrantem *meditullium*.
Haud

Haud absimile quid *P. Marchettis p. mihi* 10. memorat. Illius autem casus quo utrâque cranii tabulâ uno, eodemque ictu sublatâ, vulneratus vivus permansit, unum ego vel alterum tantum proferre exemplum habeo. Refert *Philip. Jac. Sachs miscell. med. phys. curios. Germ. decur. 1. an 2. obs. 119. fol. 195.* de Polono quodam bene poto, qui dum digladiaretur, in sinistro capitis summo latere per futuram *coronalem* usque ad frontem, tale reportarit vulnus, ut non solum cutis cum carne duo transversos digitos lata, unâ ulnæ quadrante longæ, sed & magna cranii pars penitus dissecaretur, quo factò læsus semianimis in terrâ aliquantisper prostratus jacuit, mox dein resiliens, manu caput tangens, partem cranii fere abscissam, & parumper cute adhuc hærentem detrahare voluit, sed in hoc furore frustum saltem cranii arripuit, & in terram projecit. Chirurgus postea accedens reliquam carnosam portionem vulneri denuo adaptavit, & licet varia prava *symptomata* dein supervenerint, integræ sanitati nihilominus restitutus fuit.

Legitur etiam apud *Cabrolium obs. 29, & 34. pag. 18, & 25* simile quid, quam Historiam ob mirum rei eventum ipsis adscribam *Cabrolii* verbis: *Ut alii, inquit, exemplo meo sapere discant, quod mihi olim Juveni contigit, dum Gail-lac degerem, paucis enarrabo. Ad divitem quendam rusticum curandum vocatus sum, qui maximo gladii impetu ictus fuerat, ita ut magna*

pars bregmatis ablata esset, cumque eo portio quædam tam dura, quam pia matris, nec non substantia ipsius cerebri. Ad spectu primo obstupui, deinde ita egi, ut ejus curatio alii committeretur: hic quoque vulnere inspecto, nullo modo curari posse cogitans, patientem absque auxilio deseruit, donec ruricola quidam advenit qui ardenti verularidum transfixit, quod in vas aquâ plenum destillabat, ex eoque sæpius abluto, ita ut nivem candore superaret, medicamentum confecit, quo linamenta omnia, turundas, & lanas carptas insuccabat, cujus præsidio patiens integram valetudinem intra duos menses adeptus est, posteaque diutissime vixit; Hujus rei gnarus, miseris semper succurrendum, nec unquam desperandum esse didici.

Nescius equidem non sum *Jobum Mekeranum* dicto cap. 1. *suarum obs. fol. 7. & 8.* referre Nobilis cujusdam caput *Tartari* gladio ita fuisse vulneratum, ut frustum ossis ab ejus cranio cum pelle, ac capillitio avulsum esset, ipsumque quam latissime hiaret cranium, nec non Chirurgus, ut factum foramen clauderet, haud dissimilem ossis partem e cæsi canis capite sumptam hianti cranio superimponeret. Quod os postquam cum aliis ossibus conjunctum, & capitis cute contextum esset, dictum Nobilem priorem valetudinem recuperasse ait, hæc autem ipse scriptor, quamvis sibi a *Theologo* narrata, videtur ridere, nec immeritò, meo quidem judicio.

OBSERVATIO VI.

Depressio cranii.

CUM filiulus G.P. civis Hagienſis quatuor natus annos hîc Hagæ in vicis luderet, caſu ſatis infelici vexillum quoddam, quod è ſublimi funeſtrâ ſpectandum propendebat, obverſo in illius latus ſiniſtrum oſſis frontis manubrii acumine incidit, unde non tantum vulnus, ſed & oſſis *depreſſio* facta eſt. Vulnus tamen hoc ſatis feliciter Chirurgus ſanavit, quanquam quondam vulnerato, nunc ſeneſcenti, etianum cavitas in illo oſſe ſuperſit tanta, ut adulti hominis pollicis extremam intromittat partem.

IN OBSERVATIONEM VI.

Cranii depreſſio haud aliter ſe habet, quam ſtannea, aut plumbea vaſa, quæ caſu, vel concuſſione intus cedunt, deprimunturque. Hîc autem animadvertendum eſt, licet oſſis calvariæ tabula hoc fracturæ genere non perſpicue a ſe invicem recedat, fieri tamen in ipſa diploe totius ſeparationem, quæ primæ tabulæ impreſſione con-

28 OBSERVAT. RARIORUM

contunditur, friaturque. Dicitur autem hæc fracturæ species Græcis θλάσις, sive θλάσις, infantulis læpius, ac tenellis contingens, teste Galeno libr. 2. de morb. causis cap. ult. classe 3. p. mibi 9. quoniam in his multo facilius fieri potest, utpote quorum ossa tenuia etiamnum, atque infirma sunt valde. Neque enim fieri potest, quin id, quod contunditur, cedat retro, intusque; quod vero ita cedit, tenue sit, nec omnino durum, requiritur.

Tales cranii depressiones in pueris, facile absque instrumentis Chirurgicis curantur.

De considerabili ac magnâ ossis frontis infantis depressione supra os Temporis ex lapidis jactu ortâ, pessimisque symptomatibus subsequenti-
bus, absque ullis tamen mali reliquiis ope fomentorum sanatâ, agit *Lyserus pag. 279. Item P. Marchettis p. 18., Riverius obs. p. 355. Sculteti armament. Chirurg. pag. 109. Rossius p. 121 nec non Smetius pag. 563.*

Ossa capitis depressa, inquit *Paræus lib. 9 cap. 5.* aliquando per se resiliunt resurguntque pristina æqualitati restituta, quod aliquando puerorum, feminarum molliorum, humidiorum, ac pituitosarum ossibus contingit, quod si ipsa per se non resiliant, admovenda est cucurbitula cum magna flamma, & imperandum ægro, ut ore, naribusque compressis, spiritum magnâ contentione fursum exprimat, &c.

In adultioribus hujusmodi Depressiones (cu-

te præsertim integrâ) rarissimè cernuntur. Quibus autem contingunt, iis, aliorum intuitu, tenue admodum est cranium, quod si tale non sit, haud dubie, si in tabulâ superiore non animadvertitur fissura, infima tabula magis erit divisa, quam suprema, quoniam, docente *Hippocrate*, illa in medio sui subsidere nequit. Id vero quibus contigit vitii, absque cranii terebratione vix sanantur nisi forte in exteriore ossis frontis prominentiâ depressio foret, cujus exemplum *Centur. nostræ secundæ observatione quartâ* daturi sumus. De plurimis jam adultis, quibus nec cutis, nec exterior cranii tabula, sed interior fracta fuerit, narrat *Tulpius fol. mihi 4, Sculteti Armament. fol. 212, Smetius pag. 570. Marcellus Donatus p. 560.*

De Cranii depressionibus in adultis absque manifestâ fracturâ, cutisve solutione, quæ fomentationibus, ac emplastris sanatæ fuere, scribunt *Carpus de fractura Cranii, Marcellus Donatus p. 531. libr. 5. c. 1, Laz. Riverius observ. pag. 327, Scultetus Armament. Chirurg. fol. 111. & 240.* Quærere equidem hîc liceat, utrum cranium depressum loco suo restituatur necesse sit?

G. Fabrit. Hildanus observat. centur. 2. obs. 3, & centur. 3. obs. 21. ut & epist. 90. fol. 1023, id ipsum asserit, adducens exemplum pueri honestæ familiæ decem jam annos nati, subtiliorisque ingenii, qui caput cadendo læserat, unde cranii de-

depressio prope futuram *Lamboiden* orta erat? Quod vero gravia non adessent accidentia, parvi fecere parentes hunc casum, ita ut ille puer postea memoriæ dono non tantum privatus, sed & pedetentim tantâ ingenii obrutus fuerit stupiditate, ut denique ineptus fuerit, qui quidquam addisceret.

Verum *Wurtzius* part. 2. cap. 6. ait, non tantî faciendam Chirurgo cranii depressionem, præstare judicans rem ipsam Naturæ perficiendam relinquere, parumque referre, utrum cranium nonnihil maneat depressum, nec ne, quoniam non semper, nec necessario inde impeditur cerebri motus lato satis spatio duram matrem inter, ac cranium superstitæ. Meo quidem iudicio Chirurgi operâ supersederi potest, si in infantibus collisiones cranii reperiuntur, non multum intro cedentes, quas nec fissura, nec fractura, aliæve comitantur accidentia graviora, ita tamen, ut, detonsis pilis, læsum locum fomentis adjuvemus, Modum invenient Chirurgiæ Tyrones apud *Julium Cæsarem Arantium* ad calcem comment. in lib. *Hippocr. de vulneribus capitis*.

Quando autem sive in infantibus, sive in adultis, depressio sine ex teriore fissurâ deprehenditur, ac gravia sese manifestant accidentia, omnino perforationem requirerem. Quo pacto infantum depressionibus eundem sit obviam, vide *Lyserum* pag: 278, *Paræum*, *Fabrit. Hildanum* centur. 2. obs. 5. fol. 83, *Sculcteti Arma-*
ment

ment. fol. 110. Cranium in pueris sub illæsis tegumentis, & citra divisionem depressum, cucurbitâ communi in suum situm naturalem reducunt quidam.

Quomodo vero adutorum sanandæ sint depressiones, vide *Job. Mekeranum pag. 18, Sculteti Armament. Chirurg. fol. 8. 112., &c. 193, 197, 200, 208, Item Riverium p. 326. 354. nec non Fabrit. Hildanum centur. 2. obs. 3. & 4. fol. 78, &c.*

Perficitur hæc cura ut plurimum terebrâ quadam *Triploide* dictâ, quâ pars depressa elevatur, cavendo tamen ne hæc ambas cranii laminas perforet, & duram matrem pungat.

OBSERVATIO VII.

Gravis casus capitis absque trepano sanatus.

UXor L. O. infortunio quodam in fulcrum incidit focarium, quod 25. libras pendebat, quo ita læsit caput, ut omnia deprehenderentur accidentia, in fracturis cranii observari solita: Quare judicarunt Medici, Chirurgique terebrandum esse cranium, licet vulnus tantum cum contusione absque fracturâ, fissurâ, aut depressione ossis animadverterent, ideoque statuerent requiri

32 OBSERVAT. RARIORUM
quiri loci perforationem. Eam autem
ægra admittere neutiquam volebat. At,
ecce! quarto decimo post læsionem die
caput ejus, faciesque admodum tume-
re, plurimisque hæc, ut & frons notari
coepit hinc inde vesiculis. Atque ita di-
cta mulier absque trepano, sed non abs-
que axilio divino, modo certe insolito,
paulo post omnino fuit pristinæ restituta
valetudini.

IN OBSERVATIONEM VII.

Vero simile est dictam materiam infernè
sub cranio prodiisse. Quoniam enim nul-
la manifeste deprehendebatur fractura, fissura-
ve, necesse est, tenuis ille, & serosus humor
per futuras, aut transfudationem, vel denique
per occultam rimam extra cranium pervenerit,

Id ipsum autem per transfudationem fieri posse
multi testantur Scriptores: ut *Thom. Bartho-
linus obs. centur. 2. hist. 41. pag. 214. Marcellus
Donatus de med. hist. Mirab. lib. 5. cap. 4. pag.
200, Wepferus pag. 398, Tulpinus obs. lib. 1. cap.
2. p. 4.* qui etiam profert exemplum in quo in-
numeræ sanguinis guttæ per calvariam (quæ ta-
men integra erat, quamvis aliquantum mutata
colore, adeoque naturali soliditate parum debi-
litatâ) erumpebant, instar roris universam cal-
variâ

variâ cooperientes : Quibus spongiâ aliquoties deterfis , repullularunt continuò & aliæ : monstraturæ velut nihil naturæ esse invium : sed omnia pervia, neque ossa ullibi tam solida, quin per ea libere permeet, cum sanguis, tum pus. *Galenus in librum 7. Hipp. Aphor. 54.* hæc confirmat dicens arbitrari *Hippocratem* , naturam semper , si robusta sit , materiæ viam moliri & invenire , etiamsi quam maxime crassa sit , & per exiles transitura meatus : quando per ossa etiam abscessus fieri dicat.

Sicut autem ab intra foras pus per calvariâ , ita etiam contra facilius foris resudat in interiora. Hac de re etiam videatur *Avicenna fen. 14 lib. 3. tract. 4. cap. 5.* ac *Jacobus de Carpo de signis commoti cerebri* , è quo *Marcell. Donatus de med. hist. mirab. lib. 5. pag. 200.* testatur contingere aliquando in capitis vulneribus non dari liberum saniei transitum per ipsum vulnus, eamque eo casu per porositates ossis resudare ad intra cranium, cujus rei testis est *Hippocrates lib. de vuln. cap.* dum scribit vulnera in posteriore cranii parte reperta minus esse letalia, quoniam os propter crassitiem diuturniori tempore pus contrahit & ad cerebrum inferius transsudat.

Petrus Marchettus celeberrimus Chirurgus, posteaque Chirurgiæ Professor *Paduæ obs. 12. pag. 24.* ait duo vidisse se exempla vulnerum capitis, ac contusionum absque fissurâ , in quibus sine terebratione mittebatur pus, quoniam id

per cranii poros, haud aliter, quam per cutem sudor, exibat; quamvis uterque hic æger, diutius dilatâ perforatione, postea decesserit.

Quare ille artem profitentes monet, si vulneratis medeantur, quorum symptomata arguunt internas partes etiam læsas, ut in tempore trepanano utantur, dictante etiam *Hippocrate si quid movendum videtur, principio move.* Unde sequitur, si terebrandum, initio terebra. *Joh. Baptista de Lamzweerde Append. observat. pag. mihi 238. obs. 11.* duo similia vidit exempla, in quibus saniei pars quædam per cranii poros transfudare conspiciebatur; huic autem evacuationi dum quidam nimium fiderent, serò trepani opera accessit: subjecta enim sanies aliquando nimis copiosa, tardiorque ejus est exoneratio, unde tandem internæ corrumpuntur partes. Et licet frequenter trepanum fracto fissove cranio utile sit, idem tamen quandoque, salvo etiam, atque integro cranio, adhibetur, præsertim cum timor est, ne intus vasa quædam rupta sint. Trepani enim ope non tantum sanguini effuso datur exitus, verum ita etiam inflammationi, putrefactioni, delirio, febribus, aliisque letiferis accidentibus itur obviam, quamquam hoc agendi modo artis magistri sperata non semper assequantur, optime id ipsum ostendente *Tulpio obs. lib. 1. cap. 1. pag. mihi 3. &c.* fieri enim potest, ut materia, quæ extra vasa sua fluxit, alio, quam quem ictus, casusve læsit, contineatur
lo-

loco. Ex gr: si finistrum alicujus *os parietale* lædatur, sanguis in adversam partem repulso quodam potest effundi, licet falce à se invicem separentur bina hæc ossa. Item: Si ictus, lapsusve frontem tangat, posteriore capitis parte potest manifestari sanguis, quod sequenti probatum imus observatione.

Continetur etiam quandoque humor qui effluxit, inter binas membranas, vel etiam sub piâ matre: uti is ipse inter cerebri fissuram supra *corpus callosum* in ventriculis aliquoties apparuit locatus, cujus posterioris ego postea narrationem institutam.

Aliquando etiam incerta sunt signa, quibus dignoscatur, ubi lateat, quæ efluxit, nec loco suo contenta materia, quamvis ea plerumque, si fractura, fissurave adsit sub eadem reperiatur, & nonnunquam alibi simul, notante *Tulpio obs. lib. 1. cap. 2. pag. mihi 4.* Contingit enim sæpius, (at non semper) ut vi illâ, quæ fit loco plagæ, vel ictus (quamvis nulla fissura, fracturave adsit) sanguis extravasatus ibidem reperiatur, qui exitum non inveniens, ac proinde ibidem tractu temporis putrescens, pravorum sæpe symptomatum, nec non mortis interdum causa est.

Verum quidem est, fieri aliquando, cum nec manifesta apertura cranii reperiatur, virium robore subjectam exonerari materiam, sive id eo fiat modo, de quo superiori observatione dictum, sive per nares, auresque, uti *Wepferus pag. mi-*

hi 223. ac Bartholinus centur. 2. hist. 4. pag. mihi 215. pluresque testantur, vel, quia aliquando per collum ad pectus, ventremve defertur, atque illic abscessus causa est, quod P. Marchettus obs. Med. Chirurg. 15. fol. mihi 35. sæpius se expertum ait, ac Jobus Mekeranus obs. cap. 2. pag. mihi 28. Paræus lib. 10. cap. 8. Marcellus Donatus lib. 5. cap. 4. pag. mihi 201.. nec non Roonhusius part. 2. lib. 1. obs. 3. pag. 190. indicant,

Qui vero viribus ægri, cum internæ læsionis deprehenduntur signa, solummodo fidere statuit, deceptum se sæpius, sed sero, dolebit.

OBSERVATIO VIII.

Unius, ejusdemque caput vigesies septies trepano terebratum.

PAulus Godefridus fæderati Belgii Procerum, dum viveret, Chirurgus supremus, mihi retulit. Illustriss. D. Philippi Nassavii caput ab Henrico Chadborn Chirurgo Neomagensi vigesies septies perforatum esse. In cujus rei fidem dictus Godefridus mihi veritatis testimonium ipsius Ph. Nassavii Chirographo munitum donavit, quod etiamnum domi meæ servatur, atque hujus est Argumenti.

Ego

Ego infrascriptus attestor me ab Henrico Chadborn Chirurgo Neomagensi, postquam vigesies septies mihi caput perforasset, recte fuisse sanatum. Datum Weichemi 12. Augusti Anni 1664.

IN OBSERVATIONEM VIII.

Philippus Hic Nassavius Weichemi Dominus, pagi duabus horis Neomago distantis quondam inter Equites Præfecti munere fungens militaverat, eratque filius Iustini Nassavii Gubernatoris olim Bredæ, quem Guilelmus Primus Arausionum Princeps extra matrimonium genuerat. Ille equo exciderat obverso in polum capite monstrabantque symptomata haud dubie alicubi sanguinem vasis suis emissum esse, quare terebratio cranii certa fuit, quâ aliquoties frustra in osse frontis, atque alibi factâ, visum fuit Trepanum etiam posteriori capitis ossi admoveere, si forte repulso vas quoddam sanguiferum ibidem ruptum fuisset. Quod ita se habere compertum: ac post vigesimam septimam demum perforationem manifestavit se in Occipite sanguis coagulatus. Dictus Dominus aliquando acum comatorium argenteam per utramque perforati cranii partem trans mittebat, videntibus id ipsum amicis, qui vulneris obligationi intererant. Ipse tamen satis feliciter fuit sanatus, valetudinemque, ac

ingenium conservavit integrum, vixitque multos annos postea, ita etiam, ut vini haustum majorem, salvo mentis sanæ usu, ferre posset.

Glandorpins speculi Chirurgici obs. 3. fol. 46. Narrat *Adrianum Spigelium Professore Chirurgie Paduæ* aurigæ cuidam medicinam fecisse, cujus dextra capitis pars vulnerata, contusumque, ac fissum fuisset cranium, cujusque os parietale ipse septies perforaverit, ita ut magna cranii pars auferretur. Sæpe etiam, ubi magna depressio fragmenti cujusdam ossis capitis adest, variæ requiruntur perforationes ad dicti ossis extractionem, quale exemplum *Sculdetus Arment. Chirurg. obs. 7 fol. 198.* describit, in quo circum depressum os septem factæ fuere terebrationes.

Sæpe etiam illud ipsum necessarium est valde cum nempe superioris tabulæ parva, inferioris autem magna est fractura.

OBSERVATIO IX.

Gravis lapsus capitis non sine ipsius cerebri Læsione.

Mense *Augusto* an. 1671. ego cum hujus urbis Medico *Arnoldo Boschio*, nec non Chirurgis *Petro le Francois*, *Paulo Terharo*, ac *Nicolao Winterkamp* arces-

fi-

situs fui à *Joh. la Court* 17. annorum ju-
 vene, cujus Pater *Belgii Procerum* mini-
 ster erat, qui Juvenis é tecto D. *Sixii*
Curiae Hollandiae Senatorum à secretis
 ceciderat, dum erigendo camino cum
 aliis operabatur, plusquam octoginta
 pedum altitudine supra terram educto.
 Cadentis bracca alicubi affixa hæsit,
 ruiturumque velut mitius labi voluit,
 quamquam paulo post verso in terram
 capite præceps miserrime decideret.
 Ipse aliquamdiu animi deliquium passus
 domum delatus est: ac continuo ipsi ve-
 na secta fuit, unde parum ad se rediit.
 Capite à Chirurgis ubique tentato mag-
 na sese in sinistro *osse parietali* manifesta-
 vit fissura à futurâ *Coronali* ad os frontis
 procurrens, seque ad illius ossis promi-
 nentiam usque extendens supra oculum
 sinistrum, ubi fractura satis magna re-
 perta fuit, per quam cerebri substantiæ
 pars effluebat; atque læva pars cranii to-
 ta quanta cute, nec non pericranio de-
 stituta erat eo spatio, quod adulti ho-
 minis vix tegeret palma. Omissa hic
 fuit terebratio, utpote vix necessaria,

40 OBSERVAT. RARIORUM
fat latè hiantibus ad effusi sanguinis evacuationem cranii rupturis.

Quod vero in hoc patiente mirandum duco, dicam: vulnere nempe quotidie inspecto, obligatoque, cum continuâ puris bene cocti ejectione, atque etiam partis cerebri amissione, ipse ad septimum decimum usque diem nullâ laboravit feбри, quo etiam tempore dentes passim sine dolore satis arcte comprimere potuit; post illud autem linguâ subito obmutescente, vita intra biduum misero é corpore recessit.

IN OBSERVATIONEM IX.

PRæclarè *Hippocrates Aphorismo primo vitam brevem, artem longam, occasionem præcipitem, experimentum periculosum, judicium autem esse difficile* dixit. Quæ posteriora verba in vulneribus capitis præcipue considerata existimo. Nullibi enim magis Medici, Chirurgique falluntur errantque. Ipse ne nos usus docet plurima capitis vulnera primo intuitu minime visa gravia postea deflendas malorum extitisse causas? Anne etiam letalia visa fuere, quæ nullius prope momenti esse tempus ostendit? Idem *lib. 7. aphor. 58. quibus, inquit, occasio-*
ne

ne aliquâ cerebrum fuerit vehementer concuſſum
mutos protinus fieri eſt neceſſe. Eadem prope
 alibi in ejus ſcriptis reperiuntur, ut *lib. De mor-*
bis, Cui, inquit, Cerebrum concutitur, dolet-
ve, is ſtatim obmuteſcat, nec videat, audiatve,
neceſſe eſt. Et in *Coacis* §. 499. addit: *Cerebri*
concuſſionem lapſu poſſe fieri, eos autem, quibus
ejusmodi concuſſio accidit, ut plurimum mori.
 Verum enim vero *Hippocratem* prædictis locis
 non de quavis cerebri concuſſione ita ſtatueret,
 ſed de inſolito tantum, vehementique putan-
 dum eſt, atque eâ, cui gravior quidam caſus,
 ictu ſve dedit cauſam, quâque patientes veluti
Apoplectici abſque ſenſu, motuque ferme con-
 ſpiciuntur. Quando enim tam gravis non
 eſt cerebri concuſſio, nec mutos, nec *paralyti-*
cos illico efficit, ſed lente, ac poſt aliquot ple-
 rumque dies, uti ei contigit, de quo *R. Dodo-*
neus cap. 1. obſ. med. 1. fol. 1. narrat, nec non
 illi, de quo modo citatus *Hippocrates* memo-
 rat, quique à *Macedone* quodam ictu lapidis
 in caput iniecti vulneratus humi procubuit, ac
 tertio demum die obmutuit, quique non ſine
 multo angore, febriculâque, nec non ſurditate
 & delirio tandem deceſſit.

Hujus ratio hæc dari poteſt, quod ſanguis
 initio extra vaſa effundi incipiens non ſtatim
 ad eam quantitatem effluxerit, quæ tot ſympto-
 mata producere poſſit. *Valleriola obſ. Med. lib.*
5. obſ. 9. fol. mihi 348. memorat de ſutore *Ave-*

nione agente in capite gravi vulnere percusso cum cranii fracturâ ad duram usque meningem pertingente resolutione simul, & convulsione post septimum diem correpto, quem linguæ usus destituerit quique eodem in statu totos septem dies permanferit. Curatum autem postea hunc fuisse magno labore, & nullâ relictâ labe integræ tandem restitutum valetudini narrat. Observandum autem existimo huic homini (licet ualde vulneratum esset ejus caput, cerebrumque vulneris inflictione haud dubie concussum) initio cerebrum non ita fuisse læsum, ut vocis defectui causam daret, quamprimum vero ad ipsum cerebrum malum pervenisset, tum demum vulneratum obmutuisse, nempe post septimum diem, cum ipse pariter delirare, *paralysique*, quam & *spasmus* comitabatur, invadi inciperet, propter tensionem proculdubio, inflammationemque duræ matris cerebrum obtegentis, quæ prædicta peperit *symptomata* cerebri læsionem per consensum indicantia. Quale exemplum *Marcellus donatus adducit lib. 5. de hist. mirab. pag. mihi 557. excerptum ex Appendice prædicti Valleriolæ ad loca communia.*

Hunc autem patientem, de quo modo narravimus, non voce tantum, sed & visu, audituque privatum, ac veluti *Apoplecticum* aliquandiu fuisse supra ex observatione liquet. Quoniam vero illi, quamprimum fieri potuit, vena scindebatur, ut affluxus sanguinis ad læsam

par-

partem histeretur, & quia præterea, quæ extra vasa sua effluxerat, materia per fracturam aliquo modo exonerabatur, non usque mirum cuiquam sit, si paululum ad se redierit, licet propter vulneris magnitudinem gravitatemque mortem non effugerit.

Nec sane quisquam miretur ipsum post dictum casum semper dentes potuisse comprimere. Ad notitiam enim fracturæ cranii, non semper inquirendum num patiens dentes arcte conjungere, vel sine aliquo malo ferrum mordere, vel etiam lapillos morflu frangere queat, quoniam ejusmodi experimentum non usque adeo certum est, ut & sentit *Paræus lib. 9. cap. 2. pag. mihi 199. aph. 6.* quamquam *Hippocrates Coacis lib. 3. tract. 2.* Hunc inquirendi modum admittat. Hic enim modus tum maxime usu venit, cum ossis cujusdam depressio facta est, quod cerebri membranas stimulare, ideoque gravem dolorem ciere valet.

Adeorum quæ modo dixi, fidem facit exemplum sequens, quod *Sculdetus Armament. Chirurg. obs. 19. pag. 217.* de imperatorii exercitus milite quodam narrat 27. annos nato, cujus occipite gladio læso, non tantum cranium, sed & membranæ, ipsumque cerebrum vulneratum erat nono *Augusti* die an. 1638. quamvis hoc vulnus artis quidam ignarus tanquam levius sanare gestiebat usque ad ultimum *Januarii* an. 1639. quo in *Nosocomium* delatus est vulneratus: ad quem

quem dictus *Scultetus* cum aliis arcessitus, post debitam inquisitionem specillo factam, ita læsum reperit cerebrum, ut magna inde saniei copia proflueret. Die 17. *Februarii* in dextro latere stuporem sensit, ac vegesimo idem reperi-
tum est *paralyticum*. Die 22 ejusdem mensis vocis demum usu privabatur patiens, dein lethargo corripiebatur, dextrumque brachium epilepticis convulsionibus huc illuc commovebatur, ita ut 23 *Februarii* (postquam jam sex amplius menses post inflictum vulnus vixisset) decederet; illud autem hic animadvertendum est, quod is, non obstant tam gravi capitis vulnere, non avellanas tantum nuces, sed & juglandes imo etiam cerasorum pomorumque *Persicorum* lapillos dentium morstu fregerit, quin & munere suo militari functus, nec unquam de cephalalgia fuerit conquestus. Magis autem certe mirandum est, ipsum tam graviter læsum nullâ laborasse febris, ipso etiam *Hippocrate* dictante *lib. 6. aph. 50. Quibus divisum est cerebrum, his febrem supervenire necesse esse*. Quæ verba idem repetit *lib. 1 de morbis. Coac. autem lib. 3. tract. 2. aphor. 3. plerumque febrem eos invadere* tradit. Defectus febris forsitan causa fuit exoneratio effluentis puris (quæ febris plerumque alias est causa) per dictam fracturam, hiatumque ab initio usque facta: fuitque hic patiens nimia forte hujus humoris copia ortâ ab aliquo errore, neglectuve, vel etiam externâ aliâ causâ subito oppressus:

Qua-

Qualem errorem dictus *Sculdetus* eum edendo sæpius commisisse memorat. Quin & naturale ejus robur fortassis, bonumque tem peramentum, validum, minimeque antea morbosum corpus, aliæque circumstantiæ à febre, aliisque symptomatibus tam diu defendere.

Sic quoque *Berengarius de fractura Cranii cap. 4. fol. 3. & cap. 13. fol. 84., &c.* se vidisse ait vulnera non membranarum tantum, sed & ipsius cerebri, quibus nec febris, nec aliud quoddam symptoma sese junxerit.

Prædictus etiam *Valleriola obs. Med. lib. 4. pag. mihi 300.* testatur *Claudii Allobrogis* caput gladio ita fuisse percussum, ut illud totum quantum ab unâ ad aliam partem ad futuram *Lambdoiden* usque disseicaretur; nec hic unquam, ut scribit, febri laboravit, ullumve eorum pertulit symptomatum, quæ ita vulneratis plerumque supervenire solent.

Nicol. fontanus Respons. & Curat. Medicin. lib. 1: pag. mihi 13. Militis cujusdam mentionem facit, cujus ipsa cerebri substantia hasta cæsa fuerit, quique postquam cicatrice vulnus obductum, multaque ossis fragmenta ex eo sublata essent, sex amplius hebdomadas continuas sano satis corpore aliis ægris ministraverit. Is cum post membrorum contractionem octavâ moretur hebdomade, dictus scriptor in causam tam inopinæ mortis inquirendi avidus fuit, reperitque partem cerebri jam putrefactam, corrup-

46 OBSERVAT. RARIORUM
ruptamque , ac visu mirabilem , imo penitus
consumptam , atque in putrilaginem mutatam.
Hunc tamen idem *Fontanus* nunquam febris la-
borasse , mutumve fuisse memorat.

OBSERVATIO X.

Abscessus intus in ipso capite.

I. V. B: ultra 60 annos natus , corporu-
lentusque jam aliquamdiu pulvere
sternutatorio usus fuerat , unde paula-
tim veluti quoddam pondus in anteriori
capitis parte animadverterat , quod tan-
dem abscessus in cerebro sequebatur ;
quandoquidem ille quodam tempore
copiam bene magnam tam viridis , quam
flavæ , sed putentis puris dextrâ exone-
rabat aure : quod ipsum illi initio quod-
dam levamen afferre visum ; ita ut libe-
ratum sese à diuturnâ illâ cerebri obstruc-
tione (ita enim vocitabat) jam sibi firmi-
ter persuaderet. Verum paulo post men-
tis usus deficere , nervique contrahi coe-
pere , ita ut ipse intra biduum fere post
ruptum abscessum moreretur.

IN OBSERVATIONEM X.

ABus pulveris sternutatorii nunc temporis maximus est, eoque multi in tam perverſam trahuntur conſuetudinem, ut ne minimo quidem temporis intervallo eo uti deſinant: quamquam fatendum ſit alioquin hunc pulverem debito modo, ac tempore ſumptum, cum nimio ſcilicet humore gravatur cerebrum, non inutilem eſſe, verum tum eorum corpora antea bonis remediis præparata ſint, oportet, aliter continue corporis humores ſuperflui exonerantur per caput, iidemque è toto corpore ad optimam, nobiliſſimamque ejus partem vergunt, quibus emittendis non ſolum longe vilior, ſed & multo aptior nobis via conceſſa eſt. Præcipue autem nocet ille pulvis ſternutatorius, cum *Helleborus Albus* ei miſcetur, cujus rei *Theod. Kerkringius obſ. Anat. cap. 2. pag. mihi 3.* flebile memorat exemplum cujuſdam ruſtici, quem inter vectores navis Harlemon Amſtelodamum vehebat, quique circumforanei cujuſdam perſuaſu ejusmodi pulveris periculum faciebat, quo tam vehementer ſternutare primum, deinde & tantum emittere ſanguinis per naſum cœpit, ut tanquam mortuus humi procumberet, ac portatus *Amſtelodamum* aliquamdiu ibi remanere neceſſe habuerit.

Thiermairius lib. 2. cap. 9. fol. 133. ſe expertum

48 OBSERVAT. RARIORUM

tum ait quendam potui valde deditum, crebris sternutationibus valde commotis capitis humoribus, atque ipso vehementer concusso cerebro, depressoque, in *Apoplexiam* incidisse.

Simon Pauli Tract. de abusu herbarum Tabaci, ac Thè periculosum esse scribit assuescere minutatim contriti tabaci usui, quoniam sæpe patuit eos qui eodem abundanter usi sunt, odoris privatos fuisse dono, sive dictæ herbæ pulvis, odoratus instrumento distinguendi ademerit vim, sive ossis *cribrofi* foraminulis paulatim occlusis, variis odorum generibus ad cerebrum penetraturis viam obstruxerit.

Plurimos idem fuisse tradit, qui nimio ejusdem pulveris usu cæci evaserint, quia viscosus humor in visum incidens, nervorum opticorum obstructionem effecerat. De aliis itidem narrat, quibus vehementioribus sternutationibus venæ in capite apertæ, & disruptæ fuerint.

Th. Bartholinus Actorum tom. 2. pag. mihi 166. De puellâ quadam narrat, cui postquam succum rad. *Betæ* naribus attraxisset, illico non sine maximo, ac intolerabili fere dolore, caput ita tumuit, ut altero tanto majus videretur, quam quidem naturaliter esset. *G. Fabrit. Hild. centur. 1. obs. 24. pag. mihi 26.* de puero quatuordecim annos nato memorat, qui, plegmatici habitus cum esset, sponsione cum socio factâ, centies se exiguo temporis intervallo sternutaturum promiserat, quod cum crebris na-

rium

rium titillationibus, stimulationibusque jam pene perfecisset, magna mox illi *cephalalgia*, visusque imbecillitas supervenit, quem postridie totum absque oculorum inflammatione, febrive (erant enim *Optici Nervi* obstructi) amisit. Postquam autem illi corpus idoneis remediis purgatum, setaceumque ejus cervici, nec non cucurbitulæ humeris admotæ fuissent, intra paucos dies visum recuperavit.

Zodiaci Medici Gallici, anni 1. obs. 2. fol. 44. legimus quandam *Matronam*, quam jam per annos octo *Cephalea* infestaverat, levaminis ergo sternutatorio usam fuisse, quod multis sternutationibus effecerit, ut *diaphragma* ita ventriculum premeret, ut ipse depressus ita pendere pergeret.

OBSERVATIO XI.

Abscessus in cerebri Ventriculis.

CUM fabri cujusdam ferrarii famulus, cui nomen *Martino*, equo caudam amputasset, jamque, ut reliquam partem ignito ferro ureret, intentus esset, equus septo clausus calce supra trabem, quam transversam vocant, elevatâ frontem paulo supra supercilium percussit ita, ut ibidem cranii fractura reperiretur,

50 OBSERVAT. RARIORUM
salvâ tamen secundâ tabulâ , quoniam
cranium eo loco insigni concavitate præ-
ditum est. Continuo illi syncope super-
venit , multumque sanguinis naribus
emisit , & quoniam abundabat , hu-
jus illi non parum adimi jussi , postea
valde somniculosus , parumque mentis
compos evasit , quandoque etiam li-
gamina , & fascias dissolvebat , ac sur-
gebat è lecto , seque vestiebat. Quar-
to tandem die febris superveniente , ip-
se quinto obiit. Aperto capite , reper-
tus in cerebri ventriculis Abscessus.

IN OBSERVATIONEM XI.

EX proximis duabus observationibus patet
Abscessus in capite tam internis , quam ex-
ternis causis nasci ; cujus rei Chirurgiæ Scripto-
res minimam passim , & non nisi pro parte ,
mentionem fecere : quamquam ego hac de re
nullibi reperiam plura , quam apud *Botium de*
affectibus omissis cap. 1. 2. & 3. Hi abscessus
sefe manifestant vel supra cerebri membranas ,
uti *Laz. Riverius obs. a P. Pacheco commu-*
nicatis obs. 38. pag. mihi 30. testatur , de tribus
abscessibus in diversis subjectis sefe manifestan-
tibus omnibus tamen (si satis recte animad-
ver-

vertantur circumstantiæ) inter cranium, du-
ramque matrem ortis; Vel iidem etiam inter
utramque cerebri membranam proveniunt,
uti ipse ante sex annos satis aperte sum exper-
tus in *Theodoro Drebus caupone*, *cujus ædi-*
buis Liesveldica impressionis Bibliorum signum
affixum erat, hic Hagæ commorante, ut
& paulo ante in cujusdam famulo, utroque vul-
neribus, altero quinto, altero undecimo die ex-
tincto.

Iidem etiam reperiuntur in sinibus duræ
matris tam in anteriori, superiorive, qui totum
cerebri corpus sub sagittali futurâ magnâ, latâ-
que aperturâ usque ad corpus callosum in duas
partes distinguit, quam in posteriori, quo in
occipite cerebrum a cerebello separatur, de
quibus dictus *Botius de aff. omissis cap. 1. pag. 1.*
latius. Aliquando iidem abscessus in cerebri
ventriculis reperiuntur, ut proximâ observatio-
ne monstratum. Denique & in ipsâ cerebri sub-
stantia, cujus rei iidem *Botius cap. 3. pag. 13.* ad-
fert exemplum, nec non *Bartholinus centur. 2.*
hisl. 34. pag. mihi 205. *Dodonaus obs. cap. 7.*
pag. mihi 18. & cap. 2. fol. mihi 5. *Tulpius obs.*
lib. 4. cap. 1. pag. mihi 292. *Blasius obs. 17. part. 1.*
pag. mihi 29.

Id ipsum etiam confirmat *Hippocrates aph. 50*
lib. 7. & Coacis prænot. sect. 2. pag. mihi 48. ubi
ita scribit: *quibus cerebrum sideratum est, intra*
tres dies intereunt: si vero hos superaverint, sani
sunt.

52 OBSERVAT. RARIORUM

Nonnulli dictorum Abscessuum, tradentē *Botio*, membranâ circumvolvuntur, alii haud item; membranâ autem involutum, *Vomicam* appellat *cap. 2 & 3.* qualis vomicæ ille ibidem duo profert exempla: priorem abscessum, qui inter cranium, ac duram matrem erat, *Vomicam Hypocraniam* dicit. Alterum, quoniam in cerebri substantia latebat, *Vomicam Cerebri* appellat. *Wepferus obs. Anatom. pag. mihi 398.* narrat de quadam, quæ ovum gallinaceum magnitudine referebat, ac veluti tunicâ pennæ columbinæ crassitie pari induebatur, dextroque in cerebri ventriculo latebat.

Borellus Hist., & observ. Rarior. med. phys. cent. 1. obs. 73. pag. mihi 72. testatur alicui se medicinam fecisse, qui post gravem *Cephalalgiam*, cui pellendæ omnia nequicquam adhibita erant, subito fuerit sanatus post ruptum *apostema* cerebri, purisque per os, nares, aures, oculosque emissionem.

Hunc liberationis modum confirmat *Hippocratis Aphorismus 10 sect. 6. cap. dolenti, & vehementer laboranti pus, vel aqua, vel sanguis per nares, aut os, aut aures effluens morbum solvit.*

OBSERVATIO XII.

*Lapillus in Glandulâ pineali, ac vasis
spermaticis repertus.*

CUM cadaver cujusdam mulieris ante annos aliquot hic Hagæ in *Theatro Anatomico* à Fratre meo *Job. Stalpartio vander Wiel* Medico aperiretur, vidi in *Glandulâ pineali* lapillum magnitudine grani Cannabini. Alii etiam in vasis spermaticis viscebantur. Unde merito quis concluderet dictam Glandulam non esse Animæ sedem, nec præcipuas ejus operationes (quod multi statuere) ab eâdem provenire. Quoniam etiam eadem hæc glans in multis animalibus, quibus nec imaginatio, nec memoria, nec excellentes Animæ operationes esse videntur, satis magna reperitur.

IN OBSERVATIONEM XII.

R Egnerus de Graef epistolâ ad G. Joachim: *Elfnerum* (quæ extat *Miscell. curios. Med. Phys. anni 1. obs. 127. pag. mihi 285*) reperisse se ait in *Glandulâ Pineali* plurimas arenulas
D 3 asperas

54 OBSERVAT. RARIORUM

asperas, quarum nonnullæ ob magnitudinem calculi nomen merebantur. Quod & *Bartholino Act. rom. 2. pag. 34.* accidit.

Jobus Mekeranus cap. 55. pag. 336. duos fere rotundos lapillos in dictâ Glandulâ se reperisse narrat.

Justus Schraderus obs. Anat. Med. Dec. 1. obs. 3. pag. 186. expertum se refert dictam glandem quandoque fuisse ejusmodi rudiori materiâ plenam. Ipsemet vidi nuper inter rariora Clariss. Viri *D. Anth. Nuck*, Anatomiam hic Hagæ, cum laude publicè profitentis 14. inæquales lapillos, quos se Lugduni Batav. è Glandulâ pineali cujusdam cadaveris extraxisse, ac omnibus ostendisse aiebat.

In plurimis humani corporis partibus lapillos produci posse quotidianus usus docet, multorumque testantur scriptorum id ipsum expertorum monumenta.

A multis eorum iidem in capite reperti memorantur. Ita *Schenkius in Lithogenesia cap. 1. fol. 1. &c. Dominic. Panarolus pentec. 5. obs. 14. p. 150, Isaacusque Cattierius obs. 15. p. 45.* id ipsum de lapillo sub dura matre nato, eique adhærente, ostendunt.

Kentmannus de Lapid. in corpore inventis, refert de lapide in cerebro reperto, mori figuram, magnitudinemque habente.

Cornel. Gemma lib. 2. Cosm. cap. 6. de paulo minore narrat. Ejusmodi lapillorum exempla

reperies plura apud *Brassavolum comm. ad Aph. 26. lib. 3. Hippocratis. Thom. a Veiga, Holler. schol. cap. 48. pag. 508.*

Kerkringius obs. 35. pag. 77. Lapillum avellanæ nuci magnitudine parem in dextro invenit cerebri ventriculo.

De calculo in cerebro ad falcis dextram partem invento, monent *miscell. med. phys. curios. German. decur. 2. an. 1. obs. 131. fol. 332. Guilh. Fabrit. Hildanus centur. 1. obs. 11.* in aperto capite filii *D. Bernhardi ab Hazveld* Lapidem è gypseâ materiâ concretum, & membranâ inclusum in posteriore capitis parte, inter duram, & piam matrem, invenit fortiter adhærentem.

Th. Bartholinus hist. Anatom. 33. centur. 1. p. mihi 48. Nobilem quandam virginem per nasum varios calculos emisisse memorat.

Georg. Horstius lib. 4. obs. 47. mentionem facit lapidis parvæ castaneæ magnitudine paris, qui post *cephalæam* pone nasum per palatum ejiciebatur.

Nonnulli quandoque calculi in ciliis inventi fuere, ut *Ætius, Juliusque Scaliger de subtilitate exercit. 108. sect. 34. testantur. Zod. Med. Gall. an. 1. fol. 81* fit mentio calculi, phaseoli magnitudine in origine, atque in ipsâ nervorum opticorum substantiâ reperti, qui cephalalgia, nec non cæcitatis causa fuerat.

De calculis è cantho majori oculi virginis cujusdam post diutinos dolores digito expressis le-

gantur. *Ephemerid. Gallic. an. 1679 mens. Mai fol. 138.*

Sæpius etiam sub linguâ reperiuntur testantibus *Gentili, Abenzoare, Th: a Veiga, Alex. Benedicto, H. Montuo, Cardano, Fouberto, Kentmanno, nec non Borello, &c.* De calculo sub linguâ feliciter exciso magnitudine nucis avellanæ referunt *Ephemerides Germ. Decur. 1. an. 3. obs. 1. fol. 1., &c.*

N. Tulpus obs. lib. 2. cap. 25. pag. 141. provenire eos vidit ex ipsâ linguâ, ut & è colli glandulis.

At *Joh. Langius lib. 2. Epistol. Medicin., Kentmannusque, & Avicenna* intus è colli tonsillis eos procedere viderunt. *Borellus obs. 87. centur. 2. ex apostemate humeri.*

Kerckringius obs. 27. pag. 65. eosdem invenit supra arteriam Tracheam pendulos. *Schraderus autem obs. 3. Dec. 1. fol. 186.* eos reperit in glandulis supra asperam arteriam positis.

Multi illos ex ipso pulmone viderunt ejici ibidem natos, quod & postea *obs. 28.* demonstraturus sum. Sæpissime itidem illi in ipsis tam hominum, quam brutorum cordibus apparuere, testibus *Bartholino hist. Anatom: cent. 6. obs. 93. pag. 365, Zacut. Lusitano pr. admir. lib. 1. obs. 131 pag. 122. Hollerio cap. 29 de morb. internis, lib. 1. in scholio; ut & in scholio cap. 59. p. 531, Th: Erasto in consilium Scholzii num. 103.* Lapidum etiam variè figuratorum in ipsâ cordis sub-

substantiâ repertorum mentio fit *Zod. Med. Gallico an. 2. fol. 122.*

Modo adductus *Greg. Horstius obs. 47 lib. 14. pag. 238.* narrat prope valvulas dextræ cavitatis cordis lapillum fuisse repertum instar minoris, planiorisque castanæ, membranaceæque valvularum prædictarum substantiæ adhærentem.

Alii in ramo arteriæ aortæ prope sinistrum renem sito delituere, uti videre est apud *Tulpium lib. 2 obs. cap. 25. pag. 141.* Alii in fundo arteriæ pulmonalis, ut apud *Corn. Gemmam.* De lapillo avellanæ nuci simili initio arteriæ pulmonalis affixo scribit *Rhodius cent. 3 obs. 4 pag. 130.*

Apparuere etiam in Arteria Carotide, ut patet ex Epistolâ *R. de Graef* ad *Joach. Elsnerum* missâ *Ephemerid. German. an. 1. pag. 285.* In venâ thoracicâ apud *Tulpium lib. 4. obs. cap. 21. pag. 328.* In venâ portæ repertos narrat *Columbus.*

De lapide in ventriculo invento scribunt *Anth. Musa Brassavolus, Hollerius in scholiis cap. 48, Gentilis Thom. a Veiga, Gilbertus Anglicus, Conr. Gesnerus, Corn. Gemma, Marcellus Donatus; Item in Miscell. Curios. Med. phys. Dec. 1 an. 2. obs. 181 pag. 278, & decur. 2 an. 1 obs. 32. fol. 67.*

De simili itidem *G. Horstius in Epist. medic. lib: 1 sect. 9, nec non Fabrit: Hild: centur: 6 obs: 22.* De lapide in hepate invento postea *obs. 45* agam. Eisdem etiam in vesiculâ fellis reperiri

minimè novum est; Scæpius enim illud contingit. Rarius tamen eisdem videas in mesenterio. Cujus tamen rei *Hollerius* cap. 48 pag. 508 exemplum profert, ut & *Fernelius*, *Thom. a Veiga*, *Corn: Gemma*, nec non *Scholiographus ad Galeni lib: de loc. affectis*, ubi latius.

Hoc anno 1686 D: *Professor Anth: Nuck*, (cujus modò mentionem feci) in mesenterio cadaveris muliebris, me, aliisque artis Medicæ peritis præsentibus, invenit lapillum, dicens se olim majorem illo in *Pancreate Asellii* reperisse, quod è viscere varios extractos fuisse, se præsentem, testatur Cl: *Wilhelmus ten Rhyne Schediasm. de promontorio bonæ spei fol: 34.*

Quandoque & in Intestinis cernuntur, uti videre est apud *Ludov: Duretum* cap. 48 *Hollerii de morb: internis* pag. 517, ipsumque *Hollerium in Scholiis* cap. 48 p. 508. Quibus adde *Khazen lib: 10 cent: cap: 2, & c. Gentilem, Anth: Musam Brassavolum, Anth. Guainerium, Columbum, denique & Trincavellium* aliosque. *Matth. de Gradibus ad Rhafis* cap. 2 de Colic tres vidit duros admodum, ovisque gallinaceis magnitudine pares. Idem testantur *Franc: Pedemontanus. Anth: Benivenius* de quodam ovo columbino simili loquitur; De aliis nuci juglandi paribus agunt *Fernelius Pathol: lib. 6 cap. 4.* Verum *Ioh: Arculanus* se prope 50 vidisse à muliere per anum ejectos. Ultra mille lapillos nucleis mespilorum, vel mali aurei non absimiles ex-

cretos fuisse per alvum, fidem nobis faciunt *Miscell. curios. med. phys. German. decur. 2 an. 1 obs. 96 fol. 222.*

De lapidibus in Liene repertis agere video *Hollerium in schol. ad cap. 48 Gabr. Fallopium, Turneiserumque. De iis itidem narrant Laurentius Wolfstrigelius obs. curios. med. phys. decur. 1 an. 2 obs. 89 p. 163, Vesalius lib. Fabricæ Hum. corp. 5 cap. 9. Isbr: de Diemberbroeck Anat. corporis humani fol. 146.*

In matrice repertos aiunt *Hippocrates 7. de morb. popul. & lib. de humoribus, Item Galenus lib. de humoribus, Aetius sect. 6. cap. 98. Hollerius in scholiis cap. 48. Duretus in cap. 48. Hollerii, Marcellus Donatus hist. mirab. med. lib. 4. cap. 30. fol. 522. Corn. Gemma, Joh. Wierus, ac Thom. a Veiga. Ex utero prodiisse calculum 4. librarum, colore fusco, & multis eminentiis præditum meminit Bartholinus centur. 4. hist. 64. De calculo 44, annos in utero gestato refert Hippocrates lib. 5. epidem. parte 12.*

De abortu, qui 28. annos in utero delituerat, ibique in lapidem versus erat, refert *Alboisius.*

De matrice ne lapidi quidem duritie cedente narrant *Schenkius Lithogenesix cap. 16. pag. 61. Marcellus Donatus lib. 7. cap. pag. 663 miscell. curios. med. phys. decur. 1. anni 2. pag. 118.*

De lapillis in testiculis eorumque membranis inventis memorant *Paulus Aegineta, Conrad. Gesnerus, felix Platerus, ut & Schenkus li-*
tho-

rhogenesiâ. Fab. Hild. autem centur. 6. obs. 57.
de quodam narrat, qui per scrotum penetrarit,
cujus etiam exemplum postea dabimus.

Cnoblochius obs. propriis anno 1569. in dextro testiculo decollati cujusdam hominis lapillum subalbidum lentis magnitudine se invenisse, eumque, quod rarius sit, in hunc usque diem asser- vare scribit. De alio inter testiculum, & membranam intimam reperto lege Zod. med. Gall. an. 2. fol. 122. Gubernator Promontorii bonæ spei, vir probatissimæ fidei, ut ait modo adductus W. ten Rhyne eodem schediasmate, calculum è medietate virilis testiculi exsectum, & propter adamantinam pelluciditatem annulo insertum, se possedisse, ast eum superstitioso, & ingentem de eo amuleti vim ventilanti, nigratarum Regi donasse ait.

Borellus centur. 1. obs. 4. pag. 8. mentionem facit lapidis ex ulcerato crure provenientis, quale exemplum postea observat. 92. dabo.

De simili etiam testatur *Galenus lib. 2. de tumoribus, & 2. ad Glauconem, nec non Arculanus comment. ad cap. 69. Avicen. G. Fallopius Joh. Kentmannus, Trincavellius, Parausl. 24. cap. 19. de monstris, & prodigiis: Item operum suorum lib. 6. cap. 19. de Tumoribus, his adde Marcellum Donatum cap. 30. lib. 4. p. 526.*

De lapidibus è medio Deltoideo musculo exemptis testatur *D. de Blegnii Zod. med. Gall. an. 2. fol. 122.*

Denique & lapilli proveniunt ex ipsis juncturis, quod satis norunt illi, qui podagra laborant. De his autem vide *Schenkii Lithogenesiæ cap. 19. Joh. Kentmannum, Anth. Musam Brassavolum, Cæl. Rhodiginum, Zod. med. Gall. decur. I an. I. fol. 99. aliosque.*

Chirurgus *W. à Bourgognie* nuper lapillorum numerum ingentem è genu cujusdam fœminæ infra patellam, paululum his urgentibus sursum pressam, sustulit, quorum ipse aliquot vidi.

OBSERVATIO XIII.

Turunda è capite per nasum emissâ.

Retulit mihi *Henr. Holegeest*, Chirurgus Hagiensis arcessitum se fuisse ad *Petrum Makaa* cespites Limosos (Hollandiæ illi paludibus eduntur, ac postquam solibus inaruerè, ligni præstant usum) acceptâ mercede in emptorum solitum deportare ædes, in cujus osse frontis ipse fracturam repererit ensis capuli summitate factam. In quod capitis vulnus cum quotidie varias turundulas filis, ne interiora peterent, alligatas demisisset, contigit, ut harum una in-

spira-

62 OBSERVAT. RARIORUM
spiratu aëris intro glisceret, sive rupto
filo, sive alio modo. Illam tamen ip-
sam postea per nasum emisit.

IN OBSERVATIONEM XIII.

Mirum equidem est, nec cuivis obvium,
quo pacto turunda illa per os cribrosum
transierit.

Magis tamen mirabitur, quisquis viva anima-
lia mediocris magnitudinis, nec non lapillos,
aliaque dura corpora è capite per nares prodiisse
intellexerit, quod probatæ fidei scriptores non
pauci testantur.

Petrus Paulus magnus scriptum reliquit Chi-
rurgum an. 1572. Romæ cuidam hirudinem ap-
plicasse, quæ paulo post usque ad tunicas cere-
bri penetraverit, hominemque interfecerit. Idem
tradunt *Hercules Saxonia, & Zacut. Lusitanus.*

Benivenius obs. cap. 100. fol. mihi 271. de
verme narrat, palmam manus magnitudine re-
ferente, quem ejus amicus *Philippus* post vehe-
mentem cephalæam dextrâ emisit nare, unde
mox omnis dolor cessaverit.

Hollerius 1. de intern. affect. Scholio cap. 54.
pag. 561. puellulæ mentionem facit, quæ præ-
dictæ magnitudinis vermem emunctionibus eje-
cerit. Haud absimilia habent *Fabritius Hil-*
dannus obs. Chirurg. cent. 1. obs. 8. pag. mihi. 19.
& 381. obs. 5. Ronssens epist. medicinal. 10. p. 31.

Nicol:

Nicol. Tulp. obs. med. lib. 4. cap. 11. fol. 315.
Zacut. Lusitanus lib. 1. admir. prax. obs. 7.
pag. 2. Zod. med. Gall. an. 1. fol. 73. Alfar. à
Cruce cent. 3. fol. 193. miscell. med. phys. curios.
Decur. 1. an. 2. obs. 147. p. 231. Kerkringii
obs. Anatom. cap. 43. fol. 97. Thom. Bartholinus
cent. 1 hist. 64. p. 101. Steph. Blankardus collect.
med. phys. cent. 1. cap. 39. pag. 41. Item cent. 3.
cap. 74. pag. 272. Idem etiam cent. 2. cap. 80.
pag. 151 quendam dicit post biennem cepha-
læam illico post ejectionem vermis cujusdam è na-
so fuisse sanatum.

Proculdubio huic nostro ægro, ut & aliis modo memoratis ossis *Ethmoides* foramina vi morbi vitata fuerunt. Tunc enim sunt patentiora, & facile dilatari possunt, quemadmodum etiam lue venereâ corrumuntur.

Ita *Ioh. Rhodius cent. 1 obs. 88* de quodam refert, qui à difficili respiratione, os *Ethmoides* cariosum, ac copiosâ pituitâ viscatum postridie cum sputo sanguinis excreverit, quod spongiosum à diuturna coryzâ in lue venereâ desquamatum in pulmones delapsus erat.

Schneiderus lib. de osse cribriformi experimentis nonnullis planum facit os cribriforme, os spongiosum, & cartilaginem summam narium, aut pulveris sternutatorii usu nimio, aut ulcere luis venereæ aliquando vitari, conficique in tantum, ut naribus injectus pulvis, aut liquor, recto tramite in cerebri membranam tunc temporis possit penetrare.

Vermes autem in cerebro generati posse fidem facere videtur *Avicenna* 1 *fen.* 3, *tran.* 2. *cap.* 3. *de soda.* Apud *forestum* lib: 9 *de raris cap. doloribus*, *Scholio obs.* 4: fit mentio vermibus supra duram matrem velut *Curculionis*, cranio perforato, & aperto, inventi, quo ablato æger diuturno capitis dolore, à quo antea maxime torquebatur, tot frustra adhibitis auxiliis, statim liber evaserit. Refert etiam *Fabrit. Hildannus* pus foetidissimum, & vermes ad duram matrem repertos fuisse: vide super his etiam *H. Montui Anascevem* 4 *morb. cap.* 19. Ut & *Hollerii lib.* 1. *de morb. intern. fol.* 2. Item *ephemerid. Germ. Decur.* 2. *an.* 1. *obs.* 99. *fol.* 228, & *Decur.* 1. *an.* 2. *obs.* 57. *fol.* 93.

Verum equidem est vermes ex intestinis in ventriculum, hincque per fauces in os pervenire posse, quod si clausum maneat, ipsos quandoque per palati cavum in nares pervenire constat, ac tandem per nasum exire, nec minus verum est, in stricture narium vermes gigni posse. Id enim peritissimus *Anatomicus D. Anthon. Nuck* exemplo quodam demonstravit, cum mihi nuper vermem in spongioso narium osse delitescentem ostenderet, narraretque se quondam & alterum in canis cujusdam nare reperisse.

At cum vehemens præcessit *Cephalæa*, eademque illico post ejusmodi animalculorum ejectionem cessat, certissimum adest indicium ipsa è cerebro provenisse.

Lapillorum per nasum emissorum post gravem cephalæam, mentionem facit *Th. Bartholinus cent. 1 fol 48. hist. 33.* Celeberrimus vir *D. Joh. Ludov. Hannemannus* literis notum mihi fecit, post immanem cephalæam, & usum pulveris ptarmici rusticum sternutationis nisu lapillum è naribus ejecisse, quo ejecto dolor fugerit. Plura ejusmodi extant exempla scholio præcedenti ad obs. 12. Sæpius etiam jam adductus *Zacut. Lusitanus lib. 1. prax. med. admir. obs. 73. fol. 17* narrat de fabro quodam lignario qui pituitosi, humidique erat temperamenti, sæpiusque ipsi non sine questibus indicaverat, jam diu se quater, quinquiesve uno anno per nasum emisisse turundam dimidiæ palmæ longitudine, quæ crassitiem calami scriptorii æquaret mucro obsita, & concreta. Hanc autem excretionem per totum triduum vertigo, ingens cephalalgia, oculorum obtenebratio, oblivio omnium rerum, sopor, & totius capitis gravamen præcedebant, post quod alacriter vivebat.

Ex hisce igitur patet quam evidentissime, valentibus viribus miros interdum produci effectus. Quod suo etiam tempore testatus fuit *Hippocrat. lib. de Lege, & decente ornatu.* Arcano enim, inquit operandi modo miras sanè, atque incredibiles natura quandoque res efficit.

OBSERVATIO XIV.

De glandulâ parotide exulceratâ.

Sicuti glandulæ, quæ passim toto dispersæ corpore, ac in duo divisæ sunt genera, cum naturali conditione, ac statu sunt, multa corporibus adferunt commoda; ita etiam, si quando ab eo statu deturbantur, damni iisdem plurimum, atque incommodi inferunt. Cujus ego rei hac observatione exemplum dabo, quod mihi nuper in quadam nobili virgine videre contigit, cui, postquam aliquamdiu contabuisset veluti, ac cum morbis colluctata fuisset: tandem parotis dextra ulcere obsideri coeperat, quod tractu temporis in fistulam degenerabat, è quâ postea serofus humor effluxit, sed præcipue, cum cibum dentibus morderet. Quod incommodum illi jam diu adhæsit.

IN OBSERVATIONEM XIV.

G. *Fabritius Hildanus cent. 5. obs. 80. fol. 471* studiosi cujusdam meminit, cui ætatis anno duodecimo ejusmodi ulceratio sub aure dextra provenerat, quæ itidem in fistulam vertebatur; narrat etiam, ut ille studiosus, postquam per triennium necquicquam Chirurgorum imploraverat opem, à se caustico, quod interna labia, callositatemque exedebat, sex hebdomadarum tempore satis feliciter fuerit sanatus.

Galenus lib. 1. de compos. Medic. sec. genera cap. 7. De adolescente 15. annorum refert cui post febrem, parotis glandula in tumorem ulcerosum degenerabat, quo curato fistula remansit, quam cum post sex menses ipse sanaret, usu emplastri catheterici, quod ibidem describit, pristinæ juvenem restituit sanitati: fistula parotidis malum est contumax, cujus percuracionem haud polliceri voluit *Galenus*, quoniam immisso in fistulam suillo pilo (non ferreo, aut argenteo ne dolor excitetur) ut penitus fistulæ obliquitatem indagaret, ad articuli commissuram accedere videbatur, ossisque corrosionem timens de salute acri erat incertus, præsertim quoniam ea parte apertio major fieri non poterat, si os fuisset labefactatum, & sine hac ferro, aut cau-

68 OBSERVAT. RARIORUM
sticis medicamentis perfecta curatio non contingit iis, quibus ossa intus sunt corrupta.

Experimur etiam bubones diutius protractos facile in fistulas degenerare non solum curatu difficiles, sed interdum periculosas, docente *H. Fabrit. ab Aquapendente lib. 1. de tumoribus cap. 13. fol. 42. Zacut. Lusitano, medicor. princip. hist. lib. 1. cap. 72. fol. 104.*

OBSERVATIO XV.

*Multum aquæ post caput gravius ictum
ex aure emissum.*

Annæ Pauli hîc Hagæ habitantis os parietale sinistrum ligneo cylindro (erat ille talis, quales Belgæ ludentes erigunt novenos variâ lege globo ligneo dejiciendos) ita fuit ictum, ut animo pariter, & corpore deficeret, nec non vomeret, sanguinisque non ita multum aure sinistrâ erumperet: Quare ego cum *Jacobo Senâ Medico, Arnolddo de Wilde,* Chirurgo ad illam fui arcessitus. Nos autem cutis quidem contusionem, minime verò cranii fracturam reperimus. Postquam igitur illi vena secta, omniaque jam adhibita essent, quæ ejusmodi occa-

CENT. PRIMA OBSERV. XV. 69
occafio, & neceffitas requirunt, paululum ea ad fe rediit; verum per quatuor, aut quinque dies continuos non nifi aqueum, ferofumve humorem illâ aure emifit tantâ copiâ, ut (nostrâ quidem conjecturâ) quatuor cotylas impleffet: plurima enim lintea quotidie dicto humore madefiebant. Illa tamen mulier, malo penitus fublato, brevi convaluit.

IN OBSERVATIONEM XV.

Medicinæ Doctor *Joël Langelottus, mifc. med. phyfics curios. Germ. Decur. 1 an. 6. obs. 12. pag. mihi 22.* de Principe quodam memorat, qui Romæ è cochlidiô 14. pedes longo prolapsus finiftro capitis latere in inferiores gradus tam valide impegerat, ut femianimis, absque fenfu, motu, & loquelâ totum ferme diem jacuerit, qui post venæ sectionem paululum reftitutus viribus gravi coepit laborare cephalalgîâ, quæ nunquam cessans illum ita fatigavit, ut nec noctu, nec interdiu quiefceret, quibusvis medicaminibus frustra adhibitis. Quare terebrandum esse ejus caput censuere Medici.

Omniбус ergo, quæ requirit trepanum, paratis, Præfectus quidam adftans aqueum è Principis aure finiftâ profluere humorem animadvertit: quamobrem dilata tunc quidem fuit per-

foratio; ac tantum quidem liquoris effluxit, ut octo libras appendere pondere suo valuisset. Ille autem Præfectus curiosus admodum quovis Medicos interrogabat, unde tanta provenisset humoris copia; omnes autem tacuere, nec quisquam sententiam dicere sustinuit. Sed nec ipse memini à quoquam monstratam unquam fuisse viam, quâ tantum aquæ se exoneraret. Dictus autem *Joël Langelottus*, cessantibus Medicis Italis sententiam dicere, præcipuis Collegis *Academiae Naturæ Curiosorum* in Germania degentibus, quæstionis hujus solutionem faciendam tradit.

Cæsar Odonus Bononiensis Medicus narrabat, ac jure jurando confirmabat tanquam prodigium, se vidisse ex aure cujusdam, febri, simulque acri cephalalgia laborantis, plurimum aquæ puræ, abundeque effluere.

De simili tenui, ac aqueo humore *Platerum lib. 3 obs. pag. mihi 735* referre video, cum dicit tredecim annorum puellam jam diu plurimum emisisse urinæ, eaque subito cessante, tenuem quendam humorem ex aure dextrâ copiosè coepisse fluere, ita ut sæpe unâ vice per dies aliquot continuos mensuræ duæ emanarint. Quare illi præparari jussit Medicus diuretica quædam, inter quæ etiam *Therebinthina* erat, quibus sumptis ipsa sæpius quater decies urinam emisit; verum illa citò sistebatur, atque iterum ex aure abunde profluere dictus humor coepit; ita ut

24. horarum spatio mensuras aliquot Augustanas aquæ puræ, cui omnis odor, gustusque deerat, eiecerit, quamvis illa alioquin bene se habens de nullo conquereretur impedimento. Cum verò postea, repellendi gratiâ, capiti applicarentur oxyrhodina, & lotiones fierent pedum, rursusque Therebinthinam sumpsisset, denuo urinam reddidit, primum magnâ copiâ, remittente aurium hoc fluxu, postmodum vero naturaliter, nec quicquam inde mali passa est.

Humorem hunc è cerebro provenisse non credit *Platerus prax. tom. 3. de aquosis excretionibus pag. mihi 600.* Quoniam enim nulla à cerebro pergit via præter foramen, quod nervi auditorii transitui patet; deinde etiam, quia ille humor, licet antea in internam auris cavitatem esset infusus, ex aure non efflueret, quin membranæ tympani obesset, statuit dictum fluxum in illâ puellâ hoc modo sese non habuisse, quoniam nihil impedimenti inde auditus acceperat. Quapropter firma illi stat sententia, humorem hunc è vasis, quæ in externo auris continentur meatu, prodiisse.

Ejusdem sententiæ est *Melchior Sebifius exercitat. patholog. pag. 156.* Aliunde, inquit, „ quam à cerebro pituita illa, vel aqueus humor, „ qui ex auribus effluit, promanat, cum ab eo „ non aliâ viâ ad auditus cameram, quam per „ foramen nervo auditorio paratum, existat, „ per quod si illa intraret, interiorem tantum

„ cameram subiret, atque ad exteriorem meatum
 „ minimè penetraret, nisi tympanum pervade-
 „ ret, quod tamen citra illius læsionem, & au-
 „ ditus defectum inde profectum, non faceret,
 „ sed cum citra auditus abolitionem hic fluxus
 „ ex auribus contingat, atque ab externo auris
 „ meatu prodeat, in eum pituitam hanc deferri
 „ satis patet, quam externam sedem, uti serum
 „ exudans, ma dore suo humectare solet, ita si
 „ aquosus ille humor copiosè illic coacervatus
 „ redundet è vasis meatum hunc implicantibus
 „ prodiens effluxum hunc illius efficit; quod
 „ tamen rarius (cum longe convenientiores viæ
 „ feri expurgationi destinatæ sint) accidit. Ali-
 „ quando tamen id fit, præsertim in nimium
 „ laxatis hisce ductibus sicut in aliis fluoribus,
 „ verbi gratiâ uterinis, pituitosam materiam è
 „ vasis copiosè egeri posse, sæpe videmus. De
 „ viis, inquit idem, per quas materia hæc ad au-
 „ res pervenit non admodum solliciti sumus, na-
 „ tura enim vias sibi semper quærit, & invenit
 „ etiam, tametsi illæ nobis sint incognitæ. Totum
 „ quippe corpus est σύρρῳ καὶ συμπνῳ hoc
 „ est *confluxile*, & *conspirabile*.

His *Plateri*, nec non *Sebiffi* opinionibus
 (quantum quidem ad viam hujus humoris per
 externum auris meatum attinet) eò facilius ac-
 cedo, quo magis recorder experienciâ aliquot
 annis proximis me didicisse, innumera humano
 in corpore reperiri vasa lymphatica, tenellis suis
 ramu-

ramulis vasa sanguifera, præsertim vero venas, circumquaque ambientia, imo membranas totius corporis nil aliud esse nisi contextum, & congeriem innumerorum vasculorum cujuscunque generis, musci arborei instar se mutuo implicantium, quæ de aqueo hoc humore participant, ita ut consequenter membrana, quæ externum auris meatum investit humore hoc aqueo abundet, quare nobis neutiquam mirum sit, si externâ quâdam vi commoto capite, & concusso cranio, vel internâ etiam aliâ causâ vasculo hoc rupto, vel exeso, idem præter consuetudinem extra vasa sua effundatur, sive ille è cerebro sive è toto corpore (quod modo demonstravit *Platerus*) illuc fuerit propulsus.

Viæ autem, per quas hic humor immediate effluit, sunt glandulæ auris, in membranâ meatum ejus externum investiente sitæ, quarum singula tubulo (ut notavit *D. Verney de organo auditus fol. 35.*) donata est, qui sese in meatum prædictum à cerumine exonerat, quantumvis enim glandulæ aurium in statu suo naturali ceruminis tantum separationi destinatæ sint, nihil tamen prohibet, quo minus etiam cloacæ quasi sint, per quas humores noxii expellantur.

Blasius Appendice ad Veslingii Syntag. Anatomicum, fol. mihi 478 aquosas excretiones sine ulla auditus læsione per aurem factas è glandulis auris vitiatis, vel nimium laxatis, originem ducere arbitratur. Certissimum quippe est ex

humido, impuroque cerebro, eique contiguis partibus, saniem sæpenumero, vel etiam serosum quendam humorem per aurem expelli, unde merito statuas eundem non in solâ collectum fuisse aure. In infantibus hoc ipsum non semel patescit, quibus quandoque satis diu aures effluenti humore madent, quibusque, quod etiam ad opinionem nostram stabiliendam facit, ante illam exonerationem cerebrum fuit male affectum. Infantes etenim plerumque superfluo cerebri humore abundant, quare etiam somniculosi sunt valde, plurimumque pituitosæ materiæ ore, naribus, auribus ejiciunt.

Neque aliam ob causam *Hippocratem Aph. 24 sect. 3* aurium humiditates inter infantum morbos recensuisse putem, quod nempe, obstructâ iis viâ, nec alibi reperto exitu, gravia non semel accidentia, videlicet epilepsia, apoplexia, paralytis, vertigo, &c. oriantur.

Galenus comm. ad hunc Aphorism. non etiam palati, & narium excrementa numero morborum comprehendit, quoniam secundum naturam per nares, atque palatum cerebri excrementum derivatur, quod iis etiam, qui ætate jam sunt perfectâ, usu venit; præter naturam autem per aures derivatio fit.

Brassavolus dictum Hippocratis Aphorism. exponens, est mihi, inquit, filia *Laura* nomine, è cujus aure sinistrâ sanies illicò post natiuitatem fluere coepit, qui effluxus per multos
mensēs

menes continuos non sine auri foetore immani duravit, bene alioquin sese habente illâ: finistrâ autem post aliquot menses aure jam veluti siccatâ, dextra sanie emittere coepit ad septimum decimum usque mensem, post quod tempus, cessante fluxu, ipsa optimæ fuit valetudinis.

Marcus Sanctus Barolitanus comment. ad Avicennam, cum, ait, *Daniel Justinianus* splendide Venetiis homo familiæ fistulam in aure dextrâ haberet, unde multum prodibat saniei, erant quidam, qui contra meam opinionem eandem tollere gestirent; ipse enim, quicquid hoc erat materiæ, è cerebro descendere judicabam. Cum tamen, meâ quidem posthabita admonitione, illi pergerent, alter paulò post occubuit, meaque prædictionis evidenter patuit veritas: plurimum etenim saniei naribus ejus, auribusque effluebat.

OBSERVATIO XVI.

Continuus alterius lateris motus convulsivus.

ANno 1643. vocatus fui ad puellam fusci coloris, capillitii omnino nigri, ac temperamenti melancholici, decem undecimve annos natam, hic Hagæ habitantem, cui brachium, nec
non

76 O B S E R V A T. R A R I O R U M
non crus finistrum , nullo tamen dolore accedente, huc illuc valde commovebatur , fueratque in causa ingens quidam timor. Illa tamen puella, satis præparato convenientibus remediis corpore, per me Castorii maxime usu priori valetudini restituta est.

IN OBSERVATIONEM XVI.

DICTU difficile est, quanta, quamque horrenda, ac sæpe sanationem respuentia insolitum pavorem subsequantur mala. Nihilominus tamen quotusquisque est, qui non quotidie videat quam gravia incommoda veluti per lusum, jocumque temerariæ ætatis homines post incussum timorem sibi invicem adferant, nec non ut alumnæ, famulæque (quanquam damando plane more, & sæpius, sed serò dolendo) infantes, ut eos à pejore quadam absterreant consuetudine, ita quandoque tremefaciant, dum ipsos obscuriore quodam includunt loco vel larvâ, similibusque nugis eos persequuntur; unde fit, ut illos non leviter anxios non absimilia solum infestent insomnia, dum mira quædam per noctem sibi imaginantur, sed interdum præ nimio pavore subito occumbant.

Ejusmodi autem lugenda exempla non tantum
à scrip-

à scriptoribus proferuntur plurima, sed & haud pauciora longior usus adfert.

Th. Bartholinus Hist. med. cent. 6. hist. 76. pag. mihi 386 de viduâ quâdam narrat, quæ, cum ipsi tantùm nunciatum esset cadaver peste mortui transferri ædes suas, subitò decesserit: ut & de Nobili quodam, qui, conscensâ navi subitòque ortâ procellâ etiam extinctus fuerit. *Ac cent. 3. hist. 41* de infante refert, qui terrore percussus humi procumberet tanquam mortuus, quo incommodo ille per aliquot annos quandoque, sed improvisò, laboraret.

G. Fabrit. Hildanus obs. Chirurg. cent. 6. obs. 12. pag. 508 de matronâ quadam memorat, quæ nuncio filii mortis accepto, præ mærore, ac tremore in Apoplexiam inciderit, unde postridie extincta fuerit. Alii cuiuspiam pavor letiferam nervorum attulit contractionem, scribente *Platero obs. lib. 1 pag. 33*. Plura vide apud *Ioh. Rhodum obs. med. cent. 1. obs. 45. pag. 34*.

Anth. Benivenius medicinal. obs. cap. 63. fol. mihi 227 narrat de infante, qui præ terrore non longe post obierit.

Henric. Smetius miscell. med. lib. 10. fol. mihi 529 de puellulâ quadam memorat, cujus dextrum brachium post tremorem spasmus infederit, non absque sensuum, mentisque perturbatione.

Quod malum ipsi inopinanter, & subitò superveniebat, nec horæ unius quadrantem durabat, epileptica quandoque accedente convulsio-

78 OBSERVAT. RARIORUM
fione, crurisque dextri huc illuc agitati concussione.

Quamvis autem, quod ultimâ observatione retuli, incommodum timori imputandum esset, ejusmodi tamen accidentia sæpius naturali nervorum infirmitate oriuntur (quod non ita diu à me observatum est in Juniore quadam Dominâ) sed & nimio fortioris vini haustu, quale exemplum refert *Rod. à Fonseca consultat. med. 38. fol. 135* de puero 12. annorum, ut & acri vapore, qualem ex utero ascendisse, & hujusmodi motus convulsivos excitasse refert *Fabrit. Hildanus cent. 6. obs. 26. fol. 527*, ut & *G. Horstius lib. 5. obs. 50. fol. 298*, nec non iracundiâ, vermibus, qualem casum idem scriptor *lib. 2. de morbis cap. fol. 120* ex *Thonnero* refert: Acribus etiam oriuntur medicamentis, uti *Sennertus* ait *lib. 1. part. 2. cap. 28.* præsertim autem externo frigore; quorum varia apud eundem *Horstium lib. 8. de morb: extern. part. obs. 14. fol. 415*, *Höchstetterum obs. med. dec. 4 casu 10. fol. 456*, pluresque leguntur exempla.

Animadvertendum hîc etiam est hoc incommodum in eâ puellâ, quâ de observamus, non fuisse convulsionem, quoniam convulsio propriè dicta non nisi musculorum versus suum principium motus est, ita ut membrum extensum maneat, atque immobile. In hoc enim à motu convulsivo differt convulsio, quod in illo huc illuc membra commoveantur, ac diversimode agi-

agitantur, in hac non item. Neque tamen id quicquid mali est tremor vocari potest. Licet enim membrum aliquod durante tremore variis modis vicissim moveatur, motus tamen ille non omnino contra hominis moti sit voluntatem, teste *Galeno lib. 2. de symptomat. causis*. Nihil enim aliud est tremor, quam libera, malaque membrorum motui inservientium agitatio, quâ illa continue, ac vicissim veluti tolluntur, iterumque concidunt, qui malus motus ab infirmitate virium, & paucitate spirituum dependet, ut illud in vetulis, ebriosis, reique veneræ addictis nimium animadvertere licet, qui omnes membra sua propter virium defectum nec movere, uti decet, nec extensa loco suo continere valent, ita ut partes trementes duobus contrariis motibus ferantur, altero voluntario, uti jam dixi, atque spirituum animalium beneficio proveniente, altero minus voluntario, unde membrum pondere suo gravatum, iterum subsidit. Habet se res hæc, ut in iis, qui pondus aliquod gestant; si enim id leve sit, & vires ei ferendo pares, nullus tremor fit, & muscoli ponderis inclinationi satis obsistunt. Si vero pondus sit gravius, quam vires ferre queant, partes sub onere tremunt. Malus autem ille puellæ, quâ de agimus, motus, mixtum quoddam videtur fuisse malum, non tantum ex mollitie, ac imbecillitate nervosarum partium, sed & ex earum contractione ortum. Docuit enim experientia in non-

nul-

80 OBSERVAT. RARIORUM
nullis quandoque convulsionem cum paralyfi,
vel Apoplexiâ fuisse conjunctam, fidem faciente
Bartholino histor. Anatom. centur. 6. histor. 3.
Non dissimile quid *Galenus in Hipp. lib. 1.*
Prorrh. comm. 3. text. 26. refert: Item *Petr.*
Salius Diversus not: ad Altimarum cap. 13,
nec non *Valescus de Taranta suo Philonio cap.*
de Epilepsiâ.

Hæc dictarum partium mollities, debilitasque
ac contractio ex acri quodam proveniunt humore,
vel potius è tenui, serosoque, nec non acri
liquore, qui illas partes non emollit tantum,
verum etiam stimulat pariter, atque ita ad ma-
lum hunc, inordinatumque motum incitat.
Quod & confirmat *Fel. Platerus cap. 3. tr. 1.*
lin. 2, *Thiermairius lib. 2. fol. 160. cap. 12,*
Dan. Sennertus lib. 1. prax. cap. 25 & 28. part. 2,
Hoëchstetterus obs. Med. decad. 4. fol. 460.

OBSERVATIO XVII.

Cartilaginea gingivæ excrescentia.

IPse jam ante annos 36. cum Chirurgo
Allerto Barringa ad mulierem aliquam
Hagam inter, ac Delphos habitantem
fui vocatus, in cujus dentium molarium
gingivâ tumor apparebat panem bi-
nis obolis vendi solitum magnitudine
æquans

CENT. PRIM. OBSERV. XVII. 81
æquans, qui totum os ad alteram fa-
ciei partem trahebat, uti spasmo cynico
laborantibus contingit. Nos illico ad
monere, uti tolli hunc pateretur tumo-
rem, illa autem tum quidem minime
consentire. Cum vero eundem brevissi-
mo tempore ita augescere videret, ut
non absque maximo incommodo cibus
vesceretur, statim assensit. Æneo ita-
que tumorem cinximus filo, illoque
magis, magisque quotidie contracto,
excrementia illa, dempto nutrimento,
tandem decidit, quam cartilagineam
esse mox comperimus. Quæ deinde ad
perfectam requirebantur Sanationem re-
media mulieri applicuimus, ac favente
Numine illa convaluit.

IN OBSERVATIONEM XVII.

GRæcis hujusmodi tumor *ἐπυλῖς* dicitur,
Geoque nomine gingivæ excrementia circa
dentes molares significant, quæ immanè quan-
tum nonnunquam crescit, ita ut loquela, & man-
ductio inde præpediantur, imo cancrosa ali-
quando evadat, quod eo casu calor, dolorque,
nec non alia accidentia satis indicant; tum tamen
intactam illam præstat manere. Longe idcirco
F me-

melius est (scribente *Barbetti Anat. Pract. pag. mihi 115.*) si in tempore excrescentia filo quodam à sanandâ parte disiungatur, ne in cancrum forte vertatur.

Balduinus Ronssens epistol. med. 7. pag. 19. de simili cartilagineo tumore loquitur, quem mulier 54, vel plures annos nata super sinistrâ gestabat maxillâ, qui provenerat è parvis glandulis, verrucis haud dissimilibus, ac processu temporis in mali Punici magnitudinem excreverat, longèque ex ore propendebat, ita ut dicta mulier non nisi potum, tenuioremque cibum, eumque non absque summâ molestiâ, (quoniam singulis vicibus minimi digiti ope egebat) in os ingerere posset, quam excrescentiam frustatim quatuor distinctis vicibus filum contractum sustulit, fæminamque liberavit.

Paraeus lib. 7. cap. 4. pag. 71 se ejusmodi excrescentias vidisse ait tantas, ut magna sui parte per ipsum os non absque ingenti vultus deformitate expullularent, seque ait, ne redirent, prius eas filo abscidisse, dein ferro candenti adussisse.

Nonnunquam etiam se vidisse narrat ejusmodi carnem in cartilaginem, aliquando & in osseam substantiam longo tempore mutatam. De simili gingivæ excrescentiâ cartilagineâ (quantum tanta non esset, quanta fuit illa, cujus in observatione memini) mentionem facit *Blasius obs. 9. part. 6. pag. 79*, quæ forcipe abscissa fuerit.

*Joh. Daniel Major miscellan. curios. med. phys. decur. 1. an. 2. obs. 55. pag. 379. , nec non Scultetus obs. 82. pag. 301 singuli de diversa excrecentiâ memorant , utraque tamen filo detractâ. Plura hujusmodi adferunt *Marcellus Donatus lib. 5. cap. 3. de hist. med. mirab. nec non Platerus obs. fol. 625.**

Albucaasis lib. 2. cap. 28, si post sanationem , inquit, hujusmodi caro iterum crescere incipiat, (utî sæpius fit) illam abscindas denuo , atque aduras postea, neque enim tum revertetur.

Zacut. Lusitanus pr: med. Admir. lib. 1. obs. 93. pag. mihi 22. de melancholicâ muliere refert, cui in gingivâ inferiori externâ caro excreverit dura, quæ paulatim spatio unius anni tantâ aucta fuerit mole, ut ovi minoris magnitudinem æquaret, cum dolore summo, & gravi odore, nam ex ulcusculo tumoris sanies quædam fætida promanabat, cum acrimoniâ conjuncta, cui tumori tollendo promptius nullum abscissione visum fuit remedium, hanc tamen, quamprimum facta esset, magnum sanguinis insequeretur profluvium, qui cum nullâ ratione suppressi posset, dicta mulier brevi decessit.

OBSERVATIO XVIII.

*Plurimum sanguinis è dente molari
emissum.*

Quidam Militari munere non sine Imperio fungens: N: G: nomine potui admodum deditus, anno 1657. tantum sanguinis è dentium molarium quodam emisit, ut inde valde debilitaretur, tractuque temporis post tantam sanguinis emissionem pallefceret valde, ac paulo post, quanquam juvenis admodum, extingueretur.

IN OBSERVATIONEM XVIII.

Quam molestum, ac quam sit periculosa malum plenum alexæ, sanguis ex oculis, auribus, dentibusve profluens, demonstrat *Tulpius lib. 1. obs. cap. 49. p. mihi 96* sive (ut ait) propter venas, & arterias, è quibus facile plus effluit, quam partes, quorum usui destinatae sunt, ferre queunt: sive quia remedia fluxui huic sistendo idonea non nisi difficulter admodum ad apertorum vasorum loca penetrare possunt. Narrat & ibidem divitis
cu-

CENT. PRIM. OBSERV. XVIII. 85
cujusdam mulieris exemplum, cui nimio se-
ro perfundenti hoc ipsum, de quo loquimur,
malum supervenerit. Multum quotidie illa è den-
te molari emittebat sanguinis: hoc tamen malo
tandem fuit liberata dicto denti fungi quandam
speciem (*Belgis Boviist*) imponendo, cum jam
sæpius frustra Chirurgus illi denti vitrioli calci-
nati pulvere (*Colcothar* dicto) crustam induxis-
set. De magnâ dentis hæmorrhagiâ testatur
Joh. Helwigius obs. 27. fol. 103.

Per dentis alveum purgatas fuisse mulieres
fidem facit *Heurnius; Joh. Rhodius obs. med.*
cent. 3. pag. 172 de mensibus è dentis alveo
stillantibus refert. Simile quid notavit *Joh.*
Hollerius comm. 2. sect. 2. lib. 2. Coac. Hip-
pocratis pranot. Item *Bald. Ronssens de vitæ*
humanae primordiis cap. 28.

OBSERVATIO XIX.

Sanguis è palpebris erumpens.

IPse novi nautæ filiam etiamnum, dum
hæc scribo, viventem, cui, cum pau-
lò cessant menstrua, irasciturve, fan-
guis guttatim lacrymarum instar per ge-
nas volvitur ex inferiorum, palpebrarum
poris proveniens, præcipuè verò, quan-
do easdem detergit.

IN OBSERVATIONEM XIX.

Menstruus sanguis solito tempore profluere si cesset, diversis corporis partibus, ubi commodissima datur via, ejicitur; aliquando per nares, gingivasque, nec non per dentes, os, ac mammas, pulmonesque, sæpe etiam per umbilicum, ac per inguina, etiam per manum, genu, per pedem, talumque, &c. uti variorum artis Medicæ minimè ignarorum scripta, ac ipsa experientia observant.

Bartholinus cent. 1. hist. Anatom. 13. pag. mihi 23 de notâ sibi narrat muliere, quæ sanguine abundabat, præque ejusdem copiâ sæpissimè cephalalgia infestabatur, menstruis plerumque minori, quam par erat, copiâ fluentibus. Instante itaque profluvii tempore, sæpissime animadvertibat, si cutem sinistræ manus, malæve dextræ quam levissimè fricaret, sanguineas inde guttas vi quâdam, salientesque provenire.

Rembert. Dodonaus obs. med. cap. 15. pag. 37. vidisse se ait sedecim annorum puellam, cui nec dum menstrua fluebant, sanguineas emittere lacrymas; quoniam superfluous, & in motum actus cruor hac viâ sibi exitum quæsit: guttæ enim illius, tanquam lacrymæ sæpius ex puellæ oculis proveniebant. Non dissimile quid *Thom: Bartholinus centur. 1. hist. 16. fol. 28*, *Philip. Hœchstetterus obs. rarior. decad. 1. pag. 1*,
Fore-

CENT. PRIM. OBSERV. XIX. 87
Forestus obs. medic. lib. II. obs. 13, Zacutus Lusitanus pr. adm. lib. I. fol. 13. obs. 54. Zod. Med. Gall. an. 2. fol 42 : Nec non Ludov. Mercatus lib. I. de mulier. Morbis cap. 7, Helwigiusque schol. abs. 140. fol. 582. memorant.

Jobus Mekeranus cap. 4. pag. 55. de Mercatore quodam narrat , cui è sinistro oculo tam abundè flueret sanguis , ut ille vix deterfus siccatusque hoc continuò repleretur.

Fabrit. Hildanus obs. 16. Centur. I. pag. mihi 92. etiam vidit seni 60 jam annos nato sanguineas guttas ex oculis provolvi , quia varices in ejus cruribus non apparebant amplius , illos enim quotannis ibidem cernere consueverat , qui tum etiam sanguinis nonnihil emittebant.

OBSERVATIO XX.

Ranula.

SUB linguâ tumor nonnunquam oritur.
Ranula dictus, quod eo laborantes inter loquendum tanquam ranæ coaxent.
At M. Sebifius Manuali , sive speculo Med. pract. cap. 21: pag: mihi 491. ita dici scribit à figurâ , quam repræsentat : Lazarus quoque Riverius lib. prax. pag. 219. rimâ mediâ , dextram tumoris partem à fini-

88 OBSERVAT. RARIORUM
strâ dirimente posteriorem ranæ partem
referre tradit. Ante triginta, & qui ex-
currunt, annos, ipse puperem novi mu-
lierculam, sub cujus linguâ abscessum
hunc ab unâ primum, deinde & ab al-
terâ parte animadverti. Quem cum,
cujus modo factâ mentio, Chirurgus
Allertus Barringa scalpello aperiret, plu-
rimum inde puris viscosi admodum, al-
bo ovi non dissimilis, effluxit. Idem ta-
men post mensem, aut sex hebdomadas
priorem magnitudinem æquaverat, ita
ut iterum scinderetur, ac paulo post
tertiò repeteretur sectio: quare requiri
videbamus, ut post ultimam exonera-
tionem quædam corrodentia, ac siccan-
tia abscessui huic tollendo applicaremus.

IN OBSERVATIONEM XX.

Certissimum est humorem, unde hujusmodi
abscessus oritur, in glandulis, quæ sub lin-
guâ, ac propè ejusdem vasa sitæ sunt, contine-
ri, ac propterea hunc abscessum inter eos, qui
membranâ quâdam concluduntur, posse referri.
Quod ipsum tunc quidem temporis me etiam-
num ignorasse ingenue fateor, quoniam apud
priscos scriptores hujus rei omnino nullam, aut
certè

certè perparvam mentionem reperi. Si itaque cum humore non simul tollatur ambiens membrana, five manu Chirurgi, five corrodentibus, ac siccantibus, facile dictus abscessus iterum accrescet; videtur enim accedere ad naturam *Meliceridis*, quia materia in folliculo continetur, in quo interdum calculus sublingualis crescit, uti diximus Scholio ad *cap. 12.* ac *Schenckius obs. 388 lib. 10.* Nec non lithogenesiæ *hist. 4.* testatum reliquit. *Paræus lib. 7. cap. 5.* dicit, si quis hoc impedimentum tutò tollere conetur, cauterio ignito potius, quam scalpello utendum, quoniam illud facillimè denuò redit; demonstrat & ibidem adustionis modum.

Petr. de Marchettis post tumoris incisionem ipsam membranam singulari dexteritate tollere norat succi *Chelidonii* nonnihil eidem applicans. Quod & ipsum demonstrat *Velschius obs. med. Episagm. 26. pag. mihi 17.* Idem *Marchettus obs. med. Chirurg. 31. pag. 73* de haud absimili tumore sub linguâ orto memorat, qui jam ovo magnitudine par erat, seque pone colli latus dextrum propè venas jugulares, ac carotides arterias ad fauces usque infra tonsillas, & œsophagum extendebat, quique arteriam tracheam usque adeo vi suâ, & pondere premebat, ut parum abfuisset, ni illam singulis mensibus dissecuisset Chirurgus, quin suffocatus fuisset æger, vel nihil omnino, aut certe perparum per fauces immittere potuisset. Hunc tamen

90 OBSERVAT. RARIORUM
ille tumorem non tantum longâ aperuit incisio-
ne, simulque venas, unde ille alebatur, hic
illic dissolvit, atque pro parte radicibus privavit,
verum etiam postea candenti ferro ipsum tam
intus in ore, quam extra ad collum adussit, ac
secundum artem porro intra dies 40. sustulit.
Tantus interdum hic apparet tumor, ut dentes
inferiores superet.

Nicol. Tulpinus obs. med. lib. 1. cap. 52. fol. 103 ait, juvenem quendam Gallum ranula
sub linguâ fuisse afflicto, quæ ipsi ita oberat,
ut vix loqui, nec deglutire satisve inspirare aë-
rem posset. Cum vero Chirurgus, ut hunc
angorem tolleret, statueret scalpello aperire viam
phlegmati emanaturo, jam induruisse illud com-
perit, quare ferro ignito id consumpsit, simul-
que redeundi occasionem sustulit. Hic autem
feriò monet Scriptor, si mollis, ac sequax sit
ranulæ materia (quod facile tactu dignoscitur,)
ne aduratur, sed excidatur duntaxat summa ip-
sius tunica.

Barbetti *Anatom. Pract. pag. 115* pulve-
rem quendam describit, quo sublato sæpius
hujusmodi tumorem memorat. Cui ego tum
accessem quodammodo, si ille recens sit, vel
pueris accidat.

Refert *Petrus Forestus lib. 14.* se brevi tem-
poris spatio curasse puellam solâ applicatione
salis Armoniaci sub linguâ sæpius detenti. Idem
se ab hoc malo liberaffe ait studiosum sequenti
reme-

CENT. PRIM. OBSERV. XX. 91
remedio , absque operatione Chirurgicâ.

℞. Cort. granat.

hyssopi sicci

Salis comm: à ℥ij.

misce

Fiat pulvis sub linguâ detinendus ,
& frequenter iterandus.

Tum etiam decoct. balauft. aluminis, & galla-
rum à part. aquis. Ac denique partem aff: sale
tosto, & gemmæ fricari jussit.

P. Matth. Rossius obs. Chirurg. p. 143. duos
vulgo errores in hujus mali sanatione à Chirur-
gis committi indicat, quæ fiat, ut sæpius ulce-
ratio post apertum tumorem remaneat, unde ite-
rum (quoniam difficulter tollitur) accrescere
non desinit. Horum autem errorem primum
dicit nimis angustam incisionem, dum illud tan-
tum agunt Chirurghi, ut incluso humori satis
idoneum præparent transitum, cum illa requi-
ratur magna, & secundum totius tumoris
longitudinem facienda sit: alterum vocat
omissionem remediorum membranam consu-
mentium. Quare ipse post satis magnam incisio-
nem, tenacisque humoris evacuationem, molli
linamento carpto cavitatem replet, præscribit-
que simul oris collutionem, inflammationis evi-
tandæ, humorumque novi affluxus supprimen-
di ergò, ex refrigerantibus, ficcantibus, adstrin-
gentibusque remediis. Postridie linamenta aquâ
alumi-

92 OBSERVAT. RARIORUM
aluminis destillatâ imbuit, quo remedio semel
tantum uno die utitur, matutino nempe tempore,
ne sæpius imponendo nimius oriatur dolor,
vespertino autem tempore cavitatem iterum
replet linamento sicco, syrupo tamen rosarum
paululum imbuto, tandem vero ipsam membranam
abstergentibus remediis paulatim dissolvit,
consumitque.

OBSERVATIO XXI.

*Frustum fistulæ, quâ Tabaci Amatores
fumum imbibunt, faucibus inhærens,
causa mortis.*

IPse inter alia rariora servo frustum anterioris, tenuiorisque partis fistulæ quâ Tabaci fumus in os transmittitur, longitudine digiti articulum æquans, quod post mortem viri cujusdam intus è collo excidi. Hic cum multo sese oblectaret fumo, fistulam dentibus tenens versâ in terram facie procubuit ita, ut illa fauces intraret, ibidemque rupta exiguam sui partem in colli musculis hærentem linqueret, quæ ipsi vehementis doloris, inflammationis, tumoris, nec
non

CENT. PRIM. OBSERV. XXI. 93
non angoris, febrisque causa fuit, quoniam autem illa non conspici, nec ullâ ratione tolli poterat, ipse tertio post die occubuit.

IN OBSERVATIONEM XXI.

Simillimi huic nostro casus nisi quod, de quo narrat, mortem evaserit, menimit etiam *D. Joh. Muys prax. Chirurg. rationalis Decad. 3. obs. 6. fol. 28.* Ubi refert de Viro 50 annos habente, & vexato abscessu infra aurem, quo aperto, prodiit una cum pure albicante frustum fistulæ, per quam ante 6 menses, dum per plateas obambulabat, tabacum suxerat, quod in fauces intrusum post casum in terram, easdem intus valde læserat, è quibus sæpius magna sanguinis copia effluxit, unde tandem inflammatio suborta est, & abscessus hic originem suam habuit.

Plura passim occurrunt rerum in faucibus hærentium exempla, sive illæ aviditate quâdam, nimiumque subitâ ingurgitatione ibidem fixæ remansêre, sive per jocum, ac de industriâ, infortuniove quodam per os immissæ in guttur irrepsêre.

Olaus Vormius lib. 6. musei sui cap. 9. fol. mihi 374 exemplum profert buxæ tibix quatuor pollicum latitudinem longitudine æquantis, quâ dum Juvenis annorum 17 *Nicolaus Erasmus*
nomi-

nomine canebat, Condiscipulus, cujus erat fistula, eam à socio repetiit, quam cum ille reddere nollit, ac canere pergeret, hic incandescens colaphum ipsi impegit, qui eum ita tetigit ut in ipsas fauces fistula introcesserit, adeo ut nec manuum, nec instrumentorum ope educi potuerit, plurimo interea sanguine ex ore emanante. Cum jam per horæ quadrantem faucibus inhæsisset fistula, in ipsum tandem subsidit ventriculum, ita ut in dextro animadverteretur latere; quare acerrimis oppugnatus doloribus lecto sese continere debuit, per integrum triduum victus potusque impatiens, somnique nescius, tertio autem, qui erat lunæ, die, ultrò fistulam, non sumptis medicamentis, per alvum ejecit, ac pedetentim sanatus est, licet propter faucium excoriationem per dies aliquot non absque molestiâ cibis, potuque frueretur.

Similia exempla habet *Schenkius obs. med. lib. 2. cap. de suffocatis à rebus per errorem ingestis, impactisque pag. mihi 232*, ut & *Marcellus Donatus lib. 3 cap. 7. & 8*, nec non quædam nostrarum, quæ sequentur, observationum.

OBSERVATIO XXII.

Annulus gemmâ insignis ab infante in fauces ingestus, eique mortis causa.

HOc ipsum, quod proponam, ac sectura aliquot exempla, abunde evincunt periculis plurimis infantes obijci ab illis, qui ipsis, contenti ut sint, aliquid durioris materiæ, quodque fauces intrare possit, porrigunt. Viginti jam, & qui excedunt, anni sunt, cum conspicui cujusdam Domini infans 20. circiter menses natus, matris annulo aureo, cui gemma inhærebat, luderet, eumque, nesciâ, cui infantis demandata erat cura, famulâ, per os in fauces ingereret: matre vero paulò post annulum repetente, nullibi is apparuit, ipsâ suspectâ famulâ. Interea infans nihil absque summâ molestiâ deglutire, ac maximo angore corripì, parentes autem omnem movere lapidem, si forte infantis dilatari possent fauces. Omnibus autem nequicquam tentatis, ille post sex hebdomadas interiit. Ipse autem inquirendæ

96 OBSERVAT. RARIORUM
dæ mortis causâ ergo dissectus tam diu
amissum annulum reddidit, famulam
que suspicione liberavit.

IN OBSERVATIONEM XXII.

P*Laterus obs. lib. 2. pag. mihi 386* de infante
memorat, cui nutrix brachio ejus insident
nummum, quo luderet, tradiderat, cum vero
hunc in os mitti cerneret, illicò extrahere co-
nante illâ, per fauces is transiit, at Oesophago
inhærens nullâ tamen evelli, aut propelli ratione
potuit.

Theod. Kerckringius obs. 1. fol. 1. de infante
quinque annos nato narrat, qui argenteæ mo-
netæ nostræ nummum minimum (Batavis vulgò
een besem-stuyver) deglutiverat, à quo tamen
ipse per totum triduum nihil acceperit incom-
modi. Quarto autem die de ventris torminibus,
extinctoque appetitu conquestum ait, sum-
ptumque ejecisse cibum, atque ita, diminutis
tandem viribus, decimo die mortuum esse.
Cùm vero extincti apertum esset cadaver, dictus
nummus jacens supra circulum, qui pylorum un-
dique cingens coarctat, non secus ac operculum
ollæ incumbens, omnem nutrimento ad intesti-
na transitum præcludens repertus est.

Höchstetterus dec. 6. cas. 10. aurei Portuga-
lensis Ducatonis crucis signo notati mentionem
facit;

CENT. PRIM. OBSERV. XXII. 97
facit, quem civis quidam Augustæ Vindelico-
rum dentibus doloris tollendi causâ admoverat;
has enim auro vires esse persuasus erat.

Cum jam expergefactus eundem non reperi-
ret, ac nihilominus satis benè deglutiret, nec
multum impediretur linguæ usus, dubitavit,
num etiam guttur intrasset aureus nummus. Sed
cum paucos post menses raucesceret admodum,
ac macresceret, Medicorum Chirurgorumque
imploravit opem, hi vero usque ad nummum
manus suas, instrumentave penetrare non potuê-
re. Ipse tamen illum post duos annos, ac men-
ses totidem ore eiecit, eratque ejus pars inferior
omnino candida, tanquam argento vivo illita es-
set.

Eundem hunc casum *miscell. med. phys. cu-
rios. German. decur. 2. an. 2. hist. 134. fol. 299.*
descriptum invenio.

Dè deglutitione variarum rerum vide sis, *Hel-
wigii observationem 62. fol. 207.*

OBSERVATIO XXIII.

*Armi Vitulini ossiculum in arteriam
tracheam ingurgitatum.*

CUM filia N. de Swart mense Novem-
bri an. 1682. inter prandendum sor-
beret liquorem, in quo vitulini armi
G ossa

98 OBSERVAT. RARIORUM
ossa cocta erant, infortunio quodam of-
fis particula inæqualis admodum, atque
acuta prius in arteriæ asperæ caput, mox
& in tracheam pervasit arteriam, undè
non levis ipsi natus angor, sed ad ipsum
pulmonem penetrante particulâ osseâ,
continua ferè orta tussis, quam postea
fanguinolenta sputa, ac continua feбри-
cula, ipsiusque sequebatur pulmonis ul-
ceratio. Tandem vero post quatuor
mensium intervallum ossiculum hoc si-
mul cum purulento sputo tussi eiecit, eâ-
que ipsâ, ut ut tam assiduâ, nec non pul-
monis ulceratione jam tabem minitante
fatis feliciter liberata est.

IN OBSERVATIONEM XXIII.

ASperæ arteriæ operculum aliquod est, cui
nomen Epiglottis, quod linguæ parti po-
steriori affixum etiam tegumenti vice fungitur, ne
cibi, potusve quidquam viam non suam intret,
utque spirandi meatus omni careant impedinen-
to. Plurimis enim contingit, ductibus his ob-
sessis, quàm cîtissimè suffocari.

*R. Dodonæus obs. pag. mihi 304. ex Alex.
Benedict. lib. 3. Anatom. cap. 18. memorat de
muliere quadam, cui avellanam nucem morstu
fran-*

frangere conanti subitus admodum supervenerit risus, quo dicta nux in spiritus meatum protinus respirando devoluta sit, ipsaque illicò veluti mortua humi procubuerit. Dumque hac opprimeretur anxietate mulier, nux in internas descendit pulmonis partes; quo contigit, ut melius se haberet illa, quamquam & tum satis molestè, nec sine sonitu quodam obsessio meatu respiraret: tum vitæ spem habere cæperunt, quoniam contractis quibusdam venulis, vomica in pectore exorta est, quæ tandem percurata licet obsessis meatibus reciprocantis animæ raucus sonus perciperetur.

Non multum differt, quod refert *Th. Bartholinus centur. anatom. 2. hist. 27. pag. 197.* de fæminâ, quæ interridendum avellanæ nucis nucleum dicto modò deglutiebat, undè tussis gravis, & violenta ipsi supervenit, quæ per duos menses duravit, cui etiam febris, nec non totius corporis macies accessit; illa tamen dictum nucleum tandem tussi egressit atque ita convaleuit.

Alardus Herman. Cummenus miscell. curios. med. phys. German. obs. 3. decur. 1 an. 3 pag. mihi 181. De quodam narrat, qui nucis avellanæ putaminis frustum tussi ejecerit, quod jam tredecim menses pulmoni incubuerat. Quo expulso, cùm antea valdè macuisset, integræ sanitati restitutus fuit.

Tulpius lib. 2. cap. 7. pag. mihi 114. avellanæ nucis putaminis mentionem facit, quod digiti unguem magnitudine referebat, quodque propè

arteriæ asperæ caput in gutture civis cujusdam Amstelodamensis fixum hæserat per integrum septennium, qui inde continuâ infestabatur tussi, nec sine molestiâ respirabat, unde macrescebat valde : Quamprimum autem dictum putamen vehementi emiserat tussi, minuebantur accidentia, vitæque periculum, quod ei instabat, tum mox evasit.

OBSERVATIO XXIV.

Pulvis Pyrius è tubo ferreo (Musquetam nostrates vocant) in gulam explosus.

Joh. Goblyn Gallinas, ac id genus, Javes, vendere solitus, hîc Hagæ habitans 6. May an. 1649. nundinarum tempore, quo cives in armis esse solent, ex ejusmodi tubo explodere pulverem gestiebat incensum, cum vero dubitaret (ab alio enim cive acceperat) num gravidus esset tubus, eum alterâ sui parte in terram demissum, orique admotum inflavit, quod cum faceret, contigit, ut adstans aliquis casu instrumentum illud, quo ignitus fomes pulveri admove-

tur,

CENT. PRIM. OBSERV. XXIV. IOI
tur, ita pede tangeret, ut incensus in in-
stantis os profiliret pulvis.

Hinc ejus palatum, gula, gingivæ,
nec non lingua ustulabantur, atque adu-
rebantur leviter. Cumque ipse cum
Chirurgo *Cornelio de Jong* ad hunc voca-
tus essem, post venæ sectionem illi mox
oris collutionem præscripsi ex aquâ
plantag. sperm. ranar. & mucilag. sem.
psylly, ac cydonior. præparatam, nec
non idoneos linctus, lactisque cremo-
rem dulcem &c.

Quamvis autem ille hæc, uti par
erat sumebat, nullum tamen potum,
adeoque minus cibum deglutire vale-
bat, viâ iis occlusâ omnino, atque sic-
catâ ac ita partibus illis ad deglutitio-
nem minus aptis redditis. Quæ alimen-
ti refectioisq; abstinentia per octo,
vel novem (quod magnoperè admira-
batur) dies continuos durabat; post
quos tamen separatio quædam facta
fuit, cœpitque ille aliquantum in guttur
posse immittere ope canthari, cui tubu-
lus affixus erat. Sed cum sese jam omni-
no sanatum credebat, maloque libera-
tum, majore inter deglutiendum, quam

102 OBSERVAT. RARIORUM
unquam antea, dolore afficiebatur, separatis scilicet particulis ustulatis, mortuisque à vivis, & integris, omnibusque circumquâque planè excoriatis. Ipse tamen, post diuturnam veluti cum morte colluctationem, tandem plenè convaluit: quamquam post sex, octove ab hoc incommodo hebdomadas, ossea quædam à palato illius fragmenta separarentur.

IN OBSERVATIONEM XXIV.

FELICIOR longè, nec minus miranda fuit explosio, quâ (teste *Thom. Bartholino Centur. Anatom. 6. histor. 98. pag. mihi 376.*) è tubo ferreo ejectus globulus plumbeus, & in Præfecti cujusdam militum os intrans linguam ejus tangebatur, contrahebatque in obsidione *Naschoviana*, quod est Daniæ oppidulum in occidentali Langlandiæ insulæ parte situm; dictus etiam globulus læsi maxillæ inferioris dentium ordinem perrupit, ac per fauces descendens post quinque dierum spatium, ope leniter purgantis remedii per alvum ejectus est; Præfecti illius lingua, gulaque, narrante *Bartholino*, post trës hebdomadas ita, dante Deo, ad priorem rediêre sanitatem, ut victum deglutire, ac, ut antea, loqui perfectè posset. Globuli hujus imperus non fuit tantus, quia obstaculo dentium defer-

deferbuit, jam antea itineris longitudine languidior, unde absque earum, quas præterierat, partium detrimento, sive adustione ad interiora transmitti, ac postea per alvum emitti haud difficulter potuit. Ceseberrimus Medicus *Steph. Blankardus Collect. Med. phys. centur. 4. obs. 39. fol. 310.* De quodam narrat, qui consimilis tubi periculum facturus gravidum quidem eum reperit, sed obturato foramine, per quod ignis intrat, pulvis etenim interior ad ictum non profiluit: quare ille ignito intubum immisso clavo, & , necdum emisso pulvere pyrio illum inflavit; quo tempore erumpente pulvere nitrato per os in linguam introiit clavus, ad digiti latitudinem, ita ut nihil omninò appareret. Ipse tamen, nullis præcipuis partibus læsis, â perito admodum Chirurgo, qui idoneo adhibito instrumento eduxit clavum, brevi injectionibus, & colutionibus oris curatus est.

OBSERVATIO XXV.

Abscessus in faucibus cum cibi, potusque per novem dies continuos abstinentiâ.

Gubernatrix Nosocomii *Scheveringani* corpore tenuis admodum, at sanguine abundans violentâ vexabatur feбри, non sine magnâ gulæ inflamma-

104 OBSERVAT. RARIORUM
tione, ac tumore, quem *Synanchen* dicunt. Quamvis ipsi vena scissa, aliaque remedia uti decebat, admota essent, muscoli tamen œsophagi ita ipsi obsidebantur, ut per 9 dies nec cibum, nec potum intromittere posset, nihil etiam liquoris (ita ipsa retulit) per fauces descenderet, at omnia in os immissa per nasum emitterentur; ita ut vita ejus periclitaretur, accedente etiam vocis defectu. Verum nono die liberata fuit, ruptusque unâ faucium parte fuit abscessus, dieque sequenti pariter alterâ parte; ita ut temporis tractu ad priorem redierit valetudinem.

IN OBSERVATIONEM XXV.

QUærare haud immerito quis posset, an talibus casibus, quales posteriores duos proposui, clysteriis nutrientibus non sit utendum? an & insuper horum beneficio corpus nutriatur? Quamvis valvula, quæ tenuia intestina à crassis separat, contrarium velle videatur, ac licet verosimile sit requiri, ut cibus antea in ventriculo fermentetur, ibique in album vertatur chylum, nihilominus tamen opinor aliquo modo clysteria nutrire posse, quamquam

CENT. PRIMAE OBSERV. XXV. 105
quam non ita, quàm si idem nutrimentum per
os in ventriculum fuisset demissum.

Hoc ipsum quotidianus usus docet; quia ejus-
modi clysteres nutrientes à plurimis jam olim
medicis non sine laborantium commodo abhibiti
fuere. Hicque agendi modus apud Italos, His-
panosque medicos tam viris, qui non aliter pos-
sunt ali, quam fœminis, quæ Uteri suffocatione
laborant, maxime in usu est.

Id ipsum *Galenus etiam admitit lib. 3. de cau-
sis symptom. cap. 2.* ubi apertè fatetur clysteres
in quibusdam tam altè ascendisse, ut per vomitum
fuerint ejecti, velut in volvulo, aut in her-
niâ fieri solet, quâ de re 57. observatione
agetur.

Placuit jurulentorum infusio per alvum etiam
Celso lib. 3. cap. 20. nec non *Abenzoari, Ori-
basio, Mercuriali quest. Pisanis hist. 21. Andr.
Laurentio lib. 6. quest. 14, Bartholino Con-
trovers. anatom. quest. 12. pag. 401. Tulpio
obs. 42. lib. 1. pag. 83., M. Sebizio exercitat.
med. pag. 245, Peyero de glandulis pag. 91. &
seqq. Ut & Anthon. Musæ Brassavolo, com-
ment. ad sect. 35. lib. 4. Hippocratis de morb.
acutis pag. 114. & comm. ad Aphoris 15. lib. 2.
Hippocratis.*

Hic enim, servavimus, inquit, in vitâ
mulierem religiosam Synanche laborantem 9.
dies continuos solo clysterum usu, quæ post con-
valuit. Habemus ergò ait, ubi fauces sunt oc-
clusæ

106 OBSERVAT. RARIORUM
clusæ, medium quoddam, quo homo conser-
vari potest, licet aliquot dierum spatio nihil de-
glutiat.

G. Fabrit. Hildan. cent. 4. obs. 30. pag. 311
de gravidâ muliere refert, quæ per 6 hebdomadas
à cibo, potuque penè quovis abhorruerit, ac
clysterum nutrientium usu salva cum fœtu suo
evaserit.

Forestus lib. 15. schol. ad obs. 30. pag. 168.
testatur de *Joh. Tiengio*, qui medicinam fecerit
devotæ cuidam, quæ abscessu faucium labora-
bat qui vigesimo demum perrumpebatur die,
ita ut tum demum victum per gulam immittere
potuerit; interea dictus Medicus ipsi enema ex
lacte ac ovorum vitellis constans præparari jus-
serat.

Amatus Lusitanus cent. 1. curat. 100. pag.
pag. mihi 133. de Nobili memorat matrona,
quæ anginâ laborabat, quæque per octo dies nec
edere, nec loqui poterat, quam ipse injectis
per clysteres jusculis sustentabat, ac vivam con-
servabat.

Quin etiam missâ experientiâ, ipsa docet ratio
nutrientia enemata prodesse multum posse. Quam-
quam enim hoc qualecunque alimentum ad inte-
stina tenuia non transeat valvulæ intuitu propè
initium Coli sitæ, intestina tamen ejusdem ferè
sunt temperamenti, ac substantiæ, cujus est
ventriculus: Ita ut cum eo etiam potentiam
quandam chylicandi nacta sint, præcipue Co-
lon,

lon, quod est carneum, uti loquitur *Galenus lib. 4. de us. part. cap. 17.* habetque hoc intestinum diversas cellulas, in quibus quod in anum injectum est, aliquomodo continetur: illud etiam situm est in loco satis calido sub ventriculo scilicet, ac diaphragmate prope jecur, & liem, &c,

Nonnulla etiam in intestinis crassis dantur vasa lactea, ac glandulæ, quæ nutrimentum ibidem nonnihil alteratum suscipiunt, & deferunt ad sanguinem, quo mediante per totum distribuitur corpus, licet enim ea adhuc (quod sciam) in homine non sint detecta, quod in cadavere subito dispareant, & conspectum fugiant, nihilominus observarunt quidam in cuniculis recenter mactatis lactea esse conspicua in crassis intestinis, quid ni hoc etiam locum habere possit in nobis, quamvis homine jam mortuo non appareant? quid ni etiam nutriens succus æquè ibidem penetrare, vimque suam intus exercere posset, quam compertum fuit olim purgantia, ac narcotica remedia suam monstrasse virtutem?

Nec dubium est, quin blandi vapores clysterum nutrientium per poros intestinorum eant ad sanguinem, ingrediendo poros vasorum sanguiferorum, & eodem modo reficiant, quo vini, panis calidi, aquæ vitæ, carnisquæ assatæ odor naribus receptus vires dejectas reficit.

Nonne eâdem ratione clysteres anodynî, & emollientes operantur in dolore Nephritico?

Nonne

Nonne videmus clysteres valde penetrantes aquas Hydropicorum ex addomine elicere, quatenus eorum liquor poros intestinorum aperit, unde particulæ aquæ fluxiles transire possunt, & per intestina excerni? Huc accedit, quod ejusmodi nutrimentum, per intestinum rectum infusum, facilè intus mutetur, & digeratur, quoniam ad chyli substantiam quàm proximè accedit, nostroque corpori valde aptum, & amicum est, uti verbi gratiâ sunt lac, jusculum carnis cum vitellis ovorum, &c.

Quod autem *Galenus dicto loco lib. 3. de symptom. causis* dixit, de ventriculo, qui malè se habet, intelligit: benè enim se habente illo, nunquam liquor per clysteres ingestus eò transferetur; Sin contra, ac magnus illi sit appetitus, non tantum injectum liquorem, sed & fæces alvi attrahet: Duplex enim intestinorum motus peristalticus est, secundum naturam alter, alter præter eam: Quod autem ad dictam valvulam attinet, quod de eâ dixi, cum hac distinctione accipias, velim, quod hæc membrana difficulter quidem aliquid ab inferioribus partibus transmittat ad superiores, ac hoc omnino fieri non posse, quis asseret? *Th. Kerckringius obs. ana. 31. fol. 27.* testatur variis experimentis sibi videre contigisse valvulam istam coli notissimam non ita occludere intestinum, ut nihil unquam pertransire possit. Narrat ille de fæminâ Harlemensi, quæ, dum clysteres injiciebantur, eos halitu suo ita sursum attrah-

CENT. PRIM. OBSERV. XXV. 109
attraxerit, ut nauseabundus stomachusea ejiceret, quæ manifestè eum, qui materiæ clysteris fuerat, spirarent odorem.

Licet crassa, & oculis exposita clysterum substantia (inquit *Velthufius de generatione fol. 275.*) ad superiora intestina, aut stomachum non pergat, pars tamen spirituosior, vaporis modo sanguini & spiritibus miscetur, quibus roborantur, & detrimentum refarcitur, quod frequenti circulatione passi sunt spiritus.

Si quis autem vereatur, ne impuritate excrementorum alvinorum nutriens liquor inquinetur, atque ita incassum fiat labor; poterit ille detergente enemate aliquoties intestina abluere.

OBSERVATIO XXVI.

*Pus ex abscessu ad exteriorem colli partem
per nares emissum.*

NON ita diu est; quod ad infantem tres annos habentem hîc hagæ vocarer, qui in collo propè venam jugularem abscessum habebat pugno suo magnitudine parem, quo loci contenta materia jam ante sex hebdomadas sese conferre cœperat; quando idem subitò minuebatur, quoniam infans puris partem
benè

110 OBSERVAT. RARIORUM
benè magnam naribus emittebat, quod
ipse mirabar summopere; statueram
namque jubere abscessum scalpello inci-
di, quâ operâ tum superfedi, ac postri-
diè iterum puris aliquantum dicto modo
effluxisse intellexi; narravitque mihi tum
infantis mater eundem ante sex menses
in adversâ parte eodem loco haud absi-
milem abscessum habuisse; quo tum
temporis sectione aperto, ac post puris
ejectionem mundato, sanatus fuerat
ille.

IN OBSERVATIONEM XXVI.

Viam, quâ ista effluxerit materia, me non
nossè ingenuè fateor, sicuti nec memini ul-
lum unquam exemplum translati puris mihi acci-
disse circa illas partes. Verum fortuiti eventus
aliquando ægris nec opinantibus salubriter obve-
niunt, & monstra in Medicinâ fiunt, quæ mira-
ri magis, quam ratione assequi licet.

R. Dodonæus Medicinal obs. cap. 16. fol. 38.
puellæ meminit binos annos natæ, cujus utraque
tonsilla admodum inflammata erat, ac licet ipsa,
propter ætatem, satis idoneis uti non posset reme-
diis, ejus vires tamen adeo invaluerunt, ut ad ex-
teriora malum propulsum sit. Ab utrâque enim
colli

colli parte infra aures abscessus apparuit, quo utroque scalpello incisorio aperto, pus effluxit illicò, ac puellula tonsillarum tumore liberata, atque pristinae valetudini restituta est.

Cuidam in brachiis ambobus vulnerato, pus per alvum exiit, vulneribus siccis, uti fidem facit *Höechstetterus obs. med. dec. 7. cas. 6. fol. 120.*

Pus à læsis artubus in alvum fluxisse scribit *Schenkius fol. 433.*

Certum est in corpore viventi omnia magis fluxilia, ac conspirabilia esse, quam in mortuo, in quo omnia non tam benè oculis apparent, ita ut mirari nemo debeat vias quandoque ad exonerationem dari nobis incognitas planè, atque occultas. Namque ad expellendum quidpiam quod obest, via sæpe sternitur alioquin inusitata, atque antea omninò invia: cujus rei plurima quotidie occurrunt specimina, Ita *Fabrit. Hildan. centur. 1. obs. 81. ait*, cum apostema propè humerum infantis tres menses nati reperi- tum serius aperiretur, pus per partes inferiores exitum quærens, in abdomen ad partes spermaticas descendisse, ibique, motu sanguinis tardiore facto, & spiritibus deficientibus, postea putrefactionem, ac deinceps gangrænam ortam esse.

Ac *centur. 5. obs. 51. pag. mihi 438.* quandam nobis proponit matronam, quæ anisi semen, carbonum frustra, nec non pilos unà cum urina reddidit.

Pigrans

Pigraus de vuln. in specie cap. 14. lib. 4. pag. 390. scribit militem quendam globo plumbeo pectus faucium, postquam tres, quatuorve menses jam curatus esset, costæ frustum abruptum satis latum, ac tres digitos latos longum, per arteriam asperam emisisse.

Ambros. Pareus lib. 24. operat. Chirurg. cap. 19. pag. mihi 567. itidem de milite narrat, cujus abdomen tubi minoris globo ictum erat; quem globum ille post gravissimos dolores, cruciatusque nono demùm ab accepto vulnere die per alvum ejecit; atque intra tres hebdomadas sanatus fuit.

Mercatoris etiam cujusdam uxoris dextram natem acu læsam fuisse casu refert, dum illa equo extra urbem veheretur, ac tam profundè sese insinuaverat acus, ut nullâ ratione evelli posset; illa tamen post menses quatuor jam ferruginea ex ejusdem lateris inguine educta est.

Alex. Bened. observ. Dodonæi pag. 300. meminit cujusdam virginis, quæ acum, ornatus ergò inter capillos gestari solitam quodam tempore inter dentes somnum captura posuerat, cumque eandem per errorem sopore penè victa deglutiisset, decem post menses eandem cum urinâ reddidit.

Th: Bartholinus Cent. 6. hist. 99. pag. 378. de virgine memorat, quæ acum deglutiverat, cuique ab illo tempore per quatuor annos insequentes nihil supervenerat mali: illa tamen pun-

gentem

gentem admodum dolorem denique cum tumore intus in crure animadvertit, unde postea prodiit acus.

Narrat etiam de milite quodam Sueco, cujus abdomen in Hafniæ obsidione fragmine ferreo inæquali è tormento erumpente faucium erat, quod ipse haud diu postea, sed non absque acerrimis cruciatibus, simul cum urinâ excrevit, atque ita sanatus est.

De furioso quodam homine dictus scriptor ibidem narrat, qui tria ferrea frustra per fauces transmiserat, quæ decimo post mense per ejus tergum, atque ex abdomine extrahebantur.

Plura ejusmodi huc adducere non usque adeo utile, ac vix operæ pretium duco.

OBSERVATIO XXVII.

Raucitas insanabilis è frigidaë cerevisiæ haustu.

QUam multa, ac quam diversa non hominibus tantum, verum & animalibus majoribus, ac fortioribus multò, superveniant incommoda, cum ipsa antea labore calentia externo occupantur frigore, frigidove paulo post sitim restinguunt potu, plus satis ipse

H

re-

114 OBSERVAT. RARIORUM
rerum demonstrat usus. Sæpiusne con-
tingit multis hâc de causâ aut in gravissi-
mos morbos, periculososque, ut sunt
vehementiores febres, Pleuritis, Peri-
pneumoniâ, paralyfis, &c. incidere, aut
diuturno tempore veluti contabescere?
Quamquam non ita periculi plenum sit,
incommodi tamen multum adferens,
rariusque mihi videtur, quod exponam,
exemplum. Mulieri cuidam defessæ la-
boribus, ac sudore toti quantæ perfusæ,
frigidoris cerevisiæ haustus insignem
sine tussi, catarrhove ullo raucitatem
attulit, ut vix sonum reddere posset,
quod diu admodum ipsi adhæsit incom-
modum, nec unquam, quod sciam, eo
fuit liberata, idoneis licet sæpius usa
remediis.

IN OBSERVATIONEM XXVII.

Verissimum est illud effatum *Hippocratis*
lib. de aëre, aquis, & loc. sect. 3. fol. 283.
Per hyemem glaciata, frigidaque & tum à nive,
tum à glacie turbida sunt aquæ, adeoque maxi-
me pituitam gignunt, & raucedinem excitant.

Laz: Riverius centur. 11. obs. 80. pag. 173.
tradit historiam de virgine quadam, quæ exter-
no

no aëre frigefacta gravissimâ laboraverit raucedine, quæ itidem ipsi absque tussi, & dyspnæâ, nec non præsentibus catarrhis supervenerat : Illa quidem per sex menses duravit, variis nequicquam remediis adhibitis. Tandem vero è dormientis aure modica aquei humoris portio effluxit, atque exinde iterum rectè loqui posse illa cœpit. Concludere hinc quisquam posset dicti humoris quandam fuisse in cerebro collectionem, eumque in aliquem illius nervi incidisse ramum, qui à quinto pari ad musculos laryngis pergit, quo vox ipsa formatur, unde factum sit, ut musculi illi veluti paralyti fuerint affecti : Quamquam plerumque hinc oriatur raucitas, quod nempe membrana, quæ laryngem, tracheamque arteriam investit, aspera, atque inæqualis fiat destillatione quâdam, quæ è cerebro proveniens in vocis instrumenta manans incidit. Cum enim aspera arteria lævis facta est, & ea benè sese habet, vox lenis, & moderata editur, si vero naturalis lævitas, & æqualitas tollitur, inæqualiter etiam aër illisus repercutitur, atque inde vox rauca efficitur. Cui incommodo pellendo idoneum valde esse *Syrupum Erysimi Matth. Lobelius scribit, qui hist. stirpium pag. 103. se non tantum puellam quandam, decennali, sed & alios diuturnâ admodum, ac propè inexpugnabili raucitate dicti syrupi ope liberasse refert.* Sed & ipse sæpius ejusdem virtutem sum expertus, videruntque

116 OBSERVAT. RARIORUM

præter me optimas illius operationes scriptores optimi *Simon Schultzius miscell. curios. med: phys. decur. 1. an. 3. p. mihi 275*, ac *N: Fontanus prax. c. III. de Raucedine p. 131. aliique.*

Dictus *Riverius* post quatuor menses simile sibi obuenisse in quadam virgine exemplum memorat, quam per octo jam menses illud infestaverat malum : quare ille de puellæ incommodo jam omnino certus ejus corpore venæ sectione, ac purgantibus requisitis præparato, ipsam porro decocto *ligni Guajaci*, ac *rad. salsa parillæ*, quod etiam purgabat, quodque viginti dies continuos cum simplici dictæ *salsæ parillæ* decoctione, ac denique per triduum continuato in balneo sudore percuravit.

OBSERVATIO XXVIII.

Varii Lapilli è pulmone per tussim ejecti.

Consanguineorum meorum aliquis Juvenis admodum, ac asthmate laborans, licet haud ita graviter, sæpius querebatur lecto sese vix continere posse vesperi, cum cubitum iret, ita ut ab eodem revertens quandoque ad inferiores ædium partes sese conferret, quandoquidem maximo circa pectus angore se corripì diceret, quantum ad reliqua

CENT. PRIM. OBS. XXVIII. 117
fatis bene se habens. Longo post tem-
pore compertum est illum aliquot lapil-
los pisces similes, quosdam etiam iis
maiores, ac nonnullos minores, æqua-
les alios, alios autem inæquales
admodum, aut universos foramini-
bus plenos, ac spongiosos, tanquam
pumices tussi ejecisse, quam postea
ipsius sequebatur pulmonis ulceratio,
ac postremo letifera tabes, intra bien-
nium eum ad plures rapuit.

IN OBSERVATIONEM XXVIII.

CRescente Asthmate viscosus, ac lentus pul-
monis humor in lapillos vertitur propriâ
singulos membranâ vestitos, scribente *Joh. Fer-
nelio Patholog. lib. 5. c. 10. pag. mihi 106.* Id
ipsum confirmat *Matth. Tilingius misc. curios.
med. phys. decur. 1. an. 6. pag. mihi 176*, nec
non *Casp. Hoffm. apud Cratonem consil. 91.*

Hoc autem malo laborantes vix lecto conti-
neri posse demonstrat *Willisus cap. 12. De Asth-
mate Pharmacop. rationalis part. 2. pag. mi-
hi 151*, cum ait: quod corpore stragulis
coöperto, & concalfacto sanguis in motum
paulo citatiorem concitetur, & ferveſcat,
quare uberiores aeris inspirationem requirit,
quam per trachææ ductus coarctatos suppleri

„ queat: Quo enim plus sanguinis singulâ systoles, & diastoles vice pulmones traycit ideò propter accensionem, simulque eventilationem ejus, aer copiosius, & celerius ingeri, regerique debet: cui penso (cum propter impedimenta non facile absolvitur) tamen quoquo modo peragendo, partium omnium respirationi dicatarum, cum magnâ totius pectoris contentione, conatus ultimi exeruntur. Porro sanguis agitato in prædispositis non tantum asthmatis occasio, sed aliquatenus etiam causa existit: nam proinde vasa sanguifera intra pulmones magis impleta, & distenta ductus tracheales jam jam angustos comprimunt, & multo arctiores reddunt.

P. Aegineta cap. 31. pag. mihi 320. quendam se novisse ait, qui, post quatuor vel quinque lapillorum è pulmone proventum, tabe interierit.

Antho. Benivenius obs. med. cap. 24. p. 175 mentionem facit lapidis, avellanam nucem æquantis magnitudine, ac tussi è pulmone producti.

Paulo majoris menimit *Prævotius* apud *Rhodium obs. med. cent. 2. pag. 67. Zacut. Lusitanus prax. med. admir. lib. 1. obs. 95*, de calculo etiam nucleo Dactyli magnitudine non cedente narrat.

Bartholinus actis tom. 1. pag. 192, de alio refert, qui primo pollicis articulo par erat.

Ipse nuper anno 1682. unum vidi tantum, quan-

quantum est gallinaceum ovum minus, quem faber lignarius, cui Joh. Jacobi nomen, 25 annos natus, gravi admodum tussi post diuturnum asthma, quod maximus comitabatur angor, anno 1681. ejecit, sanatum se omnino jam credens, nec tamen ultra sex, septemve ab eo tempore vitam produciens hebdomadas.

Nucis juglandis magnitudine in pulmonibus se invenisse ait *G. Fabrit. Hildan. cent. 2. obs. 29.*

Ottho Heurnius suis obs. refert de Scoto quodam annorum 28 extincto crudis tuberculis, quæ totum pulmonem obfidebant.

Scio, præsentì Nobiliss. Viro & expertiss. Anatomico *D. Ludov. Bilſio*, hic Hagæ ultra trecenta, & quinquaginta dura, variæ magnitudinis, & figuræ corpora, quorum alia lapidosæ, alia vero cartilaginossæ, & aliis modis compactæ erant substantiæ, è pulmonibus Molossi educta fuisse, quorum maxima castaneæ, minima vero pisi magnitudinem æquabant.

OBSERVATIO XXIX.

Vulnus in osse Sterni.

CUjusdam hic Hagæ habitantis ante aliquot annos gladio læsum erat os Sternon: Quamquam autem Chirurgus *du Foix*, vulgo *Lucq*, specillo non satis

120 OBSERVAT. RARIORUM
discernere posset propter dicti ossis cartilaginem, an in ipsam pectoris cavitatem penetrasset vulnus, nec ne; symptomata tamen eum postea docuere dictum os illius gladii punctione omnino fuisse perforatum: Quoniam vulneratus præter Dyspneam, ponderis nonnihil medio in pectore animadvertibat, licet pus non eo modo huc illuc agi sentiret, quam quidem eo propter ejusmodi collectionem in Diaphragma demisso percipi solet: Credebatur itaque illud contineri intra mediastini duplicaturam. Quare conclusum fuit trepano aperiendum dictum os; quo non sine multi puris exoneratione facto, læsus tractu temporis perfectæ restitutus est valetudini.

IN OBSERVATIONEM XXIX.

IPse sæpius, cum primum Medicorum numero adscriptus aliis Medicinam facere inciperem, disceptavi, haberetne Mediastinum naturaliter intus circa os sternon quandam cavitatem nec ne. Tandem vero dissectione cadaveris comperi in eodem nullam quidem esse cavitatem, verum ejusdem duplicaturam plurimis interve-

nien-

CENT. PRIM. OBSERV. XXIX. 121
nientibus fibris, ac membranaceis filis cohærere,
haud aliter, quam pia mater duræ, aut hæc cra-
nio alligata est.

Mediastinum, scribente *Barbettio Anatom. pract. fol. 137.* visibilem in hominibus cavitatem non habet, quæ ipsi in canibus, aliisque quibusdam animalibus est. Interdum tamen post inflammationem aliquam intra binas has membrans pus, quod per pulmones ejici, neutiquam potest, colligitur. Quare terebret Chirurgus os Sternon dicto casu, penicillisque, ac spongiis, similibusque aptis instrumentis pus educat, requiritur.

Inter mediastinum, inquit *Columbus Anatom. lib. 9. cap. 3.* quod in duas partes Thoracem dividit, aliquis humot colligi potest, qui itidem per apertum os sternon satis tutò emittitur. Illud tamen vix admittit *Ambr. Paræus lib. 3. anat. de part. Thoracis cap. 7. fol. 82.* dicens: Velle „ equidem sibi à Columbo demonstrari, qui- „ bus indiciis certò quis confirmare posset ejus- „ modi materiam eò loci convenisse.

Verum enim vero è gravitate quâdam ac pondere, nec non cordis oppressione, difficilique respiratione illud ipsum cognosci potest, quod mox alio exemplo probatum imus.

Carpus in hac cavitate etiam fistulas vidit, quibus puris aliquot uncix contineri poterant.

Sanguis, notante *Wepfero obs. Anatom. pag. mihi 354.* copiose inter Mediastinum, atque os

Sternum colligi potest; vasa enim sanguinea per hunc locum transeunt, dictaque membrana quam facillime ab eo osse recedit; ita ut inde nonnulli (at perperam) concluderint vacuum quendam locum inter illam membranam, ac dictum os naturaliter dari. Porro, novi inquit,

„ Rusticum senem, qui multis annis sub sterno
 „ empyema sustinuit, quod juxta cartilaginem
 „ ensiformem in sinistro latere sibi exitum para-
 „ verat, quoties fistula occludebatur, aut à pu-
 „ re concreto obstruebatur, à pure stagnante
 „ valde angebatur circa præcordia, difficulter
 „ respirabat, ac dolorem aggravantem, & ten-
 „ sivum patiebatur: quamprimum vero fistula
 „ turundis è radice gentianæ dilatata pus copio-
 „ se profuderat, statim melius habuit, & ali-
 „ quot annis satis commodè vixit. De ejusmo-
 di abscessu inter duplicaturam mediastini post
 mortem invento mentio fit *Scholio ad observ.*
nostram 32.

OBSERVATIO XXX.

Vulnus per pectus penetrans.

ANte annos aliquot quidam *Etteley* nomine, vulnus in tergo accepit gladio, compertumque ejus fuit prope omoplatham initium, finis autem non longè à

CENT. PRIN. OBSERV. XXX. 223
à mammillâ , inter musculos pectoris
intercostales anteriores , toto pectore ,
exceptâ cute anteriore perforato. Ille
mox post inflictum vulnus ingentem san-
guinis tussi ejecit copiam , me nec non
Chirurgus *Arnoldo de Wilde* non dubitan-
tibus de considerabili ipsius pulmonis
læsione. Tumor etiam non levis circa
papillam conspiciebatur instar solitæ
mammæ fæminæ. Nihilominus tamen
ille , his sese ita habentibus nobisque
haud parum de ejus curatione sollicitis ,
intra binas hebdomadas omnino percu-
rato vulnere , convaluit.

IN OBSERVATIONEM XXX.

FIdem vix invenerit quisquis perforato , &
transfosso pectore toto , læsum nihilominus
pristinæ valetudini restitui posse dixerit. Verum
nullus dubito , quin nostro *Etteley* , dum æ-
rem exhalaret , vulnus illatum fuerit , ac vasa
majora , contrahente se pulmone , atque intus
adducto , ita manserint intacta. Quod etiam
Bartholino cent. 6. hist. 81. pag. mihi 338. ut &
hist 96. cent. 5. pag. 17. nec non Foresto lib. 6.
obs. Chirurg. 17. pag. mihi 30. observatur.

Nobilis quidam , referente *Pigrao de vuln:*
thora-

thoracis lib. 4. cap. 14. pag. 390. in anteriore pectoris parte non longè à mammâ vulneratus fuit ense, ita ut vulnus anteriori pectoris parte intrans, posteriori exiret, quod equidem illæso pulmone fieri non potuit: Vulnus erat valde strictum, simplex, nec aliud pus habens, quam quod habet id vulnus, quod sanitati proximum est, corpus nullâ febris, nullisque aliis symptomatis laborabat. Id cum animadverterem, reliquam curationem, inquit, naturæ reliqui, morbusque paulo post sanatur, & convalescit æger, functionibus naturalibus utitur, sed quadragesimo circiter die febre corripitur, cum aliquâ respirandi difficultate, tertioque exinde die per tracheam arteriam plus, quam libram albicantis, ac satis probe cocti puris ejecit, atque tum postea ad priorem rediit sanitatem. Non multum abhorrentia legas apud *Francisc. Arcaum lib. 2. cap. 1. de curand. vulneribus; & ejusdem lib. cap. ult.* Nec subsistet hîc fortean, quisquis hæc legerit, sed, unde ille mammæ tumor, quo de superius sermo fuit, ortus sit, inquiret.

Certum equidem est, nos in dicto patiente potuisse animadvertere non nisi flatum quendam dictum tumorem excitasse, quoniam ille & mollior admodum, & ejus contactu nullo omnino, aut levissimo saucius afficiebatur dolore, aliquod insuper inter premendum exaudiebatur murmur.

Th: Bartholinus centur. 5. hist. 12. pag. mihi
19. &

CENT. PRIM. OBSERV. XXX. 125
19 & centur. 6. hist. 89 pag. 354. haud absimilis
tumoris mentionem injicit; erat autem ille non
membrî partive tantum unius, sed totius plane
corporis è vulnere pectori inflicto ortus. Hujus
autem ille tumoris causam dubiam omninò sta-
tuit, cum dicit: *Intumescere fortassis corpus,*
quod, pulmone læso, sanguinis retardetur cir-
cuitus, unde frigore corripitur corpus, adeoque
factis tumescit flatibus.

H. Smerius lib. 10. miscel. med. pag. 541. Ju-
venis cujusdam meminit, cujus pugnantis latus
sub axillâ dextrâ intra tertiam, ac quartam cos-
tam non sine ipsius pectoris perforatione tenui
gladio lædebatur, cuique postridiè totum in-
tumescebat corpus; integrum quippe pectus,
nec non tergum, venter, scrotumque imò e-
tiam collum, humeri, brachiaque, ac ipse vul-
tus, cervixque ita tumebant, ut nec palpebras
aperire posset. Insoliti autem hujus, monstro-
sique Symptomatis causam dictus scriptor statuit
pectoris efflationem per vulnus axillare obstru-
ctum subter cutem accidentem, quo modo vi-
demus vesicam recentem, flaccidamque, inser-
to calamo per flatum intumescere, & sicuti lanio-
nes pellem ovillam, antequam, & quo facilius
deglubant, flatibus distendere alicubi solent.

Laz. Riverius obs. communicatis à Petro
Estanove Chirurgo Monspeliensi obs. 1. fol. 370.
„ ita scribit: *Quidam miles hastâ confossus,*
„ est, in parte thoracis anteriori, vulnere ad
„ illius

„ illius capacitatem penetrante : intra duas ho-
 „ ras ab accepto vulnere , universus corporis
 „ truncus unà cum scroto utris instar inflatus est ,
 „ quæ tamen inflatio furfure torrefacto , &
 „ calente , variis sacculis incluso facile dis-
 „ cussa est.

Simile admodum vulnerati pectoris exem-
 plum vidisse se refert *Sennertus lib. 3. prax.*
part. 6. sect. 2. cap. 4. fol. 339, placetque illi à
Smetio data tumoris causæ ratio; *Willisio* autem
 displicet. Hic enim *Pharmacent. rationalis*
part. 2. cap. 4. pag. 211 inconcinno spirituum or-
 „ dini tumorem hunc attribuit : In pectore enim,
 „ inquit, prope axillas , magni, & perquam in-
 „ signes (quales se descripsisse dicit suâ neurolo-
 „ logiâ) extant nervorum plexus, per quos ner-
 „ vi totius corporis inter se communicant : qua-
 „ propter plexu isthoc nerveo per gladii pun-
 „ cturam forte transfixo, primo spiritus ibidem
 „ hospitantes irritati ἀταξίας ineunt , dein
 „ consensu per nervos alios eximios statim facto,
 „ & quaquaversus huc illuc transmissio, spiritus
 „ alii, & subinde alii pares inordinationes con-
 „ cipiunt, atque membranas, fibrasque nerveas
 „ (quas ubique tumultuarie subeunt) inflantes,
 „ totius corporis affectionem quasi Tympaniti-
 „ cam inducunt. Propter similem furorem,
 „ sive oestrum virulentum spiritibus alicubi im-
 „ pressum, & inde mox longe, lateque diffu-
 „ sum, toxica quædam epota, telorum, aut
 „ fe-

„ ferarum ictus, vel morsus venenosus, sepe-
 „ numero partis unius, plurium, aut totius cor-
 „ poris intumescuntiam inducunt. Complures
 „ alii subsunt casus, & instantiæ, quibus cla-
 „ rissimè evincitur spiritus animales irritatos.
 „ & in excandescantias actos, quatenus fibras
 „ nerveas impetuosius subeunt, partes impri-
 „ mis membranaceas intumefacere, & multas
 „ ex iis passiones excitare, quæ vulgo, sed per-
 „ peram flatibus adscribi solent.

Roget quispiam: cum sanguis post inflatum
 vulnus è vasis pulmonis discissis per vulnerati os
 statim magnâ copiâ effluerit, cur idem, aut
 saltem ejusdem portio versus diaphragma non
 descenderit? Respondendum, ejusmodi des-
 censum sanguinis fieri non posse his, quibus pul-
 mo sub puncturâ costis annectitur.

OBSERVATIO XXXI.

*Vocis defectus ac Paralysis post læsum
 pectus.*

JUvenis cujusdam 18. circiter annos
 habentis, hicquæ Hagæ habitantis
 gladio vulneratum fuit pectus, unde ille
 mox procubuit, ac tanquam mortuus
 domum portatus diu absque ullo sono,
 motuque jacuit, ac prope quatuor sex-
 ta-

128 OBSERVAT. RARIORUM
tarios sanguinis tussi ejecit. Multo ille
tempore mutus , atque alterâ corporis
parte paralyticus fuit. Tandem vero
fatis feliciter sanatus est. Quamquam
autem linguæ priorem usum paulatim
receperit , cruris tamen non , nisi quo-
dammodo , motum , qui fuerat , recupe-
ravit , manu omnino paralyticâ rema-
nente.

IN OBSERVATIONEM XXXI.

VIx cuiquam persuaseris pectoris læsione
nervos ad femur tendentes fuisse vulnera-
tos; cum quod ipsi è vertebrarum lumbarium
foraminibus , atque osse sacro oriantur , tum
quod dictus patiens crus suum post curam mo-
vere potuerit. Credibile autem est alterum
nervorum recurrentium fuisse tactum , hincque
illi loquendi difficultatem natam. Unde tamen
ei alterius lateris brachium paralyticum manse-
rit, vix est, ut explicem : quoniam , qui ver-
sus brachium tendunt nervi , è cervicis vertebri-
ut plurimum proveniunt, sicuti illi, qui è pecto-
ris vertebriis ortum ducunt , in intercostales
plerumque , ac lumbares sese diffundunt mus-
culos.

Narravit mihi Chirurgus *Du Foix* , vulgo
Lucq , de quodam qui , vulnerato pectore cæ-
cus

CENT. PRIM. OBSERV. XXXI. 129
cus evaserat. Verum quidem est quosdam nervos è capite ad exteriorem pulmonis partem procedere, quid autem illis cum nervis opticis intercedat commercii, non video.

OBSERVATIO XXXII.

Vomica Membranâ suâ conclusa.

DUOS ego anno 1680. visitavi, virum nempe quinquagesimum ætatis annum jam supergressum, cælibemque ejusdem ætatis virginem, vomicâ utrumque labotantem; horum autem alterius pus usque adeo foetebat, ut vix ei adflare liceret. Uterque tamen intra duos menses curatus est.

IN OBSERVATIONEM XXXII.

F*Ernelius lib. 5. pathol. cap. 10. fol. mihi 109.*
de vomicâ agit suâ etiam membranâ cinctâ, ac postquam de ejusdem indicii locutus est, de juvene quodam narrat, cui post validam corporis exercitationem, vehemens admodum tussis, ne momentum quidem temporis intermittens supervenerat, unde ille vomicam integram, at totam membranâ ambiente cinctam, columbinique ovi instar emisit, in quâ apertâ
I albens,

albens, ac purum putum pus repertum est: dictus tamen Juvenis postea convaluit. Quamquam idem *Fernelius* scribat nonnunquam contigisse, ut vomica major ne horæ quadrantem quidem laborantis vitæ concesserit, in quo postmodum dissecto non alia leti animadversa sit causa, quam repentina ipsius vomicæ pulmonis perruptio, cujus pus ad usque cor penetrans illud ipsum inopinanter invaserit, ægrique vires ac robur omne infregerit.

Experientissimus Medicus D. G. Liebergen retulit mihi visitasse se olim quendam, qui tussi vomicam ejiciebat, gallinacei ovi minoris instar, ac deindè sanabatur.

Illius autem filio *Theodoro Liebergen* itidem Med: Doctori celeberrimo, videre contigit, quendam vomicâ etiam infestatum, è quâ perruptâ duodecim quidem puris libræ (illud enim à curiosis appendebatur) diversis temporibus provenire; fuit autem ille pristinæ sanitati restitutus, pluresque rectè valens annos transegit.

Hoc quicquid est incommodi, scribente *Tulpio obs. med. lib. 2. cap. 10. pag. mihi 118*, nullibi pene reperitur, præterquam in nostrâ Hollandiâ, sive illud ab humido alimento, sive ab humidis passim, ac penè aquis innatantibus locis, hincque vaporibus continuis propè obsito aëre contingat. Initio quidem illud, quo de agimus, vitium, ita se celat, ut vix ulla ejus reperiatis indicia, præter tussiculam primum sic-

cam,

cam, sed mox humidam: cui non ita diu postea respirationis-difficultas, virium defectus, paulatimque ipsius corporis accedit macies, sic affecti sublivido fere sunt faciei colore, licet interim nec pus, nec sanguinem præ se ferant sputa. Sed si rumpatur nec inopinanti vomica, occiditur homo. Si verò aliquandiu supersit, febriculâ pedetentim contabescit, sive propter pus, sive propter sanguinem in pectus effusum. *Ita quidem interdum contingit, verum novi plures, inquit Thom. Willisius pharmaceut: rational. part. 2. sect. 1. cap. 11. pag. 142, qui cum è pulmonis vomicâ ortâ, maturatâ, & demum ruptâ, pus copiosum, & fetidum expuissent, cumque tale sputum per multas hebdomadas, imò menses quotidie excernentes debiles adeo, & veluti tabidi evassent, tandem medicamentorum ope, cum ulcus detergeretur, & siccaretur, integrè convaluisse.* Hujusmodi abscessus, docente Fernelio, tum fere oritur, cum sanguis ex apertâ, ruptâve, aut etiam exesâ venâ prodiens alicubi sese parvo pulmonis continet loco, ibique putrescit, ac tandem in pus vertitur, tum vero tandem supernè siccior evadens membranam, sive tunicam sibi format.

Quod autem hujusmodi vomicâ laborantes, nullis ferè symptomatibus infestentur, id mihi, ait idem, persæpe ejus loci memoriam refricavit, quo inquit Hippocrates (quibus suppu-

132 OBSERVAT. RARIORUM
„ratio in corpore abdita non innotescit, ea
„propter crassitudinem vel puris, vel loci deli-
„tescit) *etenim haud raro efficit obvolvantis mem-
branae densitas, ut nihil tetrum à pure in cor vitæ
fontem inspiretur: Vel (ut observentur circula-
tionis sanguinis leges) nihil inde in sanguineam
massam deferatur:*

*Bartholinus cent. 2. hist. 59. fol. 249 mentio-
nem facit vomicae pure repletæ, ac post mortem
intra pectoris mediastinum repertæ.*

OBSERVATIO XXXIII.

*Gravidæ, ac partui propinquæ mulieri
bis vena scissa.*

ANte annos viginti mense Julio ad
Uxorem *Adriani Westerbaan* factoris
vocatus fui, quam vehementi admodum
Pleuritide laborantem inveni, ac, quam-
vis instantis partus tempori octo tantum
deessent dies, omnis in eo fui, ut ip-
sam permoverem (morbi enim vehe-
mentiam nec non periculi cui illa expo-
nebatur, perpendebam magnitudinem)
uti venam sibi scindi pateretur: quod
ipsa post necessariorum hinc inde confi-
derationes tandem permisit, atque illo
qui-

CENT. PRIM. OBS. XXXIII. 133
quidem tempore octo, vel novem un-
ciæ sanguinis ipsi detractæ fuerunt. Cum
jam illa, aliis etiam medicamentis sum-
ptis, intra quatrimum convaluisset,
octo post diebus eodem affecta fuit mor-
bo, quare denuo ipsi venam secari præ-
cepi, nec parum illud ei attulit levami-
nis eodem quippe die sanum, ac robus-
tum fætum edidit, qui cum illâ hodieque
vivit, ac optimè valet.

IN OBSERVATIONEM XXXIII.

ROd. à Castro lib. 3. cap. 21. pag. mihi 435
memorat sese quater venam scindi jussisse
mulieri pleuritide itidem laboranti, octavo gra-
viditatis mense, cujus etiam morbum insanabi-
lem alii dixerant Medici: Illa autem hinc non
tantum sanitatem recuperavit, sed & bene se
habentem filium peperit.

P. Salins Diversus de affect. particularibus
cap. 22. pag. mihi 360. „ Testor, ait, me
„ plurimas ab abortu, in quem frequenter
„ inciderant, solâ sanguinis missione primis
„ mensibus factâ, prætervasse. Non ita ta-
„ men censendum est de hac sanguinis missio-
„ ne, vel moderatâ, vel parcâ, in utero ge-
„ rentibus administrandâ, ut nunquam non ve-
„ niat in usum, si copiose fiat, interdum enim

„ ultimo mense copiosa sanguinis missio facta
 „ non spernendum attulit juvamentum. Et
 „ ego aliquando hanc venæsectionem copiosè
 „ factam ultimo mense, instante partustempo-
 „ re, dum utero gerentes ardenti conflictaren-
 „ tur febre, plurimoque abundarent sanguine,
 „ tentavi, & hinc remissionem febris, ac par-
 „ tus accelerationem sperans, utrumque è san-
 „ guinis missione consequutus, summâ cum
 „ utilitate administravi, foetumque & matrem
 „ unâ periclitantem hoc solo remedio salvavi.
 „ Quod remedium in aliquibus prætermis-
 „ sum, & à Medicis, verba solum *Hippocratis*, &
 „ non ipsam rem ponderantibus, neglectum,
 „ fuit in causâ, ut conceptus sæpe unâ cum
 „ matre, à plenitudine, & fervore sanguinis suf-
 „ focatus miserabiliter perierint.

B. Timæus non solum ultimo mense, sed &
 instanti partus tempore, feliciter venam aperuit,
 ut testatum reliquit *responsis medicis pag. 128.*
 De sanguine octies puerperæ in pleuritide misso
 refert *N. Tulpius lib. 2. obs. 2. pag. mihi 110.*

OBSERVATIO XXXIV.

Pus ex abscessu pectoris per alvum emissum.

ARcessitus fui mense Octobri an. 1645. ad *Elisabetham Royè*, pleuritide laborantem; hæc autem in abscessum degenerante, illa per quatuor dies continuos nonnihil puris haud absque levamine per alvum ejecit; deinde autem quicquid erat puris reliquum per os tussi emisit, atque ita curata est.

Idem observavi in aliâ muliere quadragenariâ, quæ decimo à pleuritide die non solum pus tussi sursum, sed & deorsum per alvum excrevit.

IN OBSERVATIONEM XXXIV.

H*Ippocrates 7. Epidem. textu 14.* cujusdam peripneumoniâ laborantis meminit, cui initio morbi alvi fluxus superveniens ita profuit, ut quarto decimo die corporis ægritudine omnino esset liberatus. De hujusmodi per alvum evacuationibus, quæ tabidis contigere, idem 3. *Epidem. comm. 3. sect. 11. agit.* Nec non *Coac. prænot. lib 1. sect. 67. pag. mihi 304. Em-*
I 4
pificis,

136 OBSERVAT. RARIORUM
pijicis, inquit, à pulmone pus duci per alvum
letale est.

At *Lud. Duretus comm.* ad hunc locum magnâ ex parte eos quibus pus per alvum secedit, mortem consequi scribit, quod puris acrimonia alvum vellicet, dysenteriam producat, naturalesque facultates prosterнат. Adeo ut in his alvi fluxus inter letalia signa ab *Hippocrate* recensetur *aph. 12. & 14. lib. 5. & 16. lib. 7.*

Rarius contingit, scribente *Galeno 6. de loc. affect. cap. 4.* ut pectus, ac pulmo per alvum purgentur, quamquam vidisse se memoret vomitum per vias urinarias, atque item aliud pectoris per intestina unâ cum excrementis purgari. *Areæus lib. 1. cap. 1. & 9.* hæc *Galeni* verba confirmat, ut & *Joh. de Vigo 2. de Apostem. tr. 5. cap. 1.* Refert etiam *Fr. Valleriola lib. 4. obs. 10. pag. 297.* de militiæ quodam Præfecto, cui, faucio pectore, post diem vigesimum alvi fluxus tantum abstulit puris, ut brevi post tempore convalesceret.

De non absimili exemplo agunt *Valescus de Taranta obs. à Dodonæo citatis pag. 202.* ac *Alex. Benedictus lib. 3. anatom. cap. 9.*

De pure post pleuritidem per alvum emissio lege sis *Amatum Lusitanum curat. 42. centur. 7.* De Nobili autem Paduensi, qui post exulceratam pleuritidem plus 6. libris purulentæ materiæ per inferiora ejecit, refert *Joh. Rhodius obs. med. centur. 2. cap. 89. pag. 115.*

P. de

P. de Marchettis obs. med. chirurg. rarar. sylloge obs. 43. pag. 99. „ Observatione dignum,
 „ inquit, sine sectione pus è vulneribus Thora-
 „ cis superioris per alvum expurgari, quam ta-
 „ men viam sectione Anatomicâ rimari non po-
 „ tui; quod & ab *Hippocrate* etiam *lib. de morbis*
observatum.

Galenus lib. 6. de loc. aff. sect. 4. & comm. ad aphorif. 30. lib. 7. subobscurè etiam hac de re lo-
 quitur, quamvis innuere videatur illam mate-
 riam per arteriam pulmonalem in ventriculum
 Cordis, atque indè in venam cavam, jecûrque,
 hincque ad intestina deferri: quod licet *Avicenna*
fen. 10. tr. 4. cap. 17. Ætiusque lib. 8. cap. 65. ac
Paulus Ægineta lib. 3. cum *Galeno* statuunt,
 horum tamen nemo, haud dubie propter demon-
 strationis difficultatem, viæ, modivè meminit,
 queis dicta evacuatio fiat.

Idem tamen *Galenus lib. 5. de loc. aff. cap. 3. fol. 30.* Credere oportet, inquit, homini fie-
 „ ri transumptionem; quippe per vulnera pene-
 „ trantia haud obscurè id apparet: deinde, quo
 „ pacto ea fieri possit, investigare, ut cum in-
 „ venerimus, animo simus quietiori, sed in-
 „ ter quærendum quamdiu nihil nos invenisse
 „ putaverimus, ruditatem potius nostram ac-
 „ cusare, quam veritatem ipsam negare debe-
 „ mus.

Plurimi enim, iique artis medicæ non ignari,
 cum multas res quas tamen liquido cernunt,

138 OBSERVAT. RARIORUM
cum earum rationem non inveniant, existere
pertinaciter negant.

Porro tradit dictus *Marchettus* observatum
à se, quotiescunque citius materia expurgatur,
spatio nempe diei, statim patientes convalescere,
materiâ è vulnere non ampliùs manante, & ,
quod mirum, febre etiam cessante, utpote
quæ, eâdem in cavitate thoracis hærente, est
continua.

OBSERVATIO XXXV.

*Pus è pectore proveniens per renes,
vesicamque emissum.*

Visitavi ann. 1645. cum Medico *le*
Piper, ac Chirurgo *Henrico Hassel-*
mans militem quendam, cujus pectus
gladio læsum erat, penetrante in ipsam
pulmonis substantiam vulnere, quare
ipse etiam initio sanguinis copiam benè
magnam tussi ejecit, posteaque per ali-
quod tempus quotidie cum urinâ mul-
tum puris albicantis emisit; fuitque hæc
illi recuperatæ valetudinis causa.

IN OBSERVATIONEM XXXV.

REperiuntur apud Scriptores celebriores quandoque exempla quorundam, qui, læsis pectoribus, (sive illi pleuritide, peripneumoniâve, sive vomicâ, aut Empyemate, vel etiam ipsius pulmonis laborent vulnere) pus, imò, & sanguinem per renes, & meatus urina-rios, aut per alvum nunnunquam (uti supra observatum) ejecerint. Quod equidem bono ægri temperamento, viribusque ejus valentibus adscribendum videtur. Ejusmodi enim exonerationem non minimum levaminis, ac sæpenu-merò perfecta insequitur sanitas.

Benivenius de abdit. morb. causis cap. 43. pag. mihi 98. hac de re ita tastatur: Cum Antho-nius quidam inquit, vehementi correptus es-set pleuritide, jamque ad maturitatem perve-nisset malum, puris simul cum urinâ emissio-ne (quod rarius contingit) ad sanitatem re-diit.

Novi, inquit, R. Dodonaus annotat. predic-ti cap. pag. mihi 99. rusticum, cujus pectore tan-tum continebatur puris, ut, inclinato simul cum pectore versusterram capite, illud ipsum per os efflueret, cuique, quamprimum ei puru-lenta fluere inciperet urina, integra redibat vale-tudo.

Joh. Rhodius observ. med. centur. 2. hist. 15. pag.

pag. mihi 75. narrat quo pacto mulier quædam pleuritide infestata probi puris tam tussi, quam cum urinâ, ac simul per alvum factâ ejectione, viginti dierum spatio malo suo fuerit exempta.

Observavit *Plazzonus* quendam, cui dextrum pectoris latus vulneratum erat, per quinque, vel sex dies continuos, purum sanguinem per meatus urinarios emisisse, teste eodem *Rhadio obs. med. cent. 2. hist. 19. pag. mihi 177.*

Vidi inquit, *Marcellus Donatus*, *pag. mihi 266.* Olitorem serosi sanguinis plurimum septimo die per ductus urinæ exonerationi destinatos emisisse, eumque hac evacuatione, quamquam jam morti vicinum, violentâ pleuritide fuisse liberatum.

D. Sennertus lib. 2. part. 2. cap. 16. pag. mihi 467. meminit cujusdam, cujus læva pectoris pars gladio super costas nothas sursum adacto, læsa erat, ita ut vulnus unius cum dimidio digiti longitudinem æquaret. Quamvis autem vulneratus de nullo quereretur dolore, nec tussi infestaretur, neque quidquam ore emitteret sanguinis, unde constabat non nisi externos pectoris musculos fuisse tactos, contigit tamen, ut subsequente nocte difficulter urinam redderet, ac post quatruidi intervallum plurimum sanguinis, partim grumosi, partim floridi emingeret, quæ sanguinis mictio ad duas hebdomadas duravit, donec æger convaluit.

H: Fabritius ab Aquapendente lib. 2. Chirurgia
„ *gia*

„ *gie cap. 22. de vuln. thoracis.* Quidam, in-
 „ quit, meus amicus aliquando in thorace vul-
 „ nerabatur, vulnus tamen non reperiēbatur
 „ penetrans à Medicis, quia ob foraminis an-
 „ gustiam, non multa styli portio immitteba-
 „ tur; caro etiam occupaverat foramen, ut
 „ spiritus, seu anhelitus non egrederetur: ex
 „ accidentibus tamen supervenientibus pene-
 „ trans esse vulnus post cognitum est, super dia-
 „ phragma enim sentitur pondus, exspuitur
 „ sanguis cum tussi, invalescit febris, accidunt
 „ vigiliæ, dejicitur appetitus, angustatur an-
 „ helitus, & aliquando livor apparet extra costas,
 „ ubi continetur materia. Et propterea Me-
 „ dici cum è foramine penè occluso, nihil pos-
 „ sent evacuare, volebant thoracem aperire in-
 „ ter sextam, & septimam costam. Cum autem
 „ postridie id essent facturi, interea accidit, ut
 „ æger, cyathum cruoris plenum mingeret è
 „ quo à dolore, febre, & omnibus symptomatis
 „ levatus est.

Multum profecto, varièque disputatur, quā-
 nam vià hoc quidquid est puris, vel sanguinis è
 pectore, aut pulmone, ad renes, atque vesi-
 cam descendat.

Galenus lib. 6. de loc. aff. viam indicat: statuit
 enim venosam arteriam pus recipere, eamque in
 sinistram cordis transferre cavitatem, hinc iterum
 in arteriam magnam, atque inde in emulgentem,
 ac renes transportandam.

Prisci alii Scriptores viam esse credunt venas, quæ in pectore sunt, intercostales, videlicet venæ *Azygos*, sive sine pari ramos, qui inter costas inferiores sese insinuant, & quorum inferior pars cum venâ emulgenti miscetur.

Hos inter reperio *Rudium*, *Matthiolumque*, cum quibus convenire videtur *Gabr. Fallopius suis obs. Anatom.*: docet enim hic dextram, sinistramque extremitates venæ *Azygos* versus vertebrarum partem sub inferiori insitione diaphragmatis, ad inferiora descendentes, emulgenti conjungi.

Francisc. Michinus de Sancto Archangelo vidisse se scribit in duobus cadaveribus publice a *Fallopio* dissectis hanc *Azygos* venam emulgenti conjungi, vel etiam quosdam subclaviæ furculos inter superiores costas apparentes, aut etiam ipsam venam Phrenicam, quâ pectus, & pulmones per intestina, & renes expurgari possint. Hæ autem viæ neutiquam sunt admittendæ.

Namque secundum sanguinis circuitum nihil omnino per venas ad renes transit, verum quicquid accipiunt, ab arteriis eò defertur.

Statuit omnino *Diemberbroeckius Anatom. lib. 1.* alias præter renes dari vias, quæ largius immixtus potus tam subito, ut & duriores multo, ac firmiores materiæ (quales sunt acus, clavi ferrei, varia semina, & id genus, plures) in vesicam transferantur; harumque nonnullas vasa lactea esse contendit, (qualia & versus ma-

tricem,

tricem ; mulierumque mammillas ad fætuum nutrimenta pergere arbitratur) quæ occultis, atque etiamnum ignotis viis non in omnibus, at in paucioribus tantum hominibus sese ad vesicam conferunt. In quâ suâ opinione firmatum sese ait quibusdam observationibus à nonnullis medicis factis, vidisse se tradentibus aliquos interdum chylosam quandam materiam simul cum urinâ, aliosque item diversis temporibus firmioris substantiæ quidquam emisisse. Ipse etiam ibidem suæ Uxoris exemplum profert, quæ mediocrem aciculam triduo antè ab ipsâ per fauces transmissam cum urinâ absque omni incommodo egressit ; qualium exemplorum ad vigesimam sextam nostrarum observat. plures adduximus probationes.

Referunt *Ephemerides Eruditorum Gallia* an. 1667. pag. 158. D: Gayant comperisse sub Pleura vasorum esse communionem è pectoris ductu thoracico provenientium, qui sinistræ emulgenti sese miscet.

Meo quidem judicio ex Empyemate purulenta materia derivatur ad vesicam, quatenus sese insinuat in vasa pulmonalia, atque ita sanguini illac transeunti admiscetur, cum quo ad renes defertur, illicque transcolatur unâ cum sero, & per ureteres it ad vesicam, urinamque purulentam constituit. Ejusmodi ægri felices sunt, quia sic sanguis eorum non ita impregnatur pure, quod alias mixturam ejus conturbando febrem
con-

144 · OBSERVAT. RARIORUM
continuum, & lentam excitat, quæ agros tandem in marasimum trahit.

Quicquid sit, constat utique pro vario circulationis sanguinis motu ad dictas exonerationes aperiri vias medicis, Chirurgisque obscuras, nec satis bene notas, quas, quamquam ignorent existere, tamen minime negent oportet. Inficiari etiam nemo ausit totum corpus (uti supra monuimus) confluxile, & conspirabile esse, ipsumque pus etiam media ossa interdum penetrare, ita ut & illic abscessus nasci possint, cujus rei etiam *Hippocrates Coac. pranot.* & nostræ 7, & 26. Observationes mentionem faciunt.

OBSERVATIO XXXVI.

Quassatio aquæ in pericardio, etiam foris auribus percepta.

Visitasse me quandam pauperculam annorum septendecim puellam memini, cui vultus tumidus admodum, ac pallens erat, neque unquam purgationes menstruæ fluxerant: huic ipse, post idoneè purgantium usum, etiam venam aperiri jussi, ac ~~pro~~ sanguinem valdè aquosum, viscosâque, ac tenaci obtectum crustâ sive pelle reperi. Labor-

borabat hæc puella cordis palpitatione, quin & distinctè admodum, pulsante corde, ipsius aquæ agitationem in pericardio audire licebat. Illa tamen tandem præparato fatis aptè corpore, diaphoreticis, diureticisque convaluit.

IN OBSERVATIONEM XXXVI.

Sicuti plurimis de causis cordis palpitatione, ita variis etiam è corporis partibus provenit, ac præcipue quidem è liene, ac matrice, è qua sæpenumero acres, ac crassiores ascendunt vapores, maximumque cordi angorem adferunt, quod ut hinc sese expediat omni ope nitens, hujusmodi pulsationis causa est. Eadem etiam præter ipsius cordis deformitatem (cujus mox secutura observatio exemplum dabit) à diversis rebus nascitur contra naturam in corde, aut pericardio repertis, quales sunt ossicula, lapilli, pituita tenax, grumi, tumoresque, &c.

Ac veluti pericardium naturaliter non nisi tantum aquæ continet, quantum duo, vel tria capiant cochlearia, cum ad facilitandum ipsius cordis nunquam quiescentis motum, tum ne propter nimiam caliditatem ipsius caloris fons exarescat, qui tanquam Sol microcosmi toti corpori vitam impertit, ita etiam cordis palpitationis causa esse potest nimia aqua pericardio

contenta, uti modo lectâ observatione nostrâ liquet, nec non patet è *cap. 19. lib. 4. obs. Tulpii pag. mihi 327*, ubi ille scribit, setantum aquæ in pericardio *Stephani Fona*, cui multum palpitaverat Cor, invenisse, quantum quindecim cochlearia caperent.

Mirum equidem, ac vix fide dignum videtur, quod scribit *Fernelius lib. 5. Pathol cap. 12.* Ait enim nonnunquam usque adeo vehementem, validamque extitisse cordis pulsationem, ut illius impetu vicinæ costæ perruptæ, eæque, quæ supra mammas sitæ sunt, loco fuerint motæ.

Memorat *Forestus lib. 17. obs. 1* de Juvene quodam in pago, cui nomen *Schagen*, habitante, cujus, cum in ædibus suis esset, cordis pulsus, qui cubiculum illius forte præteribant, viatores foris audiebant, præcipuè si clausæ fenestræ aures admoverent. Simile exemplum adducit jam sæpius in partes vocatus *Tulpius obs. lib. 2. cap. 25. pag. mihi 141.* *Bartholomeus Merclinus Epist. ad Greg. Horstium 3. de morb. Pectoris obs. 17 fol. 139* de vehementi admodum cujusdam juvenis cordis palpitatione agit, quâ sinistræ costæ supra os sternum alte elevabantur quem tamen, præparato jam ante, ut fas erat, corpore, venæ sectio malo isti sensim exemit; quamquam dictæ costæ, tanquam loco motæ ita elevatæ remanserint. Quare ipse (ita pergit *Merclinus*) *Fernelii, Mercurialisque* opiniones de costarum dislocatione aut expansione violen-

tâ cordis pulsatione effectâ, quas ego antea, cum studiis etiamnum operam darem, tanquam falsas, ipsique contrarias rationi rejeci, certas omnino, atque veras esse comperi.

A sanguinis missione levamen accepere tam Juvenes, quam adulti plurimi in palpitatione cordis, qui alias rectè valebant. Testatur *Galenus* 5. *de loc. aff. cap. 2. fol. 29*, se novisse quendam quotannis verno tempore palpitatione cordis vexatum, qui quum per tres annos à sanguinis detractione se adiutum intelligeret, anno quarto antequam accidens ipsum invaderet, sanguinem misit, idque pluribus deinceps annis faciendo, & idonea etiam post sanguinis detractionem adhibendo medicamenta, attenuantia scilicet, &c.

OBSERVATIO XXXVII.

Cor planum eique adhærens firmiter pericardium, medioque in ventre Lien.

NOvi hic Hagæ Cauponem quendam, cui alterum crus navale prælium abstulerat, *Pipel* vulgo dictum.

Robustus ille, audaxque, atque intrepidus erat, fortioris vini, potusve poculis admodum addictus, cujus maxi-

148 OBSERVAT. RARIORUM
mâ copiâ aliquot annos jam usus, imo
abusus erat. Hic circiter quadragesi-
mum ætatis annum continuâ, lentâque
correptus feбри coepit tandem tussi eji-
cere plurimum crassioris, nigricantis-
que sanguinis, unde labefactatus admo-
dum, sentiensque vitæ suæ appropinquare
terminum, rogavit me, uti cadaver suum
vellem disseccare, insoliti quidquam in
eo me reperturum asseverans. Quod
cum fratre meo *Joh. Stalpartio vander
Wiel p. mem.* feci. Ac nos tum in
aperti pectoris parte sinistra aliquot li-
bras coagulati sanguinis reperimus, qui
ex eo effluxerat loco, in quo pulmo ut-
plurimum costis affigitur, paulo infra
claviculam. Cor ejus mediocri pyrum
magnitudine non superabat, formæque
erat non rotundæ, sed planæ admodum,
atque depressæ. Cordis autem substan-
tiæ pericardium adhærebat, accretum-
que erat, nullo in eo humore contento.
Dissecto ventre lienem rotundum, nec
majorem manus palmâ in medio ventre
sub umbilico invenimus.

IN OBSERVATIONEM XXXVII.

NON incelebris nuper Medicus ultrajectinus *G. Stratenus* novisse se militem gallum quondam mihi retulit, cujus defuncti cor planum esse compertum fuerat, orbi, quo prandentes utimur, mediocri, magnitudine par, pericardioque carens; ac cujus viventis carpi arteriam maxima semper notaverat imparitas.

De corde, cui itidem pericardium & quicquid ei simile, deerat, lege *N. Tulpium obs. lib. 2. cap. 25. pag. 143. ut & cap. 44. lib. 2. pag. 176. Velschii Episagm. pag. 23. Queis adde Columbium, Brodbecquiumque*, quos etiam adducit *Bartholinus cent. 4. hist. 20. fol. 266.* Antea autem adfuisse quidem pericardium, sed temporis tractu accretum cœpisse cordi cohærere crediderim: qualia exempla videre est apud *Peyerum meth. hist. anatom. med. pag. 84.* nec non *Lowerum tract. de corde cap. 2. ut & Wepferum litteris ad Peyerum*; ita ut hac de causâ visui non apparuerit pericardium. Sicut aquæ, inquit idem *Lowerus*, pericardio contentæ nimia copia cordis motui officit, adeo ut ipsum tandem obruat, supprimatque, ita ubi illa prorsus deficit, arctè adeo cordi accedit pericardium, ut ipsi tandem undique adhærescat: unde cum *Diaphragma* accrescat quoque, cordis motum cum illo confundere, & committere necesse habet,

150 OBSERVAT. RARIORUM
quod, quanto utriusque impedimento fieri de-
beat, cogitet medicus.

Steph. Blankardus collect. med. phys. centur. 4. obs. 46. fol. 319. lienis hominis cujusdam suspen-
dio necati mentionem facit, qui, naturali relic-
to loco, medio sese in ventre locabat supra omen-
tum, atque intestina, utraque etenim in latera,
ut sibi locum aperiret, detruferat, seque usque
ad os Ischii extendebat, adeo ut, quâ erat mag-
nitudine, totam propemodum ventris latitudi-
nem impleret. Hic autem cum ante annum hy-
dropicus fuisset morbo suo liberatus fuerat.

Trium autem librarum cum quadrante illius
lienis gravitas erat.

G. Ballonius Epidem. & Ephemer. lib. 2.
Memorable est, inquit, Cognatæ *D. Vale-*
ton exemplum: lienis enim corpus supra vesi-
cam jacens, eique firmiter agglutinatum reper-
tum est.

De maximo splene, quatuor libras ponderan-
te, atque in abdomine supra intestina jacente, vi-
deatur *Blasius obs. med. 14. pag. 26.* Quo de ip-
se etiam *Observ. 49.* latius agam.

De parvo liene loco solito sito, deque alio iti-
dem debitæ magnitudinis in ejusdem hominis
hypogastrio locato scribit *Justus Schraderus obs.*
anat. med. dec. 3. obs. 4. pag. mihi 218.

Meminit cujusdam *Bartholinus*, in cujus
dextro latere locabatur spen, jecur autem in si-
nistro, singulis ex utriusque substantiâ proceden-
tibus

CENT. PRIM. OBS. XXXVII. 151
tibus vasis tam ibidem, quam in pectore, ac
ventre ad idem latus apparentibus.

Similem duorum istorum viscerum transposi-
tionem *Petr. Servius ann. 1643. Romæ vidit:*
scribitque dicto loco *Bartholinus* id ipsum *Pla-*
tero contigisse; quod & de se testatur *Gemma*
lib. 2. pag. 75. Quin & Zodiac. med. Gall. ann.
2. fol. 128. perfimile quid habet.

OBSERVATIO XXXVIII.

Polypus cordis.

INitio Januarii an. 1681. pauper qui-
dam miles natione Gallus, triginta
circiter annos natus, morboque comi-
tiali interdum laborans ita correptus fuit
frigore, (totam enim noctem sub jove
frigido ante ædium quarundam fores
transigere coactus, dictoque forsitan
morbo superveniente infestatus fuerat)
ut mortem exinde objerit, ac multo ma-
nè ibidem rigens admodum ejus cada-
ver repertum sit. Quod delatum in Ha-
giense Anatomicum nostrum Theatrum
carissimus quondam frater *Joh. Stalpar-*
tius van der Wiel publicè dissecuit. In
cujus corde inter plura rariora inventus
K 4 est

est *Polypus*, cujus corpus membranaceum magis, quam carnosum crassitie æquabat pollicis unius, duorum autem cum dimidio latitudinem longitudine: Diffundebat se insuper ille per omnia cordis vasa eâ longitudine, quæ est quatuor digitorum latitudo, eâque latitudine, quæ est minimi digiti in latum divisi, seque etiam ita cordi affixerat, ut non absque summo labore avelli potuerit. Valvulæ itidem tricuspidales membranaceis istis germinibus eum in modum erant occlusæ, ut intromisso in venam cavam digito minori ad cor nullus pateret transitus. Desiderabatur etiam quartum nervorum par ad gustum pertinens in hujus cadaveris capite: Erat autem illa cavitas, quæ inter utrumque supercilium supra nasum in osse frontis conspicitur, præter consuetum modum tanta, ut in utramque interstitii, quod in dicto osse plerumque est, partem digitus immittere posset. Interior autem ejusdem tabula intus ad cerebrum plus quam pollicis latitudine recedebat, adeo ut eò usque sese protenderet dicta cavitas, quò oculi orbita extendi solet. Atque hinc dicta

CENT. PRIM. OBS. XXXVIII. 153
cerebri pars necessario fuit depressa, ut
mirum videri haud debeat, si ille miles
sacro nunnunquam laboraverit morbo:
quoniam jam diu *Dom. le Ducq Zod. med.*
Gall. ann. 1. obs. 7. pag. 50. observavit om-
nibus, qui in Nosocomio morbo Hercu-
leo interierant, fuisse quandam cranii
deformationem. Ipsi enim compertum
in omnibus, quotquot aperire licuit,
cranium capacitate justâ majore dona-
tum fuisse, proportionem habitâ partium,
quas continebat: idque crassum semper
fuisse, & densum aliquando ex unico
osse conflatum: at sæpius duobus, tri-
bus aut quatuor constasse, arctâ præte-
rea quarundam futurarum compage, ac
duræ meningis â substantiâ cerebri inter-
ventu aquarum collectarum separatione,
in iis uberius redundantium quibus pa-
roxyfmi vehementissimi fuissent.

IN OBSERVATIONEM XXXVIII.

QUamquam cor excellens admodum, ac no-
bilis humani corporis pars sit, multis ta-
men etiam malis obnoxium est, vermibus vide-
licet, officulis, tumoribusque, nec non ulcera

tionibus, glandulis, adipi, carneis, atque viscosis excrescentiis, imò aliquando lapideis fragmentis: Qualia med. Th: Liebergius sese in corde lapicidæ cujusdam post obitum aperto reperisse mihi retulit.

Galenus, de loc. aff. cap. 7. pag. mihi 6. fieri posse negat, ut ulcus cor perferat. Huic accedit Avicenna fen. 3. tr. 1. cap. 2. nec non Haly Abb. Thes. 9. cap. 23. Docuit autem posteriorum experientia, atque accuratior investigatio id ipsum fieri posse.

Polypos quod attinet, hi varias, modò in hoc, modo in illo subjecto formas induunt, & varium in corde nanciscuntur locum. Interdum enim placentulæ instar ventriculorum ejus medietatem occupant, &, elongatis ramosis productionibus, per venas, & arterias hinc inde excurrenti sanguini præbent spatium. Interdum vero circa cordis columnas, & carnosos lacertos hærent, & quasi radicibus implantantur. Obscurum est dicere à quâ materiâ excitetur Polypus. Pluribus pinguedinis frustulum esse placuit: Alii concretam pituitam, alii crudum esse humorem, & affinitatem habere polypum cum pelleâ crustâ in supremâ extracti, & refrigeratâ sanguinis parte concrecente putant.

Pinguedinem autem non esse hinc liquet, quod hæc igne liquecat, Polypus vero abit, dum omne quod tenue est, avolat, remanentibus tantum membranis cui involutus erat. Non
esse

esse phlegma probatur inde, quia igne induratur.
 „ Verisimile est (inquit *Malpigijs de viscerum*
 „ *structura fol. 269.*) polypos suscitari quoties-
 „ cunque sanguinis massa non in totum debito
 „ gaudet fluore, & compage, sed præcipitatis
 „ quibusdam, albis scilicet particulis, quæ præ
 „ cæteris fortasse graviores sunt, vel saltem
 „ conglobatione, & aggregatione tales reddi
 „ possunt, contexturæ quædam subsequuntur,
 „ quæ ex continentium partium, & reliqui san-
 „ guinis viribus, figuram, & molem fortiun-
 „ tur, quas Polypos appellare placuit.

Generationis autem hunc esse credit modum:
 Sicut in lapidis Bezahar, & consimilium concre-
 tione accidit, ut ex multis superpositis veluti la-
 minis, tractu temporis coagmentatio subsequa-
 tur, ita etiam polyporum contingit productio:
 nam extensis multiplicibus constare videntur pel-
 liculis, inter quas ichor, & alia sanguinis portio
 quandoque mediat, & ex mutuo fibrarum con-
 tactu, & excurrentis sanguinis pressione, & ic-
 tu, ita ad invicem approximantur, ut in solidum
 corpus compingantur.

N. Tulpijs obs. med. lib. 1. cap. 27. hujusmodi
 Polypum, nostroque ferè convenientem in sini-
 stro cordis ventriculo inventum memorat, cujus
 rami tam arteriam magnam, quam venam pul-
 monalem obturaverant, ita ut laboranti, vivo-
 que etiamnum difficilis admodum esset respiratio.
 Denique *G. S. fung. miscell. curios. med. phys.*
Germ

156 OBSERVAT. RARIORUM

Germ. dec. 1. ann. 1. obs. 28. fol. 97. cujusdam non dissimilis meminit, ut & Bartholinus cent. 3. hist. 17. fol. 39. nec non Blasius obs. 1. part. 6. pag. 73.

Coalescunt interdum polypi in vasis Apoplecticorum tum majoribus, tum minoribus, per cerebri meninges extensis, ut multorum testantur observationes, nec non in pulmonum substantiâ polyposâ interdum concretiones, præcipue in pleuriticorum cadaveribus inspectæ fuerunt, quin & in Uteri vasis nonnunquam Polypos reperiri certum est, & tantos utique, ut illorum canales ad distentionem usque adimpleant, imo & in scirrofos, nec unquam sanabiles degenerent tumores.

OBSERVATIO XXXIX.

Ipsius ventriculi ima pars vulnerata, sanataque.

P*Aulus Godefridus exercitus Fœderati Belgii Chirurgus, dum viveret, superior, narravit mihi de quodam, cujus ventriculi ima pars ita læsa erat ense, ut quicquid fere cibi intraret, illico hac efflueret: quod vulnus, intestinorum more, ita consuebatur, ut simul ventris*

CENT. PRIM. OBS. XXXIX. 157
tris musculi filo trajicerentur. Cum his
enim partibus, ut pote carneis, adeo-
que calidioribus membranaceæ magis
conjugi amant. Fuitque ille hoc modo
valetudini restitutus.

IN OBSERVATIONEM XXXIX.

Jacob. Oethens lib. obs. propr. Simillimum
quid refert de rustico quodam, cujus in
pago *Marpag*, qui est in Episcopatu Fuldensi,
stomachus venabulo lædebatur, fiebat enim hoc
ex eo palam, quod immissus in eum cibus per
vulnus effugeret. Quare operam dedere Chi-
rurgi, ut, prædicto periculo, læsam ventriculi
partem ad ventris vulneratos musculos attrahe-
rent, ut unâ eâdemque futurâ ventriculi aper-
tura cum cute simul, musculisque læsis contra-
heretur, ligareturque; quæ ita successere, ut
non sanitatem tantum rusticus, verum & pri-
stinum robur, viresque recuperarit.

Hippocrates Aph. 18. sect. 6. letalia statuit
ventriculi vulnera; non quod simpliciter talia
sint, nam vox διακοπέντι non simplicem ali-
quam vulnerationem, sed magnam violentiam,
& discissionem involvit, ac denotat, ut multi
olim animadverterunt, ipseque *Galenus comm.*
in Hippocratem magna vulnera διακοπὰς nomi-
nare consuevit.

Celsus lib. 5. cap. 26, ac Avicenna lib. 4. Fen. 4. tr. 1. cap. 2. plerumque mortifera talia censent.

Schenckius lib. 3. obs. medic. pag. 381. nonnulla adducit exempla quorundam, quorum faucii curati sint ventriculi. Hujus curationis historias sibi visas describunt G. Fallopius de cap. vuln. cap. 12, Jul. Alexandrinus annot. ad lib. 6. cap. 4. Therapeut. Galeni. Qualem etiam se vidisse ait Isbr. de Diemerbroeck pag. 33 cap. 6. in rustico juvene.

Facienda itaque, cum idem vulneratus est, distinctio, quantum ad vulneris prognosin. Perpendendum quippe est, sintne vulnera magna, nec ne, penetrantia sint, an minus, sintne in dextro, an vero in sinistro ventriculi orificio, an denique in fundo.

Galenus comm. 6. in Aph. 18, superficialia, sive externa sæpius, penetrantia autem rarius sanari tradit.

Gravissima sunt, quæ sinistro ventriculi orificio infliguntur, vulnera. Multum namque commercii intercedit huic parti cum corde, cerebroque, sensibilis etiam admodum propter nervos suos est. Accedit, quod nihil huic superimponi, quod sanet, queat, quodque insuper hîc oriatur appetitus, quod gravia denique inde ut plurimum symptomata originem trahant.

Minus autem letifera ea sunt, quæ in imâ ventriculi parte fiunt; Crassior enim hæc mul-

to, atque carnosior est, adeoque citius sanari potest, tradente *Galeno 6. meth. cap. 4.* Vulnerarii potus insuper aliquo tempore ibi commorari possunt, multò denique minus subtilis hujus est sensus, quam illius; nisi latum forte in fundo ventriculi, ejusque venas, ac arterias penetrans vulnus foret. Cujus rei exemplum apud *Baldaß. Timæum resp. med. 19. pag. mihi 34.* videre est. *Math. Cornax Epist. respons. ad D. Ægid. de Hertoge med. Doct.*, nec non *Julius Alexandrinus Annotat. cap. 4. lib. 6. Therapeut. med. Galeni.* De rustico Bohemo memoratè pago *Puggebrót* oriundo, cujus ventriculus paulo infra sinistrum os lato venabulo læsus erat, quod mortiferum, ac late hians vulnus nullis sanari potuit remediis, ejus autem labia sensim callo fuere obducta; ita ut per annos aliquod etiamnum superesset vulneratus, qui tandem instrumento affabrè constructo vulneri imposito, fasciisque interdum, ac spleniis, turundisque læsi loci aperturam tam ingeniose clausit, ut quandocunque vellet ventriculum, immisso in eum per os humore, purgaret, comesumque cibum potumve per illud foramen emitteret. Longe autem mirabiliora sunt duorum cultellivororum exempla, quorum alterius *Oswaldus Crollius præfatione Basilicæ Chymicæ meminit*: cum dicit Bohemum itidem rusticum anno 1632 Pragæ cultellum novem pollices longum devorasse, cujus acumen paulo supra ventriculi fundum ad sinistram

160 OBSERVAT. RARIORUM
fram partem extuberabat verso ad dorsi spinam
manubrio. Hic autem culter post duos menses per
Chirurgum *Florianum Matthi* feliciter post
fissionem extractus, locusque dein percuratus
est. Huncce autem cultellum ipse S. R. I. Im-
perator inter pretiosiores, rarioresque thesauros
asservari jussit.

Alterius autem ita menimit *Joh. Cluverus*
Epitom. Histor. lib. 11. Append. pag. 723.

„ Per idem, inquit, tempus (videlicet 29 May
„ an. 1635) adolescens quidam rusticus (22 an-
„ norum fuisse tradunt) in Borussîâ novum vitæ
„ periculum novo, atque audaci remedio evita-
„ vit. *Andr. Grunheide* vocabatur, ex Grun-
„ waldâ, qui locus septem à Regiomonte mil-
„ liaribus distat, oriundus. Is diu stomachi
„ languore laborabat, atque ideo vomitionibus
„ assuetus, cum aliquando pro more suo arrep-
„ to cultello, manubrium ejus in fauces immit-
„ teret, gulæ ad vomitum stimulantæ causâ,
„ cultellus forte è manibus elapsus gulam pro-
„ fundius ingreditur, ac demum, etsi ægrè,
„ in stomachum ipsum descendit. Certe non
„ erat officina hæc, quæ ferrum concoqueret.
„ Neque Natura viam idoneam, quâ se novus
„ hospes ejiceret, præparaverat.

„ Igitur ancipiti malo & haud dubium in exi-
„ tium hominis vergenti, anceps quoque, &
„ strenuum remedium consilio Medicorum Re-
„ giomontanorum adhibetur, quod ejusmodi
„ fuit,

„ fuit. Ægro firmis asseribus fortissime alliga-
 „ to, constrictoque, ne versando se, curam ma-
 „ gistri turbaret, Chirurgus paulo infra costas
 „ sinistri lateris aptâ ad id novaculâ aperire cor-
 „ pus ad ipsum usque ventriculum coepit, tum
 „ pertentato eo, apertoque levi è vulnere cul-
 „ tellum extrahit. Æger dein adhibitis fomen-
 „ tis, & debitâ curatione brevi plane convaluit.
 „ Cultellum testem miraculi Rex Poloniæ per
 „ idem forte tempus Regiomontem intrans ad se
 „ recepit, &c.

Eadem fere literis suis datis ad *D. Otthonem Heurnium* Professore Lugdunensem in Bata-
 vis significavit *Daniel Beckerus* Academiæ Re-
 giomontanæ Professor, ac Serenissimi, Poloniæ
 Regis Archiater, Juvenisque, ac cultelli pictu-
 ram transmisit, quæ hodieque in Lugdunensi
 Theatro Anatomico conspicitur.

Quod si quis itaque objiciat; Si letalia sint
 ventriculi vulnera, quâ fit, ut multi, cultello
 in eum immisso, atque hinc perforato eo, per-
 fectæ nihilominus sanitati restituti fuerint? Illi
 utique regerendum putem hujusmodi perforatio-
 nem stomachi lente admodum ut plurimum fieri,
 planeque aliter sese habere rem, si recens sit vul-
 nus, ac si secus. A solutione enim continui tum
 demum periculum imminet, cum subito, & per
 vim infertur. Nec sine maximo Borussi rustici
 bono contigit coagulati sanguinis è vulnere pro-
 venientis per ductus urinarios emissio.

OBSERVATIO XL.

Fungi comesi repentinæ mortis causa.

TRes Juvenes hic Hagæ in hospitio quodam commorantes 20 die Septembr. an. 1679. fungos quosdam comedere, quos Hagienſi in nemore collectos, butyro tantum admixto, frixerant quâvis alia præparatione poſthabitâ. Eorum dein potus ſpiritus vini fuit. De maxima autem præcordiorum oppreſſione poſtridie pariter conquæſti, vomitionibusque continuis fatigati omnes tamen intra triginta ſex horas extincti ſunt.

IN OBSERVATIONEM XL.

CUm fungi, boletique delicatiſſimum luxurioſorum Romanorum ferculum, ac, boleti præcipue, iſſis Imperatoribus in deliciis fuerint, ne quis miretur Neronem boletos deorum cibum appellâſſe. Quotus enim quiſque eſt, qui neſciat Diſ optima quæque, ut Nectar, Ambroſiam, boletos, &c. apponere, (ut ſolent infantes noſtrates in Cælo degentibus) atque affingere ſolitos fuiſſe paganos? Boletos autem genus fungi inter omnes optimi fuiſſe conſtat ex *Satyræ 5. Juvenalis*, ubi

Vili-

*Vilibus ancipites fungi ponentur amicis ,
Boletus domino.*

Exquisitissimo condiebantur namque condimento , præsertim à ditioribus , quos idem exagitat *Sat. 4.* his verbis.

*Boletum condire , & eodem jure natantes
Mergere ficedulas didicit nebulone parente.*

Cum vero Deos gentilium hodiernis Dæmonibus , nec immerito , comparemus , ne cui mirum sit , si fictione Romanorum , barbarorumque fictionibus accommodatâ fungos , boletosque Batavi *Duyvels-broot* , quasi dicas *dæmonum panem* , vocent. Verum enim vero , cum injurius esset , qui ipsis tam subtilem nominis derivationem obtrudere gestiret ; en ad veritatem forsitan propius accedentem opinionem. Non credunt scilicet Batavi Dæmones quicquam edere ; At , cum fungos , sive bonos , sive malos , sæpius inopinatæ fuisse mortis causam constet , non distinguunt inter illos ; ac , quoniam vulgi opinio est Dæmones in locis subterraneis ut plurimum degere , illos hujusmodi noxiis fructibus inescare homines statuere , quibus plura nosse non contingit. Atque ita vulgo (penes quem jam olim hisce in regionibus plurimis rebus nomina imponendi jus , & norma vocandi fuit) hanc appellationem deberi crediderim. Accedit , quod quæ pulchriore sunt adspectu , ac læ-

tiore effectu Dei res sæpius vulgus appellet, quæ vero tetriore, Diaboli: Quod pluribus demonstrare non lubet.

Sunt, qui à funere fungos dici volunt eò quod vescentibus priculosi sint, & funera minentur. Hos & *Plinius* iis, quæ temere manduntur, accenset. Italorum autem *Pradelli* à *prato* Latinorum, illorum item *Campinioni*, ut Gallorum *Champignon*, nostrumque *Campernoelje* à Latinorum *Campo* descendunt.

Fungos telluris quoddam fermentum esse scribit *Nicander*. atque ex eadem acido quodam succo, atque humore turgente, ac fermentescente ortos.

Illi etiam humidi admodum, ac quibusdam temperamenti etiam in tertio gradu extremo frigidi esse censentur; quare ad venena quam proximè accedit eorum natura, teste etiam *Galeno* 7. *simpl. medicament*; succi enim frigidissimi, viscosi admodum, atque crassi sunt, scribente eodem *libro suo de bono, ac malo succo cap. 4.* Ut vel hinc quivis statuatur, fungis, quanquam optimis, malè credi. Quod si verum sit, de iis, qui habentur saluberrimi, (quos tamen *Galenus* ipse dicti libri eodem loco fassus est quibusdam fuisse *cholera morbi* causam, licet rite præparatos, cui *Rudius* etiam *de morbis occultis, & venenatis lib. 3. cap. 6.* ac *Sennertus institut. medic. lib. 4. part. 1. cap. 3.* adstipulantur) quid de istis dicemus, qui, venenatæ, ac pessimæ cum sint

naturæ, copiosè tamen, nec præparatî, nec fale, aceto, aliisve aromatibus adhibitis ingurgitantur?

Facilè itaque ipsâ ex origine constat minus salubres eos esse, quam citissimè enim, imò unius tantum noctis spatio è crassiore quadam terrenâque, ac vaporibus refertâ nascuntur materiâ, ita ut nec internus calor, nec aër maturitatem iis adferat.

Ipsa insuper substantia spongiosa admodum, atque rara, ideoque valde nocens est, quales etiam sunt spongiæ, quæ butyro liquefacto turgidæ, frictæque, in canum, à quibus comeduntur, (sunt enim iis mortis plerumque causa) humore repletis corporibus turgescunt, eosque tandem strangulant.

Non equidem mihi animus est de bonis, malisve fungis, quorum species dantur plurimæ, vel de eorum diversis formis variisve notis latius, accuratiusque hoc loco differere. Prævenit enim me jamdudum laudanda *D. Sterrebeckii* diligentia, qui copiosè admodum de fungis scripsit. Bonorum ego tantum, malorumque differentias, quam potero brevissime indicabo. Sciendum itaque est venenatos non tantum, sed & probos nasci fungos. Illi maligni sunt vel ex suâ naturâ, quia ex infecto, malignoque succo, nec non ex putredine proveniunt (unde & *mucoris terrestris* nomine quandoque notantur) sæpiusque microscopio munito oculo mucidi apparue-

re , certissimo indicio omnes malignos ortum suum incrementumque putrescentibus, mucidis, ac præfocatis, corruptisque particulis debere: Vel etiam maligni sunt, quod eos Serpentes, bufones, araneæve, aut similia venenata animalia inquinant, vel herbæ, arboreæque in propinquo crescentes, aut etiam infectis locis maligni assurgentes vapores contaminent; Vel denique pravâ hac polluantur qualitate, si paulo diutius nativitati superfuerint. Hos autem omnes, suadente *Galeno*, ne tangere quidem præstat. *G. enim Frabritius Hildanus pag. mihi 317. obs. 35. centur. 4.* pessima quædam memorat symptomata, quæ alicui, qui manibus tantum fungos versaverat, accidere. *Forestus de venenis pag. mihi 36. obs. 11.* odore solo nunquam illos comitialis, similisve malè affecti cerebri morbi, imò subitæ quandoque extitisse mortis causam scribit. Idem confirmat *P. de Abano cap. 44. lib. de venenis.* licet fatendum sit alios præ aliis magis esse letales, sicuti & inter bonos fungos alii aliis melius, leviusque concoquuntur.

Fungi autem, qui est tanquam cibo, sive condimento ejus utare nihilque subest mali, plurimorum scriptis fidem facientibus, duum sunt generum. Suntque vel *fungi pratenses* (proprie *Campernoelien* nostratibus) de quibus *Horatius lib. 2. sat. 4.*

----- *Pratenfibus optima fungis*
Natura est :

Vel *Boleti*, qui inde dicuntur, quod justam rotundi boli mediam partem constituent. Hos etiam *Galenus libro dicto de cibis boni & mali succi* minimè noxios, Imperatorque *Nero* per jocum, scribente *Mercuriali*, aliisque, deorum cibum dixit. Quanquam autem nonnulli satis tutò edantur, vel optimi tamen malignæ nonnihil qualitatis in sese continent, ut quemvis facile fallant, testibus *Dioscoride lib. 4. cap. 83.* ac *Galeno de aliment. lib. 2. cap. 68. fol. mihi 25.* ubi ita loquitur :

„ Ex fungis boleti, si bellè in aquâ elixi fuerint, proprie accedunt ad cibos insipidos, non tamen sic solis ipsis, ut vulgò utuntur, sed apparent variè & condiunt, ut alia omnia, quæ nullâ insigni qualitate sunt prædita. Alimentum autem ex ipsis est pituitosum, & frigidum videlicet, pravique est succi, si quis ipsis largius utatur. Equidem novi quendam, cui post boletorum non satis elixorum (quî innocentissimi esse putantur) usum largiorem os ventriculi pressum, ac gravatum, coarctatumque, & difficilem habuit respirationem, atque in animi deliquium incidit, sudoremque frigidum sudavit ; ac demum servari ægrè, sumtis iis, quæ humores crassos incidunt, potuit.

Imo præstantissimi, atque omnium optimi, scribente eodem *Dioscoride*, si quis nimium eos comedat, nocebunt. Ille etiam *lib. 6. cap. 23.* eorum quosdam genere, quosdam copiâ nocere, universos autem strangulatus suspendio similes concitare ait. Quod ipsum *Ætius* quoque *Tetrab. 4. serm. 1. cap. 73.* ac *P. Ægineta lib. 4. cap. 55.* confirmant.

Matthiolus lib. 4. cap. 78. tum demum letalem boletorum usum statuit, cum nimis abundè unâ vice sumuntur. Mirari itaque jure merito liceat, cur illi & quondam apud Romanos usque adeo in deliciis fuerint, hodièque apud multos sint.

Plinius lib. 22. cap. 23. fol. mihi 418. de fungis noxiis agens, familias, ait, nuper interesse, mære, & tota convivia, Annæum Serenum, Præfectum Neronis vigillum, & tribunos, & centuriones. Quæ voluptas tanta ancipitis cibi?

Memorat *Suetonius Agrippinam* marito suo imperatori *Claudio* boletum medicatum obtulisse ciborum talium avidissimo. Quo sumpto statim obmutuisse Imperatorem idem scribit, ac tandem veluti sensim contabuisse, ac interiisse tradit *Tacitus*. Atque ita *Agrippina* doli latuere.

Quo moneantur, hoc habeant, quotquot fungos in deliciis habent. Discernuntur à malis boni non visu tantum, sed & odore, ut supra monui.

monui. Omnium autem longe optimi sunt, quibus bonus, vividus, acidulusque odor est, quique fracti, candicantis, firmiorisque sunt substantiæ. Quamquam autem (quod animadvertendum) fungi quidam optimas visibus humanis qualitates ostendant, ut se probosesse persuadeant, si prædicta tamen duo desint indicia, ac præterea illi ipsi fæteant, graviorisve, aut mucidi, vel alioquin ingrati odoris sint, præfertim perruptâ internâ ciassiore summitate, relegandi, secernendique ab aliis sunt, haud secus ac corruptis carnibus, piscibusque contingit. In apertis pratis optimi nascuntur, quamvis & illic mali proveniant. Illi autem mali habendi sunt, quibus caules intus cavi, nigrique, ac pileoli, sive superiora capita plana sunt, aut convava, ita ut aquam contineant dum pluit, queisque divisis protinus decedit candor, summitatesque post dissectionem, aliove modo factam divisionem, ceruleæ, rubræ, aut nigræ, vel etiam virides, flavæve fiunt; nec non illi qui flavis maculis, cinereisve notantur punctis, quibusque barbulæ sub capitibus nigrescunt. Ejusmodi fungi *Botallo* strangulatorii dicuntur, præterquam, quod in ingens discrimen hominem conjiciant, peculiari insuper modo hoc agunt suffocationem inducendo. In genere vero de omnibus perniciosis fungis hoc asserit *Dodonaus lib. 15. cap. 24.* nec non *Clusius Appendice.* Notatum reperi *miscell. med. phys. curios. German. decur. 2. ann. 2. obs.*

73. fol. 169. quendam aquam, quæ è fungis putrefactis emanaverat, & insuper aliquantulum fungorum putrefactorum, immisisse in vasculum Porcellanum Indicum, illudque inverso vitro probè clausum, & tectum soli exposuisse. Sed vitrum à vasculo tollere aliquando cum vellet,prehendit id ita firmiter agglutinatum vasculo, ut simul illud in altum sustulerit, usque adeo apprimè tenax viscus sive glutinum hæc cupediæ habuerunt.

Judicium ergo penes omnes esse potest quid salutis in comestis fungis sit? E fructibus arborum cognoscimus, sicuti illi, qui post inventum frumentum, glandibus non vescebantur, agebant: *sat quercus*: ita & omnes fungos fastidiant, & averfentur.

Ipse autem jam ad utilitatem, auxiliumque eorum, qui malignis decepti fungis, vel palati instinctu copiâ bonorum (quos vocant) abusi sunt, aliquot historias adducam eorum, quibus hujusmodi cibis nocuit, unde & horum sanandorum rationem, modumque breviter quivis addiscere poterit.

Fabrit. Hildanus centur. 4. obs. 34. fol. mihi 317. Principissæ cujusdam mentionem facit, quæ cum inter prandendum etiam fungos edisset, maximis sub vesperam ventris torminibus, nec non cardialgiâ correpta fuit, mox quoque vomitus, & fluxus ventris supervenerunt, nec non denique sanguinis per inferiora ejectio, animique

que defectus, ac frigidus sudor, imo & ipsius mentis exilium, ita ut illa sumptis 40. lapid. Bezoard. granis sudans valetudinem perfectam recuperaverit.

Amatus Lusitanus centur. I. curat. 39. pag. mihi 70. de rusticâ 17. annorum puellâ refert, quæ, post fungorum etiam usum, maximam erosionem, doloremque sensit in ventriculo, cui febris, respirationis difficultas, animique deliquium accedebant: quare ille huic puellæ vomitorium mox præscripsit, datâque post hujus effectum Theriacâ, brevi illam tempore sanitati pristinæ restituit.

Baldassar Timaus casibus med. lib. 7. de morb. venenos. & malign. cas. 4. pag. 311. refert scribam suum aliquot fungos in quodam nemore collectos vesperi, inscio se, satis avidè comedisse, noctu autem illum validissimis intestinorum torminibus, & distensione ventriculi divexatum fuisse, non sine singultu, ac difficillimâ respiratione, adeo ut penè suffocaretur, tremore etiam, frigidoque sudore subsequente. Huic autem sese initio quidem vomitorium, postea vero Theriacam cum oxymelite mixtam, denique clysteres præparari jussisse, ægrumque his medicamentis convaluisse memorat.

Deplorandum sanè casum, qui accidit familiæ *Brusatorum*, affert *Joh. Bapt. Sitonius miscell. med. curios. tract. 4. pag. mihi 17.*

Dominicus Panarolus Pentecost. 3. obs. 45. opti-

172 OBSERVAT. RARIORUM
optimum hoc contra fungorum noxios effectus
proponit remedium quo etiam *Galenus lib. dicto
de aliment. facult.* usus est: Ægris initio vomitum
ciet, Theriacam deinde cum oxymelite
mixtam, five simplice, five composito bibere
jubet.

Neminem autem, hoc sumpto remedio discessisse, ast omnes Dei gratiâ malo suo liberatos
esse affirmat. Illius autem hanc promittit ipse rationem:
Quoniam duobus modis fungi nocent (scilicet cum propter malignam eorum qualitatem, quam vel à se habent, vel à rebus vicinis collegerunt, tum propter viscositatem, ac tenacitatem, queis multis causam dant malis) ideo viscositati incisione, atque attenuatione, malignitati autem antidoto quodam opus est. Statuit etiam *Galenus* aceto hoc casu utendum esse: Prudenter itaque agunt, qui comedendos fungos antea aceto perfundunt, intermixtis passim aromatibus. De pluribus malis post malignorum fungorum esum ortis, eaque paulo post subsecutâ morte, legi poterit *Sterrebeke fol. 341, &c.*

OBSERVATIO XLI.

*Gravissima post usum pomi Colocynthis
Symptomata.*

RUsticus quidam caupo Juvenis admodum, atque alacer ad eam Hagiensis nemoris habitans partem, quâ illud Meridiei obvertitur, alvi purgationem ante aliquot annos animo versans Colochynthidis in Pharmacopolio ponum emi jussit. quod contusum deglutivit. Post cujus usum non tantum inefabiles ventris cruciatus, verum & dysenteria, talesque illi artuum supervenere contractiones, ut echinum referret: fateor profecto nunquam me tam horrenda in quoquam conspexisse symptomata. Ille tamen, favente Numine clysteribus per inferiora, oleisque atque amagydalatis per os assidue immisis, brevi sane tempore isti malo fuit exemptus.

IN OBSERVATIONEM XLI.

Haud dubie quam maxime nocet Colocynthis pomum. Ipsa enim sacra scriptura de eo testatur 2 *Regum* 4. cap. 39; uti *Elisæ* famulus domini jussu Prophetarum filiis olera præparaturus colocynthis folia ignarus collegerat, quæ cum apposita gustassent Prophetarum filii flentes exclamarunt: *O vir Dei! Mors hac latet olla,*

Liebauus de Venenis pag. mihi 340; colocynthis pomum intus sumptum, eadem, quæ Euphorbium, mala excitare tradit.

Dioscorides pag. mihi 382. Sanguinolenti secessus, ulcerum intestinorum, membrorumque convulsionum illud causam esse scribit.

Illius autem agendi vis, ac vehementia hinc eò magis elucet, quod nempe ejusdem solo contactu, odoreque nostra corpora non sine maxima commotione ad alvi exonerationem adigantur. Quod norunt, quotquot dictum pomum contuadunt, cribrantve, vel aliis modis contrectant.

Idem etiam ad alvum exonerandam facere, si eo adipe mixto infantis venter inungatur, docet experientia. *Sennertus lib. 3. part. 2. sect. 2 cap. 4. fol. mihi 110.* novisse se medicum quendam memorat, qui quoties Colocynthis pomum manu sua, concludebat, quoad calefceret ad alvi, exonerationem incitabatur.

Testatur etiam *Casp: Hoffmannus lib. 1. de*

de medicam. officinal. pag. 25. cap. 9 solo tactu, & odore abunde, & cum magna perturbatione illud pomum alvum deicere, quod experiuntur, qui eam pinunt, aut alioquin tractant.

Tulpius obs. lib. 4. cap. 25. fol. mihi 334 scribit virum quendam inopem, ac tardi ventris onera ejicere aventem impulsu cujusdam trium colocynthidis pomorum decoctum bibisse; quæ acrimoniâ suâ prius muco, quo naturaliter obsita sunt intestina, avulso, usque adeo tanta ipsi alvo excitarunt tormina, ut ille, apertis vasorum sanguiferorum ostiolis, propter ingentem sanguinis fluxum brevi vitam cum morte commutasset, ni immisso in os ac inferiora oleo, illico remedii vim corrosivam refrenasset, ac domuisset, seque hoc pacto non nisi mortem minitantibus malis eripuisset.

Schenkius obs. lib. 7. de Venenis è plantis pag. mihi 980 scribit quendam robustum usum clysteris remedio, cui immista erat dragma colocynthidis non diu superfuisse, atque illico post mortem, per aliquot horas continuas ingentem sanguinis copiam per alvum emisisse.

Platerus etiam obs. lib. 2. pag. mihi 805 de Principe quodam refert, qui, acceptis à Medico pillulis, quarum invalidus nimis erat effectus altera vice aliquot sumpserit, quæ pauca colocynthidis recipiebant grana unde ipsi non tantum vehementes dolores, sed & sanguinis per alvum ejectio excitabatur haud absque ipsius vitæ periculo.

De

De alio item scribit, qui alvum purgare cupiens, integrum Colocynthis pomum haud divisum, per unam noctem vino immaceraverat (quod antea sæpius jam fecerat) unde in funestum incidit alvi profluvium.

Quæret autem quispiam, cur, cum adeo noceat, pomi colocynthis etiam aliquis in medicina sit usus? Is vero sciat illud non solum rarius, verum etiam quam minimâ usurpari copiâ, ac tum fere tantum, cum in diuturnioribus morbis medico animus est humorem quendam è capite, à nervis, externisve membris, vel remotioribus partibus deorsum derivare, cum illud ipsum communibus purgantibus perfici nequit. Præsertim autem requiritur, ut ante usum recte præparetur, bene scilicet contundatur, cribreturque, ne crassiores quædam illius particulæ stomacho, vel præcipue intestinis hic illic adhæreant.

Corrigitur præterea adipe gummatibusque, ejusdem acritas. Incautius autem hic rusticus illud non præparatum, ac negligentius contusum deglutiverat.

OBSERVATIO XLII.

Opium ad dimidiam dragmam sumptum.

CUIDAM I. R. nomine ætate jam graviori hic Hagæ degenti an. 1680. de-

CENT. PRIM. OBS. XLII. 177
decoctum, quo manus, cutaneo quodam malo affectos, abluerit, præscripsit medicus quidam addito & seorsum, quo ventriculum evacuaret, vomitorio, quæ remedia cum ad ædes illius attuisset Pharmocopæus, patiens incuria quadam lavamentum imbibit, quod erat hujusmodi.

℞. *opii crudi* ℥℥.
 Spiritus vini ℥v.
 caphura ℥j.
 M. fiat Lavamentum.

Cum jam paulo post errorem agnosceret, non sine trepidatione ad Pharmacopæi, measque ædes, utpote magis vicinas, curritur. Ipse ad laborantem veniens Pharmacopæum reperi, qui mihi, quænam Pharmaca reciperet lavamentum, quod alter biberat, exposuit: quare illi confestim vomitum excitare tepida aquâ, butyroque cœpi, utque totam noctem insomnis transigeret, à tribus viris diligenter eum asservari præcepi, vinique Hispanici interdum nonnihil porrigi. Postridie longè melius sese habuit, atque ita periculum evasit.

Sicuti satis feliciter res hæc cecidit, ita infaustum plane, quam referre aggredior, fortita est exitum; quæ haud diu postea nundinarum tempore hic Hagæ puellæ cuidam cui nomen *Corneliæ Verhaar*, accidit, quæ sumpta mane pilulâ sibi data à muliere quadam sanandignam se mentita, sub vesperam extincta est. Quam, post meridiem arcessitus, soporosam, ac valde oppressam reperi, nec quidquam responsi ipsi extorquere potui: Qui vero adstabant, quidnam sumpssisset illa, non indicabant, sed pilulæ tantum, quicquid id erat, veniebat nomine, quam cum ipse post inquisitionem ad alvum exonerandam nihil fecisse comperissem, clysterem, qui ventrem purgaret, cardiacumque quoddam cochleatim sumendum præcepi. Cum vero sequenti die ipsam visitare venissem, vita jam orbam intellexi, ac tum demum, sed fero, rescivi puellam à circulatrice remedium petisse quo odontalgiam pelleret, hancque illi dictam pilulam dedisse, dicentem: Confer fodes te jam domum, amica, lenis corripiet te sopor, nec ullus post hac dolor infestabit. Cre-

do

CENT. PRIM. OBSERV. XLII. 179
do equidem nunquam veriora locu-
tum; æternum namque sopita manet
puella, ac quovis dolore liberata.

IN OBSERVATIONEM XLII.

PRæterquam quod hoc remedium nocens sit
valde, puellæ tamen isti imprimis obfuit,
utpote quæ asthmatica esset, ac dorso ingentem
gibbum portaret. Gibbosis enim cautiores scrip-
tores narcotica præscribi nolunt, quos inter &
Beverovicus est qui, *Thesauri sanitatis part. 1.*
cap. 14. pag. mihi 142 ait anhelosis, & pectore
oppressis, nunquam opium, hypnoticave ex-
hibenda esse, quod pulmonis jam antea quodam-
modo obstructos tubulos porro claudentes respi-
rationis vias omnino præcludant; idque se non
semel compertum affirmat.

Neque sane mirum est opium intus sumptum
tales producere effectus, quoniam illud ipsum
suppositorii formâ multos è vivis sustulit, ut tes-
tantur *Rhasis cent. 4. Galenus 2. de morb. vul-*
garibus, Avicenna, Zacutus, Marcus Ga-
tinaria comm. 9. ad Almanzorem cap. de sodâ
cholericâ, Antthon. Betta suis comm. in Avicen-
nam: nec non Nicolus serm. 2. cap. 11. Idem
Nicolus serm. 2. sum. 2. tract. 1. cap. 15. se-
nem quendam se vidisse tradit, qui ventris dolo-
ri levando enema præpari jusserrat, quod opii

aliquot grana inter alia recipiebat, unde ille decesserit.

Platerus obs. lib. 1. decocti clysteris, opii portionem recipientis applicationem linguæ titubationem secutam fuisse scribit. *Alex. Benedictus lib. 3. cap. 6. & lib. 7. cap. 17. part. morb.*, Paduæ contigisse memorat, ut *Justinianus* quidam gente *Venetus* conspicuâ admodum, atque antiquâ, cum maximo laboraret dentium dolore, molarem è loco suo evellidentem jusserit, ac, cessante minime dolore, quorundam impulsu aliquoties opium in vacuum ingesserit locum, unde æternum sopitus manserit.

Cardanus lib. de subtilitate cap. 18 refert, *Nelphum* quendam, cum in certamine equestri Patavii victor exitisset, deposita galea, ut respiraret, ab invidis, quod plebejus esset, copioso illito intus opio, extinctum fuisse.

Caveant itaque, atque observent sedulo quotquot curæ suæ traditos infantes custodiunt mulieres nutricesque, ne illis, quamprimum molestiâ, doloreve quodam afficiuntur, continuo somnifera propinent. Contingit enim sæpenu-mero ut hæc, quamvis non occidant, infantum cerebrum, nervosque tamen crebro usu debilitent, artuum tremorem, paralyfimque, uti ipsa docet experientia, nec non fatuitatem iis excitent.

Tilingius tract. de Laudano Opiato pag. 103. cap.

cap. 8. scribit famulæ cuidam Embdæ habitanti fuisse injectam fictiliorum Pharmacopolii purgationem, illique forte ollam obvenisse laudano Opiato refertam, hincque ipsam nonnihil sumpsisse Theriacam esse credentem, unde ei illico sensuum stupor, & somnolentia per totum corpus obrepserit.

Interroganti autem *Tilingio*, in iisdem forte versanti ædibus, quid illam læderet, se ex olla, quæ in angulo stare, aliquantum deglutivisse respondit. Quare ipsi mox vomitorium præparavit, quod laudanum illico per os egressit, jussitque postea varia insuper antidota sumere. Multo autem post tempore illi dictus stupor, somnolentiaque adhæsit, nec unquam priorem valetudinem recuperavit.

D. Cocq Medicus Hagiensis experientissimus retulit mihi se novisse Jurisconsultum, qui, morbo per aliquot hebdomadas continuas durante correptus, somni, quamquam invitus, parcissimus fuerat: quare hortatu nonnullorum ad opii tincturam confugit, cujus usui sese aliquandiu ita assuefecit, ut, cum convalesceret, museumque intraret, usque adeo ipsi labefacta esset memoria, ut ne satis quidem sciret quonam loco litium instrumenta (ita J. C. vocant) posuisset; quamvis postea pristinus illius sensim redierit usus. Me quidem non fugit, inquit *Schneiderus de catarrho lib. 4. cap. 8. fol. 531.* cujusdam Regis Indiæ filium usu opii mentem,

182 OBSERVAT. RARIORUM
memoriamque amisisse. Novi (ait *Willisus*
Pharmac. rational. part. 1. fol. 306) quendam
laudani dosi majori, cum febricitaret, assumptâ,
memoriam penitus amisisse, &c.

OBSERVATIO XLIII.

*De noxio admodum, nec non letali herbæ,
radicisque Oenanthes veneno.*

Cum civis quidam Hagienfis die 20.
Aprilis ann. 1677. cum amicorum
quodam manè circa septimam horam
hortum suum, haud longè Hagâ distan-
tem intrasset, radices è terrâ quasdam
eruit, ut domum portatis vesceretur,
petroselinique eas Macedonici ratus il-
lico post eradicationem cum amico gu-
stavit, editque, ut animo obsequeretur
nimium curioso. At ecce! non ita diu
post utrique magnus faucium, ventricu-
lique ortus est ardor, quem mentis per-
turbatio, vertigo, cardialgiaque, nec
non nausea, alvique profluvium subse-
cuta fuere, alteri eorum sanguinis per
nares fluxu, alteri vero violentis admo-
dum convulsionibus supervenientibus.






Ita ut ambobus, alteri quidem, quod plus comedisset, post duas, alteri autem post tres horas hujus radicis efus fuerit letalis. Ipse ego ad alterum vocatus jam mortuum reperi. Fuit mihi tum monstrata infelix radix, quam frondibus adhærentem (ut multi notam caveant) ærique incisam his adieci, literis A: A: primæ tab. notatam. B: B: autem frondem, quâ crescit, magnitudine notant. C. vero *Oenanthes* semen monstrat.

Hac autem in re non levem mihi navavit operam. *D. Franciscus à Sevenhuyssen* Hagienfis olim senator, vir tam indigenarum, quam exoticarum herbarum aromatumque notitiâ admodum insignis, qui unam harum plantarum etiamnum recentem è defuncti horto, haud diu post ejus obitum translatam in suo adolescere curavit: Quæ, cum hæc primum Belgicè conscriberem, adultis florebat foliis, viribusque. Et nos quidem post exactiorem investigationem radicem cujusdam *Oenanthes* speciei esse comperimus, facie cicutæ, testante *Dodonæo Append. cap. 1. lib. 3. fol. mihi 74.* Ipse etiam *Lobelius pag. mihi 892.* eandem

184 OBSERVAT. RARIORUM
vocat *Oenanthen facie cicutæ*, *succo cro-*
ceo, & *viroso*, quamquam fatear equi-
dem folia illius magis referre ea, quæ
sunt *Apii*, quam quæ *Cicutæ*. Ipse etiam
id innuere videtur *Strabo*, cum *lib. 3. pag.*
mihi 331. scribat Cantabros olim quod-
dam venenum ex herbâ quâdam *Apio*
non multum dissimili confectum secum
portare fuisse solitos, quod, in interiora
demissum, nullum inferret dolorem,
quodque in quamvis fortunæ aleam, ne
quid pace, bellove in ipsos decerneretur
durius, paratum esset. *Theophrastus hist.*
plantarum cap. 15. fol. 116. apud *scythas*
reperiri radices tradit, quæ comedentes
statim interimant; quod non sine san-
guinis coagulatione fieri autumat.

Secundæ tab: literæ A: A: *Cicutæ* fo-
lium vivi instar notant, B: vero ejus of-
tendit semen. Tertiæ tab: litera A:
Oenanthes semen, B: B: ejusdem radicem
vibæ instar. C: C: vero hanc ipsam trans-
versim dissectam monstrant.







IN OBSERVATIONEM XLIII.

Simile exemplum de infausto radicis esu extat apud *Henr. Smetium*, quondam Professore Academix Heidelbergensis, *miscell. suis Medicis lib. 10. pag. 569. 8. Martii an. 1591.* (inquit)
 „ *Caroli Bombergi* vidua, matrona nobilis in
 „ villâ suâ *Weileranâ* prope oppidum Otterber-
 „ gum præfecturæ Cæsaro-Lautrensis, delirio
 „ absque feбри, subitaneo, unâ cum totâ familiâ
 „ obruebatur, ex occasione radicum quarun-
 „ dam, quas ex hortis, agrisque vicinis erutas,
 „ in opsonium coxerant, &, opinati salubres,
 „ bonasque esse, comederant. Historiam ma-
 „ trona ipsa menti restituta, suâ manu conscrip-
 „ tam ad me misit in hunc modum.

„ Mense martio priusquam radices, germi-
 „ nare occipiant, ideoque haud facile dignosci
 „ possint: radices quasdam effossas ancillæ, ex-
 „ trinsecus à fordibus, & cuticulâ radendo pur-
 „ gatas, in turundas oblongas, tenuesque mi-
 „ nutatim consciderunt, quo more rapa, aut
 „ pastinacæ hortenses apparari solent. De elixo
 „ hoc, percoctoque edulio, comederunt con-
 „ vivæ octo. Inter quos tres erant mulieres,
 „ vir unus, adolescentes duo, totidemque puel-
 „ læ. Ad me, inquit, quod attinet, permag-
 „ nam mihi obortam sensi oppressionem angus-
 „ tiamque, adeo ut intra 24. horarum interval-

lum, aut nihilum, aut perparum mei com-
 pos fuerim, nec quid agerem, sciverim. Fui
 siticulosa admodum, in ventriculo, gulave
 fervorem immodicum percepi. Quum vero
 jam ad me redire inciperem, tunc omne avi-
 cularum, & cuniculorum genus mihi obver-
 fari videbatur, &, quoscunque circa me vi-
 debam homines, omnes vel mortui, vel ægro-
 ti apparebant, quorum singulis opitulari, &
 medicari allaborabam, aut saltem, qua pos-
 sem, solari. Interea immemor ipsa mei, pro-
 priique ignara periculi satagebam, & anxie de-
 fatigabar in sublevandis, ac transportandis
 tam viris, quam mulieribus, qui opinione
 meâ ægrotabant. Alii vero imaginabantur se
 videre lacertas, serpentesque, alii arreptabant
 in ignem, alii saltabant, & per dumos, sepef-
 que vagabantur. Dispar quoque erat ægrota-
 tionis tempus, his longius, illis brevius. Quo-
 quis plus de illis ederat, eò diutius & vehemen-
 tius, quo parcius assumpserat, eò moderatius
 delirabat, mihi sanè mens per 4. dies errabat.
 Hactenus illa. Cicutæ fuisse radices conjicit *Sme-
 tius*, quod albedine, glabritieque pastinacæ ra-
 dices imitentur, nec non quod *Matthiolum*
comm. in lib. 4. Dioscorid. cap. 74. de Cicutâ pag.
mihi 988. ut & lib. 6. cap. 9. persimile quid me-
 moret; Uti etiam *Hieronimus Tragus hist. stir-
 pium lib. 1. cap. 19. fol. de Cicutâ* ejusmodi deli-
 rantis matronæ exemplum adducit.

Vidi,

Vidi, inquit, honestam quandam mulierem cum inter pastinacas cicutæ radicem forte coxisset, edissetque hinc veluti inebriatam, furibundamque evasisse, ita ut in altiora ascendere, ac volare gestiret, quam tamen aceti haustus ad sanam reduxit mentem.

Christoph. Roesslerus miscell. med. phys. curios. ann. 3. obs. 345. fol. 553. de Comite *Hanovia* narrat, quæ cum famulis inter coctas pastinacas etiam cicutæ radices facie, gustuque cum illis valde convenientes comederat; undè illis omnibus Vertigo supervenit, tanquam ebriis, insequereturque quoddam delirium, singultusque, ac alia satis gravia accidentia. Harum autem nulla interiit. Unde infert non adfuisse multas radices noxias, adeoque non fuisse multas comestas.

Non multum differt, quod narrat *Baldassar Timæus cas. medicin. lib. 7. cap. 4. pag. 310.* de Oenopolâ Colbergenfi qui dictas radices cum carne bovillâ coctas comederat, quemque statim præcordiorum angor, respirationis difficultas, visusque obtenebratio invasit singultu comitata. Hunc autem post vomitorii usum, ac deinceps post vini cum Theriacâ misti haustum valde sudasse, ac porro cardiacis sanatum scribit.

Quod si quis dicat, si hæc eadem est radix, quæ illa, quam isti duo (de quibus observatum) comederant, quî fit, ut nemo octo, pluriumve modò memoratorum, interierit?

Respondere poterit facilè , quisquis confideraverit radices horum non tantum fuisse purgatas, coctasque, verum insuper, decocto effuso, easdem aromatibus, butyrique pinguedine fuisse asperfas : quibus omnibus venenum obtunditur, & plurimum virium amittit. Illi duo autem eas crudas admodum, recentesque sumferunt.

Sic etiam *Montanus America descriptione* pag. 69. *Juca* radicem pastinacæ non multum dissimilem tradit, lacteum quendam in sese continentem succum, quo turget, dictumque liquorem crudum sumptum letalem, prælo autem expressum, coctumque sanum esse refert.

Rocheport de Insulis America pag. 31. succum radicis frigidum esse testatur, tanquam cicutæ, violentum etiam esse venenum, sæpiusque eodem usos fuisse Indos, ut Hispanorum crudeles enses, rabiemque evaderent, affirmat, quod ipsum modo de Cantabris narravi.

Quoniam vero plerique scriptores hanc plantam cicutam esse credidère, aut eandem inter illius species describere, ut pote quæ etiam venenatæ sit naturæ, plurimaque gravia symptomata, imo & mortem quibusdam attulerit, operæ pretium fore arbitror, si, ut clarius omnia constent, ad harum plantarum distinctionem, præcipuas utriusque, notabiliioresque adducam differentias.

Exponam autem antea, cur *Mathias Lobelius* hanc

hanc plantam *Oenanthen* dicat, facie *cicutæ*: cum tamen illam in borealibus Angliæ partibus ad rivos, paludumque margines crescere scribat, ubi & *Apium* provenit, cui foliis valde similem statuit.

Quamvis autem *Apii* folia facie, formâque referat, color tamen plantæ nostræ foliorum obscurius virens est, ac nonnihil ad *cicutæ* colorem accedens. *Oenanthæ* etiam umbellæ *cicutæ* similes sunt, existimaturque illa hujus esse quædam species, veneni intuitu, animi enim deliquium excitat, caputque veluti in gyrum illico torquet.

Quantum autem ad differentias: sciendum est primo, hanc *Oenanthen* facie *cicutæ* (ita vocat *Dodonæus Append. cap. 1. lib. 3. pag. mihi 74.*) foliis tamen a *cicutâ* differre, *Oenanthæ* namque folia coloris obscurè viridis, *cicutæ* vero leviter viridantis sunt.

Illius etiam magnitudine superant folia hujus, ac magis accedunt ad ea, quæ sunt *Apii*, ut modo dictum. Illa autem quæ sunt *cicutæ*, magis sunt similia foliis *cherefolii*, undè Belgis, aliisque *furibundi cherefolii* nomine venit *cicuta*.

Præterea minoribus incisuris *cicutæ*, quam *Oenanthæ* frondes distinguuntur, nec adeo lævia, fulgentiave sunt illius, quam hujus folia.

Caule deinde etiam differunt, *Oenanthæ* enim caulis inferius, quâ parte è terrâ exit, coloris purpu-

purpurei est, & versus cacumen ascendendo passim viridior illius caulis est, quam cicutæ. Hæc autem (scribente Dodonæo) glabrum admodum habet caulem nodis multis, membrisque interstinctum interiusque cavum, at exterius rubicundis aliquot maculis, ut serpentum pelles solent, notatum.

Differunt tertio etiam ipso odoratu. Cicutamque inamænum planè, ac sædum, gravemque odorem ex omnibus suis diffundit partibus, longè alio tamen modo, quam quo *Oenanthe*, quæ hoc vitio etiam laborat: Ipse enim reverâ confiteor *Oenanthes* radice modo è terrâ educatæ, ac transversè dissectæ odorem cerebrum nobis aliquantulum turbasse, ac nescio quam pro tempore attulisse inconstantiam.

Quarto distinguuntur loco, quo proveniunt. Cicutam enim abunde extra urbes, pagosque nascitur, locis passim frigidioribus, fundoque umbroso, ac pingui in aggerum vel rivorum marginibus propè dumos, vel pratorum, agrorumve Cerealium, aut pascuorum lateribus, teste eodem *Dodonæo part. 3. cap. 35.* *Oenanthe* autem hisce in terris longe infrequentior, ac minus nota est, quam in regionibus magis Arcton accedentibus, præcipue tamen in Angliâ Boreæ propiore, ubi illa in fluentorum, lacuumque ripis copiosè cum Apio provenit, ut ante dictum.

Quinto utraque hæc planta vel maxime ipsa
disting-

distinguitur radice: neque enim unicâ tantum, veluti cicutâ, sed plurimis, iisque majoribus, radicibus firmatur *Oenanthe*, quæ singulæ tenuiori multo cauli affiguntur, quamobrem etiam filipendulæ speciebus annumeratur *Oenanthe*. Adde, quod Cicutæ radix & longitudine, & crassitie longe superetur, cumque primum prodit hujus caulis, radix cava sit, ac vacua fere, quæ tamen alioquin plena, atque firma est. Flavæ itidem, variæque in transverse dissectâ *Oenanthæ* radice conspiciuntur maculæ, succusque inde flavus quodammodo provenit: ideoque monet *Dodonaus*, ut hujus rei maximè habeatur ratio, utpote qua illa à filipendulâ montanâ discernatur.

Sexto, & ultimo longe diversi sunt utriusque plantæ effectus, quamvis enim, teste *Galeno*, frigida sit utriusque natura, vertiginemque, atque animi perturbationem ambæ excitent, cicutâ præcipue tamen artus obstupescences, hominesque somniculosos reddit, ita ut ad opii naturam quodammodo accedat, cum *Oenanthe* delirium potius excitet.

Ad probationem narcoticæ & obstupescientis cicutæ qualitatis sequentia faciunt exempla.

Simon Pauli tract. de febribus malignis p. 2.
§. 2- de tribus narrat, qui veris tempore olera comederant diversis herbis constantia, qualia tum temporis sanitati conducere existimabant: inter ea tamen cicutariam inscii miscuerant, post

post cujus usum illi in continuum animi deliquium inciderunt. Unus autem ex his tribus qui Centurio erat, jam objerat, cum is, qui hæc narrat, ad curam vocaretur.

Hic verò reliquas, cæteræ enim mulieres erant, usu cardiacorum sudoriferorumque sanavit, postquam speciatim jussisset, ne somno illas corripere, qui adessent, paterentur; Scribit etiam porro has mulieres, postquam sudassent, purpureis aliquot maculis, quæ ultro prodierant, fuisse notatas.

Amatus Lusitanus cent. 5. curat. 98. pag. 555 de undecim annorum puero memorat, qui *Pisaurâ* urbe egressus, summisque cicutæ fastigiis per jejunas fauces in interiora immissis, ad torridum solem illico dormiverit, cumque à somno expergisceretur, non viderit, nec mente constiterit, sed domum portatus brevi diem suum obierit.

Notior est infelix *Socratis* exitus cicutæ succo extincti, quam ut hic adscribi debeat: *Plato* namque *Phædro*, *Cicero*que 2. *Tuscul. quæst.*, nec non *Beverovicinus Thesaur. valetud. adversæ cap. 24. pag. 248.* late eum describunt. *Æmilinus Macer lib. de herb. virtutibus cap. de cicutâ* ita loquitur.

*Frigida letiferæ vis noscitur esse cicutæ,
Unde ne cat gelidi potantes more Veneni, &c.
Publica pæna reis hæc esse solebat Athenis,
Hac sumptâ magnus Socrates fuit exanimatus.*

Quam-

Quamquam nec ignorem etiam esse, qui cicutæ venenum Socrati propinasse Athenienses negent, sed mixtum quoddam toxicum, quod cicutæ succo temperatum cicutam dixerint, fuisse asserant, cui opinioni etiam adstipulatur *Valerius Maximus lib. 2. de Ext. Institutis, distinct. 8. fol. 181. Ælianus lib. 9. de variar. rerum hist.* scribit *Theramenum* à 30 Tyrannis coactum fuisse bibere cicutam, quam uni ex prædictis, pulchro scilicet Critiæ, forti animo propinavit, & non multo post vivere desiit. *Euphrates Philosophus* (uti refert *Dion Cassius hist. Roman. lib. 69*) sponte de vita cicutæ haustu excessit, veniam impartienti *Adriano*, quod esset annis fessus, & præterea morbo divexaretur.

Thusci asini, scribente *Matthiolo comm. in caput 745. lib. 4. Dioscor.* si quando cicutam dedepascantur, in profundum incidunt soporem, artus ipsis flaccescunt, ac veluti sensu carent, eoque illi non tantum orbi, sed & jam defuncti videntur.

Hoc ipsum rusticos nonnullos quondam hujus rei inscios valde decepit: His namque asinis pelles detrahentibus (mortuos enim credebant jam diu) postquam jam multum processerat ipsa detractio, medium inter opus surrexere asini, ingentemque ipsis tremorem, spectatoribusque ridendi causam attulere.

Ratione loci natalis venenum ejus majus, minusve observari, ex *Diosc. & Plinio* notum est.

Ne vero quisquam dubitet, quin etiam hisce in regionibus cicutæ ea sit vis, qua somniculos reddat homines, placuit huc adducere exemplum quoddam è *Nicol. Fontani* celeberrimi quondam Medici Amstelodamensis *Respons. & Curat. med. pag. mihi 16.* Qui quinquagenariæ mulieris mentionem facit, quæ jam pridem peste liberata, at, quamquam eo morbo cessante, per noctem tamen somnum capere non poterat.

Quare alias mulieres consuluit, atque ex his una ut vesperi lactucam, quam cicutæ aliquot foliis adspurgeret, loco aliarum herbarum condimentariarum ederet, suavit : quod illa secuta consilium sequenti nocte optime quievit; nec ita agere destitit, donec ipse *Fontanus* illam vigiliis liberaturus visiteret; continuâ namque tum temporis, atque periculosa admodum febris infestabatur, lectoque inhærebat. Ille eam refrigerantibus atque humectantibus, nec non venesectione, ac purgantibus juvare satagebat: unde factum, ut post unam, & alteram hebdomadam febris omnino cessaret; Illa nihilominus insomnes se transigere noctes quotidie conquerebatur; ideoque duo grana laudani Opiati ipsi exhiberi jussit; neque sic quidem illa satis quievit; ita ut his etiam tria adderentur, sed nequicquam. Quamobrem sensim ascendens novem ipsi grana præbuit sed & hæc effectu caruere, nec tantopere expetitus ægrotantem fovit somnus.

Inquisivit itaque in causam, ob quam cessaret som-

somnus, rescivitque tum quicquid supra narratum. Ipse ergo remedii genus mutans ad ea confugit medicamina, quibus jam assueta erat mulier, solitique ipsi permisit oleris esum: post cuius usum somnus, ut ante, noctu rediit; Illa autem Omnipotenti Deo, medicoque propter recuperatam valetudinem summopere gratias egit.

Sicuti opium, licet extrinsecus admotum, noxium est, uti præcedenti ex observatione patet,) ita etiam cicuta est, quam ne quis inflammatis, aut dolore oppressis admoveat partibus; monet *Sterrebeke fol. 337.* obstupefacit etenim, atque invalidos cicuta reddit artus, nec tollit omnino morbum, doloremve, quamvis hunc per aliquod tempus quidem minuat, caloremque temperet, illud autem corpus, membrumve, quod vexat dolor, stupidum, ac semimortuum evadit, ita ut nec morbum, nec dolorem sentiat. Corpore autem membrove pristinum vigorem recuperante, longe major est dolor, quam fuit antea, difficilius etiam multo morbus eo casu tollitur, quia pars frigefacta est, quæ contumacem efficit morbum. Quamobrem, nisi maximâ urgente necessitate, non erit admovendum membris extrinsecus quicquid hoc herbæ est.

OBSERVATIO XLIV.

Aqua fortis pota.

AD *Francisci* cujusdam *Valette* infantem an. 1645. vocabar tres circiter annos habentem, qui aquam fortem, quæ patri in promptu semper erat, ad opus mechanicum quod exercebat requisita, biberat. Hinc autem non ita diu post continuè, ac vehementer, haud absque maximo angore, vomere coepit. Quamquam vero quicquid aquæ fortis sumptum esset, vomitu illico ejiceretur, nonnihil tamen illius liquoris villosis ventriculi adhæsit membranis quod nihilominus corrodentem suam vim illic exferebat. Quare infanti statim oleum tradi jussi, quo ejecto per os, aliud, ac postea item aliud immitti præcepi, donec ipse aliquid, quod cochleatim uteretur infans, præparari curarem: Hic autem syrupus violarum erat, cum duplo mucilaginis sem: cydoniorum. Mandavi præterea, uti, nihil amplius egerente stomacho, lac dulce,

sed

CENT. PRIM. OBS. XLIV. 197
sed tepidum infanti bibendum propina-
retur. Atque hoc quidem pacto brevi
temporis spatio ille infans convaluit.

IN OBSERVATIONEM XLIV.

IPse equidem necdum tum temporis de ejus-
modi casu quidquam audiveram, quando-
quidem tam gravis quam rarissime contingit er-
ror, ut mirum non sit, si pauci admodum ejus
mentionem faciant. Diu tamen postea, cum
Balduini Ronsssei Epist. Medicinal. 9. pag. mihi
27. legerem, intellexi nautam quendam Leydâ
Goudam navigantem cantharum reperisse, quem
probè obturatum spiritu vini repletum suspica-
batur, cumque sitiret valde, multum inde si-
mul hausisse, quod illico totas ejus fauces, ven-
triculumque, veluti adussit, non sine acerrimis
stimulis, contractionibusque, quæ spasmo simi-
les erant. Hic tamen post olei raparum usum,
linctumque è mucilagine sem: cydonior, sem:
altheæ, Gum: Tragacanthæ cum aqua rosarum
extractâ, cui mel rosarum, & syrupus violarum
miscebantur, sanatus est.

Bruno Seidelius de morb. incurabilibus p. 13.
puellam maxime sitientem memorat incautè la-
genam arripuisse, quâ aqua fortis continebatur,
hanc autem cum bibisset, horrendis cruciatibus
doloribusque vexata misere decessit. *Henricus*
ab Heers obs. 16. pag. mihi 152 meminit juvenis

198 OBSERVAT. RARIORUM
cujusdam 20 annos nati, qui itidem aquam
fortem, vini spiritum ratus, postquam bibisset,
extinctus est.

Borellus cent. 4 pag. 300. obs. 28 de duabus re-
fert puellis, quæ cum in aurifabri ædibus similem
aquam imbibissent, vehementibus doloribus co-
mitatam mortem obierint.

Nobilissimus Dom. *Joh. Ludovicus Hanne-
mannus* communicavit mecum per literas rustici
historiam, qui Aurifabro Lunæburgi lignum
vendens, auctarii que loco haustum vini adusti
petens, jussus fuerit ingredi hypocaustum, ubi
cum solus vitreum poculum aquâ forti plenum
vidisset, vinum phlegmate orbatum ratus, ingen-
tem fecerit haustum, & aurifabro non multò
post vini spiritum apportanti, responderit, se
jam bibisse ex hoc vitro, nec ultra appetere,
unde illico punctiones, & lancements in ven-
tre sentiens, assumpto largo olei amygd. dulcium
haustu curatus est.

OBSERVATIO XLV.

Lapis è jecore per abscessum detrusus.

D G. Liebergen Medicus Hagienfis
haud incelebris novisse se quen-
dam, eique cum Chirurgo *Allarto Barrin-
ga* medicinam fecisse testatur, cujus he-
par,

par, postquam ille diu continuâ febriculâ infestatus fuisset, tandem invasit abscessus. Quoniam autem illud intumescebat admodum, ad puris exonerationem incisio facta est, per quam ingens probè cocti puris emanavit copia, quod cum jam aliquamdiu fluere non destitisset, subito admodum apertura fuit obturata, ita ut omnis puri præcluderetur exitus, cujus quidem obturationis calculus quidam causa erat, qui arctè factum foramen clauferat, adeo ut ad hujus materiæ ulteriorem evacuationem dictæ incisionis requireretur dilatatio; quâ factâ, qui tam diu latuerat, internus hostis apparuit lapis ovi columbini instar: undè multum lætatus æger paulò post priorem sanitatem recuperavit. Quoniam vero durior, atque asperior cibum (uti solebat antea) nimis præmature edere incipiebat, in novum iterum, non sufficientibus illius ad ejusmodi cibi concoctionem viribus, morbum incidit, qui letalis ei fuit. Aperto cadavere abscessus intus omnino sanatus, ipsum autem jecur (propter amissionem partis corporis illius ulcere fac-

200 OBSERVAT. RARIORUM
tum) mediâ sui parte truncum reperie-
batur.

IN OBSERVATIONEM XLV.

CAlculos in vesicâ fellis repertos fuisse, je-
curque pro parte induruisse non usque
adeo novum est, illi autem si in ipso Hepatis cor-
pore, ejusve membranâ nascantur, id ra-
rissimum duco. De lapillis in jecinore repertis
vide *Dodonaëum notis ad cap. 3. obs. med.*
Antho. Benivenii fol. 141.

Calius Rhodiginus, ac *Cardanus* de lapide
referunt, qui instar olivæ majusculæ propè vesi-
culam fellis in hepate provenerat.

Renodæus de materiâ med. lib. 3. cap. 23. fol.
mihi 679. de tribus calculis agit, in jecore con-
spicui cujusdam viri repertis, de similibus, etiam
testantur *Fallopins*, *Columbusque*, ac *For-*
restus.

Mæbius Fundament. Medicæ Physiolog. cap.
14. pag. 341. plurimos lapillos angulosos, quales
sunt alexæ, ex hepate uxoris cujusdam præfecti
militibus extrahi vidit: Lapidis cujusdam, qui
propè ovo gallinaceo magnitudine par in inferiore
lobi hepatis parte repertus fuerit meminit
Greiselius miscell. curios. ann. 1. obs. 86. fol.
165.

Hujusmodi lapidum eo loci repertorum men-
tionem faciunt quoque *G. Fallopins*, *Chrystoph.*
Col.

Columbus, Forestus, Scaliger, Matthiolus, Kentmannus, &c.

Godofredus Thilesius dicti lib. obs. 150. fol. 241 de innumerabilium prope lapillorum cumulo narrat, qui quingenti, imo sexcenti penè numero, omnes variæ formæ erant, hique tres, illi quatuor, sex alii habebant angulos, quos ipse per hepatis exulcerationem, subsecutamque fistulam provenire vidit, quorumque maximi fagorum fructibus, minores autem granis ericæ bacciferæ pares erant.

Gerardus Blasius obs. med. 19. fol. 84. lapidis mentionem facit limacis formam exprimentem, medioque in pure penduli, qui post jecinoris inflammationem in eodem provenerat.

Antho. Benivenius obs. medic. cap. 3. fol. 140. de nobili quadam fæminâ memorat, quæ diu de partibus jecinori proximis conquesta tandem objerat. Plurimi autem colore, formæque diversi lapilli post cadaveris dissectionem in inferiore hepatis membranæ parte reperti fuere; qui suo etiam pondere ex illâ tunicâ aliquid sacco non dissimile, palmæque manus magnitudine par, ac duos digitos longum sibi confecerant; unde maximus necessario dictæ mulieri ortus fuit angor.

Paulus de Sorbait Miscell. med. phys. curios. decur. 1. an. 2. obs. 106. fol. 179. de lapide agit ex Comitissæ cujusdam hepate educto, qui anserino ovo magnitudine par ipsius jecoris membranæ adhærebat.

OBSERVATIO XLVI.

Pus ex abscessu jecinoris continue per pulmonem, atque hinc per fauces tussi ejectum.

IPse olim cum D. Theod. Liebergen, Medic. Doctori celeberrimo visitavi quendam Joh. Henrici Nobilissimi D. Quintini de Veer, Balivi (quem vocant) quondam Hagienfis ministrum, qui diu de latere suo dextro sub costis nothis conquestus erat; unde suspicabamur, postquam alias satis intellexeramus circumstantias, hepar malè se habere: Cum vero ille aliquoties sputa purulenta per os tussi egereret, nec ulla sese affecti pulmonis proderent indicia, toti in hoc eramus, ut, unde pus progrediretur, expiscaremur. Quod tamen tum demum nobis scire licuit, cum aperto cadavere, præsentem fratre meo quondam carissimo Joh. Stalpartio vander Wiel, ingens nobis apparuit jecoris abscessus, simulque vidimus illud inferiori diaphragmatis parti ad latus dextrum, in pecto-

pectore autem pulmonem ad idem latus superiori diaphragmatis parti adhærere, & accretum esse, ita ut pus è dicto abscessu per fistulam quandam illo loco diaphragma perforantem ex hepate in pulmonem haud difficulter transire, atque ita ejus pars tussi egeri potuerit.

IN OBSERVATIONEM XLVI.

R Arrior profectò hæc via est, modusque puris è ventre per ipsum os eijciendi. Verosimile videtur jecur inflammatum atque intumescens sese non tantum alligasse diaphragmati, verum etiam hoc ipsum tumore suo ita sustulisse, ut pulmoni obvium factum sese conjunxerit.

Tulpius obs. lib. 2. cent. 27. pag. 146. de novo marito, eoque etiamnum juvene refert, qui, cum ipsi Hepatis supervenisset inflammatio, venæ sectionem neglexerat, unde factum, ut inflammatio in ulcus degeneraret, ac ipse primum puris partem per alvum, & versus morbi finem tantundem per os tussi excerneret.

De rarissimâ Hepatis cum pulmone conjunctione, earumque & vicinarum partium constitutione admirandâ, lege, fodes, *Isbr. de Diemerbroeck anatom. lib. 1. cap. 13. fol. 122.*

OBSERVATIO XLVII.

*Bilis in Infantibus per Poros ipsius fellis
vesiculæ transmissa pravorum sympto-
matum causa.*

IN apertis infantum cadaveribus aliquando sum expertus ventris dolorem, nauseam, vomitumque, ac febrem, convulsiones, nec non cardialgiam orta fuisse ex eo, quod Bilis per poros ejusdem vesiculæ transiisset, atque eadem intestinum duodenum, nec non ventriculum non tantum flavo suo colore extrinsecus infecisset, sed & intrinsecus per earum partium membranas penetrasset, quandoquidem fellis vesicula iisdem partibus fuisset contigua.

IN OBSERVATIONEM XLVII.

Quid jam de his statuatur? Equidem fieri potuit, ut humor quidam viscosus felli mixtus aliquam in hisce partibus viam obstruxerit, ita ut per poros tenuissimæ Bilis vesiculæ tenuior humoris eâ contenti pars facilius transire, dictasque partes colore suo in-
ficere

ficere, ac, quæ memoravimus, accidentia excitare potuerit : quod ipsum etiam sum expertus in quibusdam, quibus Bilis vesiculas calculi obturaverant, & in quorum cadaveribus intestina flavo maculata erant colore, cum illi ipsi omnia ferè, quæ numeravi symptomata sensissent.

N. Tulpius celebris olim apud Amstelodamenses medicus *observ. lib. 2. cap. 27. fol. mihi 160.* historiam adfert prægnantis, in cujus cadavere aperto, præter abscessum mesenterii à partu disruptum, colon tam liberè bili flavæ innatare repertum, ut eam cochleari inde eximere licuisset, quam bilis affluentiam quum frequentius hîc loci animadvertant Anatomici, verisimile est eam transudare paulatim per tunicas folliculi fellis huic intestino, quam aliis, viciniore.

Refert *D. Melchior Fribe Ephemerid. med. phys. German. dec. ann. 3. obs. 100. fol. 162.* de Aurigâ febre continuâ ardente defuncto, in cujus cadavere exenterato inter cætera observasse se ait è cystide felleâ adhuc integrâ, & illæâ, ovo columbino majore, exsudasse tenuiorem bilis portiunculam, duorum, vel trium transversorum digitorum spatio, circumcirca superas, inferasque, & adjacentes partes undequaque croceo colore tingentem, irrigantemque ac ita corrodentem, ut partes eâ illinitas, & attactas putredinem acquisivisse manifestè non solum constiterit, verum & præter hepatis substantiam, magnam partem hypochondrii dextri tingendo, rodend-

rodendoque putridam reddiderit, illasâ planè vesiculâ bilariâ.

OBSERVATIO XLVIII.

Lien vomicâ circumquaque cinctus.

CUM mulier quædam, utrimque datâ nuptiarum fide, post coitum gravida facta esset, seque postea elusam videret, usque adeo fuit contristata, ut toto graviditatis tempore continuè ploraret, ejusque viscera assiduâ animi inquietudine temporis tractu pravâ afficerentur dispositione, ac ipsa de latere sinistro multum conquesta jam mortuum eniteretur fœtum, cujus in lucem adventui ipsa octo tantum dies superfuit. Cadavere ejus à Chirurgo *Arnoldo de Wilde*, me, Collegiique Chirurgici superioribus, aliisque præsentibus aperto, abdomen tenui, fœtentique pure repletum apparuit: Causam hujus quærentes lienem satis mali coloris invenimus, durumque admodum, ac medio hoc in pure natantem, nec non undique membranaceo succo vestitum, è quo jam dif-

fracto

CENT. PRIM. OBS. XLVIII. 207
fracto illud pus prouenerat, quique in
partu nimis pressionebus fuisse disruptus
videbatur.

IN OBSERVATIONEM XLVIII.

JObus Mekeranus pag. mihi 461. sese in liene
rotundam vesicam aquâ repletam, suâque
conclusam membranâ reperisse memorat, è quâ
apertâ pura, albaque lymphâ, ac rotunda pel-
lucida, crassaque membrana prodibat.

Cœterus libello obs. Anatom. & Chirurg. re-
perisse se ait in corpore cujusdam fune interemti
vesiculam quandam duobus pugnis magnitudine
parem, quæ aquâ plena inferiori splenis parti an-
nectebatur.

Carolus Piso de morb. à serosâ colluvie sect. i.
pag. mihi 45. splenem alterum, eundemque præ-
cipuum serosi liquoris in corpore fontem statuit,
quod ipsum ibidem probare nititur. *Sectione*
autem 7. cap. 4. pag. mihi 433. de aquoso agit
tumore, sive de singulari quodam lienis hydro-
pe: Porro pag. 439. non omnino eum ratione
carere ait, qui statuit serosam sanguinis partem
in spatium membranâ inter, & parenchymâ
jecoris, splenisque interjectum excuti posse, aut
sensim exsudare, colligique eâ copia, quæ tu-
morem excitet, quod etiam *Hippocrates* testa-
tum reliquit.

Peyerus

Peyerus hist. med. ad Theoph. Bonetum de muliere quâdam scribit, quæ ascite interierat, cujusque in cadavere splen naturali quidem colore, substantiâque, verum ne quidem majorem fabam magnitudine superans apparebat ; cujus etiam exterior tunica, pro sextâ parte putrefacto sero exesa erat.

Thom. Bartholinus act. med. obs. 13. fol. 23. famulæ cujusdam mentionem injicit, cui itidem ascites letalis fuerat, ac è cujus defunctæ ventre centum, ac viginti aquæ libræ depromebantur : Illa tertio decimo ante obitum anno, gravis admodum ponderis lignum sustulerat, atque ex eo mox tempore de lateris sinistri dolore quæstâ fuerat, subsecutus deinde internus tumor fuit, qui vix loco moveri videbatur, at digitis pressus huc illuc inclinabat : postea contigit, ut è curru decidens disrumpi tumorem sentiret, atque hinc illico intumuit, nec non exinde indies ventris tumor accrescebat, illa autem miserrima, ac dolore immenso victa, per octo menses continuos ab illo tempore lecto incumbere coacta erat. Videtur autem (ita pergit *Bartholinus*) illius lien, qui duriusculus, atque exsiccatus post reperiabatur, dicto casu pressus, atque ita vasa hujus lymphatica seroso humore jam antea valde extensa, externâ tandem vi rupta fuisse.

OBSERVATIO XLIX.

*Insolitæ admodum magnitudinis Lien
in infante repertus.*

Arnoldus Boschius Medicus non infelix, atque ex eorum numero, qui speciatim hujus Urbis Magistratui fidem dedere, retulit mihi vocatum se fuisse ad viduæ cujusdam militis hic Hagæ habitantis filiolum septem annos natam, atque de acri dolore, ac tensione in sinistro latere conquerentem, nec sane immerito, quandoquidem memoratus Medicus idem latus ab usque nothis costis ad inguen adeo extensum, tumidumque reperiēbat, ut ipsa hinc viscera in ventre pressa fuisse crederet. Macida admodum hæc filia erat, quoniam nihil fere, quod aleret, intus retinere poterat, at statim evomebat, febriculaque insuper continua paulatim consumebatur propemodum, ita ut misella hæc filiola post quævis medicamina tam intrinsecus, quam extrinsecus per quatuor menses continuos secundum artis præcepta

O

nec

necquicquam adhibita tandem occubuerit. Cadavere ab Urbis Chirurgo *Rolando Goutier* aperto, presente dicto *D. Boschio Medico*, usque adeo præter naturam insolitæ magnitudinis apparuit lien, ut totum sinistri lateris ventris circuitum ab ipso usque diaphragmate ad inguen inferius repleret, unde factum, ut intestina solito colore privata essent eum in modum, ut gangræna circa eadem sese jam manifestare coepisset. Ventriculus etiam adeo apparebat compressus, ut mirum non esset nihil alimenti per eundem deorsum potuisse descendere, ideoque dictam filiolum, cessante nutritione, non superfuisse amplius. Ipse lien quamquam maximus, atque immensus, naturalis tamen erat coloris, substantiæque. Quod autem hac in narratione præcipuum, atque omnium maxime miratione dignum putem minime silentio prætereundum est. Mater quippe intellecta filia mortis causâ, illico in lacrymas effusa quantum hunc jam patre orborum infantem esse dixit, qui, continuata serie, simili plamodo circa septimum ætatis annum decesse-

cesserit, uno eodemque morbi, mortisque genere. Illa etiam unicum sibi restantem infantem ostendit, in quo etiam tum quædam ejusdem mali sese probebant indicia, quemque ipsa non immerito, cum ad septimum annum pervenisset, eadem fati lege rapiendum metuebat, huic tamen ut parceret Deum T. O. M. precabatur.

IN OBSERVATIONEM XLIX.

H*Ippocrates lib. prædict. 2. sect. 2. fol. mi-*
hi III ait illis, quibus splen magnus est, gingivam esse corruptam, atque os foetere; Deinde, quod si illi ipsi non emittant multum sanguinis sive per nares, sive per alias vias, nec os male oleat, tibiæ eorum pravis ulceribus obnoxix sunt.

Verba tamen præstantissimi illius senis sano accipienda sunt sensu. Distinguendum namque arbitror inter splenem, qui magnitudine tantum adolevit, nec alio laborat vitio, atque inter eum, qui ulceratus, putrefactus, vel corruptus aliquo modo esse reperitur: Hunc enim modo memorata necessario sequuntur symptomata.

Naturalis, solitaque splenis longitudo ea est, quæ palmæ manus, vel sex digitorum latorum, latitudo autem est talium digitorum trium, cras-

212 OBSERVAT. RARIORUM
fities vero unius digiti, vel potius pollicis est.
Hic etiam rarius in sanis corporibus infra notharum
costarum ultimam descendere compertus
est. Certum etiam insuper est lienem non tantum
differre magnitudine respectu diversitatis,
dispositionisque hujus vel illius corporis, verum
etiam pro regionum vivendique rationis varietate.

Nascuntur enim quandoque nonnulli quibus
lien quodammodo laxus, fungosus, ac spongiosus
naturaliter est, ideoque ad plurimos humores
recipiendos idoneus, sive arteriarum sanguis
subtilior, quo vasorum genere lien abundat, utpote
quæ cæteras corporis partes hac in re longe
superet, sive superfluum vasorum lymphaticorum
humor, talisve materiæ, quæ post præcedentem
morbum humorumque effervescentiam per metastasin
se in lienem exonerat, à splene propter laxam
ejus substantiam recipiatur, intro-mittaturque.

Bartholinus epistol. med. cent. 4. epist. 13. pag. mihi 50. multum huc facere ait arteriæ magnitudinem, quæ lienem intrat, illiusque, venæ quæ
ex eodem exit. Observavit etiam *Spigelius* magnos
iis lienes esse, quibus magnæ sunt arteriæ, ideoque
hoc parenchyma longe majus esse macris, quam
pinguibus. Sæpius etiam iis grandior splen est,
qui humidæ regiones habitant, atque aquam turbidam,
vel copiosius lac ebutyratum, serumve bibunt;
nec non illis, qui abunde potant, multumque durioris
cibi, ac sæpe

sæpe sumunt. Utique verum est, quo plus de-
cedit, corpori, eò plus huic visceri accede-
re. Quare imperator Trajanus fiscum lieni
comparavit, utpote qui multitudinis spoliis di-
tetur.

Memorat *observatio 2. miscell. curios. decur.*
2. ann. 1. fol. 15. Comitissæ Franciscæ Elizabe-
thæ Furstenbergiæ, fuisse lienem qui quinque pal-
mas latas longus, quatuor similes latus, atque
unam cum dimidiâ crassus erat, ac sex libras
communes ponderabat; Illius autem initium
prope notharum costarum finem, finis vero pro-
pè os pubis erat, ut ita vacuum repletet locum,
qui inter costas, ac dorsi spinam ab osse ileo est;
fursum vero sese ille extendebat usque ad li-
neam albam.

De tanto liene, quantum est hominis caput,
videri potest *Diemberbroeck anat. lib. 1. cap. 15.*
fol. 137. Cabrolins autem *obs. 6. pag. mihi 5.* me-
minit cujusdam, qui quinque libris gravior,
omnibusque solutus vinclis per totam ventris ca-
vitatem sine lege fluitabat.

Th: Bartholinus epist. 14. cent. 4. fol. mihi 54.
Romæ se vidisse tradit à splenis magnitudine ta-
lem in ventre natam fuisse pressionem, ut hinc
impediretur deglutitio.

De alio quodam viginti ponderante libras, ac
cartilagine cincto vide *Columbum lib. 15.*
Anatom.

Bonetus Anatom. Pract. lib. 1. sect. 2. obs. 27.

214 OBSERVAT. RARIORUM
duorum etiam cartilagineorum corporum memi-
nit supra lienem repertorum.

De splene pro dimidiâ parte duro, cartilagi-
neoque vide sis *obs.* 168. *miscell. med. phys.*
curios. decur. 1. *an.* 3. *pag.* 288.

Eadem *miscell. med. phys. decur.* 1. *ann.* 1.
obs. 29. *fol.* 100. de maximo agunt liene, cujus
membrana gibbosâ maxime illius parte cartilagi-
nea erat, ac perquam facile à subjecto corpore
dissungi poterat.

Retulit mihi Chirurgus quidam celeberrimus Gro-
ningæ degens, nomine *Cornelius Iben*, se ape-
ruisse nuper cadaver virile, cujus lien, quò loci
peritoneo alligabatur, solidâ, & fere cartilagi-
neâ cute, digiti circiter crassitiem æquante, ob-
tectus fuerit.


OBSERVATIO L.

Renes inferius uniti.

NON ita diu est, quod in ædibus Dom:
Samuelis Cabeliavi Medici Hagien-
sis non incelebris fætus perfecti scele-
tum viderim, cujus renes arte à corrup-
tione defensi inferius conjuncti, atque
uniti reperiiebantur. Quorum tamen
singuli apertè (uti plerumque in recens
natis



Tab: 4.



CENT. PRIM. OBSERV. L. 215
natis infantulis solent) diversis distin-
guebantur interstitiis, prout tabulà quar-
tà notatum reperies.

Cujus literæ A. A. A. A. membranas
renum superficiem investientes. B. B.
utrumque renem denotant. C. Locum
unionis monstrat.

Ejusmodi renum combinationem nu-
per in Theatro Anatomico Hagienfi
ostendit nobis celeberrimus Dissector
D. Anthon: Nuck, in cadavere quodam
virili.

IN OBSERVATIONEM L.

DOcuit jam olim, ac quotidie monstrat ex-
perientia miris modis humana corpora for-
mari. Vix enim contingit, ut in aperto quo-
dam cadavere non reperias aliquid, quod in alio
desit, quodque à solito, naturalique formæ mo-
do recedat.

*Bartholinus hist. Anatom. rarior. cent. 2.
hist. 77.* Paduæ anno 1643 in mulieris cujusdam
cadavere renes utroque latere more solito sitos
supra divisionem vasorum in ramos Iliacos in
unum concrevisse observavit.

Idem *Anatom. reformat. lib. 1. cap. 17. pag.
mibi 113*, contingere sæpius tradit, ut renes in
infantibus etiamnum utero inclusis inæquales,

minusque glabri reperiantur, tanquam è plurimis parvulis renibus, ac glandulis consistenter, uti illi ipsis in vitulis apparent.

D. Blankardus anatom. cap. 16. fol. 58. exteriore parte renes glabros, æqualesque esse, in recens autem natis eosdem è diversis partibus constitutos videri tradit, quod ipsum in adultioribus non nisi sagacior animadvertet Anatomicus.

G. Blasius anat. hominis cap. 10. fol. 108. in gravidarum foetibus renes veluti glandulosæ substantiæ esse scribit. At *obs. anatom. pag. 6.* eosdem in abortu quatuor mensium in plurimas particulas extrinsecus fuisse distinctos asserit, tanquam ex variæ formæ multis glandulis confuti essent.

Idem scriptor *part. 1. anatom. Brutorum fol. 127. cap. 40.* in urso renes non uno reverâ corpore constare, verum eosdem è plurimis, minimisque corporibus, quæ singula parvi renes videntur, constare testatur: Hæc autem à se invicem singula propriâ membranâ distincta, tenuibusque filis conjuncta reperiri asseverat. Id etiam *Part. 3. dictæ anatom. cap. 35.* de Phocænæ renibus affirmat.

OBSERVATIO LI.

*Urinæ transitus renis Calculo per sedecim
dies obstructus.*

PLurima reliquere nobis doctiores
exempla diuturnæ urinæ obstructio-
nis renum calculis exortæ; nullus tamen
eorum, quod sciam, animadvertit ac-
cidisse, ut urinæ cursum prædicta causa
per sedecim dies stiterit. Mihi tamen
illud anno 1661. in *Mauricio Gerardi Bosch-
vliet* moderatæ vitæ homine, ac septua-
genario, valido tamen etiamnum, ac
sano videre contigit. Is per horas ali-
quot curru vectus in aggere secundum
Mosam flumen, ac descendens, ut uri-
nam excerneret, eandem sanguinolentam
vidit: Ac, quoniam lapis rhedæ
agitatione, corporisque hinc orto motu
mobilior, minusque adstrictus factus
exinde sensim in inferius vergeret, omnis
omnino lotii retentionis causa fuit, ac
sexto decimo demum die transitus lotio
patuit, postquam varia emollientia tam
interna, quam externa clysterum vide-
licet,

licet, fomentorum, balneorumque, &c. à diversis medicis illi præscripta, atque adhibita essent, quo etiam tempore calculus ille oblongum emisit, qui nuclei pini magnitudine par erat. Interea tamen per illos dies ipse præ nimia oppressione, urinæque impedito exitu hanc, at falsissimam aliquoties vomitu ejecit.

IN OBSERVATIONEM LI.

DUm ille, de quo narravi, adeo miser absque ullâ urinæ per solitas vias emissionem decumbebat, proximis consanguineis interdum prædixi illum, quamquam urinam solito modo imo & caculum redderet, nunquam tamen integræ fore valetudinis, propterea, quod lotium nullum ad vesicam transitum inveniens, atque ita in vasis conclusum, ideoque magis, magisque fallum redditum partes ejus internas sædâ labe inquinaret, visceribusque propter falsedinem pessimum adduceret habitum.

Confirmavit processus temporis prædictionem meam : Ille etenim, quamquam jam sanatus, pallidi admodum semper erat coloris, mihi que obviam factus dicebat se quidem nunquam antea ventriculi sui situm novisse, sese tamen jam primum quod doloret, eum satis sensu ipso percipere. Vixit autem idem post has misérias integrum circiter annum.

Bartholinus cent. 4. hist. 56. pag. mihi 254 de Juvene quodam memorat, cujus meatus urinarii per tredecim dies adeo obturati erant, ut nihil omnino urinæ excerneret, quare ipsi venæ per totum corpus ita intumuerunt, ut varicosus crederetur, ruptionisque videretur imminere periculum, at procurato medicamentis diureticis lotio venarum distensio, & metus rupturæ cessavit.

Joh. Rhodius obs. med. cent. 3. cap. 28. pag. mihi 146 ait narrasse *Joh. Dominic. Salam* Professorem Paduensem doctissimum, peritissimumque virum semel se tantum vidisse urinam in quodam per 15 dies fuisse suppressam, cui etiam interea venæ ad pollicis crassitiem tumefactæ fluente denuo urina ad naturalem statum redire. Secus, urinam supra quinque vel sex dies nunquam meminerat retentam.

N. Tulpius obs. med. lib. 2. cap. 45, refert *Margaretam Nicolam* viduam 40 annorum aliquamdiu à dolore lumborum infestatam procidisse tandem in crudele calculi renalis tormentum multis pravis symptomatibus stipatum, & tantâ urinæ suppressione, ut totos 18 dies nihil lotii reddiderit, unde excitabatur ipsi è sero sursum recurrente, primum sopor, sed mox tam gravis nervorum contractio, ut cogeretur vitam cum morte commutare. Hinc patet à vero valde alienum esse, quod pronuntiarunt Medicorum non pauci, scilicet ischuriam,

si intra septimum diem non finiatur, letalem esse.

Sed quotus tandem dies suppresso lotio laboranti funestus erit? Alii equidem citius, tardius alii intereunt. Valentia corpora ut interdum vigesimum excurrunt diem, sic attingunt infirma vix septimum, vel octavum.

Certum est, aliquos durasse ad undecimum, & tamen omnino iterum convaluisse. Sed post illum diem, equidem certe vidi (inquit modo adductus *Tulpius*) neminem enavigasse periculosum hoc syrtium æquor. Quamvis enim cedat dolor, & fluat iterum lotium, reddit tamen diuturnior illa mora urinam interea usque adeo acrem, & vesicam ita effoetam ut ne præstantissima quidem medicamenta possint ab interitu vindicare naturam, hac ratione non fictæ, ac simulate, sed plene emortuam.

Job. Mekeranus obs. c. 42 tradit se mulieris vesicam, quæ spatio 23 dierum nullam reddiderat urinam, post obitum intus nigrâ pituitâ obductam reperisse.

OBSERVATIO LII.

*Renum alter Ulceribus totus quantus
exesus.*

NOVem, decemve annorum puella non sine magno dolore jam diu urinam reddiderat, sanguinis nonnihil quandoque, purisque, ac pituitæ aliquid cum ea simul emittens, sollicitis interea multum, suspicantibusque parentibus calculo eam laborare, Cum eadem jam duos, tresve annos inter maximas hæc angustias transegisset, in latere sinistro abscessus conspectus fuit supra locum, quo renum alter situs est, qui ope cataplasmatum tandem sese aperuit, atque à Chirurgo postea magis apertus multum puris variis temporibus emisit, quæ emissio continuata est, usquedum post annos aliquot totus ille ren sinister ulcere tandem exesus, consumtusque esset, claudereturque externa apertura quamvis dolor inter mejendum nunc major, nunc minor puellam semper affligeret. Vixit autem illa octodecim,
vel

222 OBSERVAT. RARIORUM
vel viginti annos post abscessus inci-
si curationem modicâ sanitate, feбри
tamen quartanâ, lienisque languore de-
nique extincta.

IN OBSERVATIONEM LII.

Illud in hac puella observatu dignum erat;
quod nempe ejus corpus in unam partem non-
nihil inclinaret. Cujus quidem inclinationis
causa erat alterius renis consumptio, adeoque lo-
cus ibi vacuus relictus, in quem corpus fidebat,
trahebaturque. Accedit, quod ambo renes fa-
na corpora veluti in æquilibrio sustineant, quo-
rum altero deficiente, necessario eò superior
corporis pars vergit, quoniam tali casu contiguæ
etiam partes inde damnum sentiunt, atteruntur-
que, ac macriores multo fiunt.

Aperto illius puellæ cadavere renum sinistrum
totum quantum consumptum repiri, membranulâ
tantum exiguâ, eâque valde contractâ, su-
perstite, quæ renum vasa eorumque, extremi-
tates contegebat, eratque eâ parte ureter passim
crassum pollicem latus propter continuum haud
dubie puris ex ulcerato rene ad vesicam des-
censum.

*P. Barbette lib. 4. prax. cap. 8. de dolore ne-
phritico, refert se pauperrimi cujusdam Viri, qui
dolore nephritico, & dysuriâ triginta per annos*
la-

laborasset, cadaver dissecuisse, reperissetque renis sinistri substantiam totam consumptam, ita ut præter membranam nihil superfuerit, sed solito longe crassio rem.

Interdum magna fit ureteris distensio ab obstructione calculi, aut materiæ sabulosæ, adeo ut interdum disrumpantur, quale exemplum adfert idem *Barbette Anatom. pract. fol. 156.* Item *Joh. Helwigius obs. III.*

Bartholinus l. anatom. reform. c. 19 in calculosis dissectis sæpius vidisse se ait cavitatem eorum duos digitos admittere, imò æqualem intestinis fieri. N. *Higmorus ex And. Spigelio* refert ureteres calculo laborantes instar intestini extensos fuisse, idem testantur *Ephemerid. Germanorum. Decur. 2. an. 1. obs. 19. fol. 43.*

OBSERVATIO LIII.

Hernia Umbilicalis grandior.

Maria Theoderi viduæ *Gerardi de Graaf* fabri lignarii anno ætatis trigésimo, tertio partu hernia umbilicalis nata, quæ triginta sequentibus annis, quo tempore, præter alios tres, illa undecim infantes peperit, ita crevit, ut anno 1681 adulti hominis caput magni-

224 OBSERVAT. RARIORUM
tudine longe superaret, adeo ut intesti-
na hoc tumore conclusa externâ parte
apte sentiri possent. Maxime illa op-
pressam se sentiebat, cum nec flatus,
nec fæces per alvum emittere posset, ac
ante quinque, vel sex annos usque adeo
obstipatâ alvo erat, ut occluso versus
inferiora transitu, per os se erumperent
excrementa. Cui malo illam variorum
clysterum usus denique exemit. Cum-
que ea erecto sederet corpore, femo-
ribus ejus sustinebatur hic tumor, va-
cuusque omnino fere venter erat, quam-
vis vinclis tumorem assidue frenaret.

IN OBSERVATIONEM LIII.

P*Laterus obs. lib. 3. pag. 713* scriptum reli-
quit de fœmina sibi in oppidulo *Thanensi* visa,
cujus ventri propter ejusmodi herniam velut al-
ter accesserat venter, in quem prope omnia seces-
serant intestina, ita ut ille flaccidus omnino in-
tusque recedens appareret, atque ipsa hoc quic-
quid erat ponderis fasciis, quæ ab ejus collo sem-
per pendebant, sustentare teneretur. Haud
absimile quid habet *Benivenius pag. 144. cap. 5*
Novimus mulierem, inquit, cujus intestina,
perfractâ tunicâ, à summa umbilici cute, tan-
quam

quam in sacco dependebant in vulvam, hæc cum hoc malo, licet miseram vitam duceret, consenuit.

G. Fabritius Hildanus Respons. ad literas Michaelis Doringii pag. mihi 900. Item cent. 3. obs. 63. fol. 246. vidisse se mulierem quandam annorum quadraginta Bernæ in Helvetiâ memorat, cui, corpore pinguis cum esset, post gravem partum, umbilici supervenit dilatatio, quam cum peritonæi magna sequeretur extensio, maxima suborta est umbilici prominentia, hic namque instar magni cujusdam sacci extra abdomen dependebat, retinente tamen solitam proportionem ventre. Nec unquam intus tumor hic recessit, sed sui semper mansit similis; quamquam illa alvum exoneraret, imò vel supina jaceret.

Refert & ille eodem loco aliud cujusdam fæminæ exemplum, cui itidem post graves partus dolores non ipse umbilicus, at paulo supra eum, peritonæum, tanquam ad extremum gravidis, extra corpus protuberaret, quo non omentum, sed & intestinum continebatur, murmuris enim aliquid interdum in eo exaudiebat, dolorisque nonnihil sentiebat.

Dubitabunt fortassis plurimi fueritne hoc nostro, & aliorum casu hernia, an vero peritonæi dilatatio.

Michael Doringius, ac Fabrit. Hildanus peritonæum mirum in modum extendi, ac dilatari
P posse

posse ajunt, uti illud ipsum non tantum in Hydropticis conspicitur, sed & circa alias membranas. Sic verbi gratiâ maxima fit extensio membranæ cerebri in Hydrocephalo, nec non membranæ scroti ortis in eadem herniis; nonnunquam etiam in ipsis venis, arteriisque, videlicet in aneurismatibus, & varicibus, quorum mirum in modum sæpe extenduntur membranæ.

Paulus Barbette cap. 7. pag. mihi 34. chirurg. recte equidem animadvertit quam rarissime rumpi peritonæum, seque in apertis cadaveribus non semel observasse, ac demonstrasse tradit umbilicum cum insequentibus intestinis protuberasse majori tumore, quam est viri caput, ita ut abdominis recti muscoli hinc ad latera pressi, & à se invicem separati essent; Extensum tamen tantum erat peritonæum, nullibi autem ruptum.

OBSERVATIO LIV.

Hernia intestinalis incuriâ quâdam loco bubonis aperta.

ANni 1664. mense Augusto adolescenti cuidam quindecim circiter annos nato post saltationes tumor natus erat in inguine: Celabat autem matrem,
Chi-

Chirurgumque quonam modo illud vitii sibi accidisset, ignarus forte & ipse, quid sibi obesset. Dumque ille interea de maximo dolore atque angore conquereretur, vomeretque, Medicus, Chirurgusque arcessiti (sæviente forte tum temporis illic peste (tumorem hunc bubonem pestilentem esse credidere, quare ejusdem diei vesperi illi causticum quoddam applicare, ac postridie eundem phlebotomo aperire statuerunt. Quo facto intestinum (quod eo casu plerumque sese quam proxime cuti admovebat) incisione etiam læsum fuit ita, ut inde fæces effluerent. Per varias autem, plurimasque molestias adolescens ille priorem sanitatem recepit.

IN OBSERVATIONEM LIV.

UT hujusmodi errores caveant, circumspicere Chirurgo decet, ac causas, tumorumque inguinum differentias, probè discere, atque animadvertere oportet: Similium enim quandoque venerea lues ibidem tumorum causa est, quos bubones venereos dicunt. *Petrus de Marchettis pag. mihi 125. obs. 55.* simile quid de rustico tradit, qui, cum bubonoccele labora-

228 OBSERVAT. RARIORUM
ret, tonforem Castrensem ad se vocabat, qui
hunc tumorem bubonem venercum ratus, illico
incisionem urgebat, quâ factâ excrementa pro-
fluere illico, patiens autem animi deliquium pati
non sine imperiti illius Chirurgi trepidatione.

Ipse de *Marchettis* quantocius arcessitus digi-
to in suum locum compulit intestinum, applici-
to ovi albumine cum Draconis sanguine, atque
lindeolo quadruplicato arctius nonnihil compres-
sione factâ, quatuor dies constrinxit, à quibus
Cerato demum ad Herniam *Aquapendenti* fami-
liari usus est, atque ita decem dierum spatio dis-
junctæ vulnerati intestini partes coaluerunt,
quamquam majoris securitatis ergo persuaderi
sibi passus sit ille rusticus, ut, donec viveret,
apto cingulo ventrem muniret.

Non multum differentia herniarum intestina-
lium incautè apertarum habent exempla *Galenus*
de loc. aff. lib. 1. cap. 1. Joh. Rhodius obs. med.
cent. 2. cap. 92. fol. 117. ut & Aquapendens obs.
cap. de bubonoccele, pag. 85. nec non Hoëchstette-
rus dec. 10 fol. 403.

Literis olim notum mihi fecit D. *Joh. Lud.*
Hannemannus sese, cum munere physici, &
medici ordinarii Buxtehudæ fungeretur, à Chi-
rurgo quodam ductum fuisse ad civem, qui bu-
bonoccele laborabat, cuique effluebat ex herniâ
aperta olus, quod ipso die comederat, emplastro
semper adhærente materiâ quadam tam excre-
menti, quam alimenti. Hic tamen industriâ Chi-
Chi-

Chirurgi, qui vocabatur *Paulus*, sanitati restitutus fuit, cum interea *D. Hannemannus* intrinsecus potiones vulnerarias ipsi propinare non desitisset. Sic etiam quodam naturæ lusu, aut errore testiculum in inguine reconditum habentes, aut tertio insuper præditi, tanquam herniosi miserimè frustra que diu vexati fuere, quales vidisse se testatur *M. Geigerus Kelographiâ*, nec non *Ambros. Paræus lib. 7. operat Chirurg. cap. 16.*

Ut itaque strangulata hernia, quæ nec dum in scrotum descendit, à bubone pestilenti discernatur (utrumque enim ut plurimum febris, cardialgia, vomitus, atque inguinis tumor comitantur) sciendum est rubicundum plerumque esse bubonem pestiferum, nec tam cito apparere, quam herniam intestinalem, licet hujusmodi tumorem temporis tractu inflammari posse minimè diffitear. Herniæ etiam tumor non in ipso proprie inguine, sed paulo supra illud est. Quantum ad bubonem Gallicum attinet, dignoscitur ille ab herniâ intestinali, quod hæc ab ipso initio molli constet tumore, cum tamen ille initio minime sit mollis; deinde etiam, si non nimium arcte cohibeatur intestinum, supinusque jaceat patiens, hæc intro cederet, & illo surgente denuo prodibit, illius autem tumor assidue apparet, remanetque.

OBSERVATIO LV.

Tarda admodum alvi exoneratio.

Sicuti variis de causis mortales alvi profluvia inquietos reddunt, ita etiam contra ipsorum excrementorum ejectio per alvum nimis tarda eos valde molestat. Hujus autem exemplum obvenit jam antea memorato *D. Samueli Cabeliavo* Medico hîc Hagæ an. 1677. in famulâ, quæ morbo laborans quinque amplius hebdomadarum spatio semel tantum alvum exoneraverat, primum scilicet quarto decimo die, ac deinde post trium hebdomadarum intervallum, quamquam & quotidie sufficientem alimenti portionem sumeret, unde factum, ut ei valdè anxîæ venter multum intumesceret, atque ipsi purgantibus opus esset; quæ licet ei jam ab alio Medico præscripta, injectionesque per alvum adhibitæ essent, illa tamen neutiquam per alvum quidquam excernere potuit. Quare supra dictus Medicus ipsi tandem præparantem, & simul purgantem

gantem mixturam præbuit, atque hinc nonnihil singulis horis cochleatim sumere jussit, quod cum illa per duodecim, quatuordecimve horas, uti decebat, fecisset, denuo ipsi alvus enemate fortiori, atque emollienti simulque purganti, at necquicquam, fuit stimolata. Quare ejus venter per viginti quatuor horas in antecessum fatus fuit sacculo emoll: ac attenuant: herbis, nec non feminibus repleto, quæ in vino albo Gallico, tenuiorisque cerevisiæ simili copiâ cocta erant: postea autem purgans potus è fol. fennæ, Rhabarbaro, spec. Diacarth. & mannâ constans matutino tempore ei datus est, cujus usum tempore pomeridiano durorum admodum, atque argillæ similium excrementorum secuta est terque, quaterque emissio, ipsamque famulam non ita diu post angor, ventrisque tumor deseruit; quamquam persuaferint ei medici, ut dictæ mixturæ usum non intermitteret; atque ita deinde ipsa convaluit.

IN OBSERVATIONEM LV.

PLurima quandoque ex tardâ , impeditâque alvi exoneratione nasci incommoda notius est , quam ut multis adstruam. His annumerantur capitis dolores, torpor, flatuum proven-tus , turbata ventriculi concoctio , cibi fasti-dium, imò interdum perversus intestinorum pe-ristalticus motus; quem excrementorum per fau-ces ut plurimum sequitur ejectio. Quin etiam letifera quandoque fuit dictæ exonerationis im-peditio , fidem faciente *la 3. Riverio obs. com-municatis à Sam. Formio obs. 18.* Quamquam hujusmodi tardiori excretioni assuetis paulò diu-tius cessans exoneratio vix oblit.

Ita *Brassavolus de medicinis purgantibus Cap. 6.* Juvenem se aliquando per novem, interdum & per duodecim dies nihil excrementorum ab al-vo emisisse tradit, licet cibi minime foret parcior, tantumque abesset , ut ægrotaret , ut optimè valens equo quotidie veheretur.

Bartholinus etiam act. med. philosoph. part. 4. pag. mihi 165. præcipuam mulierem visitasse se confirmat octoginta duos annos natam , quam lecto morbus affligebat: eam ipse, num etiam al-vum exoneraret, (neque enim cibos appetebat, multum de lateris dolore quæsta) interrogavit. Hæc verò jam decem dies esse, quibus id ipsum non egerit respondit; hanc autem exonerationis tar-

tarditatem jam inde à juventute sibi notam fuisse, nec unquam nocuisse, imo vel per septuaginta amplius annos non nisi octavo, nonove, vel etiam interdum duodecimo die alvi onera deposuisse se asseruit.

Non dissimili alvi obstipationi senem quendam honestæ familiæ fuisse obnoxium scribit *Hoëchstetterus obs. lib. 2. Decad. 10. cas. 12. fol. 377.*

Fernel. lib. 6. Pathol. cap. 10. quendam se novisse ait, qui non nisi duodecimo alvum exoneraret die, quique interdum absque ullo visibili corporis incommodo per quadraginta dies nihil per alvum excerneret.

Henricus ab Heer obs. med. lib. 1. obs. 29. pag. mihi 249 de nobilibus aliquot dominis testatur, quæ alioquin sanæ, ac quotannis parientes nunquam ante vigesimum diem, sed post eum quidem alvi onera ejecerint, quibus tamen, licet puerperis, nihil inde mali fuerit natum. Addit sese cum sacerdote satis familiariter vixisse, cui docto admodum, linguarumque orientalium peritissimo nunquam ante quartum supra vigesimum diem ab ipsâ usque juventute ventrem fæcum emissio levaret, quamvis sano satis corpore, nec unquam laxantibus alvum esset usus.

Joh. Heurnius in Hippocratem de purgantibus Remed. text. 14. pag. mihi 171. novisse se puellulam memorat, cujus venter vix per tres menses exonerationem urgeret. A quo non

234 OBSERVAT. RARIORUM
multum differt, quod est apud *Salmuth. cent.*
2. obs. medic. lib. 3. fol. 437.

Horum autem exemplorum quædam cum
Hippocr. Aphorif. 20. lib. 2. pugnare videntur,
ubi, quibus, inquit, per juventutem alvi sunt
humida, iis senescentibus exsiccantur: quibus
vero in juventute alvi sunt sicca, iis senescenti-
bus humectantur, nec non cum ejusdem lib.
Aphor. 53. ubi iterum, quicumque, ait, alvos
humidas habent, siquidem juvenes fuerint, me-
lius degunt his, qui siccas habent. At in senec-
tute deterius degunt; nam senescentibus ut pluri-
mum siccantur.

Exonerandi ventris modum ætatis processu
immutari mirum non est (præsertim si quis nec
alimentorum genera, nec cælum &c. mutet)
quandoquidem juniorum, seniorumque corpora,
habitusque immane quantum differunt.

Humidiores namque alvi (quales sunt juve-
nibus, aliis tamen magis, minusque) plus ali-
menti ut plurimum expetent, quam quidem sic-
ciores, quod id ipsum multò citius deorsum
vergat, nec tam diu intus contineatur, adeoque
mesaraica vasa non tantum ex eo recipiant. Cum
sicca alvi contra minus cibi petant, quia interio-
res partes semper aliquid ex diu retento alimento
in se recipiunt. Accedit, quod junioribus, ut-
pote calidioribus, non tantum plus fellis, sed
& illud multo acrius nascatur, quod si non assi-
due cum fæcibus per inferiora emittant, in gra-
ves

ves admodum morbos quam facillimè incident. Felle autem per bilarium ductum in intestina effuso, cassior ille in iis contentus humor flavo colore imbuatur, stimulanturque ipsa intestina detergenti fellis qualitate, ejusdemque acrimoniâ, utque sese citius contentis excrementis exonerent, impelluntur.

Ita ut omnibus fere, quibus mollior, humidiorque est naturaliter alvus, senescentibus multo fiat ficcior, illis autem, quibus junioribus propter caliditatem præ aliis ficciores sunt alvi, ac quibus ille humor, qui alioquin alvi fæces fluidas, magisque mobiles efficit, pro majori parte consumitur, exsiccaturque, quibusque propter biliosam temperiem non tantus est edendi appetitus, quantus aliis, qui frigidioris sunt temperamenti, his, inquam, alvus senioribus humidior fit: illud autem propter temperiei differentiam junioribus, ac ætate provectioribus accidit, ut supra notatum est.

Licet, teste etiam ipso *Hippocrate* dicto *Aphorismo* 53 illud non semper, sed plerumque eveniat. Quamquam autem tot dies memoratis hominibus continuata alvi constipatio quasi naturalis nonnullis, atque à consuetudine dependere visa sit, quoniam nihil ipsis, aut minimum supervenit incommodi, crediderim tamen ipse præter naturam aliquid in iisdem fuisse, quod alvi exonerationem speciatim impedierit, retardaritque: sive crassa fuerit, lentaque pituita,

tuita, quâ interius veluti vestiuntur intestina; unde eadem fellis stimulos non adeo sentire verosimile est, siue ipsorum intestinorum quædam obstructio, contractiove, cujus rei secutura observatio, ejusque scholium exempla manifesta dabit. Sanis alioquin tarda dejectio ex vivendi errore nascitur, veluti ab esculentis siccioribus, acerbis, & adstringentibus: ad hæc ex immoderata ciborum copiâ, qui parvo tempore neque vinci, neque distribui potest. Ex otio denique, & decubitu, somnoque multo. Inopiam ciborum facere ad alvi duritiem inducendam præter *Hippocratem 2. de acutis* testatur etiam *Eusebius Casariensis lib. 3. de præparat. Evangelicâ*, & ante eum *Porphyrus lib. de abstinentiâ*: Qui scripserunt Essæos ob victus parvitatem consuevisse vix semel in Hebdomadâ emittere alvi purgamenta. In nimiâ alvi constipatione interdum materia excernenda ita induratur, ut exitum reliquis fæcibus præcludat, quale exemplum habet *Dom. Panarola Pentecost. 3. obs. 128. p. 85.* De mirâ Baronis alvi adstrictione fit mentio *Ephemerid: German. decur. 1. an. 1. fol. 228. obs. 98*: Hic, usurpatis frustra omnibus artis remediis, jubet apportare cochlear ligneum majusculum, hoc inversum & acutum redditum, jubet famulo ut fortiter intrudat in anum, paruit hic jussus, & obstaculum in intestinis inventum tam diu cochleari huc illuc agitatur, donec sæpius con-

concussa materia tandem succederet, & exiret, spithamæ longitudine, compacta, & adeo tenaciter cohærens, ut nec acutâ securi potuerit in particulas dividi, sic rudi hoc novoque instrumento, non ubivis tamen admittendo, æger morte liberatus fuit.

Simile quid proditum video iidsem *Ephemerid. decur. 2. an. 2. fol. 74.* De nobili Marchico, qui in ejusmodi casu, omnibus frustra tentatis, tandem arripit fuculam (Germanice *Eisern spanner*) intruditque in anum, quantâ poterat violentiâ, ita etiam, ut sanguis profluxerit, unde glande hac ferreâ anus irritata suo satisfacit officio non sine ægri levamine.

OBSERVATIO LVI.

Tumor durus in intestinis repertus.

NArravit mihi ille, cujusjam antea mentionem feci, D. *Stratenus* se initio Martii ann. 1658. ad D. *Berchemi* filiam vocatum fuisse, *Risvici* Toparchæ uxorem, quæ cum diu tardâ, molestâque alvi exoneratione, nec non colico dolore laborassæt, eo tandem deducta est, ut per sex hebdomadas quotidie circa tertiam post prandium horam
sump-

238 OBSERVAT. RARIORUM
sumptum cibum ore evomeret, quamvis alioquin non adeo male se haberet, nihilque, aut perparum per alvum excerneret; Quod ut copiosius fieret, quævis purgantia, aliaque incassum adhibebantur, ita ut tandem 18. Aprilis ejusdem anni cum morte vitam commutarit. Cum itaque quilibet tanti incommodi noscendæ causæ cupidus esset, sequenti luce apertum est cadaver, reperi-
tusque fuit in intestino colo cartilagineus tumor instar ovi gallinacei, qui chyli ad interiora transitum impedierat; dolor autem, ac excrementorum pressio adeo infestarunt istud intestinum, ut, eodem sphacelo obsesso, in ventris cavitatem fæces descenderint.

IN OBSERVATIONEM LVI.

EXcrementa in intestinis diversimode sisti, ac, quo minus descendant, impediri posse agmen sequentium exemplorum probatum it.

Jacob. Hollerius de morb. intern. lib. 1. c. 41. schol. pag. mihi 401. se observasse refert Medico Zolin, & Advocato Gillot intestinum colon, quo loco proxime reni adiacet collectâ veluti cartilagine durâ in scirrhum obduruisset, interiore
cavi-

cavitate eo tumore intercepta , ut nihil transcurreret.

Callum quendam in sancti monialis intestinis natum refert *Joh. Georg. Schenkius Institut. pag. 425* , qui vix alvi fæces ad inferiora descendere siverit, ac tandem illi mortis extiterit causa.

Benivenius cap. 34. abditorum de virgine sacrâ memorat , quæ per multos menses intestinorum dolore laboraverit , ac cujus alvus vix, ac ne vix quidem parum excrementorum, sed crassorum admodum, decimo tantum, vel circa, die emitteret, sumptis licet quibusvis remediis. In hujus autem cadavere intestina callo quodam ita reperiiebantur coarctata , ut angustissima tantum superesset via , atque non nisi difficulter hac transire potuerint fæces.

Idem *cap. 19* de lapide ovum columbinum magnitudine æquante scribit, qui lentum admodum , ac difficillimum fæcibus permiserit descensum. Plura lapidum in intestinis reperorum exempla *schol. obs. 12* adduximus.

Henricus ab Heer obs. med. lib. 1. obs. 29. fol. mihi 250. inauditum quid, ac profecto mirabile scriptis mandat : Generosus , inquit , quidam jam multos annos ita vivit, ut fæcum , alvinarum nihilo plus per anum , quam per oculos excernat ; Accumbit sub meridiem mensæ opiparæ, convocatis ut plurimum aliquot nobilibus ; comedit, bibit nihil à quo-
„ quam

„ quam accumbentium discrepans. Sub ho-
 „ primam surgit à mensâ, pridianum prandium
 „ revomit, retentis accuratissime omnibus re-
 „ cens ingestis; postridie illa, ut hesternæ ege-
 „ sturus, putidissima atque ab alio stercore non
 „ differentia. In vomitione conatus nullus :
 „ mora nulla: simul, & semel magnam quanti-
 „ tatem exstomachatur. Abluto aquis odoratis ore,
 „ ad mensam redit: ventriculum iterum, quod
 „ illi in sequentis diei meridiem satis sit, resu-
 „ mere cogit; Jentacula, cœnasque ignorat, solo
 „ prandio contentus. Sic jam ultra vicesimum
 „ annum continuat. Sæpe mihi in mentem ve-
 „ nit duos illi ut animantibus ruminantibus, ef-
 „ se ventriculos, quorum unus altero recens
 „ impleto, vomitu se depleat, cæterum rei ve-
 „ ritas sola anatome, si permittetur, ipso mor-
 „ tuo, elucescet.

Ruminationis humanæ paradigmata quædam
 afferunt *Philip. Salmuth. observ. 100. cent. 1. fol.*
59. Joh. Rhodius obs. 59. cent. 2. pag. 99. Greg.
Horstius obs. 9. lib. 4. pag. 163. &c. Burneti the-
saurus med. practicus fol. 794. Velschius Episag.
pag. 23.

Mercurialis lib. 2. cap. 4. de excrementis re-
 fert de quodam Romæ, qui toto fere vitæ tem-
 pore alvi fæces per os egerebat. Similium me-
 minere etiam *Caspar Wolphius*, ac *Joh. Posthius*,
observationibus suis. Nec non Thom. Bartholi-
nus, qui hist. anatom. rar. cent. 1. hist. 65. fol.

103. testatur in Latio se vidisse virum annorum 40. qui ab ineunte ætate sine podicis, penisque notâ vixerat, durioresque fæces certis periodis finitâ ventriculi concoctione per cornu ori imposito evomebat.

Ipse equidem quondam in cujusdam scriptis legi in medio intestino jejuno interiorem scilicet inter, atque exteriorem ejus tunicam tumorem fuisse repertum juglandem magnitudine superantem, propriâque cinctum membranâ, ac continentem in se corpusculum quoddam mirificè admodum fibris, vasisque sanguineis intertextum. Prohiberi etiam potest transitus alvi excrementorum nimîâ crassæ pituitæ copiâ, intestina intus obducente, cujus rei observationem 62. Scholium ulteriorem mentionem faciet. Hanc pituitam in cæci, aut coli intestini cellulis diutius coercitam, nonnunquam concreescere in calculos tradit *Fernelius pathol. lib. 5. cap. 9. fol. 157.* quales sæpe vidisse se ait instar nucis juglandis, & in quodam magnitudine castaneæ, quarto, aut sexto quoquo die, dolore nullo exturbatos.

Novisse se monachum quendam refert *Bartholinus Cent. 4. pag. 420. hist. 40.* qui, quotiescunque alvum exonerasset, semper ita lassus evadebat, ut illico reficienti quodam alimento egeret. Omnes enim partes exteriores tanquam moribundi hominis erant, frigidaque illius ac languida comperiebantur membra. Tradit idem ex *Ballonio lib. 1. Epidem. ad an. 1574.* intesti-

242 OBSERVAT. RARIORUM
num jejunum in cujusdam nobilis cadavere (qui
non, nisi lentissime, semper alvum exonerare
potuerat) angustum admodum, atque cartila-
gineum apparuisse.

Contingit etiam quandoque, ut intestina post
ulcus detersum aliquomodo intus coalescant.
Quâ de re vide sis *miscell. med. phys. decur. 1.*
ann. 2. obs. 87. f. 140. ac Marcell. Donatum lib.
4. de med. hist. mirab. cap. 10. fol. 351.

Franc. Ign. Thiermairius consult. & resp. med.
lib. 1. schol. ad cap. 15. fol. 190. Non ita pridem
„ est, inquit, ex quo viro cuidam erudito in-
„ testini recti portio ima ob ulcus profundum
„ coaluit, ut nullo ingenio coalitus solvi potue-
„ rit; rectum igitur intestinum fœcibus disten-
„ tum vesicæ agglutinatum fuit arctissime, ut
„ tandem fæces continuo impulsu intestinum,
„ & vesicam perruperint, ac miser homo longo
„ tempore fæces cum urinâ per urethram, sæpe
„ maximis cum cruciatibus excreverit. Si forte
„ fæces duriores evaserunt, dolores non absimi-
„ les iis, quibus calculus in vesicâ est, patieba-
„ tur, ut non raro injectionibus emolliri debue-
„ rint.

Intestinorum etiam coarctatio fieri potest,
quando illa mesenterii, alteriusve cujusdam vis-
ceris tumore premuntur, demonstrante id ip-
sum dicto *Cap. Fernelio.*

Meminerunt etiam puellulæ cujusdam *misc.*
med. phys. curios. ann. 1. obs. 126. fol. 285. in
cujus

cujus ileo tres reperiiebantur nodi, singuli spithamæ intervallo disiuncti, in quorum singulis magna dicti intestini pars, quæ mensenterio non affigebatur, latebat.

OBSERVATIO LVII.

Excrementorum vomitus post Herniam.

Anus quædam diu non sine dolore indies accrescente inguinali laboraverat herniâ. Cum jam illa quodam tempore ad ipsum usque femur extensa esset, infecuta fuit post gravem cardialgiâ ipsorum excrementorum vomitio, cui paucos tantum dies superfuit. Ejus cadavere à Chururgo *Guilielmo Borgoigne* me præsentè aperto, magnâ jam parte emortuum apparuit ileum.

IN OBSERVATIONEM LVII.

Censent plerique tam vetustiores, quam recentiores scriptores veram ac completam (uti vocant) herniam fæminis supervenire non posse, quod illæ peritonæi productionibus careant. Verum illa eodem modo fæminis, quo viris contingit. Licet enim membrana peritonæi

næ exterior fæminarum vasa spermatica eodem modo, quo in maribus, extra ventris cavitatem non deducat, colligere tamen est eandem membranam integumentum ligamenti rotundis præbere; idque satis ad inferiora productum, ut epiploos, & intestinis ad vulvæ usque labia procidendi occasio ideo concedatur, ut herniæ completæ species inde emergere possit, quatenus scilicet peritonæum eo in loco ubi ligamenta exeunt, præter modum dilatatur. Liquet id exemplo *R. de Graaf lib. de organ. mulier. generat. inservientibus*, qui in cadavere filiæ cujusdam herniâ laborantis eo in loco, ubi rotunda uteri ligamenta abdomen deserunt, peritonæum adeo relaxatum se invenisse refert, ut integram foveam sive bursam efformaret, per quam intestina in inguen descendendo herniam intestinallem producebant. Ligamenta hæc ubi abdomen derelinquunt, oblique supra pubis ossa versus pinguedinem ibi copiose existentem excurrunt, in eaque prope clitoridem in multas partes divisa terminantur, ac evanescent.

Nicol. de Blegny tract. de hernys puerperam se tractasse ait, cui intestinum usque ad vulvæ labium sinistrum descenderat, seque idem pugni crassitie prominens in locum naturalem reduxisse.

Atque ita idem herniæ ortus est tam in masculis, quam in fæminis; fit tamen plerumque per dilatationem, rarius per rupturam; hoc autem

casu hernia proprie non in inguine, sed pone illud paulo versus os pubis oritur.

Fabritius Hild. cent. 6. pag. mihi 588 exemplum adducit observationi nostræ imprimis accommodum. Quare illud ipsum adscribam.

„ Cum, inquit, Francisca Roscia, soror mea
 „ natu major, jam ante aliquot menses tumo-
 „ rem in inguine sensisset, & in ea parte dolo-
 „ rem fere continuum ab aliquibus diebus passa
 „ fuisset, isque tumor à sex tantum diebus adeo
 „ increvisset, ut molem, pugnorum duorum
 „ æquaret, imò exsuperaret, & ab eo tempore
 „ dolor, & calor indies intensior perpetuo eam
 „ molestasset, sæva & horrenda symptomata,
 „ qualia sunt febris, dolores atrocissimi, vo-
 „ mitus crebri, vigiliæ continuæ, ructus fre-
 „ quentes, & ventris rugitus & tandem die
 „ quinto delirium, atque frequentes syncopes
 „ ei supervenere, & quod magis mirandum, imò
 „ stupendum fuit, illa die, & nocte tres clyste-
 „ res per os rejecit, atque hinc volvulum ex
 „ hernia profectum esse judicavi, contrectato
 „ loco, detectus est mali fons, peritonæi nem-
 „ peruptura in inguine facta, per quam intestina
 „ cum fæcibus devoluta erant, quæ cum per
 „ eundem meatum, seu foramen, per quod
 „ descenderant remeare non possent, prædicta
 „ symptomata invexerant, quare continuo lo-
 „ cum tumentem decoctis, & cataplasmatibus
 „ ex emoll: & resolvent: diutius fovimus, & tan-

„ dem manibus sensim tumorem contrectando
 „ intestina in suum locum suaviter omnino re-
 „ truximus, atque reposuimus: quibus reductis
 „ non multo post clysterem laxativum injicien-
 „ dum jussimus, quo alvus laxata, fæcesque
 „ fætidissimæ expurgatæ fuerunt, hinc dolor
 „ atque vomitus cessarunt, cæteraque sympto-
 „ mata remiserunt, & deinceps ea, quæ con-
 „ clamata videbatur, per Dei gratiam evasit,
 „ & vivit etiamnum herniosa quidem ab eo tem-
 „ pore, sed quæ nunquam postea in Iliacam
 „ passionem recidit, & quamvis ob rupturæ
 „ magnitudinem, & foraminis amplitudinem
 „ intestina frequenter, & facile elabantur, fa-
 „ cilè tamen reducuntur.

G. Blasius obs. med. 8. fol. 13 de muliere qua-
 draginta annos nata memorat, quæ jam ante
 sex annos gravi hernia, cujus causa casus ex alto
 erat, laboraverat, ita ut validissimo vinculo sese
 semper cingere necesse haberet. Aperto ejus
 cadavere compertum fuit intestinum colon mag-
 nâ sui parte ventris cavitatem reliquisse, quo-
 niam ruptum peritonæum, exterioresque ven-
 tris partes multum erant dilatatæ.

Ejusmodi casum refert *Thom. Bartholinus*
hist. anatom. cent. 1. hist. 3. fol. 9.

OBSERVATIO LVIII.

Pus, atque Excrementa per Umbilicum emissa.

C. B: viginti quinque circiter annos nata jam diu febre continuâ laboraverat, quæ ipsi gravidæ post multorum recentium fructuum esum supervenerat, prius quidem ex obstructione mesenterii quâdam, deinde vero ex ejus duritie, quam extrinsecus tangendo facile sentire licebat. Postea autem, ingravescente paulo magis febre, tumor quidam non absque inflammatione, summoque dolore supra Umbilicum apparuit, ita ut cataplasma anodynum ei imponendum fuerit. Post cujus usum Umbilici tumore rupto magna bene cocti puris pars non sine maximo laborantis levamine effluxit. Quâ puris emissionem dies aliquot perseverante febris continua, dictaque mesenterii durities minuebantur. Verum ipse (quod equidem mirabar) ex ægrâ intellexi simul cum pure flatus quandoque non tantum crepitu,

248 OBSERVAT. RARIORUM
ac stridore, verum etiam fætore comi-
tatos post ventris quoddam murmur ex
umbilico prodire, quare suspicabar in
quodam intestino etiam aperturam esse;
quod verum esse non ita diu post, propter
tenuium fæcum exitum, quas inamænus
plane comitabatur odor, quæque per
Umbilicum provolvebatur, expertus
sum, certissimo indicio aliquod ex in-
testinis ab ulcere mesenterij simul fuisse
perforatum.

Primo etiam Octobris die anno 1682,
quod illi in multis simile est, videre mihi
contigit exemplum in puellâ quâdam,
viginti sex annos habente, quæ tenui,
ac macro corpore, indoleque melan-
cholicâ, ac Bredæ nata, *Anna Maria*
Mes, vocabatur, hîcque Hagæ commo-
rabatur. Hæc per sex quidem hebdo-
madas febris continuâ multum infestata
passim de ventre suo conquerebatur, in
quo etiam extrinsecus quædam appare-
bat durities; ac protuberare postea cæ-
pit Umbilicus, ortusque fuit instar co-
lumbini ovi tumor, quo dicti anni vi-
gesimo Septembris ultro rupto, per
quinque dies continuos plurimum albi,
tenuif-

tenuisque, ac fætentis emanavit puris, quin & ipsæ ex intestinis provenientes effluxere fæces. Hæc autem vesperi tertii Octobris occubuit. Quarto autem ejusdem mensis die anni 1682. ejus cada-ver à Fratre longe quondam dilectissimo *Joh. Stalpartio vander Wiel*, me præsentē, dissectum fuit. Sicuti vero C: B: (de quâ supra) feбри continuâ aliquandiu, ac post minus accuratum vivendi modum prius mesenterii obstructione, ac postea duritie laboraverat, quam etiam tangendo quivis extrinsecus sentire potuisset: ac sicuti postea tumor quidam non sine inflammatione apparuit, è quo initio quidem pus, mox & post aliquot dies tenuia prodibant excrementa: Ita omnia sese fere eodem modo habuerē in dictâ *Anna Mariâ*. Cum vero ista observatio, quæ de C. B. agit, ut & tota mearum observationum prima Centuria, jam impressa, nec dum tamen edita esset Belgico sermone, tum demum mihi obvenit illud *Annæ Mariæ* exemplum, ac sicuti scholio observationis 58 quæsieram cur fæces, quæ ex intestino proveniebant, ac pus, quod ex

250 OBSERVAT. RARIORUM
mesenterio profluebat, non deorsum in
abdomen descenderent, & sicut tum
temporis, salvâ cuique suâ opinione,
ad quæstionem illam, prout etiam in
proxime secuturo scholio legetur, re-
sponderam: Ita etiam postea expertus
fui veritati meam opinionem esse con-
gruentem, remque ita, uti exposue-
ram, sese habere. Aperto enim *Annæ
Mariæ* cadavere (quod in C:B: etiam-
num vivente non licuit) comperi non
mesenterium tantum, verum etiam ip-
sum ventrem plurimis abundare exulce-
ratis glandulis (cujus rei etiam 63 Ob-
servatio exemplum dabit) quæ minimo
fere rumpebantur tactu. Intestina quo-
que tenuia Peritonæo circum umbili-
cum spatio orbis, qualis mensis impo-
nitur, adhærentia, ac adnata, plurimis-
fibris extremitatibus, sive circuitui
affixa, sed quo magis mediotullium, sive
Umbilicum dictæ adhæSIONIS accede-
bant, eó firmitus annexa, atque uni-
ta vidi.

In quem Umbilicum immissum specil-
lum in tenuia usque descendisse intesti-
na, in ipsâ autem umbilici cavitate,
fistu-

fistulam ejus latitudinis, cujus est minimus digitus, comperimus.

Omnia autem hæc tenuja intestina ea, quæ sunt ovium, magnitudine non superabant, nec ullas continebant sæces, utpote plicata, ac flaccida omnino, cum quod parum alimenti per dies aliquot continuos sumpisset ægra, tum quod illa vomitionibus infestata fuisset, sumptusque cibus per fistulam semper fere exiisset. Quo loco etiam mesenterio naturaliter annectuntur intestina hujus interventu coaluerant, ita ut illorum nulla, nisi difficulter admodum, à se invicem separari possent, & tum quidem propter abruptionem plurimum albi puris è dictis glandulis promanabat, quo multa etiam ventris pars replebatur. Adeo ut vero sit simile hoc ipsum quidquid erat puris non tantum intestina, quæ propter mesenterii tumorem superius versus peritonæum apprimebantur, verum etiam peritonæum acrimoniâ suâ exasperasse, atque ita dictas partes superficietenus erosas, facile potuisse uniri, ac coalescere, quin etiam dictum pus ibidem non tantum ulceris, sed & dein-

252 OBSERVAT. RARIORUM
deinde ipsius umbilici perforationis ex-
titisse causam.

Præterea in ventris cavitate supra in-
testina ad latus dextrum prope hepar duo
reperiebantur ingentes, atque etiamnum
tum viventes vermes, singuli quartam ul-
næ partem cum dimidia longi, qui haud
dubie per memoratam fibrosam texturam
porro in ipsam se penetrarunt ventris
cavitatem.

IN OBSERVATIONEM LVIII.

Sicuti aqua in Hydropicis quandoque sese
ultro per umbilicum exonerat, cujus rei plu-
rima adferunt scriptores exempla, ut *Forestus*
lib. 19. obs. 33, *Benivenius cap. 42*, ac *Marcel-
lus Donatus de med. hist. mirab. lib. 4. cap. 21*,
aliique: ita etiam, quamquam rarius, per eun-
dem locum intus latens pus ultro sese ejicit.

Tulpius obs. med. lib. 2. cap. 4 exemplum ad-
ducit viduæ sexagenariæ cujusdam pleuritide la-
borantis, ac cujus pectoris inflammatio, quod
serius illa medicorum implorasset opem, in abs-
cessum jam degeneraverat. Cum jam in summo
versaretur vitæ discrimine, non sine ejus ingenti
commodo magnum, postquam plurima frus-
tra adhibuisset, inter costas, ac postea non dissi-
mile,

mile, aut majus circa umbilicum ortum est ulcus. Per quas vias, quamquam tardius, satis tamen salubriter antea pectore conclusum pus emissum est, ut haud diu post ad priorem illa redierit sanitatem.

I. B. de Lamzweerde Append. ad Armamentarium Chirur. pag. mihi 267. meminit pueri novennis, qui, cum aliquamdiu veluti contabuisset, plurimum tandem fœdioris materiæ per umbilicum ejecerit; hæc enim ibidem collecta in abscessum vertebatur, ac ipsum perforabat umbilicum, ita ut quotidie sumptum alimentum inde effluere cerneretur. Hic puer tamen probâ curatione, aptisque sanatus est remediis.

Bartholom. Cabrolus obs. 19. pag. mihi 11. puellæ quatuordecim annos habentis mentionem facit, quæ ventre admodum tumens, ac macilenta per integrum quadriennium continuâ laboraverat feбри, post quod tempus prominere valde cæpit umbilicus, ac cum idem ultro rumperetur, per decem menses continuos plurimum inde emanavit puris, ac tres denique vermes spirithamam singuli longitudine, digitumque minimum crassitie æquantes inde prodire; ista puella satis feliciter tamen convaluit, variosque postea bene se habentes infantes enixa est.

Simile quid est apud *Hoëchstetterum obser. med. decad. 2. in Scholio pag. mihi 175.* qui agit de muliere quâdam, quæ tardâ languerat febriculâ, cujusque ex umbilico tres viridis, fœ-

ten-

254 OBSERVAT. RARIORUM
tentisque saniei libræ provenerant, cum illa melius valeret; quamquam ea post detergentium medicamentorum usum, repetitumque majorem pessimè olentis puris fluxum tandem decesserit.

Plura ejusmodi afferunt *Job. Mekeranus obs. cap. 23. pag. 150. Bauhinus Anat. lib. 1. cap. 2. Hoëchstetterus dec. 2. schol. casus 10. fol. 175. nec non Ephem. German. decur. 1. ann. 3. obs. 135. fol. 547. ut & dec. 1. ann. 5. obs. 135. fol. 186.*

Quantum vero ad fœcum per umbilicum emissionem attinet, de hac etiam nonnulli docti, ac fide digni agunt medici.

G. Horstius lib. 9. obs. 19. fol. mihi 448. de infante unum annum cum dimidio nato agit, cui fistulosum umbilici ulcus erat, per quod excrementa eâdem formâ, quâ ex intestinis proveniebant. Quoniam vero hoc non umbilici tantum, sed & intestinorum malignum erat ulcus, infans jam multum debilitatus interiit.

Alex. Benedictus Prax. lib. 20. fol. mihi 573. vidisse se refert infantem, cui post dysenteriam, ac vehementem, febrem intestinorum natum esset ulcus, unde pus exesis intestinis per umbilicum sese erumperet.

Schenkius obs. med. lib. 3. pag. 430. è Cardano de subtilitate casum pueri octennis refert, qui evacuatis per umbilicum fœcibus nihilominus curatus discesserit. Plura idem eò loci exempla addu-

adducit illorum, quibus post inflictum vulnus, vel internum quoddam apostema, alvi purgamenta per umbilicum exierint, quique nihilo secius sani evaserint.

G: Fabrit. Hildanus cent. 1. obs. 51. fol. 43. duodecim annorum Adolescentis mentionem facit, qui ventris excrementa per umbilicum itidem exonerabat, ac post cujus mortem mesenterium, pancreas, ac intestina &c. circumquaque duris tumoribus, steatomatibusque referta reperiebantur, in intestino autem colo oblongum apparebat ulcus.

Joh. B. à Lamzweerde obs. 65. pag. 267. de novenni puero memorat, cujus intestina, ac umbilicus abscessu exesa erant, ita ut post prandium illac alimenta effluerent, quod, quamvis letale, malum feliciter tamen fuit sublatum.

Roonh. part. 1. obs. 12. fol. mihi 50. obstetricis cujusdam meminit, è cujus rupto umbilico excrescentia carnea infantis caput magnitudine superans, simulque per intestini cujusdam aperturam excrementorum pars exhibat; fuitque hoc ulcus ita percuratum, ut apertura tantum Phaseoli instar relinqueretur, per quam quotidie alvi exonerabat fæces, ne minimâ quidem earum parte per anum, imo ne flatibus quidem emissis. Illa autem, cum hæc scriberet *Roonhusius*, jam sex annos ita vixerat; valuit tamen bene, quamdiu superfuit, ac ducentas & octoginta libras appendit; quinimo trecentos cum viginti

256 OBSERVAT. RARIORUM
ginti quatuor fœtus ex uteris maternis re-
cepit.

Mirabuntur autem fortean nonnulli, quare
in C. B. ægrâ (de quâ me in hoc scholio dictu-
rum jam supra monui) fœces ex intestino, pus
vero ex mesenterio provenientia non descende-
rint in abdomen?

Judicet quivis, quodcunque voluerit: meâ
autem opinione propter obstructas, tumentesque
mesenterii glandulas, quin & propter inflamma-
tionem, quæ ulcus præcesserat, dictum intesti-
num unâ cum mesenterio peritonæo appressum,
& contiguum, temporisque tractu unitum, ac
agglutinatum fuit. Idque eò facilius fieri potuif-
se reor, quod, illâ jam gravidâ, atque ab eo
usque tempore mesenterii obstructione vexatâ,
intestinum simul cum mesenterio fœtu intumes-
ce, ac turgente utero, facillime versus perito-
næum propelli, eique conjungi potuerit. Ne-
que enim fieri potest, ut absque intestini cum
peritonæo combinatione fœces per umbilicum
transeant; neque id facilius fit, quam pus ex je-
core in pectoris cavitatem, atque ita in ipsum
pulmonem se penetrat, cujus rei quadragesima
sexta observatio mentionem fecit. Hanc autem
meam opinionem veram esse, quod longo post
tempore aperui, dictæ *Annae Mariæ* cadaver do-
cuit.

Plurium labiorum unionum tam ventriculi
quam intestinorum vulneratorum, eorumque
cum

cum peritonæi, diaphragmatis, nec non muscutorum abdominis, aliarumque ejus partium læsarum labiis, nexuum, mentionem fecimus *obs.* 39, 46. sicut etiam infra *schol.* *obs.* 60. nec non *cent.* 2. *obs.* 23. *Scholioque obs.* 25. facturi sumus.

OBSERVATIO LIX.

*Purgamenta alvi ex intestino colo
per lumbos ejecta.*

Nobilis quædam Domina quadraginta circiter annos nata, postquam à quarto ætatis anno aliquamdiu sanguineam excrevisset urinam, ac ea tandem cessaret sanguinis emissio, per duodecim fere annos continuos plurimum fætentis puris non sine magno dolore simul cum urinâ diversis vicibus ejecit, usquedum tandem parvus abscessus non sine maximo sinistri lateris dolore, quo loco renum alter situs est, extrinsecus apparuit, quo indies accrescente anno 1674. me, Fratremque *Joh. Stalpartium vander Wiel*, nec non Chirurgum *Cornelium vander Hoogh* consuluit, nostram.

258 OBSERVAT. RARIORUM
tramque de isto malo quæsit senten-
tiam. Perpensis omnibus, hoc esse re-
nis ulcus judicavimus; quare illico cau-
sticum ei admoveere placuit, quo, nec
non incisione postea satis feliciter factis,
probe cocti puris copia bene magna ef-
fluxit, quod aliquamdiu majori quidem
multitudine, postea minori, ad duas
videlicet, tresve uncias quotidie per
integrum annum hâc viâ eductum fuit.
Tandem autem, deficiente pure, fistu-
la ibidem orta est, per quam non tan-
tum initio male olens pus, sed & te-
nuiora intestinorum prodire excre-
menta: Cum puris haud dubiè acrimo-
nia ex ulcerato rene provenientis simul
etiam intestinum colon reni adiacens
exedisset.

IN OBSERVATIONEM LIX.

NON equidem negaverim plurima literis
mandata esse exempla eorum, qui fæces in-
testinorum insolitâ, ac præternaturali viâ, sive
ex inguine (ut mox dicetur) sive ex umbilico
(ut paulo supra) sive denique ex utriusque sexus
pudendis, aliisque alvi locis exonerarint.

Con-

Contingit autem illud ipsum, cum vel intestina exterius acuto quodam telo, aut plumbeâ glande, casuve læsa sunt, vel interius abscessu quodam, acrive quâdam materiâ ulcerata, aut exesa sunt, quo casu temporis tractu etiam fistula nascitur, per quam per plurimos annos absque ullo vitæ periculo excrementa ita fuisse egesta variis probat exemplis *Schenkius obs. med. lib. 3. pag. 430.* quamquam autem plurimorum scripta perlegerim, nullus est, quod sciam, quî evacuationis puris ab intestinis exemplum eodem loco, modoque, quem diximus, adferat.

Si quis quærat, quare ex intestino colo convenientia excrementa non in ventris descendant magis cavitatem, quam per hanc fistulam, ac lumbos sese egerant? Sciat verosimilius, ac rationi longe esse convenientius, si dicamus labia dicti intestini aperti, quo loco exesio contigerat, sese labiis membranæ dicti exulcerati renis univisse. Dicere etiam quis posset renem illum ante exulcerationem inflammationi fuisse obnoxium, ac valde tumentem, proximeque intestino colo (qui præterea etiam naturaliter reni conjungitur) admotum paulatim sese affixisse, ita ut renis membranâ pure exesâ intestinum facile lædi, perforarique, atque ibidem fistula nasci potuerit, per quam illa Domina non quotidie, sed quandoque, præcipue cum multum cibi sumpfisset, multive flatus in intestino colo contineren-

tur, maxime sætentem saniem emittebat: futuræ autem ejectionis deliquium animi fere præfagium erat, ac tum sanies impellentibus flatibus per dictam aperturam egerebatur.

David ab Hoogstraten dissertat. epistolicâ de hodierno medicinæ statu ad N. vander Kappen; Memini, inquit, nobis præsentibus, sectioni cadaveris sæminei intentum fuisse Celeberrimum Virum, & Dexterimum Anatomicum Carolum Drelincurtium, in quo, reni exulcerato adnatum intestinum colon, perpetuum pus per rectum intestinum deturbabat.

OBSERVATIO LX.

Fæces per ingune exclusæ.

HAgienfis cujusdam civis infantem biennem, vocatus abscessu inguinis laborare vidi, è quo simul prodibant excrementa; causa autem illius, ut suspicabar, intestinorum erat inflammatio. Ipse illud malum detergentibus, ac consolidantibus tam extrinsecus admotis, quam intrinsecus injectis per alvum, brevi tempore curavi.

IN OBSERVATIONEM LX.

Fidem faciunt scriptores plurimi diversas interdum excrementis aperiri vias, cum fæcibus, urinisque transitus clauduntur, partesve quibus dicta continentur excrementa, internè læsæ, exulceratæve sunt.

Schenkius pag. mihi 430. varia eorum producit exempla, quibus intestina sive per internum abscessum, sive per externum vulnus perforata essent, quique nihilominus multos annos postea sani vixerint, ac fæces per fistulam inguinis egerint instrumento, sive vase quodam, provenientia excrementa excepturo assidue usi. *Galenus lib. 1. cap. 1. de loc. aff.* ait ortum supra inguina panum cum medicus incideret, stercus subsecutum in colo abscessum esse declaravit.

G. Fabrit. Hildanus pag. 54. cent. 1. obs. 74. Juvenem quendam se vidisse memorat, cujus abdomen, quoniam in acutiorem inciderat pylum, ita læsum erat, ut ipsa ex vulnere prodirent intestina, ac quoniam ille ante tertium diem Chirurgo ope levare non potuerat, in suum locum reduci intestina nequivere, nisi dilatato ante per novaculam vulnere, quamvis illa ipsa, dilatatione factâ, ac quavis curâ requisitâ adhibita, satis aptè intus contineri non potuerint: Ita ut paulo supra inguen dextrum ad latus Ilii

offis intestinum unam spithamam cum dimidiâ longum, ac ejus crassitie, cujus est brachium juxta carpum extra ventrem propenderet, quod ille tamen juvenis pro lubitu aliquo modo intro-mittere, atque introrsum adigere poterat: Erat autem hoc intestinum toti vulneris circuitui unitum, adnatumque, nec ab ipso usque vulneris initio juvenis per anum fæces alvi emittebat.

Simile exemplum adfert *H. Smetius miscell. medic. lib. 10. fol. 566.*

Platerus obs. lib. 3. pag. 827. Centurionis cujusdam mentionem facit, qui vulnerato ventre, multis annis per fistulam alvum exonerabat. Idem *pag. 828.* mulieris gravidæ meminit, cui tuberculum nucis juglandis magnitudine, in sinistrâ abdominis sede transversæ manus spatio ab umbilico exsuperabat, quod in abscessum, indeque ulcus sinuosum ab-jerat, è quo aperto primum pus, & sanies, deinde post partum aliquot annis purgamenta ventris, nullâ eorum parte per anum ejectâ, egerebat; id autem manuum ope, quibus corpus premebat, efficiebat.

OBSERVATIO LXI.

*Varii pinguiore , viridesque globuli
per alvum excreti.*

ARcessitus fui cum fratre *Joh. Stalpartio vander Wiel* ad Dominam quinquagenariâ minorem , quæ , post aliquot dies continuatum alvi fluxum , simul etiam plurimos virides , ac pingues admodum globulos uvas crispas pro parte , pro parte etiam nuces moschatas minores magnitudine æquantes per alvum egressit , qui cochleari contenti , prunisque impositi haud secus , ac butyrum liquecebant , & in ignem conjecti , tanquam oleum , flammam concitabant. Hos autem cum mulier illa nullâ tabe languesceret , crediderim natos fuisse inde , quod cum passim de imbecillo ventriculo conquereretur , pinquibusque delectaretur , ventriculi fermentum jam antea debile , hisce magis obtuderit , in hæc enim difficulter agit fermentum , quare pinguedo in ventriculo parum im-

264 OBSERVAT. RARIORUM
mutata, ulteriusque ad colon intesti-
num deducta, & ob motus ineptitudi-
nem moram ibi trahens, eodem modo,
quo sicca in ovium intestinis solent ex-
crementa, tandem in globulos efforma-
ta est.

IN OBSERVATIONEM LXI.

Lazarus Riverius Professor quondam Aca-
demiæ Magdalonensis cent. 2. obs. 23. pag.
mibi 133 id ipsum in trienni puellulâ conspexisse
se memorat, quæ ejusmodi itidem virides, at
paulo minores globulos emittebat, nullam au-
tem unquam hujus rei mentionem apud scripto-
res se reperisse asserit. Narrat porro medicinam
se fecisse melancholico cuidam, perversâque
imaginatione agitato, putantique nonnunquam
venena quædam sibi propinari, ad quæ repri-
menda, ac obtundenda plurimum interdum su-
mebat olei. Atque hic etiam, teste *Riverio*,
ejusmodi virides exonerabat pilulas, quas ipse
liquefaciebat, atque in lagenis conservabat;
quæ materia ita servata viridi amurcæ non mul-
tum dissimilis erat, nullumque diffundebat
odorem.

Quare judicasse se idem refert scriptor istam
olei multitudinem non omnino potuisse intus
immutari, sed crassas ejus particulas in corpore
ali-

aliquamdiu conclusas, atque indies crassiores redditas ejusmodi pilulas procedente tempore evasisse.

De globulis pinguibus butyraceis per infantum alvum magnis cum torminibus ejectis referunt *Miscell. med. phys. German. curios. decur. 2. an. 2. obs. 152. fol. 340, &c.*

Muliercula quædam macro, ac tenui corpore sæpius (scribente *Tulpio obs. med. med. lib. 3. cap. 18. fol. 216*) tertiana feбри, obstructoque laborans liene per quatuordecim tandem menses continuos plurimum subflavæ pinguedinis excrementis haud secus, ac si butyrum esset supernatans, per alvum excrevit tantâ etiam aliquando multitudine, ut (si collecta fuisset) phialas aliquot, ac lagunculas impleisset: Eadem insuper in ignem conjecta multa ardebat flammâ; sin vero hæc ipsa pinguedo, postquam aliquamdiu fæcibus inhæsisset, frigesceret, instar adipis coagulabatur.

Pinguedinem meram per alvum exclusam observavit *Möellenbroccius Ephemerid. German. decur. 1. an. 2. obs. 19. & 20.* Materiam humanæ pinguedini similem, singulis diebus per alvum excretam à fæmina contabescente vidisse se narrat *Mæbius fundamentis Phsyolog. cap. 11. sub finem.*

OBSERVATIO LXII.

*Pituita aliquamdiu cum fæcibus alvini-
nis simul excreta.*

Videre quondam mihi contigit duos masculos, qui, quoties alvum exonerabant, distinctam simul pituitæ copiam ovi albumini non dissimilem post ventris tormina emittebant, quæ sæpius in pelvi à reliquis fæcibus separata, atque accumulata reperiiebantur. Verum equidem est me plus centies ejusmodi pituitam præsertim simul cum posterioribus excrementis post purgationis usum emitti vidisse; cujusmodi ejectio plerumque etiam post præcedentes ventris cruciatus contingit, qui ut plurimum oriuntur pituitosæ materiæ abrasione, qua intestina naturaliter ad defensionem scilicet ostiolorum vasorum suorum intus veluti vestiuntur. Verum ingenue fateor satis diu me hæsisse in quærenda dictæ pituitosæ ejjectionis causa: neuter enim horum dysenteriâ, diarrhæave laborabat; alteri autem ulceratus erat pul-

pulmo , alter diuturnâ , benignaque (quam vocant) infestabatur gonorrhæa. At postea edoctus sum hunc crassum mucum , sive viscidum humorem è lenticularibus crassorum intestinorum glandulis (gracilibus enim sunt aliæ , succumque non adeo tenacem profundentes glandulæ) nimio muco ob suam debilitatem scatentium provenire , quam opinionem confirmavit subsequens curatio , cum uterque calefacientibus , roborantibusque , tum per os assumptis , tum per clysteres infusis , ab hoc malo satis brevi temporis spatio fuerit liberatus.

IN OBSERVATIONEM LXII.

F*Ernelius Patholog. lib. 6. cap. 20. fol. mihi 171* puri similem materiam quandoque cum fæcibus exonerari tradit, quamquam nec pus sit, nec ex ulcere proveniat; hanc autem puris specie plurimos decepisse idem ait, mucosas vero & subalbidas fordes, ac veluti limum, fæcemque sanguinis melancholici asserit, quàm podicis expuunt vasa, ac multo interdum tempore post diuturnos fere melancholicos morbos , duramque & laboriosam equitationem eructant.

Idem

Idem *Pathologiæ lib. 6. cap. 9. fol. 157.* in Intestinis crassam nonnunquam, copiosamque produci pituitam ait, quæ non alvi è cibis proveniens, sed peculiare quoddam intestinorum fit excrementum, quæque ibidem secundum naturam gignitur, concrescitque; è quibus cernitur, quandoque sponte fæcibus circumquaque adhærentem descendere, quandoque clystere manifeste deduci, aliquando dysenterix vi corradì.

Interdum vero, inquit idem, è crassâ, lentâ, vereque gypseâ pituitâ, præter naturam sensim, & copiosius collectâ, firmissimeque intestinis adhærescente, omnis fere eorum cavitas repletur. Quale exemplum idem de legato: Caroli Quinti Imperatoris Adducit, qui dolore torquebatur, nec non tumore à dextro hypochondrio per ima ventriculi in sinistrum exporrecto. Huic quum sexennio toto remedii genus omne tanquam emolliendo scirrhus adhibitum fuisset, injecto tandem acriori clystere, durum ac firmum quippiam, medio ductu pertusum, pedis longitudine deductum est: quod ille intestini portionem esse metuebat. Sed cum repente levatus videretur, adhibito consilio, iterum, ac tertio clystere prolutus est; rursusque simili evulsâ materiâ continuo pristina est valetudini restitutus. De altero etiam narrat, cui similis, sed gravior affectus alvum prorsus cohibuerat, qui tandem ventre supra modum intumescente decessit è vi-

vis,

vis, inventumque est colon intestinum usque adeo infarctum pituitâ concretâ, ut solidum prorsus censeretur, nihilque omnino facis in alvum delabi sineret.

Memini me legisse in scriptis *Oth. Heurnii* dicentis se Professori cuidam Lugdunensi in Batavis purgationem alvi præbuisse, post cujus usum hic simul cum excrementis maximam firmiter sibi adhærentis, lentissimæque pituitæ copiam exonerans illico *Heurnium* arcessi jussit tremebundus, cum jam intestinorum suorum partem ejectam arbitraretur.

P. Salmuth: cent. 1. obs. 78. pag. 49. à Pencero narratum sibi tradit de Italo quodam, cui morbo colico letali multum fatigato post mortem totum intestinum colon pituitosâ materiâ intus obsessum fuerit, relicto solum facibus ejus latitudinis transitu, cujus est digitus.

Idem cent. 2. obs. 21. fol. 68. de ægro quodam nobili narrat, cujus sanandi initium purgatio erat; solitis autem facibus expulsis, per aliquot hebdomadas continuas tantum pituitæ prodiit, ut, quo magis istam purgantibus mediis ille uteretur, eò plus ejusdem exoneraret, donec nulla sanabilis arte tandem occumberet.

OBSERVATIO LXIII.

Infantis cujusdam abdomen passim exulceratis glandulis refertum.

Mense Junio 1665. vocatus fui cum Jacobo Sena medico, ut quatuor annorum infantis cadaver aperirem, qui longo ante obitum tempore continuâ febriculâ emaciatus erat, atque hæc quidem ex glandularum abdominis obstructione (quod exinde etiam tumescebat admodum) orta erat. Dissecto autem cadavere hepar, lienemque usque adeo firmiter diaphragmati ventriculoque annexa reperimus, ut nullâ ratione ab eo separari possent. Pulmonem insuper adlatus dextrum membranæ pleuræ affixum, & concretum, plenumque parvulis abscessibus, iisque singulis cocto pure repletis comperimus. Totus venter durioribus scatebat glandulis; quibus mesenterium etiam, omentumque, ac pancreas passim obsidebantur. Saliores cibi semper appetentior fuerat, hic

hic infans, qualem præbent locustæ marinæ, haleces sale conditæ, alii que falsi, ac vento indurati pisces, unde illius viscera pravum admodum contraxerant habitum; quoniam vero malo succo abundabat corpus, hic illic cutis herpete, nec non caput, faciesque fædâ obsidebantur scabiæ: laborabat porro hic infans ophthalmiâ, atque asthma; ut mirum non sit, si tam male affectum corpus anima cito deseruerit.

IN OBSERVATIONEM LXIII.

Henricus Roonhusius Chirurgus, dum viveret, Amstelodamensis *parte 2. pag. 158.* simile quid de juvene tradit, in cujus cadavere non tantum totum collum, verum etiam mesenterium strumis refertum inveniebatur, quæ sese etiam in pectoris visceribus manifestabant.

Oth. Heurnii Lugdunensis in Batavis quondam Professoris *Ephemerid. pag. mihi 14.* inter rariora hoc etiam puellæ quatuordecim annorum exemplum habent: Illa enim, cum diu multis magnisque, & hinc inde suppuratis, atque exulceratis in colli ambitu, & sub axillâ sinistrâ strumis laborasset, diuturnâque confecta esset ipsa macie, tandem anno 1638. in Nosocomio Lugdunensi decessit. Illius autem viscera eo modo, quem

quem observavimus nostro casu, unita, concretaque erant, atque intus ubique innumeris scatebant strumis, ne exemptis quidem Peritonæo, mediastinoque, ac diaphragmate, imò ne uterique quidem ligamenti: Strumarum autem aliæ castaneæ, aliæ avellanæ nuci, piscoque pares erant aliæ magnitudine: jecur, pulmo, lien, præter strumas majusculas, quas hinc inde obtinebant tota interius, exteriusque quasi grandine conspersa erant. Multæ etiam milii coriandrive granum vix superantes in intestinorum tunicis reperiæ sunt.

Plurimum insuper aquæ in ventre, ac pectoris dextrâ parte apparebat malo Citreo colore par; Eadem etiam, sed coloris pallidioris, in pericardio, cerebrique ventriculis, illiusque basi abunde conspiciebantur; ut plenius dictæ *Ephemerides* narrant.

Similia reperias apud *Fabrit. Hildanum cent. 1. obs. 51. pag. mihi 43. & obs. 70. cent. 1. pag. 23. nec non Theoph. Bonetum Anat. Pract. pag. 540. ut & Barbette cap. 2. pag. 25. prax. med.* qui glandularum totius corporis non dubium statuit officium lymphæ percolationem, & secretionem, ideoque concludit crassiores liquorem, hujus mali esse causam, unde initio quidem ipsarum glandularum obstructio, mox & durities, denique & sensim accrescentes ejusmodi pertinares tumores nascantur.

OBSERVATIO LXIV.

*Ceraſorum nuclei in inteſtino Colo per ſex
circiter menſes latent.*

EXonerantur per alvum quandoque ea, quæ ante aliquot menſes, priuſve ſumpta erant. Sic ipſe ante annos aliquot inter excrementa J: D: V: Civis Hagienſis varios ceraſorum nucleos (purgaverat enim alvum ægrotus) menſe Januario vidi, quos præcedentis anni æſtate haud dubie deglutiverat. Neque enim poſtea alia ceraſa ſive recentia, ſive alio quovis modo præparata, conditave comederat.

IN OBSERVATIONEM LXIV.

QUoniam cellulis abundat inteſtinum colon, ne citius descendant corporis excrementa, contingit nonnunquam, ut durioris materiæ aliquid illis contineatur.

Thom. Bartholinus (ita enim liquet ex *miſc. med. phyſ. decur.* 1. an. 2. obſ. 74. pag. 134.) narrat literis ſuis fabrum ſe noviſſe ferrarium, à villâ ſuâ non longe habitantem, qui dentem ſuillum
S (forte

forte cum olere) deglutiverat, quique de continuo lateris conquerebatur dolore; ita ut, cum antea esset corpore pingui, paulatim macesceret admodum, donec post biennii intervallum, dente illo tandem per alvum excreto, doloribus istis eximeretur.

Philip. Salmuth. obs. med. cent. 1. fol. 16. per integrum annum cum dimidio scybalarum copiam bene magnam in intestino colo fuisse retentam observavit, quæ non nisi post multa enemata ventrisque fomenta potuerint expelli.

In magnis obstructionibus alvi apertionem difficilem esse, in multis se observasse dicit *Schenkius pag. mihi 433.* sibi que aliquoties in praxi occurrisse, ut, cum alvus potionibus purgantibus probe evacuata videretur, & excrementa liquida egererentur, tamen excrementa alia sicca, eaque plurima in intestinis nihilominus subsisterent, & novam obstructionem, repetitosque dolores excitarent; ita ut post peractam purgationem reliquum enematibus educere opus habuerit.

Felix Platerus obs. cent. 3. pag. 844. de quodam refert, qui, cum plurimum edisset casei, diu vehementi morbo colico, interdum & nervorum contractionibus vexatus fuerit, quique post variorum clysterum usum, maximam obdurati, coagulatique casei copiam per alvum excreverit, cum tamen ejusmodi cibi nihil omnino (vetuerat namque Medicus) per multum temporis sumplisset.

Agit

Agit idem de fæminâ quadam , inter cujus excrementa plurima gallinarum pedum officula , quæ variis temporibus cum liquore quodam per fauces transmiserat , post diuturna alvi tormina fuerint reperta.

Meminit *Zod. Med. Gallicus an. 2. fol. 88.* pueri decennis , qui plus 50. aciculas 12. aut 15. dierum spatio emisit ante 6. vel 5. annos sensim , at incauté deglutitas.

OBSERVATIO LXV.

Mulierî uno , eodemque fætu gravidæ quadragies , ac novies vena scissa.

MEmini matronam quandam an. 1653. Harlemi habitantem sanâ gaudentem temperie , sanguinisque divitem , atque optimo ætatis vigentem robore , sæpius quam citissime adeo oppressam fuisse , ut vix respirare posset : quare ex ejus brachii venâ , consilio experti admodum Medici *M. la Febure* sæpius apertâ , aliquot uncix sanguinis depromebantur , postquam exonerationem illa denuo ad se rediit. Ipse etiam cum forte Harlemi essem decimo quarto

276 OBSERVAT. RARIORUM
ante ejus partum die adfui, cum dictæ
Matronæ ante bene se habenti, ac lætæ,
iste angor, respirationisque difficultas
cito admodum superveniret, ita ut Chi-
rurgum continuo arcessi juberet. Illa
autem, postquam me præsentem septem,
octove sanguinis uncia essent detractæ,
tanquam nihil ei obesset, iterum cum
aliis mensæ accumbere cæpit, nec ede-
re, nec animo esse læto destitit. Hæc
autem, cum primum fætum ferret, re-
petitâ quinquies venæsectione, nihil-
ominus filiam, etiam nunc viventem edi-
dit. Cum vero secundò uterum ferret,
toties dictâ anxietate infestata fuit, ut
brevis tempore trigesies, ac sexies ve-
nam sibi secari præceperit. Illius autem
necessarii non parum hac de re solliciti
(quamquam, si hoc vitii excipias, be-
ne valeret illa) Medicum *G. Stratenum*,
ac me de malo isto consuluerunt. Per-
pensis autem omnibus, nec inventis
aliis remediis, quæ ipsam tantis exime-
rent angustiiis, non omnino rejiciendam,
urgente necessitate, statuimus phlebo-
tomiam; fuitque illi postea ter, ac de-
cies aperta vena (ita ut quadragies, ac
no-

novies hoc modo , dum ultimo intumesceret fœtu , sanguinem emiserit) nec minus recte illa usque ad graviditatis finem valuit , ita ut eo , qui partus tempus præcedebat , die avide fatis , multumque hepatis Afelli majoris comederet. Ipsa autem , sive non sufficientibus viribus , sive aliis de causis , tumente corpore , nullâ oris uteri interni apertione factâ , sub noni mensis finem vivis interesse desiit.

IN OBSERVATIONEM LXV.

H*Ippocrates sect. 5. Aph. 31. Mulier , inquit , uterum ferens abortit sectâ venâ , eoque magis , si sit fœtus grandior.*

Datque ad Aphorif. hunc *Galenus commentario suo* hanc causam , quod nempe fœtus destituatur alimento suo , si sanguis minuatur , unde sequatur abortus.

Verum enim vero contrarium sæpissime ægris , gravidisque mulieribus contingit , verbi gratia , Pleuritide , peripneumoniâve , aut Synanche laborantibus , vel febribus continuis , ardentibusque (quas vocant) vexatis , ubi venæsectio perutilis , ac necessaria est , nec sine ratione non prioribus tantum , mediisve , sed & posteri-

rioribus graviditatis mensibus fit (uti ex obs. nostra trigessimâ tertiâ satis constat) quâ omiffâ sæpius mater cum fœtu suo interit. Qui itaque hoc casu mulieri gravidæ venam scindi præcipit, in *Hippocratis*, *Galenive* doctrinam non peccat: sentit enim uterque ideo tantum abortire gravidam, quod sanguinis detractio fœtui suum adimat alimentum. Si itaque talis fiat sectio, que fœtui nihil detrahat nutrimenti, non metuetur abortus: talis autem fit sanguinis primis graviditatis mensibus emissio, fœtu etiamnum parvo, nec multum requirente alimenti, præcipue, si tum adsint copiosi sanguinis, roborisque gravidæ indicia. Mediis vero, posterioribusque cautius agendum est mensibus, propterea quod major sit fœtus, ideoque plus nutrimenti ei sit necessarium, nam unâ cum sanguine matris, portio quædam chyli postea ad uteri tubulos pro nutritione fœtus deferendi, emittitur. Quod si tamen eo casu abundet sanguine mulier, nec multum detrahatur cruoris, poterit & tum vena tutò scindi, quod ita minuat morbus, nec tantum detrahatur ei, qui in utero est, ut abortus inde metuendus sit.

Considerandum etiam est gravidarum venæsectionem veteribus insolitum fuisse remedium, ita ut non multam hujus mentionem faciat suis scriptis *Hippocrates*.

Celsi autem tempore, non adeo timendam ejusmodi scissionem usus docuit; nos etiam hodie

die hoc modo sæpius periculossimis eripimus matrem, fatumque morbis, imo vel sub ipsam graviditatis finem. Tanta enim quibusdam mulieribus sanguinis est abundantia, ut eo fætus sæpius non tantum suffocetur, sed & ipsa mater maximo exponatur discrimini, quandoquidem periculossior longe mulieri est abortus, quam partus perfectus.

Joh. Beverovicus Thesauri sanitatis pag. mihi 571. de Medico quodam agit, qui à duabus diversis mulieribus consultus erat, in quarum alterius utero quatuor octavo, in alterius autem duos sexto mense sanguinis abundantia extinxerat fætus. Illæ autem, cum quinto à conceptione mense multum iis detraxisset sanguinis, sæpius postea, feliciterque perfectos edidere partus.

Similia habent *Paulus de Sorbait miscell. cur. med. phys. decur. 1. ann. 2. pag. mihi 186.* *Zacutus, Amatusque Lusit: Primirofius, Rodericus a Castro, Dominicus Panarolus, Henr. ab Heers obs. med. lib. 1. obs. 14. aliique.* Omnium vero notatu dignissimum est, quod narrat *Lazarus Riverius pr. lib. 9. de morb. mulier. cap. 16. pag. mihi 498.*

„ Uxor, inquit, *Joh. Vieules civis Mon-*
 „ *speliensis, tres abortus consequentes passa fue-*
 „ *rat variis temporibus gestationis: dum quarto*
 „ *gravida esset, circa finem mensis secundi, cor-*
 „ *repta est iisdem ventris, & lumborum dolori-*
 „ *bus, qui aliorum abortuum prodromi esse con-*

„ sueverant. Vocatus ad eam, & advertens
 „ mulierem sanguineo temperamento præditam,
 „ & plethoricam, statim sanguinem mitti ju-
 „ beo ad ℥viii, & intra dimidiam horam præ-
 „ dicti dolores omnino quieverunt: & mulier ita
 „ bene habuit, ut reliqua remedia, ad præcau-
 „ tionem abortus à me præscripta admittere no-
 „ luerit: Illa autem symptomata apparuerant
 „ eo prorsus tempore, quo ipsa extra gravidita-
 „ tem menstruas purgationes pati consueverat.
 „ Tertio demum graviditatis mense eadem pe-
 „ riodo similia redierunt symptomata. Illa me
 „ statim vocatum rogat, ut iterum phleboto-
 „ miam præscriberem, cum præterito mense
 „ adeo præsentaneum levamen ab eâ percepisset.
 „ Me igitur votis ipsius annuente, sanguis de-
 „ nuo mittitur, pari prorsus eventu. Quarto
 „ itidem mense, quinto, sexto, octavo, iis-
 „ dem symptomatis periodice recurrentibus ite-
 „ rata fuit venæ sectio, & mulier statim libe-
 „ rabatur. Ultima phlebotomia celebrata fuit
 „ octo diebus ante principium noni mensis, cum
 „ eodem fructu; & circa finem noni mensis dic-
 „ ta mulier peperit filium vitalem, & bene ha-
 „ bitum.

Accedit, quod longe aliter nunc apud nos,
 quam olim apud veteres Hippocratis ævo fiat ve-
 næ scissio: Illi enim sanguinis libras aliquot,
 nos uncias detrahimus, nec minus quam cape-
 ret cotyla, depromebant primâ vice, repeten-
 dâ

dâ tum etiam brevi post venæ sectione: singula autem cotyla decem vini (teste *Galeno lib. de ponderibus & mensuris*) duodecim autem sanguinis capiebat uncias, propterea quod hic vino sit gravior, scribitque idem *lib. de curandi ratione per sanguinis missionem cap. 12.* meminisse se sex quandoque simul sanguinis libras è vena demissas fuisse. Quin & ipse dicto *Cap. 12.* ut & *lib. 9. meth. med. cap. 4.* ex iis, qui acutis, continuisque febribus laborant, ad animi deliquium usque depromi sanguinem permittit, si-ve id unâ fiat vice, seu duabus, tribusve, dummodo ægrotantis virium habeatur ratio.

Aliam insuper vivendi rationem servant hisce temporibus mulieres, quam quidem olim. Dantur enim haud paucæ, quæ probe cuticulam curent, nec victus, potusve largioris impatientes sint.

Cur autem gravidis non æque vena scindi queat, quam alvus purgari, quod tamen admittit *Hippocrates*? Ventris enim purgatio olim periculosius fiebat, quam sanguinis emissio, quandoquidem prisci illi medici lenius purgantibus destituti, *Elleboro* plerumque, ac *Scammonio*, *Colocynthide*que utebantur.

Præterea, qui scissione fit, pro libitu suppressi potest sanguinis fluxus, quod quidem in humorum purgatione non æque factu est facile.

Permultæ insuper reperiuntur, quæ sanguine abundant, mulieres, quæ uterum ferentes bis,

terve ut plurimum venam sibi aperiri jubent posterioribus etiam mensibus, quo omisso, herpete, aliisque cutis affectibus infantes multum infestantur.

Denique anne sæpius contingit, ut gravidarum corpora copioso sanguinis per nares, varicesque, aut hæmorrhoides, ac ipsum uterum fluxu, superfluum ejusdem ejecerint multitudinem;

Testatur *Savonarola* optime se habentem fætum productum à muliere fuisse, cui gravidæ duodecim dierum spatio plus decem sanguinis libris per nares effluxerit.

Alii cuidam fæminæ, referente *Forestolib. 29. de Arthritide obs. 24.* octavo graviditatis mense varices prope talum ultro excisi erant, ita ut plus tribus sanguinis libris emitterent, atque ipsa inde animi pateretur diliquium, hæc tamen satis feliciter peperit.

L. Benjamin Scharffius miscell. med. phys. an. 9. pag. mihi 43 de triginta annorum muliere memorat, quæ corpore crassa, ac plethorica à primo mense prioris graviditatis usque ad ultimum magnam puri, ac laudabilis sanguinis copiam quotidie plerumque ad octo usque uncias, interdum & plus, minusve absque notabili incommodo evomit; vixit etiam illa sana, ac quamvis tam copiose sanguinem exonerasset, bene valuit. Cumque illa à venæ scissione multum abhorreret (quam tamen præceperat Medicus)

cus) præ mali cujusdam timore illam nunquam admisit.

Nec defunt plura ejusmodi variis scriptoribus jam diu notata.

Quoniam itaque constat spontaneam sæpenumero contingere exonerationem, quid ni hæc arte etiam quandoque fiat?

Quotus etiam quisque est, qui nesciat malè castas viduas, puellasque sæpenumero necquicquam ad saphænæ sectionem confugere?

Unicum tantum, quod nobis inserviat, animi gratiâ adducam, nec minus tamen memorabile è *Zacuto Lusitano* exemplum. Scriptor hic *lib. 2. prax. med. admir. obs. 144. pag. mihi 77* ita loquitur.

„ Mala quædam mulier, juvenis, biliosa, &
 „ gracilis, quum septimi mensis fætum in utero
 „ gereret, ob metum absentis mariti abortum
 „ procurat, plurima auxilia parat, assumit pur-
 „ gantia valida, applicat utero fortissima un-
 „ guenta, apponit pessaria violenta, & alia fæ-
 „ tum enecantia medicamenta per os devorat.
 „ Demum omni prorsus destituta auxilio, ex-
 „ actissimâ inediâ incassum tamen, corpus mace-
 „ rat: Tandem quasi desperata, viribus licet in-
 „ validis, ad saphænæ phlebotomiam decies,
 „ & ter celebratam, & hirudines in sedes ap-
 „ plicatas se convertit, sed nunquam voti sui
 „ compos evadere potuit, immo geminos
 „ nono mense obesos, & ovantes (mirum dictu)
 „ edidit

„ edidit in lucem. At Chirurgorum testimo-
 „ nio apud magistratum à Marito accusata,
 „ meritas, truncato capite, adulterii luit pœnas.

Constat itaque *Hippocratis* dictum intelligen-
 dum de infirmioribus mulieribus, iisque, qui-
 bus non ita multum est sanguinis, quæve facilius
 abortiunt, morbisve obnoxix sunt, quos venæ
 augeat scissio.

OBSERVATIO LXVI.

Uteri ruptura.

CUM *Jonæ Pergo* filia jam quater
 peperisset, nec sine maximo do-
 lore atque incommodo singulis vici-
 bus edidisset partus, quinto uterum
 ferens haud minoribus agitata cruciati-
 bus, ac satis diu antequam pareret vehe-
 mentius longe, quam quidem præce-
 denti tempore infestata fuit usque ad
 tertium ante partum diem; ab hoc enim
 tempore multum sibi obvenisse levami-
 nis fatebatur. At, cum jam ipse insta-
 ret pariendi actus, nullo modo emitte-
 re obstetricis ope valuit fætum, qui jam
 ante dies aliquot extinctus videbatur
 (uti postea ex mutatione, ac separatio-
 ne

ne cutis illius satis liquebat) quique flexis post cervicem manibus, atque ore oblique sursum ad os pubis elevato reperiiebatur: ita ut varia, ac gravia admodum jam parturienti sensim magis, magisque supervenirent symptomata; videlicet non deliquium tantum, oppressio, horror, ac febris, sed & plurimarum obscurè viridium fæcum vomitu rejectio, quoniam fætus intestinum rectum, cui proximus erat, ita premebat, ut excrementis per inferiora negaretur transitus. Ad hanc mulierem tantis pressam angustiiis, nec parere valentem arcessitus tandem mecum fuit experientissimus Chirurgus *Cornelius Solingius*. nunc etiam Medicus, qui, me presente, brevi postea jam mortuum eduxit fætum. Quo facto, quia non ita facile educere secundas poterat Chirurgus, in ipsius mulieris corpus immittere manum, quam funiculus ducebat, cæpit: tum vero intestina prius, quam Uteri placentam sensit. Hanc vero illico postea reperiens, tribus partibus propendentem sensit in abdomine, extra uterum, quem, quoniam jam ante aliquot dies

dies fætum emiserat, pro maximâ parte, dure admodum compactum, atque in se contractum comperit, ita ut initio scirrhum crederet. Ille itaque porro secundam, ubi etiamnum abhærebat, ab utero separavit, cartilaginemque, cujus ope pubis ossa coniunguntur, omnino mollem evasisse, ac dicta ossa ad digiti latitudinem à se invicem recessisse haud dubie paulatim diducta sensit. Ipsa autem mulier tantis victa laboribus, angoribusque eodem die vivere desuit. Postridie autem, me, fratreque *Joh. Stalpertio vander Wiel* præsentibus, illius cadaver à dicto *Silingio* fuit apertum. Tum vero venter ante dissectionem mirum in modum extensus, ac protuberans apparuit, illâ autem factâ, ex magno isto tumore nihil à nobis effluere animadversum est, præter foetentem flatuum copiam, nec non parum coagulati, bonique coloris sanguinis, qui ex Cotyledonibus, aut multo magis ex uteri vasorum ostiolis, quo tempore ab eo avelleretur placenta, illuc defluxerat. Postea dictus *Solingius* manum ab exteriori parte per vulvam in cadaver

immi-

immisit, atque iterum tum intestina, recedentemque supra os pubis uterum reperit, cujus partem inferiorem paulo supra internum os versus posteriora (quo scilicet loco communis membrana à peritonæo proveniens intestinum rectum, simul cum utero cingit, vestitque) ruptam invenit, per quam aperturam totus fœtus exceptis capite, brachiisque, ut modo dictum, post cervicem flexis, in matris ventrem transierat. Atque hæc quidem causa est, quod idem, ampliori spatio reperto, levamen aliquod matri, ut supra narratum, paucis ante partum diebus attulerit.

IN OBSERVATIONEM LXVI.

QUandoquidem pauca admodum rupti in gravidis uteri legere est exempla, ad meæ observationis veritatem confirmandam plura ex aliis seligere, atque hîc apponere placuit.

Schenkins obs. lib. 4. pag. mihi 611. fœtus, cui situs alioquin ad faciliorem partum in utero accommodatus erat, mentionem facit, quique capite deorsum, facie ad posteriora reclinatâ, corporisque trunco in longitudinem extenso, nullo

288 OBSERVAT. RARIORUM

nullo neque velamine, aut membranâ, neque utero cinctus, sed liber in ventris inferioris capacitae, vasis tamen umbilicalibus placentæ etiamnum affixis, in matris cadavere fuit repertus.

Simon Scholzus Ephemerid. med. decur. 1. ann. 2. obser. 84. pag. 159. refert de partu præternaturali, quo fætus altero brachio extra matris corpus exerto conspiciebatur. Defunctæ cadavere aperto, disruptus apparuit uterus, fætusque cum secundis extra illum inter intestina reperiiebatur. Uterus in fundo dissectus ad palmæ crassitiem scirrhosâ duritie tumidus apparuit. *Dicti lib. obs. 254. pag. mihi 378.* mulieris cujusdam meminit, quæ 35. annos nata jam quatuor robustos ediderat fætus, jamque quinto tumescens passim pessime sese habuerat. Hæc autem postquam quatuor dies in gravissimo hæsisset partu, dum jam altera fætus manus vaginæ uteri inhæreret, quinto die extincta est: cujus aperto cadavere satis bene valens infans extra uterum in sinistro ventris latere omnibus involucris liberatus repertus est, in dextro autem durus apparuit tumor, in convexum usque ad cervicem uteri instar globi se extendens, in concavo hujus ulcus nigrum gangrænosum illius tumoris causa, qui fætui viam præcluserat, repertum est. Sectus per medium tumor crassitiem 4. transversorum digitorum superabat.

De hujusmodi Uteri laceratione, & capitis infantuli in ventris capacitatem dimissione, cujus causa matricis scirrhus infantis caput prope modum æquans, mentionem facit *G. Fabrit. Hildanus centur. 1. observat. 67. pag. mihi 51.* Idem etiam *observ. 54* exemplum adducit fœtus, cujus caput in lævam ventris capacitatem per matricis rupturam transierat, cujus substantia, utpote nervosa, circa infantis collum contracta reperiiebatur, quæ ipsum haud dubie suffocarar. Idem & *cent. 4. obs. 57. pag. mihi 329* de fœtu agit, qui transversè jacens altero pede uterum perforaverat, manu altera extra orificium propendente.

I. Guillemaus lib. Gall. de prospero partu duas refert historias mulierum, quarum fœtus, perforato utero, in abdomine inventi.

Henr. Roonhusius lib. 2. pag. 12 casum narrat quo fœtus in medio ventre inter intestina colo affigebatur, ut sine forcipe ab eo avelli non posset: Causam statuit non internam (qualis est uterī internum os angustius, vel ipsa matrix intus tumore laborans, ve etiam transversè situs fœtus) sed externam, casum scilicet, ictum, illisumve, cujus quidem opinionis illic nonnullas adducit rationes.

Ex hac nostra observatione patet non male judicasse eos, qui statuerunt ossa pubis in partu divelli posse, licet id negent quamplurimi, quorum in numero est *Bartholinus lib. 4. de*

ossibus hac de re agens, nec non *Mauricaus lib. 2. fol. 199. Laurentius Jonbertus lib. 4. cap. 1. fol. 144. aliique plures.*

Nec solum pubis, sed etiam ipsa ischii ossa interdum in partu distrahi affirmat *Paraus lib. 23. cap. 13* his verbis. Puerperas, inquit, statim à partu dissecai, in quibus animadverti ossa Ilium ab osse sacro digiti intervallo distracta, quin etiam plerisque parientibus, qui me, auxilii in tam difficili conatu gratiâ, advocarunt, subjecta coccygi manu, certò, & auribus hausi, & contactu percepi crepitantium divulsionis vi ossium strepitum. Sed & nararunt mihi honestissimæ matronæ multæ se aliquot ante partum diebus eorum jam se distrahentium fragorem cum dolore percepisse. Multis etiam post partum diebus, coccygis regio, ossisque sacri (quam renum regionem appellant) sic plerisque dolet, ut natura solutam ossium Ilium continuitatem reparare haud valente, in reliquum vitæ claudicent.

Idem statuit *Jacob: Guillemæus lib. 2 de prosteris mulierum partibus cap. 1. fol. 298.* Novi equidem, inquit, à plurimis, magnisque viris hanc agitatam fuisse quæstionem, ac inter eos etiam nostro tempore *Laurentium, Pineumque* numerandos, ad quos lectorem remitto. Ipse autem isthæc credo, quæ mihi, monstrante experientia, videre contigit, quoniam 40 annis proximis plus quingentis

,, ad;

„ adfui parturientibus , è quarum nonnullis
 „ fætus excipiens, perfpicue admodum crepitan-
 „ tia, atque à fe invicem recedentia offa animad-
 „ verti , separationem immiffa manu manife-
 „ ftam inter duo offa pubis inveniens, quin &
 „ omnes fere in difficili partu mulieres eo cafu
 „ de iftius loci dolore multum conqueruntur.
 „ Præterea miffa fub earum offe coccygis manu
 „ offium Ilium ab offe facro difunctionem re-
 „ peri : in quibusdam infuper , quæ in partu
 „ obierant, illico poft mortem fectione cæfa-
 „ rea (ut fætibus confervarem vitam) apertis,
 „ dicta etiam offa feparata , atque diducta, li-
 „ gamentis eorum mollibus admodum, ac laxa-
 „ tis, vidi, quoniam hic locus maximam fu-
 „ perimpofitæ , præmentifque fufinet matri-
 „ cis partem.

OBSERVATIO LXVII.

Ipfius Uteri corporis inverfio.

IPfe cum dicto Chirurgo , medicoque
 Cornelio Solingio hic Hagæ ann. 1673
 14. Aprilis ad M. J. Uxorem vocatus
 fui, quæ pridie robustum ediderat par-
 tum, cujusque è corpore ignorantia ob-
 ftrictis fecundarum loco uterus educ-
 tus erat, quem inftar inverfæ manicæ, in-

292 OBSERVAT. RARIORUM
terioribus partibus exterioribus reddi-
tis, inter femora propendentem inve-
nimus, infantis minoris caput æquan-
tem magnitudine; Dictam quoque puer-
peram post dimidiam à partu horam de-
cessisse intelleximus: Altera autem pau-
lo post accedens obstetrix secundas cum
funiculo umbilicali ab inverso utero,
cui etiamnum affigebantur, separavit.
Nos autem inversum hoc corpus bene
perspectum, facto in fundo foramine,
in suum reduximus locum, atque tum
illico per dictum foramen ipsa sensimus
intestina.

IN OBSERVATIONEM LXVII.

SI contingat forte, ut productum fætum non
statim sequantur secundæ, rumpaturque fu-
niculus umbilicalis, non tantum maximâ cum
cautione junioribus, & sacra isthæc nondum sa-
tis recte intelligentibus obstetricibus agendum
est, ne videlicet, eas citius, aut fortius attra-
hant, quam par est, ac veluti avellant, quo qui-
dem major contingit sanguinis fluxus, sed ante
omnia caveant necesse est, ne secundarum loco
simul & uterum educant, quod contigisse nostrâ
observatione liquet.

*Fabritius Hildanus Responſo ad Mich. Dorin-
gium pag. mihi 904. intellexiſſe ſe ex D. Srape-
dio memorat, obſetricem quandam ſecundinam
educere conantem uterum unâ adduxiſſe, atque
abſcidiſſe, unde miſera eodem die interiit
puerpera.*

Item quoque *centur. 4. obſ. 66. pag. mihi 334.*
de matronâ quadam agit, quæ ſexto impræгна-
tionis menſe mortuum produxit fætum. Ob-
ſtetrice alterum reſtare fætum ignorans, ſecun-
daſque vi attrahere geſtiens tantum puerperæ
lumbis attulit dolorem, ut illico deſiſtere cœpto
teneretur. Ipſa autem matrona, vocatâ aliâ ob-
ſtetrice, mortuum iterum edidit fætum; At
quamquam poſterior hic partus non ita male ſuc-
cederet, lumborum tamen, partiumque geni-
talium, ac ventris totius non ceſſavere dolores,
nec potuit pugni magnitudine extra corpus pro-
pendens in locum ſuum matrix ab ullâ reduci ob-
ſtetrice. Puerpera autem per duos jam menſes
noctu, atque interdiu cum huiusmodi dolori-
bus colluctata tandem ab ipſo *Fabritio* priori reſ-
tituta eſt ſanitati.

Sed dubium me tenet hæc viri huius celeberrimi hiſtoria, non enim crediderim fuiſſe ipſum, qui propendit, uterum, ſed tantum ejus vaginam. De ſimili enim errore ab obſtetrice ruri degente commiſſo, ſequens obſervatio mentionem facit.

Bartholinus cent. 2. hiſt. 91. pag. 303. nobilis

294 OBSERVAT. RARIORUM
cujusdam, ac maritatæ Dominæ in Holsatiâ me-
minit, è cujus corpore post partum uterus unâ
cum secundis fuerit extractus, unde illicò ani-
mam efflaverit.

Petr. de Marchettis obs. 61. pag. 138. scribit
etiam obstetricem quandam, cum non ita citò
sequerentur secundinæ, atque ipsa uterum non-
nihil à partu laxatum sentiret, hunc illarum loco
vi attraxisse, & extra pudendum præcipitasse,
non sine maximo puerperæ dolore, quorum
causâ incidit in lypothymiam, mox utero valde
inflammato, & hærentibus secundinis, quæ
uteri gravis inflammatio in gangrænam, & mor-
tem puerperæ migravit.

Plura ejusmodi exempla vide sis *miscell. med.
phys. curios. German. decur. 1. ann. 3. fol. 238.
& Decur. 2. ann. 1. obs. 141. fol. 344.* nec non
apud *Rossetum, Nic. de Blegny Zod. med.
Gall. an. 3. obs. 8. Franc. Mauricæum de morb.
mulierum lib. 2. cap. 12. & lib. 3. cap. 6.*

Veterum plurimi uterum non omnino ad vi-
tam requiri statuere, quos inter *Fabrit. Hilda-
nus pag. 901.* Verum *Th. Bartholinus centur. 2.
hist. 91. pag. 303 & Job. Mekeranus pag. 301.*
id negant. *Barbette autem part. 1. Chirurg. cap.
8. pag. 36.* absque vitæ dispendio excindi eum
non posse, dictæque sententiæ assentiri bono
Anatomico intolerabile tradit.

OBSERVATIO LXVIII.

Vaginæ uteri extensio.

CUM an. 1667. ad nautæ cujusdam uxorem Hagam inter ac Delphos habitantem fuisset vocatus, ipsi à partu etiamnum recenti, magnum in ipsius uteri vaginâ tumorem esse comperi, non sine ejusdem exitu, extra corpus enim propendebat ovo Struthio-cameli similis, ac purpurascens, lividique erat coloris. Chirurgum itaque arcessi, prædixique haud dubie mox gangrænam infecuturam, atque illicò Chirurgus *Nic: Wintercamp* Risvico veniens adfuit, qui, me præsentem, dictum tumorem variis in locis incidit, ne sentiente quidem muliere. Nos vero tumorem illum (atque ita quidem fueram suspicatus) coagulato sanguine reperimus refertum. Quare talia ipsi cataplasmata, fomentaque præparavimus, qualia hujusmodi requirit malum. Atque ita quidem illa post factam separationem, carnisque ac-

296 OBSERVAT. RARIORUM
cretionem intra mensis spatium conva-
luit, pluresque dein liberos peperit.

IN OBSERVATIONEM LXVIII.

QUoniam vaginæ uteri procidentis nulla à
Veteribus, recentioribusque fit mentio,
atque id vitii olim ipsum uterum procidentem
credidere, non vanus videbor fortean, si de
ejusdem causis nonnihil dixerò.

Henricus Roonhufius Chirurgus Amsteloda-
mensis *obs. lib. 2. pag. mihi 93.* externas, atque
internas vaginæ uteri procidentię causas statuit.
Internam primam ait graves matris conatus, nix-
usque, cum in ipso partus labore fœtus capite in
orificium uteri quidem prono, attamen est ma-
jore, quam cui transitum præbeat mater, quo
casu ita premitur, urgeturque vagina, ut ruga-
rum illius aliæ super alias, extensæ à locis, quibus
cohærent, avellantur.

P. Barbette Chirurg. part. 1. cap. 8. pag. 36.
compertum se addit præcepue illis, quibus alvus
obstipata erat, ventrisque torminibus infestaban-
tur, vaginæ uteri membranas usque adeo fuisse
extensas, & dilatatas, ut imperitiores eas ipsum
crediderint esse uterum, atque etiamnum cre-
dant.

Secunda *Roonhusii* interna causa est, quod in
male se habentis corporis uterum, ejusque vagi-
nam viscosæ sæpentero, humidæque materiæ,
aliive

aliive similes longo tempore defluant humores, unde hæc pars magis, magisque procidat, atque ita dilatetur, extendaturque, ut notabili magnitudine extra corpus propendeat. Atque id eo fere contingit modo, quo infantibus, postquam diutius laxa ipsis fuit alvus, intestinum rectum quandoque procidit, quoniam ejus ligamenta affluentis humoris nimia copia sensim laxat, atque ita processu temporis extendit.

Tertiam, eamque internam, statuit causam, incautius prehendentem obstetricem, quæ digitis, loco fætûs, secundinæve, hæc rugas adducit, unde vagina à subjectis avellitur partibus, ac prominere incipiens ingentis causa est difficultatis

Illud autem de quo observatione nostrâ egimus, obstetricis culpâ natum fuisse incommodum patuit: Quandoquidem coram præsentibus, aliâque obstetrice postea advocatâ, falsa est, se post partum etiamnum nonnihil intus sensisse, nec dubitasse, quin alterius infantis esset caput. Ita ut illius digitorum vi magnâ hujus partis contusio, atque hinc ipsa contigerit procidentia.

OBSERVATIO LXIX.

Vera totius uteri procidentia.

Quamquam plurimi scriptores ac inter eos recentiores multi (quales sunt *Theod. Kerckringius*, *Roonhusius*, *Mekeranus*, alique) negent totam vulvam procidere, ipse tamen cum sæpius memoratis Fratre meo, ac *C. Solingio* Medicis, post debitam inquisitionem comperi, *Martinæ* cuidam *Mottyn* non vaginam tantum, sed & ipsum procidisse uterum, qui durus admodum, ac duorum pugnorum instar conjunctorum reperiiebatur. Internum etiam matricis os quam facillime sentire poteramus, quod extrinsecus tanquam os Cyprini (Carpam vulgo dicimus) nobis apparbat.

IN OBSERVATIONEM LXIX.

Non ita facile procidit ligamentorum relaxatione uterus, scribente *P. Barbettio Chir.* *part. I. cap, 8. pag. 25.* ac multo minus disruptione,

tione, quod tamen fieri imaginantur plurimi. Quanquam contingat nonnunquam, ut post gravissimos parturientium labores, vel propter incautius eductam secundinam inversum matricis fundum in pudendis, atque extra eadem conspiciatur, cujus casus observatione 67. mentionem modò fecimus.

Regn. de Graef de mulierum organis pag. mihi 144. licet uteri procidentiam omnino negent quidam, aut eandem tam raram credant, ut vix, ac ne vix quidem semel contingeret, se tamen eorum adstipulari opinionibus non posse tradit: quandoquidem docet ratio à toto corpore defluentes humores uteri ligamenta relaxare, in humidioribus locis id ipsum sæpius accidere, quin & in virginibus ejusmodi procidentiam sibi visam, sanatamque scribit.

Thom. Bartholinus Actor. med. part. 2. cap. 44. pag. mihi 139. procidere posse matricem, ac præcipue hydropicis concedit: cujus rei bina sibi obvenisse exempla memorat. Quoniam enim, abundanti illo humore in ventre præter naturam collecto, necesse est, ut laxiora evadant uteri ligamina, à vero non absolum est, si dicamus eum, cum, quod lubricus sit, tum propter gravem aquarum multitudinem deorsum deprimi.

G. Blasius observ. part. 3. pag. mihi 42. de verâ totius uteri procidentia distincte admodum scripsit, qui procidens tantus erat, ut extremâ
sui

fui parte stantis mulieris genua contingeret : addit porro in hujus cadavere non repertam fuisse matricem, sed inversam plane extra corpus propendisse, ac testes, & ipsa vulvæ ligamenta, cavitate suâ (exceptâ dextrâ alâ, quæ ventri inhærebat) comprehendentem. Deinde matricis fundum prolapsum, testesque, ac cæteras adhærentes partes, non ad extremum hujus tumoris, genubus proximum, at dicto fundo conclusa ad uteri os internum tantum decidisse, extensam etiam admodum vaginam ipsamque matricem insolito plane modo crassam, duramque repertam fuisse tradit.

Bis terve accidit, inquit idem, *comm. ad cap. 7. syntagm. anatom. Joh. Veslingii fol. 104. D. Marchetto in Xenodochio Patavino*, quod uterus extra pudendum muliebri exierit, quem reposuit, & medicamentis adstringentibus curavit.

Thom. Bartholin. Act. IIaffn. volum. 2. cap. 44. pag. mihi 139. notasse se post partum ipsum quandoque uteri se explicuisse globum, & propendisse ait, qui fomentis calidis iterum reponebatur.

Laxantur aliquando ligamenta uteri propter vim partus, nimiam corporis humiditatem, aut aliis de causis; adeo ut uteri osculum in sinum pudoris decidat, & inversâ vaginâ extra propendeat, cujus rei exempla adfert *Platerus obs. lib. 3. pag. mihi 714, &c.*

Retulit mihi nuper, Nobilissim: *D. Egidius Enth. Saxoniae Ducis Archiater* se ann. 1683 die Octobris 16 hîc Hagæ ad Matronam I. D. V. 19. annos habentem ocysissime fuisse vocatum, quæ ex Carpentî, seu essedi saltu præcipiti abortum difficilem, & violentum non sine uteri prolapsu passa erat. Quem ipse, obstetrixque, nec non Matronæ Mater, aliæque conspexerint: Suasit itaque, ut appropriatis adstringentibus in vino coctis foveretur, oleosisque intruderetur uterus, atque ipsa elato tranquille cubaret podice, brodiaque analeptica per epicrasin fumeret. Atque ita quidem intra unius mensis interval- lum pristinae restituta est sanitati, quotannis sine ullo parturiens incommodo. Quod si illa qui- dem ætate fuisset provectâ, res hæc non tam fe- licem, opinor, habuisset exitum.

OBSERVATIO LXX.

Pseudo-partus Hydatidum.

Clvis quidam Hagiensis uxor 46 cir- citer annos habens, post- quam jam novem menses fuisset im- prægnata, multo affici cæpit dolore, quare & obstetricem ad se arcessi jussit. Hæc autem cum ipsi inter eos labores
jam

jam totum triduum auxilium tulisset, nec quidquam appareret, vocata fuit *Elisabeth Tomboy* itidem obstetricis fungens munere, quæ post exactiorem examinationem nullum fœtum, sed aliud quid, quod præsentibus se illico ostensuram sperabat, adesse affirmavit. Postea puerperam aggreditur, ejusque è corpore, præsentibus Fratre meo *Joh. Stalpartio vander Wiel*, nec non Chirurgo *Cornelio vander Hoogh*, magnam hydatidum copiam eduxit, racemorum more sibi invicem adhærentium, membranis extrinsecus tenuioribus, quam queis vestiuntur fœtus, ambientibus.

Quales quintæ figura prima adjecta Tabula exhibet. Quanquam autem dicta mulier nullum ederet fœtum, puerperarum tamen more lochiorum fluxum passa est: Illa etiam postea imprægnata perfectum, vivumque enixa est infantem.

IN OBSERVATIONEM LXX.

Quanquam rarissimus est noster hic casus; si-
miles tamen annotatos reperio à *Christoph.*
à *Veiga lib. 3. sect. 10. cap. 13. art. med.*,
ubi

Tab. 5: Fig. 1



Tab. 20 frustum Ossis Sphaeroidis. Fig. 3

Fig. 2.



Tab. 20 frustum Ossis frontis.

ubi *Leonoram Sanctaren* sexto imprægnationis mense miriquid protulisse tradit, quod obstetrix majori exceperit pelvi, plus septuaginta videlicet aquosas vesiculas, singulas castaneæ magnitudine pares, sibi que invicem fibris, ac membranulis adhærentes, Lymphâque refertas.

Valleriola lib. 1. obs. 10. pag. 71. junioris ac robustæ mulieris exemplum adiit, quæ gravidam se rata, quod omnia graviditatis in se experiretur signa, ac cum per sex, vel octo menses onus quoddam gestâset, post gravissimos dolores ingentem, membranaceamque edidit massam, aqueis vesiculis totam, tanquam ovis piscium, refertam; quæ omnes rotundæ, tumidæ, ac translucens, & aquoso, subflavoque liquore plenæ, necnon fætentes, ac per totam membranam, quâ tegebantur, tantâ dispersæ erant copiâ, ut fere numerari non possent. De aliâ quadam idem etiam memorat, quæ sexto à conceptione mense haud absque vehementioribus præcedentibus symptomatibus, non dissimilem membranam innumeris refertam hydatidibus protulerat. Utramque tamen aptis remediis valetudini pristinæ restitutam fuisse ait.

Similia habent *Mercatus de mulier. affect. lib. 3. cap. 8*, ac *Schenkius fol. 685*, *N. Tulpius obs. lib. 3. cap. 32.*

Pichart Zod. med. Gall. an. 3. fol. 73 narrat mulierem quandam de graviditate suâ non dubitasse ob menstruorum cessationem, anorexiam,

nauseam, ac vomitiones, nec non propter ventris tumorem, aliaque: Huic vero circa quartum mensem tales supervenisse refert dolores, quales parturientes ferre solent, quamquam nec externa vi, nec sanguinis fluxu præcedente. Ipsa rotundam fere massam postea duos pugnos magnitudine æquantem enixa est, totam quantam vesiculis majoribus, minoribusque constantem: hæ tamen communi membrana ambiente non cingebantur, nam sua peculiaris unicuique erat tunica, à cujus tergo exurgebat ligamentum quoddam singulas annectens loco cuidam, aut vasi ejusdem fere longitudinis, cujus est brachium, adeo ut minimæ illi proximiores essent, majores amplius diffitæ. Hinc exurgebant ordines, illis propemodum similes, qui in gallinarum ovariis conspiciuntur.

Vesicularum autem majores ovo columbino pares, universæ autem puro, tenuique liquore repletæ numero quater, vel quinquies mille erant. Lorum autem, cui tanquam mesenterio affigebantur, constructum videbatur ex plurimarum divaricationum vasorum conjunctione, originem è carnea massa placentæ haud multum dissimili, ac secundarum partem constituyente, ducentium.

Similem huic historiam narrat *Scholias* *decur. 2. an. 2. Ephemerid. German. obs. 95. fol. 237* de ingenti numero vesicularum dense sibi conjunctarum cum hepate uterino excluso,

in quo continebantur vesiculæ hæ magno numero, quæ recipiebant humorem limpidum instar cryſtalli; Per medium ferebantur vasa sanguinea in varios ramos diremta, qui furculos impertiebant vesiculis singulis. Credit ille serum in hoc casu à sanguine dissolutum è venis, & arteriis, ostiolis adapertis, vasisque lymphaticis ruptis, aut erosis, in abdominis cavitatem exsudasse, quod fit, ubi sanguificatio læditur, & loco boni sanguinis aquosus, & serosus gignitur, quo casu serum cæteris sanguinis partibus minus arcte junctum est, quare facilius, & minimâ quavis occasione ab ipsis secedit &c.

OBSERVATIO LXXI.

*Fætus materno in corpore
putrefactus.*

Contingit nonnunquam, ut matris in corpore fætus corrumpatur, ac, carne, partibusque tenuioribus tanquam pedetentim liqueſcentibus, ossa frustatim emittantur. Hujus rei exemplum in paupere mulierculâ videre mihi contigit, quæ diversis vicibus, simul cum urinâ ossiculorum tantum emisit numerum, ut fætus trium circiter mensium

306 OBSERVAT. RARIORUM
sceletum constituissent, quæ omnia accurate etiamnum servo.

IN OBSERVATIONEM LXXI.

AD majorem rei confirmationem è nonnullis quædam exempla non adeo recentium, sed perfectorum fætuum adducam.

Rossetus Hist. 5. pag. 250. testatur mulierem quandam viginti, ac tres annos natam excludere fætum non potuisse, quamquam robusta, valensque videretur. Contigit autem, ut mortuū fætus molliores partes jam putrefactæ per vulvam aliquamdiu diversis temporibus, nec non postea corrupta, exesæque ossa (quæ per novem menses corpore fuerant contenta) ex ulcerato, ac versus intestina perforato utero quotidie prodirent, unde in ventre ortus est abscessus, è quo aperto corrupta paulatim extrahebantur ossa, & qui, illo scribente, sanabatur postea, quamvis remanente fistulâ itidem denique curatâ.

Idem *Rossetus p. mihi 228. è Matth. Cornacis Historia* 1. de muliere quadam narrat, quæ per integrum quadriennium mortuum tulerat fætum, passimque putredinis fædæ plus, minusque per pudenda emittebat, ac è quâ diu postea variis temporibus pro dimidiâ parte putrefactus educebatur fætus.

Ex eodem *Cornace hist. 4. pag. 246.* de infante

te in ventre putrescente agit, cujus corrupta ossicula per abscessum paulo supra inguen ortum unâ cum pure penetrabant, quam tamen mulierem convaluisse addit.

Simile quid est apud *Alex. Benedictum lib. 26. cap. 33.* necnon *M. Cordaum comment. ad lib. 1. ac R. Solenandrum lib. 5. consilior. cap. 15. artic. 40.*

B. Ronssens Epist. med. 1. pag. mihi 3. de fœminâ agit, quæ integro anno gestati fœtus minora ossa primo cum urinis, mox & majora per alvum excrevisset. Confirmat hæc *Tulpius obs. lib. 4. cap. 39. fol. mihi 358:* cum meminit infantis cujusdam, qui ex utero ulceratione detrusus per anum excludebatur.

Confirmant etiam *Joh. Langius Epistol. tom. 2. Epist. 39 pag. 670.* *Marcellusque Donatus de med. hist. mirabili lib. 4. cap. 22. fol. 438.* ac *Franc. Rossetus de partu Casareo sect. 4. hist. 2. pag. 74.*

Albucasis lib. 2. Chirurgiæ cap. 76 pag. mihi 221. vidisse se mulierem tradit, quæ, quamquam mortuum gestaret fœtum, nihilominus fuerit imprægnata, licet & hic extingueretur fœtus. Diu autem postea prope umbilicum abscessus intumuit, è quo aperto pus effluxit, ac, procedente tempore, plurima ossa separatim prodire. Huic autem mulieri, quamvis sanatæ fistula remansit, quæ puris aliquid semper emittebat. *Thom. Bartholinus cent. 2. hist. 2. agit de vituli*

sceletum in utero vaccæ, dum mactaretur, inventum ossibus siccis, & omni prorsus carne destitutis.

Idem *centur. 4. hist: 14. pag. 238.* mulieris mentionem facit, quæ per sex annos omnino consumpti fætus ossa ventre suo gestavit, ac interea imprægnata nihilominus vivum produxerit infantem.

Felix Platerus obs. suis duas adfert historias, ubi mortuo fætu in utero restante, mater nihilominus conceperit. Similis casus meminit *Jacob. Primirosius de morb. mulierum pag. 316, & seqq.* Nec non *Foubertus de vulgi error. lib. 3. cap. 1. fol. 100*, ac *G. Harvæus exercitat. de partu fol. mihi 499.*

Marcellus, cujus modo memini, *Donatus cap. 22. lib. 4. fol. mihi 436* itidem de fæminâ agit, quæ, post gestatum aliquamdiu mortuum fætum, ejusque corporis molliores partes per uterum emissas (conclusis tamen interea eodem ossibus) nihilo secius iterum conceperit; cum vero postea pessime sese haberet, ac veluti in mortis versaretur discrimine, incisione ipsi apertus venter à circumforaneo quodam, eductisque ossibus, confusus fuit, atque illa sanata est. Quodque vel maximâ dignum est admiratione, tradit illam non tantum debito tempore conceptum fætum, viventemque, sed nullâ etiam parte læsum edidisse, ac postea quatuor enixam insuper fuisse partus. Ad confirmandam hujus narrationis veritatem varios testes

ibidem nominat, qui interfuerint omni operationi.

Idem pag. 437. ex *Ægidii de Hertoge Epist. ad M. Cornacem* de Belgicâ narrat muliere, quæ per 13 annos mortui fetus ossa corpore suo circumtulit. Vide etiam *M: Cornacem hist. 3. apud Rossetum pag. 240.*

De mortuo, putrefactoque embryone frustatim post 12 annorum intervallum emissio legis *Zacui: Lusitanum fol. 276.*

OBSERVATIO LXXII.

Canis è muliere nata.

E*lisabetha Tomboy*, cujus modo facta mentio, oblietrix eduxit 21. Septembris anno 1677. è cujusdam utero caniculam quandam membranis suis cinctam, viventemque, sed pilis carentem, nec non omnibus rite formatis absolutam membris atque minori digito magnitudine parem, qualem adjectæ sextæ Tabulæ figur. 2. exhibet. Hunc autem minus humanum abortum etiamnum calentem illa continuò ad ædes mei Fratris *Joh. Stalpartii vander Wiel* detulit. Ipsa autem mulier (dictu

310 OBSERVAT. RARIORUM
mirabile) nihilominus gravida perman-
sit, ac post 14. hebdomadas sanum ad-
modum, ac bene natum, nec non etiam-
num viventem peperit filium.

IN OBSERVATIONEM LXXII.

QUotquot in hanc observationem incident,
non ita facile, opinor, insoliti hujus ani-
malis conceptum formationemque invenient.
Hæc autem (quantum ex iis, qui nullo occupato
præjudicio mihi rem narrarunt, intelligere po-
tui) ita contigere; quæ, ut & matrem, quan-
tum quidem in me est, omni suspitione libe-
rem, addo.

Maritus homo plebejus, rudis, & potui de-
ditus insolito plane, inverecondo, ac prorsus in-
humano modo uxorem, & quidem invitam, à
tergo subinde cognovit, fustibus, & ferri acie
ipsi minitatus, nisi perversæ veneri obsequi vel-
let; quin & vel canis procreationi se daturum
operam scelestissimo dictitabat ore. Quæ detes-
tanda dicta, ut & coitus ille vere caninus tam
alte, & continuè hæserunt animo ejus, ut ima-
ginatrix vis assiduâ abominabilis hujus dicti,
factique reminiscentiâ adeo invaluerit, ut canis
hinc tandem fuerit efformata. Similium autem
præpotentium imaginatricis facultatis virium
apud scriptores passim fit mentio.

Fateor

Fateor equidem ingenuè in eorum quondam me fuisse opinione, qui viva animalia, veletiam monstra, quæ modo nata per cubiculum currere possint, ideoque sint suffocanda, à muliere unquam fuisse producta negant, ac, quidquid hac de re traditur, non nisi splendidis otiosorum hominum commentis, anilibusque deberi fabulis statuunt. Cujus rei pernoscendæ ergo jam ab ipsa usque juventute plurimas, easque peritiores, ac jam senescentes diligenter interrogavi Obstetrices, quæ utique omnes oculatas sese fuisse negabant testes, ut ut ab aliis intellexisse se non ignorarent. Ipse autem fide dignissimorum scriptorum hujusmodi partus affirmantium immenso convincor plane numero, cogorque fere, ut, abjuratâ priorè erroneâ opinione, in ipsorum secedam partes. En scribentium turbam, en testium nubem: *Matthæus de Grado comment: suis in Rhafin cap. de Molâ de animali alato à muliere producto, quodque illico post nativitatem volaret, testatur. Molæ volatilis effigiem avem quadrupedem referentem exhibet Thom. Bartholinus Act: med: Philosoph: tom: 1. cap. 26. cujus sceletum in Museo suo servat vir illustris G: Rozæcranzius Præses Regius Soranus. De eâdem vide etiam obs. med. phys. German. decur. 1. an. 2. obs. 160. fol. 256, ut & an. 3. obs. 129.*

Phil. Salmuth. cent. 1. obs. 62. fol. 40. De avi quadam simul cum bene nato fœtu nascente.

Aves, muresque, ac serpentes è foeminis fuisse natos *H. Mercurialis consilio* 85, ut & *Paraus* testantur. De mure crassiore, cauda carente legere est apud *Foubertum de erroribus popularibus*. Idem, de quo mox monui, *Salmuthus* de quinque muribus, iisque viventibus à muliere in lucem emissis, qui è matrice educti perque obstetricis manus quam citissime salientes huc illuc aliorum more murium per cubiculum discurrebant, mentionem facit. *Phil.* autem *Camerarius* de novem muribus tradit.

De animali Helsenuriæ nato, quod majoris gliris instar, ac illico cursu sese oculis hominum subtrahens postea non fuerit visum, refert *Bartholinus cent. 1. hist. 10. fol. 20.*

Zacutus Lusitanus prax. admir. lib. 2. obs. 149 fol. 79, de animali quadrupede narrat, quod manus palmam magnitudine, pollicem crassitie æquans, piloso capite, atque ore acutiore prodibat, quodque in liquore repletam lagenam immissum biduum nativitati superfuit. Eâdem observat: relatum sibi fuisse à *D. Nicol. Fontano* ait trigenariam, postquam enixa esset filiam, incidisse post 12 horas in animi deliquium cum feбри acutâ, & delirio conjunctum, ac deinde excrevisse per uterum rotundum globum tenuissima membrana alba contextum, è quo disrupto exierunt duo animalia longa, anguillarum formâ, viva, rubra, dorso purpurea lanugine resperso, oculis vividis, dimidii palmi longitudine,

ne, crassitie digiti minimi, quorum caput pro corporis proportionem fuerit amplissimum: quæque ambo post duas horas per domum repere visa sint, quibusque excretis fœmina placide ab-dormiverit.

A. Paraus lib. 19. fol. mihi 424 varias etiam monstrorum exhibet species, sicuti & *Gesnerus hist. Animal. lib. 2. de ranis*, nec non *Andr. Laurentius lib. 2.* ac *Schenkius obs. medicin. lib. 4. de molis vitalibus fol. 687*, &c. *Scholiographus ad cap. 61. lib. 1. Hollerii de morb. internis*, *Delrio disquisit. magic. lib. 2. quæst. 7.* *Levin. Lemnius lib. 1. de occult. naturæ miraculis cap. 8. fol. mihi 38*, *G. Hieron. Velschius obs. med. Episagm. 76. fol. 50.*

De bufone multipede *Laz. Riverius cent. 2. obs. 100. fol. mihi 203*, nec non *Lycosthenes, Bodinusque.*

Bartholinus act. tom. 2. pag. 98 de monstro capræ non multum dissimili, quod à Lugdunensi in Batavis muliere, quæ indias Asiaticas petebat, productum illico per navim procurreret, scribit.

Bauhinus App. ad Ronssæum de maxima agit millepedâ.

Wierus de Prestigiis Daemonum cap. 6 de talpis. De mustela, vel animali huic simili, cum humano fœtu simul nato *Torquemado Dialogo 1.*

Appianus Alexandrinus de Bello Civili lib. 1. mulierem quandam Romæ serpentem edidisse scribit.

314 OBSERVAT. RARIORUM
scribit. Simile quid narrat *Sabellicus libri 3.*

Celeberrimus Vir *Joh. Ludov. Hannemannus obs. 55. miscell. med. phys. German. decur. 2. an. 2* mentionem facit de serpente simul cum fœtu excluso qui ventrem ejus juxta regionem stomachi instar balthei militaris cinxerat.

De fœmina, infante, duobusque gravidâ serpentibus, refert *M. Cornax. hist. 6. pag. 251.* Idem & *fol. 254* de muliere memorat, quæ ranam, bufonemque simul, nec non Salamandro simile quid produxerit, mentionem facit. De monstro *Wagenheimii* nato, quod 4 pedes acutis haberet unguibus, mensasque ac scamna transcenderet legendus *Horstius lib. 9. pag. mihi 543.*

Clara Anthonii (scribente *Jobo Mekerano App. obs. med. Chirurg. fol. 440*) anno 1653, primo parvulum quoddam monstrum instar limacis etiamnum vivens, post quatuor autem, vel quinque horas sex mensium abortum edidit.

Non possum equidem hoc loco silentio præterire, scripsisse nuperrime celebrem medicum *Joh. Baptistam de Lamzweerde hist. nat. molar. uteri cap. 25. pag. 322. ex merâ obstetricis relatione me referre de hac cane.* Potuisset equidem ille, si paulo accuratius celeberrimi *D. Joh. Ludov. Hannemanni verba*, quæ *dec. 2. miscell. med. phys. obs. 55. fol. 91* reperiuntur, legisset, non ignorare me, qui Belgico sermone ante annos aliquot hæc observationes edidi, *Cornelium non Johannem vocari Stalpartium*

van-

vander Wiel. Meus autem frater *Joh. Stalpartius vander Wiel* tum temporis hic Hagæ Chirurgiæ, & Anatomix Professor calentem etiamnum canem domi suæ ab obstetrice accepit, atque ipse cum sexentis viris, usque satis eruditis (quos inter & scriptis Nobiles medici erant D. *Cornelii Bontekoe*, ac *Solinguus*) hanc vidi, manibusque contrectavi. Quod si etiam D. *Lamzweerde* meam legisset observationem, scivisset adhuc à matre calentem canem fratris mei, (qui illam liquore quodam à corruptione defensam annis aliquot post plurimis ostendit) domum fuisse portatam, nec me ex sola obstetricis relatione scripsisse opinatus fuisset.

OBSERVATIO LXXIII.

De Molâ virginali.

PUella quædam viginti quatuor circiter annos nata, hicque Hagæ habitans protulit mense Augusto an. 1681 molam, postquam jam per septem hebdomadas menstruus cessasset fluxus, qui alioquin (ita enim ajebat illa) ne per unum quidem diem solito tempore cessasset. Magna itaque hinc illi nausea, membrorumque torpor natus, ac post septem

septem hebdomadarum spatium ipsa pef-
fime se habere cæpit, nec multo post
sanguinis fluxus non sine animi deliquio
supervenit, produxitque illa membra-
nam orbis prudentibus apponendi, si
margines demas, instar, ac postridie
non coagulati sanguinis, sed carneam,
solidamque massam duos digitos in lon-
gum extensos longitudine, duos autem
cum dimidio pollices in latum patentes
latitudine æquantem, ac intus cavam, &
cellulis (quales intra Cor) distinctam.
Hanc autem emissionem ejusmodi dolo-
res, sanguinisque secuti sunt fluxus, cu-
jusmodi plerumque immaturi fætus
abortum insequi solent.

IN OBSERVATIONEM LXXIII.

NON ita facile admittunt plurimi molæ à fæ-
mina absque ope virili productionem. *Ga-
lenus* enim disertis verbis negat *l. 14. de usu part.*
cap. 8, nec non *Hippocrates lib. de sterilibus.*
Item tractatu de morb. mulierum: A quibus non
dissentit *Aristoteles*.

Quamvis autem *Hippocrates*, *Galenus*, ac
Aristoteles, aliique plures absque viri congressu
mulierem molam producere posse negent, con-
trarium

trarium tamem experientia, plurimorumque fide dignorum scriptorum monstrant testimonia, qui molas non à puellis tantum, aut viduis, sed & à vetulis productas fuisse tradunt.

Philip. Höchstetterus obs. med. decad. 6. pag. mihi 697 meminit generosæ virginis in gynæceo quodam, quæ singulis mensibus cum menstruo carnosum quid instar molæ deponeret.

Th. Bartholinus hist. Anat. cent. 1. hist. 67. pag. mihi 142 meminit tredecim annorum puellæ, quæ in durius pavementum è scalis incidens se vix læsam senserat, sed nonnullis post hebdomadibus lumborum ei ortum dolorem sensim ipsius secutus est ventris tumor, cujus diligenter examinandi ergo post alias etiam consulta obstetrix, perspecto corpore, gravidam puellam judicavit. Cumque hæc misera indies deficeret, nec ullo juvaretur medicamine, octavo post casum hebdomada extincta est. Aperto parentum consensu cadavere uterus ulceribus scatens, sed pure carentibus, ac fælore, in interna autem ejus cavitate spongiosæ, putrefactæque carnis frustum reperiiebatur quatuor cum dimidia libras appendens, ipsa autem viscera bene constituta, ac sana inventa sunt. *Idem Act: med: Philosoph: part: 3 cap: 17 fol: mihi 29* simile quid de virgine, monasterii cujusdam Abbatissâ, tradit. *Item part: 4 cap: 11 fol: 37, & 38. Greg: Horstius lib: 4 de morb: mulier: obs: 39 pag: 293* de virgine viginti duos annos habente memorat, quæ

quæ itidem, cum menstrua fluerent, è scaliis decidit, quo casu, mox cessante fluxu, maxima ipsi respirationis supervenit difficultas, quod accidens venæ brachii sustulit scissio, licet ne per sex quidem menses redeuntibus catameniis. Cum itaque tussi, respiratione difficiliore, ac ventriculi dolore, aliisque affligeretur symptomatibus, remediis ad eliciendos menses usa est, sectâque bis pedis venâ, molam muri majori similem, at vitâ carentem non sine maximo sanguinis produxit effluvio.

De viduis, quæ molas emisserint, inter alios testatur *Ioh: Rhodius obs: medic: cent: 3, cap. 53 pag. mihi 173*, ubi de quâdam, cui sexagenariæ provenerit Mola, narrat, quæque jovem lapidem juraret sese octodecim proximis annis cum nullo rem habuisse.

Petrus à Castro de septuaginta annorum anu refert. Nec absque ratione id fieri autumat *Melchior Sebitzius singulari de molis dissertatione*.

Marcel. Donatus lib: 4 cap: 25 pag. mihi 451 de nobili, ac honestissima muliere memorat, quæ eufarca, sanguinisque abundans copiâ sexto supra quinquagesimum ætatis anno, jam diu cessante circuitu menstruo, plurimos ediderit carnosos abortus, alios pugno similes, minores alios, durioresque, ac molliores, post quorum ejectionem sanguinis plurimum, uti in verarum secundarum emissionem fit, dolenti admodum profluxerit.

De molis per multos annos utero inhærentibus agunt *Alex. Benedictus lib. 26. de morb. cap. 36. Schenkii lib. 4. pag. mihi 679. G. Horstius lib. 4. de morb. infimi ventris obs: 53. fol. 244.* Sequentia autem tantum, ut brevis sim, adducam exempla.

Dodonæus obs: med: cap: 49 fol: 119. de carneâ molâ pedem fere longâ, medium latâ, tres autem digitos latos crassâ testatur, quam quindecim prope annis honesta admodum gestarit vidua uteri procidentiam rata, quod circa illius os nonnihil propendere sentiret. Illa tamen, ut idem ait, solito purgabatur tempore, imò magis abunde quandoque, quam expediret, ac tandem post graves labores parturienti similis molam edidit.

Interdum & molas in uteri collo nasci tradunt *P. ex Aeginâ medicus lib: 3. cap: 69. Etius sect. 16. & 80. ut & Marcellus Donatus lib: 4. pag. 457. Hoechsteternus obs: med: dec: 6. pag: 457.*

Iob: Fanisch miscell: med: phys: curios: decur: 1 an: 2 obs: 79 pag. 154. de fœminâ scribit, quæ cum decem perfectos factus, ac pene totidem abortus edidisset, jam parere cessans, non, nisi molas, modò unam, modò plures, singulis mensibus per sesquiannum, etiam absente longo tempore marito, haud absque acerbissimis parturientis doloribus, nec non insequente sanguinis fluxu, denique molam produxerit infantis caput instar per totum gestatam quinquennium
uteri

320 OBSERVAT. RARIORUM
uteri quoque procidentia se laborare credens?
hæc autem usque adeo dura, ac tenax erat, ut
vix securi dividi potuerit, absque putredine,
& hinc orti foetoris molestia: Quodque magis
miremur, sine omni sanguinis vestigio. Quo
facto prolapsus uteri quinquennis evanuit, &
molæ molem non in utero, sed extra eum in
vagina uterina circa exterius pudendi orificium
tam diu latuisse eventus docuit, uteri situ incul-
pato invento.

Omnia hæc, uti par est, perpendens statuo
nullas molas sentientes, vel se moventes absque
viri ope produci posse. Ita & *Paulus Zachias*
lib. 1. quest: med: legal: tit: 3 quest: 6 num: 35 &
36 pag. 72 sentit inter viventem, vitæque ca-
rentem, ac plantæ modo nutritam distinguens
molam: quarum illam absque viro vix, hanc
autem, illæsa pudicitia, rarius produci statuit.

Nullam omnino sentientem, aut se moventem
molam sine virili auxilio generari posse credit
Marcellus Donatus lib. 4 pag. mihi 455, quam-
quam non dubitet, quin quædam motu, sen-
suque carentes sine virorum congressibus
gignantur.

Anne etiam polypum in naso, carnosam in
vulneribus, ulceribusque excrescentiam, fun-
gos in juncturis, alibique, nec non alias in mul-
tis corporis partibus provenire cernimus ex-
crescentias?

Quidni itaque rudis, indigestaque carnis
massa

massa in utero generationi à Creatore destinato producat? Carnosas, rudesque, ac formâ destitutas massas, quæ ultro moverentur, quandoque à maritatis editas fuisse mulieribus ajunt *Joh. Matthæus de Grado comment. in Rhasin cap. de mola*, plures vidisse scribens, quæ per horam post ejectionem moverentur, ac *Zacutus Lusitanus pr. med. mirab. lib. 2. obs. 44. pag. mihi 264*, ut & *Greg. horstius lib. II. pag. 543*. Si itaque virgines, viduasque molas emittere posse statuamus, quo tamen id fiat pacto, sciamus oportet.

Veluti igitur in alias corporis partes nonnihil sanguinis ex arteriis, aliussve humor ex lymphaticis vasis effundi, ibique coagulari potest, qui postea in Sarcoma, vel Atheroma, Steatomave, aut Meliceriden pro materiæ diversitate mutatur quique tumor, sive excrescentia ab omni parte membrana cingitur, ad quam quotidie affluit alimentum: Ita etiam in viduis junioribus, virginibusque plurimis de causis, præcipue vero præcedente fortiori veneris imaginatione fieri potest, ut sanguinis nonnihil, vel alia materia extra vasa in uteri cavitatem effluat; quo casu uterus in ejusmodi lascivis concipiendi avidus è solo sanguine ob defectum fermenti seminis virilis verum conceptum formare non valentis rudem potius massam profert, quæ sensim incrementum sumit.

Hujus etiam opinionis est *Levinus Lemnius*

de occult. natura miraculis lib. 4. cap. 19 sub finem, cum quod famelicis quandoque, qui gratissimo dapum odore inculinis quodammodo satiantur, eoque, deficiente alimento, reficiuntur, contingit, id ipsum jam viro maturæ, ac nubili virgini accidere ait, quæ amantem dilectissimum, cum eo potiri nequeat, tacito sinu fovet, illum animo menteque etiam absentem concipit, ita ut illa imaginatione crebra, validissimaque, informem quandam concipiat massam, conglobatis, collectisque in iis partibus humoribus qui conceptui inserviunt, quæ informis concretio imaginaria Venere nullo conceptu, virique opera perficitur.

Hujus etiam sententiæ est *Fernelius physiol. lib. 7. cap. 6. fol. 177*, ubi de ovis loquitur, quæ subventanea dicuntur, & de rudioribus molis, quas mulieres quandoque nullo viri concubitu concipiunt, in his siquidem procreationis est quædam adumbratio, quam matris semen, si suis instructum viribus accessisset, tanquam multo potentius, numeris, & ornamentis omnibus absolvisset.

Avicenna fen. 21. lib. 3. tract. 2. cap. 18 calidæ uteri intemperiei molæ productionem attribuit. Cui adstipulatur experientia: quæ enim sine maris ope molas gignunt, viragines plerumque sunt, lascivioresque sæminæ, ut & testatur *Marcellus Donatus lib. 4. de med. hist. mirab. cap. 25. pag. mihi 455*, cum ait vidisse mul-

CENT. PRIM. OBS. LXXIII. 323
multas fæminas, sed falaciores, ejusmodi molas
generasse.

Assentitur etiam *Galenus lib. 2. de semine*,
calidioris temperamenti fæminas, viraginesve
molam concipere posse statuens.

OBSERVATIO LXXIV.

Fætus in secundis repertus.

E*Lisabetha Tomboy*, cujus supra me-
mini, retulit mihi sese è puerperâ
geminos excepisse, quorum alterius
membranæ amnio quoddam accrevisset
corpusculum, haud aliter quam majo-
ribus ostreis minus quandoque adhæret,
quod funiculo quodam placentæ con-
junctum esset, & in quo parvulus fæ-
tus digiti instar lateret. Hic autem mas-
culus omnibus absolutus membris, al-
tera pectori imposita manu, sed durus
admodum, ac tanquam è latere cocto
consisteret, reperiiebatur.

IN OBSERVATIONEM LXXIV.

HUic nostræ de fatu in secundis reperto
per omnia similem observationem habet.

Nic: de Blegny *Zod. med. Gall. an. 1 obs. 8 f. mihi* 8. *Fœmina quædam, inquit, puellam peperit, cujus secundinas perlustrans D. Amiens Chirurgus Regius, tempore partus accitus, in iis latentem deprehendit fœtum marem, manus longitudine, membranis propriis adhuc obvolutum, adeoque totâ suâ longitudine compressum, ut vix crassitie quartam pollicis partem adæquaret: ipsa etiamnum cranii ossa, suturarum ratione, eandem constitutionem adepta erant: Cuti, & carni eadem propemodum inerat soliditas, quæ in fœtu diutius spiritui vini immerso deprehenditur, vix in membranis ipsis ulla alteratio animadversa, &c.*

Fœtus hic noster superfœtatio dici nequit, verosimile autem est eum dicto loco induruisse, quod debito alimento destitueretur, subtrahentibus illud geminis, quoniam ille cum his unâ eâdemque membranâ fuit conclusus, sentiat quivis, quicquid libuerit, quamquam nec accedam superfœtationes dari negantibus, quod dixerit *lib. 5. Aphorif. 51. Hippocrates* gravidis os uteri internum clausum esse; nec non *Galenus lib. 2. de symptom. causis classe 3. cap. 3. fol. mihi 21, ut & 3. de natural. facultat. Classe 1. cap. 3. fol. mihi 302* scribat, quam diu gravida sit, mulieri uterum tam arcte claudi, ut ne acus quidem acies intromittatur. Verum illi *Hippocratem* non recte intellexisse videntur, cum verbum *συμμιεσθαι*, non prorsus clausum esse, ut

sty-

stylum ne minimum admittat, sed connivere, ut nos palpebris, cum dormimus, significet.

Adr. Spigelius corp. hum. Fabricæ lib. 8. cap. 22

Uteri os, inquit, gravidis hiet, tantoque magis, quanto sunt partui viciniore, quicquid etiam alii crepent ex Hippocrate, cum ipsi nec recte eum intelligant, neque experientiam, quæ veterum scriptorum, imprimis autem divini Hippocratis, fidissimus est interpret, consulant.

Ego vero non tantum centies id tetigi, sed & obstetrices investigare docui, ut cognoscerent, revera gravis essent mulieres, an molam tantum gererent, cum facile digito id explorare liceat. Docui quoque easdem, cum tempore partus maxime hiet, investigare, fetusne versus terram capite sit convolutus.

Uteri autem os postremis mensibus aliquo modo aperitur, quoniam illius ob magnitudinem foetus extensi cervix, contractione brevior fit, ut haud difficile sit per id tempus uteri os digito attingere, præsertim si pedibus gravidæ insistant.

Nec metus est, ne aer subintrans sætui damnum adferat, nam uteri osculum cum hiet in gravidis, obturatur crassâ & lentâ materiâ, quæ non solum impedit ingressum aeris in uterum, sed visciditate suâ, partu tempore, uteri sinum, & pudendum lubricat.

Integrum de superfætatione librum scripsit divinus Medicorum Magister Hippocrates;

„cujus principio, *Superfatant autem*, inquit,
 „mulieres, in quibus uteri os, post primum
 „conceptum, non ita valde clauditur, quod
 „evidentibus quibusdam signis constat.

Commodissimum autem superfætationis tempus videntur mihi primi esse menses, quia tum fætus nondum ita accrevit secundum omnes uteri parietes, ut ovulo è tubâ fallopianâ delapsuro ob nimiam ipsorum extensionem idoneus adhærescendi locus adimi posset, nam licet os matricis internum post conceptum claudatur, nihilominus interdum conceptio de novo fieri potest.

Idem *Hippocrates* superfætationis exemplum de muliere Larissæa lib. 5 *Epidem fol. mihi* 1144. adducit, quæ quadragesimo à primo partu die, quod præpostere conceptum fuerat, exclusit.

Eam admittit quoque *Aristoteles* 7. de histor. animal. cap. 4. Nec non *Plinius* lib. 7. natural. hist. cap. 11. ut & *Dan. Sennertus*, *Nicol. Florentinus*, *P. Pereda*, alique innumeri. Sed superfætationis natura, & ratio tantis difficultatum involucris est implicita, ut plerique eam fieri non existimarent, verum audiendi non sunt, inquit *Andr. Laurentius* lib. 8. quæst. 22.

Qui testimoniis tot, & tantorum virorum non convincuntur, ait *Theod. Kerkringius* obs. 2. fol. 4. veniant, & videant duo penes me sceleta geminorum uno partu editorum, quorum alter erat 8 mensium, alter, quantum nunc ex ossibus appa-

apparet, & tunc cum carne vestitiâ mihi offerebantur, è toto corporis habitu apparebat, quartum non attigerat mensem.

Frid. Lossius obs. medic. lib. 4 obs. 14. fol. 355 sibi in praxi contigisse dicit. *Consultissimi Viri D. Joh. Chaffe uxorem adhuc juvenem statò naturæ termino peperisse filiolum recte formatum, integrum, & bene sanum: nono vero à partu die iterum enixam fuisse, seu perdidisse fætum adhuc immaturum, quem nondum trium mensium maturitatem complevisse conjecturabat, propriâ secundinâ involutum, cui neque oculi, neque aures, neque os patebant, licet sexus distingui posset. Vero perquam simile est, inquit idem, Uterum post primum conceptum, non exquisitè clausum, vel saltem seminis avidum ex voluptate, quam in congressu percipiebat, iterum nonnihil fuisse apertum.*

Rarissimum superfætationis exemplum adfert *Thom: Bartholinus centur. 4. hist. 15. fol. mihi 139, ut & Rembert. Dodonaus schol. ad obs. III Anthon. Benivenii.*

Verum, ut brevis sim, unicum tantum lectoris delectandi ergo, ex *D: S. Viresio* rarum oppido superfætationis adducam exemplum.

Scribit ille *Theatrum magni dulcium, atque utilium historiarum cap. 61. pag. 433.* De fætu improvisè admodum post alium, quocum in utero creverat, quique jam editus objerat, nato, cujus parentes in oppidulo *Hertshornâ* nomine,

haud procul Heidelbergâ habitabant. Hic infans diu post patris, qui nobilis, ac dives admodum fuerat, obitum nascebatur, ejusque uxor Testamento hæres instituta in mariti bona allodialia successerat, feudis, quæ amplissima possederat, deficiente prole masculâ, ad agnatos proximos perventuris. Cum itaque mater mortis conjugis carissimi tempore gravidam sese esse quodammodo suspicaretur, nec tamen certo sciret, feudorum possessionem agnati invasere, necquicquam obnitente viduâ, atque, ut id temporis, quo infans nasci posset, præterlabi finerent, postulante. Cum vero aliquamdiu post pareret, mortuus prodiit fætus: eoque insolentiores facti proximi, tanquam jure, feuda inter sese partiti sunt, atque iis etiam viduam intervertere, coepere, quæ ad ipsam testamenti vi pertinebant. Cum verò huic venter post partum illum etiamnum tumeret valde, ut balnea Badensia peteret, consulere medici, pravis humoribus illum tumorem ortum dicentes, hydropicamque ipsam judicantes, adeoque balneis reficiendam, sanandamque. Illa itaque Badenam profecta degentibus id temporis ibi forte Moguntino, ac Saxone Electoribus, secundo post adventum die parturientis labores sibi supervenire sensit, advocataque obstetrice, pulcrum, valentemque optime edidit filium, qui octavo post genitoris obitum mense, undecimæque post ultimum partum prodiit



fig. 2
Fol. 329



fig. 2



CENT. PRIM. OBS. LXXIV. 329
diit hebdomada. Miræ fatis rei fama illico ad
Electorum pervenit aures, voluitque Mogun-
tinus infanti, cum sacro baptismatis lavaretur
fonte, adesse compater: Saxo eidem mille Im-
periales (quos vocant) donavit, deditque Hey-
delbergam ad Palatinum literas, uti ipse avidos
illos, rei que non suæ inhiantes nimium, possessione
feudorum dimoveat, viduæque illa, utpote
Ferdinandi recens nati vasalli matri, restituat.

Quod continuo quidem factum fuit; nec sua
tandum damna noxiâ cupiditate orta dolvere ag-
nati, sed, quod longe durius malum, cachinni
dolores auxere.

OBSERVATIO LXXV.

*Gemini, singuli quidem suo utentes um-
bilicali funiculo, at tertio insu-
per communi donati.*

Illa, cujus proxima meminit obser-
vatio, obstetrix retulit mihi sese hic
Hagæ bis diversis locis geminos exce-
pisse singulos sua conclusos membranâ,
tribusque, prout adjecta tabulæ sextæ
primâ monstrat figura, funiculis uten-
tes. Uterque fætuum propria donaba-
tur placenta, quæ ambæ (licet non abs-
que

330 OBSERVAT. RARIORUM
que cujusvis infantis membranarum interstitio) sibi invicem propinque admodum matricis fundo, lateribusque affigebantur, quarumque è centrīs utrique fœtui communis ad umbilicalium vasorum radices, antequam placentis infererentur, prodibat funiculus. Tertius etiam funiculus, vasaque umbilicalia communia non aliter gyris, nodisque erant distincta, quam in recens natis plerumque conspiciuntur.

IN OBSERVATIONEM LXXV.

PLurima quandoque insolitâ quadam produci lege observationum nostrarum non paucæ evincunt. Quamvis autem id, quod modo attuli, mirum forte videatur, inveniēmus tamen, si accuratius paulo inquiramus, ejusmodi vasorum conjunctionem sæpius alibi nostro in corpore contingere, scilicet præsertim in sanguiducis vasis, ac parenchymatibus. Id ipsum autem fit, ut ex uno vase in aliud sanguis transiitum inveniatur, ac dubio procul nostro casu factum est, ut, quicquid esset in unius placenta, funiculove sanguinis, in alterius vasa transfunderetur. Cujus placentarum sanguinis communionis ope gemelli isti haud dubie
tem-

temperie, aliisque proprietatibus magis similes erunt.

Certant viri docti, num gemelli in utero imprægnatæ unâ, eâdemque semper cingantur membrana, quæ in duas, veluti mediastino quodam, divisa partes fætus distinguat? Verum equidem est in superfætatione, cum nec simul concipiuntur, nec simul eduntur, singulos fætus distinctis involvi membranis, diversisque uteri affigi partibus, ita ut, etiamnum incluso altero, alter emitti queat. Longe autem aliter circa gemellos eodem conceptos tempore res sese habet, qui eadem quidem plerumque inclusi membrana, eodemque contenti loco alterius tamen cujusdam tenuioris membranæ interventu distinguuntur, quæ aquæ pressione post alterius egressum facillime rumpitur. Proprio autem quivis utitur funiculo ab umbilicalibus utriusque vasis producto; distincta est & cuivis placenta: quamvis autem extrinsecus aspecta una tantum videatur, proprius tamen adspicientes duas, pluresve videbunt pro fætuum inclusorum numero, hæ tamen omnes vasorum interventu communionem inter se habent, ut ex hac in illam transmitti queat sanguis.

Th. Bartholinus cent. 4. hist. 83. pag. mihi 403 de gemellis agit, quorum singuli propria cingebantur membrana, quod & nostra docet observatio, ejus tamen casum tertio illo communi funiculo observatu digniorem reddente.

De uno, eodemque fœtu cum duplici funiculo, duplicique placentâ vide sis *Ephemerides Germ. decur. 1. an. 1. obs. 39. fol. 127.*

Tergeminos quandoque eâdem membranâ conclusos repertos fuisse idem tradit scriptor. Nec videtur illud mihi minus verum, quandoquidem supra memorata obstetrix illud ipsum sibi in rustici cujusdam tergeminis videre licuisse retulit. Eo tamen casu distincto quivis ligatur funiculo.

Tale exemplum etiam adducit *C. Solingius tract. de Embryulcia fol. 292* sed eo casu tres isti fœtus duabus intermediis à se invicem segregantur membranis.

OBSERVATIO LXXVI.

Sanguinis fluxus continuus ad ipsum usque partes diem, novæque insuper singulis mensibus auctus profluvio.

PRæstantissimus Medicus *D. Theod. Liebergius* dixit mihi præcipuam quandam matronam extra Hollandiam degentem plethoricam admodum, & corpore tenui ab ipso usque imprægnationis initio continuo sanguinis fluxui fuisse obnoxiam, qui singulis itidem men-

mensibus novo augeretur genitali effluvio. Plurimi itaque consulti Medici gravidam non credidere. Contigit autem postea, ut Hagam veniens dictum etiam consuluerit Liebergium, qui unico inductus indicio, mammarum videlicet tumore, gravidam negare non potuit, at dubius tamen paulo diutius perpensurum omnia, sequentique se rediturum die promisit. Cum vero adesset postridie, matronam jam septem mensium fætum edidisse comperit, qui quamvis diu non superesset, baptizatus tamen fuit.

IN OBSERVATIONEM LXXVI.

H*ippocrates sect. 5. Aph. 60. Si pregnantiait, purgationes menstrue currant, impossibile est, ut bene valeat fætus.*

Ut autem recte intelligatur Aphorismus ille, distinguendum est, considerandumque, num fluxus ille major sit, minorve, frequens, an infrequens, num se prope graviditatis finem, an verò alio manifestet tempore, denique quo modo quibusve ille fiat viis.

Cum itaque dicat *Hippocrates, si pregnantia purgationes currant menstrue*, non de unico fluxu,

fluxu, sed de pluribus, qui sæpius, diversis temporibus, vel singulis mensibus contingunt, loquitur. Ita enim capiendum Aphorismum primus ejusdem de morbis mulierum docet liber, ubi gravidarum uteros, si plus justo aperiantur, singulis mensibus sanguinem eodem plane modo, quo non gravidæ solent, mittere scribit: libro autem *de Natura pueri* non nocere ait, si uno, & altero mense nonnihil sanguinis imprægnatæ, dummodo non singulis ad partum usque mensibus, emittant. Hujus autem ratio in promptu est: si enim sanguine abundat valde illa, quæ jam concepit, quid ni etiam illius portionem per menses aliquot absque ejus, qui in utero est, (ut ex veterum loquar opinione) nutrimenti detractiōe ejiciat? Si vero gravidæ non prioribus tantum, sed & posterioribus ad usque partus tempus mensibus sanguinis ea decedat copia, quæ non gravidæ fluxit, tum demum plerumque contingit, ut fætui nutrimentum debitum, nec non robur, & calor adimatur, præterquam quod mulierum, licet non imprægnentur, corpora istæ purgationes plus minus, pro illorum constitutione, turbent, atque ipsum etiam fætum participem reddant. Hujus etiam *Aristoteles* est sententiæ, qui lib. 7. de hist. Animal. cap. 3. & lib. 1. de generat. Animal. cap. 19. Si menstrua, inquit, gravis quovis mense solita fluant copia, fieri non potest, ut fætuseam conservet sanitatem, quâ, si matri parum,

nec singulis decederet mensibus, gauderet. Quinto itidem de hist. Animal. qualdam reperiri mulieres, quæ per totum imprægnationis tempus sanguinem emittant, has autem parvulos, tenellos, ac rarissime vitales producere fætus tradit.

Quantum ad vias, quibus utatur effluens cruor, si modicus sit fluxus, ac validæ, beneque se habenti primo gestationis superveniat tempore, nec terror quidam, aut iracundia, nec etiam lassitudo saltusve, aut longiores curruum motationes, vel crebriores sternutationes, graviores tusses, vomitusve, nec alia denique externa casuum, verberum, ictuumve præcæferit vis, certissimum est fluxionem è matricis colli vasis provenire. Confirmat id *Galenus lib. 6. de locis affectis sub finem cap. 5. Item Comment: in Hippocrat. aphorism. 60. sect. 5.* Ideoque non ita metuendus erit abortus, si quandoque menstruum emittat imprægnata sanguinem.

Hieron: Reusnerus obs. med. pag. mihi 55. perhibet, *Jacobum Lochnerum* testari, vidisse se gravidam, cui singulis mensibus absque omni incommodo sanguis flueret, haud aliter quam cum nondum uterum ferret. Similes casus se *Vratislaviæ in Silesiâ* in duabus diversis mulieribus itidem imprægnatis vidisse memorat.

Thom: Bartholinus centur. 3. hist. 13. pag. mihi

mibi 32. Mercatoris uxorem novit Hafniæ, cui; quotiescunque gravida esset, tantum superveniret sanguinis effluvium, ut propter corporis debilitatem lecto quandoque inhæreret diutius, quod tamen solito cessaret tempore, atque à primo ad usque ultimum gestationis mensem inchoaretur justâ lege, quamvis ipsa validos nihilominus ederet filiolos.

Gravidæ apud *G. Fabritium Hildanum centur. 5. obs. 41.* toto gestationis tempore liberalissime fluxerunt menses. De aliâ refert *Solenander sect. 5. consil. 15. pag. 492.* quæ innoxie majori quantitate, quam aliis temporibus mensium habuerit profluvium.

De plethoricis itaque non erit intelligendus ille Aphorismus, quibusque ea est sanguinis copia, ut hæc, nisi venæ sectione eliceretur, dictâve minueretur fluxione, vel abortus, vel ipsius imprægnatæ existeret mortis causa.

OBSERVATIO LXXVII.

Menstrua Periodus infanti anni unius.

Idem Medicus *Theod. Liebergius* mihi etiam consultum se nuper fuisse memoravit de filiолâ quâdam, cui, quamquam unum tantum annum, vel paulo amplius habenti, sed optime valenti
jam

jam ter repetitâ vice adultarum more
(habitâ sanguinis, infantisque tenelli
corporis ratione) menstruus fluxerat
sanguis.

IN OBSERVATIONEM LXXVII.

Sicuti mulieribus rarius post quinquagesimum
annum menstrua proveniunt, ita etiam vix
ante quartum decimum fluunt: quamquam plu-
rimis citius supervenerit hic fluxus.

*Hercules Saxonia part. 3. praelect. pract. cap.
23. fol. mihi 257.* puellulam quinque annorum
novisse se narrat, cui provenirent menstrui flux-
us, quique pro corporis modulo singulis lunæ
circuitibus continuarentur.

*Fred. Deckers notis ad praxeos Barbettianæ
caput 13. fol. 247.* Lugd. Batavor. se observasse
dicit duas puellas, alteram septem annos natam,
alteram duorum circiter annorum menstrua ha-
buisset, verum natu minorem post tertiam perio-
dum periisse, cum major natu, licet jam sexies
singulis mensibus rediisset ille fluxus, sana man-
ferit. Simile exemplum habet *G. Fabrit. Hil-
danus cent. II. obs. 60.*

*Celeberrimus olim Medicus N. Tulpius lib. 3.
obs. pag. mihi 255.* de puellâ scribit, cui, cum
à quarto ad octavum annum debito semper tem-
pore, modoque purgata esset, ac casus quidam
menstruum illum impediisset circuitum, fursum

338 OBSERVAT. RARIORUM
in caput sanguis ascenderit, graviumque extiterit causa symptomatum: quæ res cum illi prope fide videatur major, magis tamen mirum id est, quod tradit *Theod. Kerkringius obs. 87. pag. 168* de infante cui, ab ipsa usque nativitate iste adfuerit fluxus: ille etiam nonnullas adducit circumstantias, dicitque gravidam matrem quodam tempore ita fuisse animo commotam, ut illico non tantum plurimum ipsi decederet sanguinis, sed & ab eo tempore quovis mense rediret fluxio, ita ut, num gravida esset, dubitaret, eoque magis, cum per quindecim dies continuos prope gestationis finem sanguis flueret: quo tempore filiolum peperit, quæ ad quintum decimum à nativitate diem simili obnoxia erat effludio, post quod tempus illud ipsum quovis mense rursus animadvertebatur. Ista autem puellula, postquam ter sanguinem, tribus videlicet mensibus, eo modo exonerasset, vivere desiit.

Narravit mihi *D. Cornelius Solingius* Medico-Chirurgus se an. 1679 medicinam fecisse filiulæ Advocati cujusdam Ultrajectensis, cui quatuordecim menses natæ, beneque valenti, secundo à partu die menses, iique satis magna pro modulo tantilli corporis quantitate, lunariis periodis profluxerint.

OBSERVATIO LXXVIII.

Puerpera absque Lochiis.

Cornelii Hugonis uxor post difficiles viginti quatuor circiter horarum partus labores edidit filiolum qui modo non naturali, binis videlicet pedibus, brachiorum alterum inter se medium comprimentibus prodiit vigesimo nono Junii 1680. A quo tempore illa debilis admodum, ac febribus impetita fuit multum: nec (quod mirabar) purgata fuit. Quoniam itaque ipsi hæmorrhoides valde tumere animadvertēbam, sanguiifugas aliquot iis admoveri præcepi, quo remedii genere indies minuebatur febris, viresque sensim redierunt.

Post aliquot autem dies torminibus ventrem suum, hypogastrique dextram partem tumore infestari quæsta est mulier, quem ego pressione manus alte descendere sensi, ut minime quidem, quin ipsius uteri tumor esset, dubitarem. Ipse itaque post enematis laxantis usum, idoneum fomentum, linimen-

340 OBSERVAT. RARIORUM
tumque, ac emolliens denique emplastrum præparari jussi: his autem medicamentis tertia à partu hebdomada convaluit puerpera, nec quidquam ex utero præter parum albentis, sætentisque humoris omni illo tempore emisit.

IN OBSERVATIONEM LXXVIII.

H*Ippocrates lib. de naturâ pueri, Mulieri, inquit, cui lochia post partum non fluunt, gravis supervenit morbus; Si vero eorum fluxus aptis quam citissime non promoveatur remediis, vite discrimen incurret puerpera.*

Cujus dicti veritatem quam rarissime infringit experientia, quamvis & illi, de quâ observatio nostra, mulieri nihil omnino attulerit incommodi lochiorum defectus.

Nec tamen similes nostro casus scriptores medici observare neglexerunt. Narrat quippe G. *Fabritius Hildanus cent. 4. obs. 41. pag. mihi 428* de honestissima fœmina, quæ morbis nullo infestata tempore, at sana semper, valensque catamenia nunquam sive cælebs, sive marita expecta fuisset, ac, quamquam septem robustos enixa esset infantes, puerperii tamen tempore minimum ex utero profluere sanguinis animadvertisset. Testatur etiam *Joh. Schenkius lib. 4. pag. mi-*

mibi 913. *Petrum Toletum* vidisse mulieris cuiusdam (quæ nec ante partum, nec hujus tempore sanguinem solito famineo sexui more exoneraverat) infantes fædis plerumque capitis, faciei que ulceribus vexatos prodiisse.

Marcellus Donatus lib. 4. cap. 23. pag. mihi 160. validæ, animosæque admodum, nec minus contentiosæ mulieris mentionem facit, quæ menstrui fluxus semper immunis filium tamen, ac dein puellam, utrumque valentem, atque insuper optime nutritum ediderit, cuique parienti parum admodum, post partum vero nihil omnino decesserit sanguinis.

Joh. Rhodius cent. 3 obs. 54. pag. 173 an. 1628 nobiles duas Paduæ vixisse matronas memorat, quæ staturâ proceriori, tenuiori que corpore absque ullâ fluxione conceperint, nec quicquam toto partus tempore lochiorum egresserint. Male tamen sese has imprægnationis tempore habuisse idem tradit.

De parturiente sine aquis, & parum egerente sanguinis, nullamque vel omnino exiguam vixque sensibilem post partum lochiorum purgationem habente mentionem faciunt *Ephemerid. German. decur. 1. an. 3. obs. 132. fol. 241.*

Nec non *obs. 265.* de sex liberorum fæliciter partu editorum matre, quæ nunquam qualicunque sanguinis, vel etiam menstrui, fluxu laborarit, nec insuper in partu vel aquam, vel sanguinem fuderit, nullis etiam subsequenter lochiis;

342 OBSERVAT. RARIORUM
ut & decur. 2 an. 1. obs. 41. de muliere, quæ
nec ante, nec in, nec post partum menses, aut
lochia passa erat.

OBSERVATIO LXXIX.

*Sanguis menstruus ex irascentis
papillis effluens.*

ADrina Nosocomii Scheveringani
gubernatrix jam prope quadragenaria, sed corpore macra, tenuisque,
nec bile tantum abundans, sed & iracundior,
anno 1644. ita offensa erat animo,
quo tempore fluxu laborabat menstruo,
ut præ maximâ mentis perturbatione
è papillis prorumpens reliquum corpus
prolueret sanguis. Cui ipse arcessitus
illico pedis venam scindi jussi,
ut sanguini aliorsum deducto commodior
daretur exitus: Ipsa autem brevi
post convaluit.

IN OBSERVATIONEM LXXIX.

Quibus mulieribus in mammæ sanguis colligitur,
furorem significare Hippocrates ait Aph. 40. sect. 5. Hisce autem significat

cat sanguinem, si, obstructis catameniis ad mammas feratur, majori, præternaturalique imbui calore, vel etiam pro parte ipsum petere cerebrum, atque ita furoris existere causam.

Galenus autem ad hunc textum nunquam se simile quid vidisse asserit. Quicquid sit; Nostro casu maximam animi perurbationem furem jure merito dixeris; cui illud convenit *Catonis* :

Ira furor brevis est.

Scribit *Paræus lib. 23. cap. 52. fol. 33.* uxori *P. Fabri* tantâ copiâ per mammas fluxisse menses, ut tria, quatuorve vix capiendo essent mantilia. Idem ex *Anatom. Salom. Alberti* adnotat *Dan. Sennertus* de fœmina, cui singulis mensibus sanguis per mammas uberrime evacuebatur.

Id quoque testantur *Cordæus Comment. 6. lib. 1. Hippoc. de morb. mulier, Andr. Laurentius Anatom. lib. 7. quest. 19. pag. mihi 278. Dominicus Panarola Pentecost. 4. obs. 13. pag. mihi 119. nec non Anthon Musa Brassavolus ad dictum Hippocratis Aphor 40. lib. 5. Queis adde Marcellum Donatum fol. 30. lib. 1. de med. hist. mirab. cap. 2. Amatium Lusitanum Curat. Medicinal. Cent. 2. Cur. 21. fol. mihi 163. nec non Cent. 7. Curat. 48. fol. 746. ac denique Schenkium pag. 700.*

OBSERVATIO LXXX.

Menstruum viris per penem profluvium.

Naturale quid est, si bene valentibus menstruo effluvio sanguis decedat mulieribus. Præter naturam autem fit, atque inaudita res est, si ejusmodi fluxio viris accidat.

Optime tamen memini me in duobus, quos novi, animadvertisse menstruam per virgam periodum: Erant illi autem temperamenti frigidioris, nec multâ lanugine malas tecti, ac poculis admodum dediti.

IN OBSERVATIONEM LXXX.

F*Ranciscus Ignatius Thiermairius Medicus Bavarus Consultat. lib. I. cap. 15. pag. mihi 181. de quorundam geminorum altero narrat ante septimum decimum ætatis annum sanguinis per penem fluxui obnoxio, qui aliquot annos continuabatur: ita ut singulis post novilunium quadris quinque circiter punicei sanguinis uncias per virgam emitteret, præcedentibus tamen semper quibusdam non absque dolore tormini-*
bus

bus circa umbilicum, lumbos, ac inguina, uteri doloribus non absimilibus. Cessante item hac exoneratione, acerrimâ affligebatur ille cephalgiâ.

G. Reyes à Franco Elysio jucundis. quest. Campo, quest 86. Imberbem, ait, & toto corpore depilem cognovi effeminatum, mulieris, aut Spadonis instar, cui à vigesimo usque ad quadragesimum quintum annum menstruæ purgationes per pudendum, statis quibusdam mensibus, quatuor, aut quinque dierum spatio non parvâ copiâ emanabant, & si forte non recte fluebant, superveniente cum torminibus dolore, vena secta in talo illi remedio erat: hic ex pleuritide occubuit è retento menstruo subortâ.

David van Hooghstraten dissertat. epistolicâ fol. 23. refert sibi exemplum esse viri, cui per singulos menses menstruantium fæminarum more sanguis per penem effluerit. Plura ejusmodi afferunt Zacutus Lusitanus lib. 2. pr. admir. obs. III. fol: 69, Thom. Bartholinus hist: Anatom: cent. 5. hist. 33. fol. 55, Amatus Lusitanus cent. 5. curat. 3, H. Fabricius ab Aquapendente lib. 3. Chirurg: cap. 13. fol. 148, G. H. Velschius Episagm. 69. pag. 43.

Quanam autem, quæso, hujus certo tempore redeuntis effluviî in dicto juvene fuit causa? An profluxit sanguis eo modo (quod multis quondam seculis plurimis contigisse viris etiam *Aretæus Cappadox lib. 2. de diuturnis affectibus*
inter

inter alios tradit, ac, quin hodieque fiat, dubitari non finit experientia) per penem, quo Hæmorrhoidalis fluxio singulis mensibus multos vexat? Illud autem de illo juvene non videtur statuendum. Neque enim (ut idem *Thiermairius* ait) urinis mixtus prodiit sanguis, at guttatim colore puniceo profluxit. Ramus fortean exteriorum, interiorumve vasorum, hæmorrhoidalium (quamquam contra solitum ordinem) ad pudenda sese contulit, quoniam anus, ac genitalia contigua admodum sunt, atque ita forte quædam inter ea facta est communio. Vel etiam cruor ille ex prostaticis, quæ vesiculis seminalibus proximæ, ac intus cavæ sunt, provenit, è quibus humor ad rigandum seminalem ductum, qui Urethra terminatur, prodit, quæ prostatae notabilibus donantur valis sanguineis. Sed penes lectorem judicium esto.

OBSERVATIO LXXXI.

Vesicæ Vulnus.

Eques quidam nimium potus lato ense hic Hagæ ita fuit læsus paulo supra os pubis mediâ in abdominis parte non lætus, sed anteriora aperiente vulnere, ut se in vesicam penetraret gladius, cujus indicium erat per vulnus

CENT. PRIM. OBS. LXXXI. 347
nus effluens urina. Ille autem intra tres
hebdomadas (utut letalia clamet hu-
jusmodi vulnera *Hippocrates*) percura-
tus est.

IN OBSERVATIONEM LXXXI.

H*ippocrates aph. 18. sect. 6. letale vulnus*
vocat perfectam vesicam; ut & lib. 1. de
morb. sect. 5. fol: 447 & 450 : Idem Coac. sect.
2. §. 509. fol. mihi 199. Ex vulnere autem, ait,
fere mors contingit, si cui vulneratum fuerit
cerebrum, aut spinalis medulla, aut jecur, aut
septum transversum, vel cor, aut vesica, aut
quadam grandis vena. Sed sano iterum sensu
accipiendus *Hippocrates*; cum plerumque ista-
rum paritium vulnera letalia significet.

Vesicam vero læsam quandoque sanari non adeo
novum est, quod ejus substantia nec omnis,
nec passim sit membranacea. Quamvis enim
hæc extra corpus tota quanta membranis con-
stare videatur, non tamen talis est, quamdiu
corpore clauditur, qualis quidem apparet, cum
jam diu antea siccata, extensa, ac vento repleta
fuit: ita ut multo magis carniū generibus sit
annumeranda. Hujusmodi namque plura descri-
bit *Galenus. Comment: enim in 6. Epidem: Hip-
pocratem* non id tantum, ex quo muscoli, sed
& ex quo intestina, ac vesica constarent, carnem

vocasse ait. *Hippocratem* secutus *Galenus* 7. de *Anatom. administr.* non ubique carnis formam eandem esse scribit, quod rubicundior, molliorque sit musculorum, quam ventriculi, uterive, aut intestinorum caro.

Carnositatis intuitu *Bartholinus*, ac *Aquapendens* exteriorē vesicæ membranā musculū vocant totā cingentē vesicā, ut hæc, cum excernitur urina, contrahi posset, ideoque vulneratum sanari posse statuunt. Licet & ipsam curationem non minimum periculi, difficultatisque comitetur. Non enim vehementiores tantum dolores excitat læsa vesica membranaceæ substantiæ respectu, sed & inflammationis, febris, nervorumque convulsionis causa est. In abdomine illa insuper latet, ut nec uniri læsæ partes, nec sibi invicem queant alligari: Accedit, quod illæ madentes assidue, urinæque acredine stimulatæ non ita facile obducantur cicatrice, quamvis debitis adhibitis medicaminibus. Plurima insuper urinæ pars quandoque in ventris cavitatem destillat, quæ ibidem retenta, collectaque, ut alia taceam symptomata, maximi ventris tumoris, cujusmodi hydropici laborant, causa est, atque ita corrumpens, & labefactans viscera misere vulneratum interimit.

Sequentia etiam vesicæ vulnera sæpe curari docebunt exempla.

Galenus initio de loc. affect. Juvenis Mitylenæi

CENT. PRIM. OBS. LXXXI. 349
næi læsam gladio vesicam sanatam fuisse tradit.

Isaacus Cattierius Medicus Regis Galliæ
obs. 4. pag. mihi 18 de vulneris mediæ vesicæ
corpori inflincti curatione scribit, ut & *Platerus*
lib. 3. obs. pag. mihi 797.

Francisc. Rossetus de Partu Casareo sect. 3.
cap. 7. pag. mihi 55 lapilli ex infantis cujusdam
abdomine artificiosa sectione per Chirurgum
Franconem educti mentionem facit. Nec mul-
tum differt, quod habet *Francisc. Sanches obs.*
med. pag. 370, ubi vesicæ lapis ex abdomine
educebatur.

Statuit etiam *Rossetus cap. 6. pag. 50.* Calculo-
rum educationem per sectionem Cæsareæ similem
multo minus esse periculosa, nec tot sympto-
matibus stipatam, quam quæ hodie in perinæo
fit: cujus quidem ille rationem dat, docetque,
quare lithotomi lapidem per perinæum potius,
quam per abdomen extrahere tentent: cum,
quod ille gravitate sua desidet, tum quod rem
non intelligant melius: hujusmodi lapidum per
sectionem educationis meminit & *P. Barbette*
part. 1. manual. operat. cap. 26. fol. 87.

Ex his itaque abunde liquet non semper leta-
lia esse vesicæ vulnera. Sciendum interea est pro
læsæ partis diversitate, vesicæ vulnera magis,
minusve esse periculosa. Nam quando infima
pars ejus, quæve prope collum sunt, vulneran-
tur partes, dubitandum non est, scribente *Roon-*
husio obs. lib. 2. pag. mihi 180, quin sanari pos-
sint,

sint, quod sint musculosæ; nec minus certum est circa sphincterem vulnus curari posse, cujus exemplum habet *N. Tulpus obs. lib. 4 cap. 29.* Idem quoque *Roonhusius pag. 177.* longe periculosiorum fundi læsionem tradit, quam partis infimæ, membranaceæ substantiæ intuitu, illudque læsum insanabile ait propter eas, quas ibidem proponit, rationes, quibus tamen non adstipuler. Primò enim, ut supra dixi, non tota membranacea est vesica, quamvis fundum magis membranis constet, quam pars inferior; Ac quamvis illud, anteriorem partem lædente mucrone, faucium foret, uti equiti nostro contigit, non necessario in ventrem influit urina, quia vesicæ fundum intra peritonæi duplicaturam ventris musculis admovetur, ita ut in eo, de quo observavi, non potuerit è vesica in ventrem destillare lotium. Profuit etiam potus minimâ simul quantitate (ita enim præceperat Medicus) sumptus, sæpiusque excreta urina, ne unquam repleti posset vesica, tantoque minus à destillatione in ventrem periculum foret. Ideo autem, equitis illius vesicæ fundum curatum fuisse reor, quod per anteriora intraverit gladii acies, ac læsæ insuper vesicæ labia cum ventris musculis obviam factis quam facillimè sese conjunxerint: cujus membranacearum cum carnosus partibus concretionis obs. 39. memini. Si vero in latus adacto ferro vesicæ consequenter latus læsum fuisset, non potuisset hujusmodi labio-

labiorum vesicæ læsæ, & muscutorum ventris conjunctio, atque agglutinatio fieri. Atque eo casu veriorẽ *Hippocratis* Aphorismum putem.

OBSERVATIO LXXXII.

Vesicæ Ruptura.

CUM mulier quædam hic Hagæ difficili admodum partu infantem edidisset, comperit postea quam facillime sibi profluere urinam præcipue, cum erecto incederet corpore, quam tum præter voluntatem non sine dolore acerrimo, ardore, ac fæto per vesicam sensim elabi sentiebat. In ipso etiam effluxu majori affligebatur cruciatu, quam post eum, haud secus, ac iis, quibus ulcerata est vesica, semper contingit.

Postquam illa jam aliquamdiu isto vexata fuisset malo, fratrem meum *Joh. Stalpartium vander Wiel* consuluit. Qui, cum in omnia quam diligentissime inquisivisset, digiti in vulvam immisione, aliisque indiciis vesicæ illius partem inferio-

feriorem versus latus ruptam, ac jam quodam callo rupturæ labia obducta esse comperit; quandoquidem enim urinæ portio inter vaginam, vesicamque contineretur, non potuit non maximi doloris, asperitatisque esse causa. Exulceratione itaque tractu temporis ortâ urina assidue purulenta reperiēbatur.

IN OBSERVATIONEM LXXXII.

H*Enricus Roonhusius part. 2. obs. med. Chirurg. pag. mihi 164, &c. fuse admodum de vesicæ rupturâ egit Epistola ad Jacobum à Kampen Nosocomii Hornani Chirurgum datâ, nec à quoquam hoc quicquid est mali, quantum quidem sciat, antea expositum fuisse ait. Internam vero illius causam (præter calculum vesicæ sua conclusum membrana) statuit ipsius fætus vires, roburque, cum in partu difficiliore vesica urinis plena gravidæ nixus, nascentisque fortes motus præ tenuitate sua sustinere non valet.*

Externam vero causam casum ait, illisionemve, aut verbera gravius ventrem, cum plena est vesica, afficientia; Vel hanc etiam ponit imperitioris obstetricis vim ossi pubis levando adhibitam, quâ vesicæ collum facile læditur; ita ut post partum urinæ sisti nesciæ volentibus, nolenti-

CENT. PRIM. OBS. LXXXII. 353
lentibus profluant mulieribus. Hujus autem incommodi per manualementem operationem curandi modum idem pag. 181. proponit.

De maximo foramine sub ipso collo ad vesicam penetrante, per quod urina guttatim exstillabat, monet *G. Fabrit. Hildanus cent. 6. obs. 67. fol. 582.* cujus causa fuerat partium genitalium post difficilem partum inflammatio, ab obstetrice propter summam ignorantiam neglecta, & in putridum ulcus degenerata. De ejusdem rupturâ à frustis calvariæ fætus mortui ortâ *Corn. Solingius embryulcia fol. 59.* mentionem facit.

OBSERVATIO LXXXIII.

*Cantharides corpori exterius admotæ
etiam vesicæ noxiæ.*

CAntharidas per os in interiora ingestas singulari quadam proprietate vesicæ, meatibusque urinariis magis, quam aliis corporis partibus nocere, efficereque, ut non absque dolore reddatur lotium, satis, superque notum est: easdem vero extrinsecus admotas iis partibus etiam noxias esse, jure merito quivis miretur. Id autem mihi vi-

Z

dere

354 OBSERVAT. RARIORUM
dere contigit in quadam Dominâ , cui
dolore Ischiadico laboranti vesicatorium
coxis admovendum præceperam : ve-
rum post horas non adeo multas illam de
dolore vehementissimo , cum urinam
excerneret , querentem audivi , dicen-
temque assidue se ad illius excretionem
impelli. Itaque consultum duxi illud re-
medium tollere : ac , quibus posterius
hoc incommodum , doloremque pelle-
rem , oleum amygdalarum dulc: nec
non emulsionem è seminibus frigidis ipsi
præbui.

IN OBSERVATIONEM LXXXIII.

NOstram hanc observationem etiam confir-
mat *Matthiolus in lib. 6. Dioscoridis cap.*
1. ubi testatur vesicæ præcipue , urinæque ex-
cretionem inservientibus partibus nocere non tan-
tum in corpus per fauces immissas , sed etiam ex-
ternæ cuti admotas cantharidas , præsertim etiam,
si majoribus admisceantur cataplasmatibus , vel
non longe à vesicâ distantibus adhibeantur parti-
bus : quamquam etiam sint , qui asserant illas par-
tibus , quæ post aures sunt , cervicive , aut cru-
ribus , vel brachiis applicitas dictorum malarum
symptomatum partibus urinæ recipiendæ dicatis
fuisse

fuisse causam. Quod etiam tradunt *Paschalis meth. med. cap. 41. ac Langius lib. 1. epist. 47. Sennertus autem lib. 3. part. 8. sect. 2. cap. 5. pag. mihi 375.* illud nunquam sibi compertum scribit, quamvis easdem, tanquam vesicatorium, centies cervici, partibusque post aures sitis, brachiisque applicuerit. Alii vero, quod magis mirere, non erubescunt dicere illas à collo suspensas, aut vestibis conclusas, gestatasque maxima quandoque viis urinariis peperisse mala, imo vel ipsam intulisse mortem. Quâ de re videndi *ab Heers lib. 1. obs. 10. pag. 100. Joh. Michael Paschalius meth. curandi morb. cap. 44. Forestus lib. 23. obs. 19. Philip. Salmuth. centur. 3. obs. 23.*

Adolphus Occo, monente *Schenkio obs. med. lib. 7. fol. 968* refert quendam forte in pera cantharides gestantem sanguinem minxisse, de quo cum quereretur apud eum, iussus fuit, ut abstinere cantharidibus, nec eas vel tractaret, vel in pera gestaret: talem aliquando casum *Helidenus de Paduinis* Medicum Bononiensem insignem sibi retulisse idem *Occo* affirmat.

G. Fabrit autem *Hildanus centur. 6. obs. 98. pag. mihi 631.* casum narrat, quo cataplasma cantharidibus, ac fermento acri constans, genuque applicitum maximum lumborum, renum, ventrisque dolorem excitaverit, nec non vehementis dysuriæ, ardorisque urinæ, cum quâ & guttæ profluebant sanguinæ, causa fuerit. Ille

itaque caute istis quivis utatur, siue intrinsecus, siue extrensecus, nec non circumspectus sit, cum remedia, quibus immiscentur, cantharides, præscribit, monet, nec fallatur copiâ, neve aliorum sequatur præscripta, qui integras quandoque dragmas, imò unciam, vel etiam unciam cum semisse simul, paucis fermenti acris unciis, aliisve simplicibus adjectis, vesicatoriis admiscent: quandoquidem namque levissimæ sint cantharides, imo vel quinquaginta vix dragmam constituent, error facile quantum ad pondus committitur; quare illas numero cum aliis simplicibus præscribi jubet.

Galenus lib. 3. simpl. cap. 23. caute observandum ait, ut parvo illæ numero, nec sine aliis remediis admixtis præbeantur, ut hæc tanquam manu, ad vesicam ducant, nec tamen hanc rodant partem.

Mirabitur fortassis quisquam tantam cantharidibus esse efficaciam, ut etiam exterius applicitæ energiam interius exerant. At consideranti illas de sale volatili, & per serum facile resolubili, participare, idque per poros facile in venas, primo capillares, postea ad vasa majora, & sanguinis massam pervenire, eamque citissime transire, & in renibus ab eâ separari, ac cum sero ad vesicam affluere, ibique cruentam mictionem excitare, non usque adeo mirum illud videbitur.

OBSERVATIO LXXXIV.

*Membrum virile totum quantum
recisum.*

Senis cujusdam in Nosocomio Scheve-
ringano habitantis anno 1665. mem-
brum, quo vir cluebat, anumque gan-
græna invasit. Cum itaque ad hunc cum
Chirurgo *Henrico Molenyser* vocatus es-
sem, dicti membri maximam partem
sphacelo obsessam reperi. Quare non
melius nos facere posse credidimus,
quam penis partem emortuam, atque
etiam illæscæ nonnihil partis abscindere.
Cupiebamus enim, tantum ei, quantum
quidem possemus, exoptatissimi istius
ubique gentium membri relinquere: li-
cet eodem jam septuaginta, & qui ex-
cedebant, annos natus ad liberorum
procreationem non videretur usus.
Portio itaque relicta fuit longitudinis,
quæ pollicis non excederet latitudinem,
ut hac retentâ commodius urinam ex-
cerneret, quæque ulteriori obsisterent
putrefactioni, admovimus medicamina.

Verum enim vero (five misericordes nimium fuiffemus , five sanguinis ejus motus provec̃tâ ætate tardior eſſet factus , quam qui putrefactioni ſe opponeret , (præſertim in parte , quæ ad hanc ſemper magis , quam aliæ , inclinat) adventrem uſque ſphacelum pervafiffe quam citiffime animadvertimus. Siderata autem pars â ſincerâ ſeſe ſeparabat (quamvis non abſque remediorum ope) tam in pene , quam in ano. Ille tamen ſenex aliquot annos , quibus ſuperfuit , cornu bovillo inferius perforato uſus eſt , ac per hoc abdomini admotum erupturum exoneravit lotium.

IN OBSERVATIONEM LXXXIV.

Imperitiores clamantes audire videor , dicentesque credere ſe virum , eo , quo vir eſt , membro recifo , ſuperſeſſe non poſſe. Non equidem negem periculofæ eſſe opus alex plenum , ſi virgam ſanam quiſpiam â ſano corpore dividat , quando multiplicia , quibus conſtat , vaſa immane quantum ſanguinis poſt ſciſſionem ejectione non leve læſo diſcrimen parerent. Aliter autem longe ſeſe res habet , ubi ſphacelo illa pars laborat : timor iſtæ namque tunc ceſſat.

De sphacelo, ac putrefactione maximæ hujus membri partis vide *Bartholinum hist. anat. rar. cent. 3. hist. 27. cap. 62. ac cent. 6. hist. 96. pag. 370. ut & Tulpium cap. 33. lib. 4. pag. 348.* De sphacelo autem, atque recisione agunt *Platerus obs. lib. 2. pag. 541. Scultetus Armament: Chir. obs. 60. pag. mihi 84.* De putrefactione ejusdem membri è venereâ quadam lue ortâ lege *Forestum lib. 26. hist. 6. pag. 567.*

Celebris Medicus *Stephanus Blankardus Collectan. med. phys. cent. 4. obs. 40. fol. 310.* de juvene quodam memorat, qui viginti circiter annos natus, ac desperatione in rabiem versus penem totum quantum usque ad ventrem reciderit, ac nihilominus à Chirurgo fuerit curatus.

N. de Blegnii Zod. Med. Gallici ann. 1. obs. 6. pag. 49. cujusdam meminit, quem quatuor latrones non nummis tantum, sed & virili membro spoliaverint, unde ipse tantum emiseric sanguinis, ut animo linqueretur. Hinc tamen postea paulo magis ad se rediens musco ab arbore, sub quâ jacebat, avulso fluxum suppressit, atque ita repens in proximum pervenit pagum, qui horæ quadrante inde distabat, ubi trium mensium spatio sanatus est.

Anthon. Benivenius Med. obs. cap. 68. fol. mihi 233. Monachum se sanasse tradit, qui castitatis Zelo ductus (quamquam non ita jubente Deo, aut sanâ ratione) colem sibi & quidem

pubetenus absciderat, quo è vulnere cum sanguis copiosius efflueret, ac propterea medicamenta omnia vinceret, & exuperaret, arduum sane, ac laboriosum fuit ejusmodi profluvium sistere, atque inhibere. Unumquodque enim vas sanguiferum apprehendere oportuit, atque ita deligare ut ora præclusa coirent. Quo facto reliquum curæ genus haud admodum difficile fuit, donec vulnus rite curatum penitus sanesceret.

In Turcia, nec non imperio magni Mogolis Imperatores, ac magnatum præcipui, ut omni omnino suspicione, quantum ad sæminas, carerent, non contenti sunt testes Eunuchis, qui illas custodiunt, exsecuisse, verum & veretra miseris tota recidunt: Hi autem per plumbeos tubulos, quos eum in usum secum portant, urinas emittunt. Vide sis hac de re *Rossetum de partu Cesareo sect. 4. hist. 6. pag. 103. Busbequium Epist. 3. nec non P: Bellonium lib. 3, observat. cap. 29.*

Cardanus comment. in lib. Hippocratis de aëre, aquis & loc. sect. 62. text. 19. Turcas suo tempore omnia spadonibus, queis viri internoscuntur, demere solitos esse, plurimosque sanari ait, quod plurimo opio antea in profundum trahantur somnum.

Ut autem etiam, quo se delectet, habeat lector, ipsi quidem ridendum quid, sed ei, qui passus fuit, deplorandum adscribere lubet.

Wierus de Præstigiis Daemonum cap. 17. pag. mihi 225. scribit Nobilem quendam è Gallia Narbonensi oriundum iter facientem, atque in Turcarum potestatem redactum in Thraciam fuisse deductum, ac Principi cuidam donatum, qui (prout opinatur *Wierus*) fuit *Bellerbecus* ille, qui ab hac Bosphori Thracici parte Macedoniæ imperabat. Ab eo non barbare (ut solent barbari) sed, quod propter ætatem, formamque gynæceo destinaretur, quovis humanitatis genere fuit exceptus. Factum itaque fuit, ut hic tam ciborum, potuumve varietate, quam abundantia in somnum inciderit integri tridui: quo elapso expergefactus, ac lotium excernere cupiens castratum se vidit, ac tum demum non sine maximâ perturbatione animadvertit, quamdiu somno jacuisset obrutus, nec non quidnam in causa fuerit, ut tam opiparo, copiosoque exceptus semper convivio, ac quonam cibi genere tam alto correptus fuisset somno. Reversus autem tandem ad suos illam dedit non initi matrimonii rationem.

Dubitabunt fortean nonnulli, an solis orbatus didymis ad actum venereum peragendum plane sit ineptus?

Cornelius Consentinus Progymnasmi: phys. 5. canem, excisis testibus, alios generasse sibi compertum ait. Alii etiam idem de equis, & tauris fatentur. Verum id fit eâ ratione (inquit *Thom. Bartholinus Anatom. reformat. lib. 1. cap. 13*)

362 OBSERVAT. RARIORUM
quod supersit sine dubio in vesiculis seminalibus
è testium generatione, quod semel sufficiat, sin
sæpius, jam alter testiculus fuerat relictus.

Ipse vidi (inquit *Schröekius schol. ad obs. 131
Joh. Hellwigii*) canem libidinosum admodum,
licet duobus orbatum testiculis, cui tamen ter-
tius insuper in inguine latebat, contrectatione
facile observandus.

Verum quidem est spe prolis Eunuchos fru-
strari, aut semini, similem humiditatem emittere,
atque ad Venerem incitari recte concludit idem.
Licet enim ob testes ablatos nullus seminalis hu-
mor excerni posse videatur, contrarium tamen
inde apparet, quod ille non à solis istis suppedit-
etur, sed etiam à vesiculis seminariis diversus à
testiculis influat, quæ in castratione non aufe-
runtur, adeoque in actu venereo semen suum
effundere possunt.

Quærat quisquam, cur, quod viros à castra-
tione præ hæmorrhagiâ nimîâ, non etiam bruta
mortis maneat periculum? Ratio est: quando-
quidem ob primum incessum brutorum vasa
spermatICA non adhærent firmiter processibus
peritonæi, sed sine contiguitate hos pertran-
seunt, quare hæc resecta sursum feruntur, con-
trahunturque, ac semet occludunt; Accedit,
quod brutis terram spectantibus hæc vasa divisa
commodius claudantur: at scissa homini non
item retrocedunt, coarctanturque, sed valide
processibus istis adnascuntur, unde castrato (nisi
re-

CENT. PRIM. OBS. LXXXIV. 363
remediis fluxum sanguinis restringere aptis continuo juvetur) necessario moriendum est.

OBSERVATIO LXXXV.

Scrotum omne Sphacelo sublatum.

TRiginta amplius anni sunt, cum quendam itidem senem hîc Hagæ cum Chirurgo *Joh. vander Beets* viserem, cujus scrotum, postquam id ipsum jam diu herniâ laborasset aquosâ, tandem gangræna invaserat, ita ut putrefactione ad ventrem usque emoreretur, ipsique testes suis conclusi membranis conspicerentur nudi. Hic tamen non sine divinæ gratiæ ope aptis remediis priorem valetudinem consecutus est: cutis enim recens, carnositasque quædam à cute, carnosâque abdominis membranâ proveniens deorsum crevit, ac testiculos sensim contexit. Recens autem hoc scrotum glabrum omnino erat, rugisque carebat, tamque arcte continebat testes, ut loco moveri non possent.

IN OBSERVATIONEM LXXXV.

EX hoc, aliisque supra adductis exemplis constat non oportere Medicos, Chirurgoſque de mali cujuſdam curatione prorsus deſperare, licet quævis humana auxilia incassum adhiberi videantur.

Joh. Baptist. de Lamzweerde obs. 28. pag. mihi 250. duos haud abſimiles caſus refert de gangrænâ, quibus Chirurgi totum cum teſticulis ſcrotum recidere parabant, cui conſilio ſe cum aliis vocatis ſatis cautè obſtitiffe, ac utrumque ægrum convaluiſſe ait.

Duo inſuper alia reperias exempla apud *D. Steph. Blankardum Collect. med. phyſ. cent. 1. obs. 8. fol. 6. ac cent. 3. obs. 75. pag. 273.* Ut & apud *Fabrit. Hildanum cent. 1. obs. 48. pag. mihi 43. ac cent. 5. obs. 77. pag. 468.* ubi idem plurimos vidiffe ſe ait, quibus ſphacelus ſcrota inſideret, quorum tamen nullus ſit ſanatus, quod genitales partes quam maxime putrefactioni ſint obnoxie.

Fr. Ignatius Thiermairius, cujuſ modo facta mentio, *lib. 1. conſultat. cap. 8. fol. 106.* ait *Joh. Ignat. Sattlerum* Med. Doctorem ſibi ſcripto conteſtatum eſſe ipſum Patavii vidiffe puerulum quinque annorum, cui ſcrotum, occupantibus copioſe variolis ſuppuratis, exulceratum, ulcereque negligentius tractato, gangrænâ

CENT. PRIM. OBS. LXXXV. 365
grænâ in sphacelum degenerante , corruptum
erat , non sine metu jacturæ testiculorum , si
sphacelus ulterius serperet : quòd præcavere non
sine effectu allaboravit dextre Chirurgus , quo
factum , ut , deciduis partibus sphacelatis, nu-
dos in suâ tunicâ vaginali repositos testiculos vi-
dere licuerit sine scroti operculo ; ejus tamen re-
generationem post ulceris canonicam curationem
per sarcotica , & epulotica feliciter puerulus ob-
tinuit.

OBSERVATIO LXXXVI.

Infantis penis non perforatus.

Sicuti puellæ quandoque clausis nas-
cuntur vaginis (quod pluribus proba-
verim testimoniis) ita pueri interdum
occlusis prodeunt virgis. Hujusmodi
exemplum vidi cum Chirurgo *Adriano
vander Cruys* , in nautæ cujusdam filiolo ,
cujus masculi membri anterior pars non
erat perforata , vel minimum saltem
aperturæ indicium solito gerebat loco ,
quæ tamen transmittendo lotio non esset
apta. Ita ut procedente tempore aliam si-
bi aperuerit urina prorumpens viam, sub
freno videlicet penis. Infans tamen, quo-
niam

366 OBSERVAT. RARIORUM
niam recens natus erat, fideli Chirurghi
operâ hoc incommodo fuit liberatus.

IN OBSERVATIONEM LXXXVI.

Varia clausarum virgarum exempla passim
habent scriptores nostri; quibus, solito
deficiente transitu, urina alium sibi aperuit vel
infra glandem penis (uti præcedenti observatio-
ne patet, ac mox de adultiore dicetur) vel in
mediâ urethrâ, aut etiam circa penis radicem
prope pubem, ipsove quandoque in perinæo.

D. Melchior Fribe obs. 98. miscell. med. phys. an. 3. pag. 158. virum quendam se novisse tradit, cui penis non solito loco, sed infra prope frenum perforatus esset; per quam aperturam idem non urinas tantum, sed & genituram egeret. Duxerat bis uxorem ille, ac sex genuerat liberos, nec minus, quam alii, coitu delectabatur. Nec dissimile est, quod tradit *G. Samuel Polsius obs. 106. miscell. med. phys. decur. 1. an. 9. pag. mihi 265.* de senescente, qui ejusmodi male formato pene prodierat; ac licet hic solito loco foraminis quoddam gereret vestigium, feminis tamen urinæque excretioni non sufficiebat; hæc tamen ille per aperturam infra glandem absque incommodo egerebat. Uxorem duxerat, liberos autem non procreabat.

Apud *Benivenium cap. 90. pag. mihi 259.* de puerulo legere est, qui, obstructâ anteriore penis

nis parte, per angustum foraminulum infraglandem urinas ejiciebat, quod earum vi paulatim eo loci factum erat, quamvis non sine lacrimis, membrisque illius tumore procederet ejectio. Idem quoque de puero refert, qui, licet pene perforato, meatum tamen urinarium fune mediâ in virgâ, insciis parentibus, ne noctu lectum permingeret, præcluserat. Ita ut vinculum istud, quamquam impete ferretur, remove nescia urina duobus locis tumentem admodum aperuerit penem, quæ foramina, non nisi hac viâ transeunte urinâ, atque oris etiam temporis processu callo obductis, sanari nunquam potuere. Meo quidem judicio, nisi cutis forsan fuerit minus tenuis, foraminis labia incidi, & abradi potuissent, inductâ interim antrorsum in penem plumbeâ, vel argenteâ cannulâ, donec medicamentis idoneis cicatrix nata fuisset, remanfurâ.

Simile præclusi fune penis exemplum *Bierlingus obs. 204. pag. 305. Ephemerid. med. phys. German. fol. 305.* se vidisse ait in puero, cujus virga supra locum, quo præclusa erat, tota spha-celo corrumpebatur, ac putrescebat. Ille autem per factam, qua proxime ventri adhæret, penis aperturam, postea semper absque incommodo lotium excrevit.

De infante bimulo scribit *Amatus Lusitanus Curat. 27. Centur. 1. pag. 42.* cui, pene non perforato, nec ullo foraminis loco debito existente

368 OBSERVAT. RARIORUM
stente signo, prope testiculos per aperturam
egrederetur urina.

Pueri trimuli meminit *Gerh. Blasius obs. med.*
5. pag. 39. qui recte alioquin se habens lotium
per foramen in perinæo excreverit prope penis
radicem, hic enim nullum omnino permittebat
transitum, nec ullo tegebatur præputio.

Casus ejusmodi meminit *Theod. Kerckringius*
obs. 54. pag. 115. de egeno quodam, cujus in
cadavere infra scrotum fistula fuerit reperta, per
quam multos annos, perforatâ ipsâ etiam vesica,
nec non transitum negante virgâ, urinas
emiserit.

OBSERVATIO LXXXVII.

*Fungus Cancrosus in interiori Matricis
colli parte.*

HOnesta quædam vidua hic Hagæ
habitans, quadraginta circiter annos
habens, temperamentique calidi, ac
ficci, nec non atrâ (quam jam olim
dixere) infestata bile de tumore quo-
dam extra corpus propendente mihi
questa est, quem non parum incom-
modi sibi adferre, quoque velut stimu-
lis assidue se pungi dixit; fætore insuper
in

CENT. PRIM. OBS. LXXXVII. 369
ingenti illum abundare, ac, instantibus
catameniis, extendi, amplioremque fieri
multo asseruit.

Quamobrem non parum sollicita
meam imploravit opem. Ipse autem
suasi, uti, præparato, prout deceret,
corpore, quicquid hoc esset tumoris
(malignum namque perspexeram) Ma-
nuali Chirurgi operâ tolli juberet.
Cum itaque (neque enim alium mali
finem videbat) consentiret, rem cum
Fratre *Johanne Stalpartio vander Wiel*,
nec non cum tunc quidem Chirurgo,
nunc autem & Medico *Cornelio Solingio*
communicavi, perpendique. Tumo-
rem itaque hunc exacte perspectum
Fungum, sive colli matricis excrescen-
tiam cancrofam, esse comperimus, an-
teriori quidem parte latiore, poste-
riori vero angustiore. Statuimus id-
circo basin hujus excrescentiæ, si con-
tingere daretur, valido cingere filo,
ac quotidie paulo arctius vincire, ut,
siquidem fieri posset, tumor à sanâ parte
separaretur. Rem itaque aggressi dupli-
ci fili circuitu anteriorem, crassio-
remque excrescentiæ cinximus partem;

Chirurgus autem, quod utramque manum eodem tempore vagina non admitteret, digitis sensim eo usque promovit filum, ut basin attigisse crederet: Tum vero ob viæ angustias præpediebatur vinculum contrahendi facultas. Id tamen ut perficeretur, nihil consultius duximus, quam si utramque fili extremitatem crassiori, firmiorique alligaremus specillo, ut, hoc contorto, illud contraheretur, coarctaretque excrescentiam; hoc autem ita successit, ut illa intra quatuor, vel quinque dies alimento destituta protinus decideret.

Erat autem magnitudinis hic Fungus, qualem septima dat Tabula, cujus litera A. anteriorem Fungi partem duos digitos latam è vulva propendentem, B. superiorem partem uteri cervici annexam, triumque digitorum latitudine ab anteriori distantem, C. C. Basis crassitiem, D. autem membranam Fungo adhærentem notant.



IN OBSERVATIONEM LXXXVII.

CAsum huic nostro admodum similem refert *G. Segerus miscell. med. phys. Germ. dec. 1. an. 2. obs. 21. fol. 200* de honestâ, & piâ viduâ, atque temperamento melancholico præditâ, annorum circiter 47. cui excrementia fungosa, fætens, & sphacelo postmodum correpta, uterique prolapsum mentiens propendebat è vaginâ, post cujus extirpationem ægra è vitâ discessit, cujus cadavere aperto, sphacelosam illam substantiam nihil aliud fuisse compertum est, quam excrementiam fungosam ex uteri collo majori prope vesicæ orificium enatam, ac à mensium, & corruptorum humorum affluxu procul dubio ampliata, atque dilatata. Ejusmodi fere excrementiæ mentionem faciunt dictæ *Ephemerides German. dec. 2. an. 2. obs. 186. fol. 413. &c.*

De maligno fungo scribit *N. Tulpius obs. med. lib. 3. cap. 33. pag. mihi 247.* qui è vaginâ excisus gallinaceum æquaret magnitudine ovum; Ex hoc autem proxime sequenti anno eodem apparente loco temporis tractu malignum, fætidumque ulcus natum, cui purgando, ablundoque mulieri assidue siphone aquâ repleto opus fuerit, addit.

Idem dicti lib. cap. 34. pag. 251. de maximâ uteri agit excrementiâ, quæ excisa pugno mag-

nitudine par esset; hanc autem crassâ, firmâque exterius cinctam membranâ, at interius albescentem, ac glandulosam fuisse scribit, at postea non rediisse.

Theod. Kerckringius obs. anat. 53. pag. 113. de muliere quadam memorat Colonia Agrippinæ habitante, cui in interno uteri ore carnosâ fuerit excrementia, quæ per totam sese diffundens vaginam, atque extra corpus propendens multis uteri procidentia credita sit.

Plura ejusmodi habent *Victor Trincavellus lib. 9. cap. 15. Aretæus acut. lib. 2. cap. 11. Hieron. Fabr. ab Aquapendente Oper. Chirurg. cap. 85.*

OBSERVATIO LXXXVIII.

Cancer in Urinario fœminæ meatu.

ANno 1672. cum Chirurgo *Cornelio Solingio* vocatus fui ad mulierem hic Hagæ commorantem, quæ urinas excernere nequiens de maximo pudendorum dolore conquerebatur. Nobis autem, ut obstructi lotii inveniremus causam, cathetere utendum fuit, cujus ope satis commodè urinam deprompsimus: ac tum quidem cancrosum in urethrâ
ul-

CENT. PRIM. OBS. LXXXVIII. 373
ulcus latere comperimus, quo illa pene
tota exesa erat. Illa autem nunquam ni-
si dicti instrumenti adjumento lotium
egerere valuit, ac non multo post misera
admodum vitâ excessit.

IN OBSERVATIONEM LXXXVIII.

MUltum, inquit *Tulpus obs. lib. 4. cap. 37.*
pag. mihi 353. de externo, internoque
cancro differitur; quis autem, vesicæ cancri un-
quam meminit? Hujus tamen ipse evidens vidi
exemplum in Mercatore quodam Brabanto, cui,
calculo è vesicâ etiamnum juveni exciso, nun-
quam per virile membrum, sed per intestinum
rectum urina profluxit.

Nullibi præterea de cancro vesicæ, meatuf-
ve urinarii legisse memini; sed mulierem etiam-
num viventem novi, quæ ante sex fere annos
pudendo in durius corpus impacto cadens ure-
thram læsit, quæ læsio cum propter continuum
lotii transitum nullâ sanari possit ratione in ma-
lignum forsitan degenerabit ulcus.

OBSERVATIO LXXXIX.

Anus maligno ulcere exesus.

INter omnia humani corporis membra nullum facilius illuvies, atque excrementa corporis excipit, vel excepta servat, ac ab iis damnum accipit, quam anus, eique viciniore partes, quod & hæ per se humidiores molliores, rarioresque sint, ac propterea superfluitatibus recipiendis magis pateant, consequenterque tanto magis putrefactioni sint obnoxia, ut jure merito totius corporis cloacam dixeris.

Carolo de Meester seni anus maligno ulcere ab internis hæmorrhoidibus orto ita successu temporis exesus fuit, ut, abrosis omnino illius musculis, nullo conamine inferiora claudere posset, ideoque non tantum procideret intestinum rectum, sed &, vel invito fæces decederent.

IN OBSERVATIONEM LXXXIX.

TRiste profecto malum hoc erat, nec multis tantum erat comitatum incommodis, quod assidue nunc huic, nunc illi lateri incumbere teneretur, dum supinus jacere non posset, nec erectiori sedere corpore, sed multum præterea adferebat doloris, ac immane quantum impurissimi fætoris. Sicuti autem ejusmodi circa has partes ulcera multum negotii faceffunt Chirurgis, ac rarius ab iis (præcipue quando inveterata sunt) sanantur, ita etiam noster senex propter ætatem, atque infirmitatem nulla ratione, incassum applicitis remediis, curari potuit, sed inter dolores maximos è vivis excessit.

De singulari anus exulceratione scribit *A. Herm. Cummenus Ephem. German. decur. 1. anni 3. obs. 181. fol. 343.*

De hujusmodi malorum causis, ac curatione optime scripsit *Petrus Marchettus pag. 148, &c.* qui illa è morbo venereo ut plurimum oriri statuit, quamvis etiam è dysenteria, ac hæmorrhoidibus proveniant.

Videri etiam possunt *H. Fabrit. ab Aquapendente Operat. Chirurg. fol. 103. cap. de ani ulcere, & fistulis, item lib. 3. operat. Chirurg. cap. 12. fol. 146, nec non Platerus de podicis dolore cap. 15. pag. mihi 544, ac Montagnana de aegritudine ani pag. mihi 670.*

OBSERVATIO XC.

Calculus per ulcus prope inguen emissus.

Mense Junio 1660. cum Chirurgo H. Dorlè, intellexi filium J. Brouwer decem annos natum, ad quem vocatus eram, per aliquot dies nihil omnino lotii excernere potuisse, nec tamen tunc quidem ulla notabilia calculi renum deprehendimus ex accidentibus indicia, cui licuisset urinæ retentionem attribueret. Nulla insuper aderant signa, quæ vesicæ proderent calculum, quoniam Chirurgus, aliquoties immisso ad facilitandum lotii transitum catethere, nihil omnino obstaculi, duritieive senserat. Postquam itaque puer hic dies aliquot fatis miser transegisset, in dextra parte prope scrotum, nec procul à virgæ radice, versus inguen abscessus apparuit, qui non ita diu post versus partem exteriolem rumpebatur: hæc tamen antequam fierent scroti, nec non penis cutis, præputiumque ita intumuit, ut incidere hoc necesse habuerimus, ut ap-
te

te ad urinæ transitum promovendum intromitti posset catheter. Tandem vero calculus phaseoli instar, variegatoque colore, ut solet marmor, prodiit. Puer autem tam per virgam, quam per foramen prope inguen continue tribus etiam post annis lotium excrevit, quamquam hoc sensim minutum, ac tandem sanatum fuerit.

IN OBSERVATIONEM XC.

DE loco, unde hic originem traxerit calculus, varia consideranda sunt. *G. Fabrit. Hildanus lib. obs. Chirurg. cent. 6. obs. 57* memorat, ut *Valentinus Vœgler* quadraginta annos natus satis diu stranguria, ac urinæ difficultate, non absque vehementioribus cruciatibus, licet nulla (quantum quidem sciret) existente externa causa, fuerit infestatus. Quæ cum in duodecimum usque annum perseverassent symptomata, ac gravescerent indies, post sex tandem annos urina emitti omnino non potuit per penem, & in scroto, pudendorumque loco fistulosa nata sunt ulcera, per quæ ab eo usque tempore absque majori incommodo, vel dolore lotium effluxit, nonnullis etiam horum variis temporibus occlusis, alia iterum aperta succedere. Abscessu autem novo, ac ingenti tandem in sinistro

378 OBSERVAT. RARIORUM
scroti latere conspecto, perruptoque, calculus
provenit unciam circiter ponderans. Ex quo
tempore per ulcus à lapide factum urinæ absque
dolore assidue profluxerunt. Interea autem
præter illud ulcus sex insuper alia fuere reperta,
unum videlicet prope pubem, tria ad radicem
penis, scrotique initium, aliaque duo ipso in
scroto. Hujus autem observationis scriptor sibi
satisfacere non posse, ac hæere videtur, unde
nam ortus fuerit hic calculus, vix enim credere
se scribit in vesica natum propter adjectas ratio-
nes. Multo magis autem eundem prope penis
radicem, unde etiam prodiit, crevisse statuit,
pro qua opinione nonnulla adducit argumenta.

Verum potuisset etiam in corpore glandoso,
quod ad vesicæ collum locatur, nasci hic lapis,
cujus rei duo exempla *Marcellus Donatus lib. 4
de Med. hist. mirabili cap. 30. pag. mihi 523.*
profert. De lapidibus in glandoso corpore,
quod collo vesicæ adhæret, repertis, mentio-
nem facit *Schenkius lib. observ. pag. mihi 586,*
ut & *Ephemerid. German. an. 6 obs. 206 fol. 304;*
nec non *Anth. Benivenii obs. med. 78, ac Thom.
Bartholinus centur. 4 hist 8 fol. 227.* Crediderim
etiam calculum ejus, de quo observavi, eodem
loco natum, quod major esset, quam qui per
uretherem emitti potuisset; imo multo magis
eidem inhæsisset, quod sequenti probatum
imus observatione.

OBSERVATIO XCI.

Calculus per inguen prodiens.

VIdit Frater meus *Job. Stalpartius vander Wiel*, ut & Chirurgus *Arnoldus de Wilde*, in Hagienſi *πτωχεῖω* quindecim annorum adoleſcentem, cui poſt diuturnum dolorem, cujus cauſa erat ureteri inhærens calculus, tandem ulcus in inguine ortum eſt, per quod ille exiens ægrum dolore liberavit, fiſtulâ tantum ibidem ſuperſtite, per quam continue guttatim urina ſtillabat.

IN OBSERVATIONEM XCI.

HOc proſecto miræ quid rei eſt, nec mini quidquam ſimile, ſi ſecuturum mox excipias, legiſſe. *Franciſc. Roſſetus de partu Caſareo ſect. 3. cap. 7. pag. mihi 59. de Trahardo* quodam ex Normanniâ Galliæ orto, ac in pago, cui *Han* nomen, habitante, memorat, ut nempe, poſtquam jam diu nephritico dolore fuiſſet vexatus, ſenſerit cruciatus, priſtinâ ſede relictâ verſus anteriora verti ad ureterem videlicet. Varia illi itaque præparata fuere enemata, quod

380 OBSERVAT. RARIORUM
quod colico morbo laborare crederetur, quorum nonnulla vomitionibus propter mali ferociam ejecit. Maximus autem inter inguina tandem apparuit tumor, è quo aperto Chirurgus lapillum fabæ instar eduxit, nec non puris aliquid urinâ mixti. Ex loco, (ita pergit *Rossetus*) qui prope anteriorem corporis partem erat, facile statuerè licuit lapidem non recenter ex rene, utpote in posteriori parte sito, provenisse: Quapropter non nisi ex eo loco prodiisse dici potuit, quo ureter vesicæ sese conjungit, unitque. Neque enim verisimile est vesicæ fuisse calculum, cum quod hæc alibi sita sit, medio nempe in abdomine, tum quod urina, quæ per alium ureterem ad vesicam fluebat, ex ægrotantis voto per penem egrederetur.

Ille autem quamquam hæc sese ita haberent, semper per factam aperturam lotium egeffit, ac annos aliquot, non sine continuâ stillatione, satis sanus superfuit spongiâ aptatâ urinam excipiens.

Addit & alterum idem *Rossetus* de muliere exemplum, quæ & calculum similem, & per simile apostema pari in loco ortum, rejecit: paribus quin etiam symptomatibus relictis, ita ut urinam per annos viginti, & plures per vulnus reddiderit.

Magnam interdum fieri ureteris distensionem ab obstructione calculi, aut materiæ sabulosæ, adeo ut interdum disrumpatur, diximus Schollio

lio ad obs. 52. Hunc etiam ab acri humore exulcerari posse olim mihi videre contigit in lanione, quem curavi detergentibus, & renibus appropriatis remediis.

OBSERVATIO XCII.

*Calculi infra inguen ex Ulcere
prodeuntes.*

QUoniam in cibus, ac potu calculosa quædam latet materia, non usque adeo mirum cuiquam videatur, si in quibusvis fere humani corporis partibus, ad quas deferuntur alimenta, etiam calculi quandoque gignantur. Nec hujus rei veritatem usus diuturnior tantum, sed & plurimi, jam olim scriptis viri confirmarunt; ut supra observ. 12 probavi.

Ipsè ego cum Chirurgo *Guilhelmo Borgogne* anno 1682. reperi aliquot calculos insolito quodam corporis loco, videlicet paulo infra inguen cujusdam triginta annos nati, qui sex ante mensibus primo tumorem, duritiemque eo loci senserat, cui magis paulatim crucianti,

382 OBSERVAT. RARIORUM
cianti, intumefcentique cataplasma applicuit, ac post ejusdem perruptionem dictus Chirurgus arcessitus diversis temporibus lapidum frusta aliquot inde eduxit, quæ inter unum erat nucis mofcatæ instar, ac pumicis substantiæ admodum simile, sed colore candidiore. Diu etiam postea ulcus illud superfuit, antequam omnino sanari potuerit; verisimile namque erat lapillum hunc membranâ fuisse cinctum.

IN OBSERVATIONEM XCII.

NUspiam, quod sciam, de lapillo in inguine orto legi, nisi apud *Joh. Arculanum in nonum libri Rhasis cap. 104 de lapide, fol. mihi 677*, qui talem se Veronæ cum præstantissimo Medico *Benedicto de Leonibus* vidisse memorat. *Schenkius obs. medicin. lib. 5. pag. mihi 735* tradit eundem *Arculanum* (prout ipse testatur *comment. ad cap. 69. Avicennæ de febre sextana, septana, & similibus*) suo tempore cum eodem *Benedicto* ulcus in mulieris cujusdam inguine vidisse, in quo tres reperti lapides singuli castaneam magnitudine æquantes, ac forma rotundiore, duritie autem gypso similes fuerint.

OBSERVATIO XCIII.

Pili in abscessu.

NON experientia tantum, sed & fide dignorum virorum scripta abunde restantur dari quandoque abscessus, in quibus variæ admodum reperiantur materiæ, quales sunt arenæ, calx, amurca, lapidesque (de quibus tres proximæ egerunt Observationes) nec non officula, pili, sebumque, ac mucus ovi albumini non dissimilis, de quo observatio nostra vigesima. Ipse ego annis abhinc plurimis cum Chirurgo *Henrico Hasselmans* mulierem quandam hic Hagæ visitavi, cui abdomen abscessus infidebat palmæ fere latitudinis infra umbilicum distantia, è quo quavis obligatione plurimi pili crassiori, pinguique cuidam materiæ admisti provenerunt.

IN OBSERVATIONEM XCIII.

ILLO in abscessu pilos fuisse repertos ne quis adeo miretur, quoniam prope locum erat, quo ut plurimum capilli crescere solent; quare
etiam

etiam nonnulli statuunt non reperiri apostemata, è quibus pili prodeant, nisi locis, quibus hi nasci consuevere.

Quamquam mulieris cujusdam mentionem faciat *Joh. Rhodius obs. med. cent. 3. cap. 44. fol. mihi 166* cujus ascite extinctæ, ac à *Platero Basileæ, G. Fabrit. Hildano*, aliisque spectantibus, dissectæ testis dexter ovo anserino crassitie par tumens, ac purulentus minoribus pilis, mediumque digiti longitudine æquantibus, quâdam materiâ putri conglomeratis, interiorique membranæ adglutinatis refertus fuerit. Qualem casum centur. nostræ secundæ observat. 37 legere est. Simile quid *Bauhinus* vidit *Lugduni in Batavis* anno 1578, teste *Schenkio lib. 4. obs. 116. pag. mihi 613*, *G. Horstius* etiam *lib. 4. de morbis infimi ventris obs. 53. pag. mihi 249* (ubi de pilis quoque scribit) sibi mulierem cernere contigisse tradit, cujus in utero pili instar lanæ flavæ, pinguiori materiâ admixta, fuerint reperti.

Mirum plane est, quod *Benivenius pag. mihi 252. cap. 83* de homidica quodam tradit, cujus cor intus crinibus ubique fuerit plenum; Nec minus admiratione dignum, quod *Amatus Lusitanus cent. 6. curat. 65. pag. mihi 623* de quodam Ferraræ dissecto scribit, cujus cor intus passim fuerit pilis vestitum. Idem à *Valerio Maximo lib. 1 de miraculis sect. 15. pag. mihi 125*, de Tribuno *Aristomenē Messenio* memoratur. Ut & *Plinio lib. 11. cap. 37.* Gale-

Galenus in Aphorif. 76. ſect. 4. Hippocratis, ut & 6. de loc. affectis cap. 3 meminit pilos, vel aliud quidquam his ſimile; medium pedem longos cum urinis fuiſſe excretos. G. Horſtius pag. mihi 249. lib. 4. obſ. 73 etiam de pilis per penem ejectis agit. Tulpius obſ. med. lib. II. cap. 52. fol. mihi 187 itidem de capillis ſcribit cum urinis ſtato poſt duarum hebdomadarum intervallum tempore à quodam per annos continuos plus quatuor non ſine acerrimo inter mingendum dolore, totiusque corporis perturbatione excretis.

Erant autem illorum quidam integrum, dimidium verò quidam digitum longi, ſed muco ita involuti, ut raro ſeparatim, ſed plerumque prodierint conglobati: Huiusmodi autem excretio ſingula per quatrimum continuabatur, cæteris diebus dolore, pilorumque ejectione ceſſantibus. De abſceſſu piloſo in muſculo bovino legatur *Bartholinus cent. I. hiſt. 100.*

OBSERVATIO XCIV.

Oſſea excreſcentia.

Sicuti carnis nonnunquam excreſcentiæ (*Σαρνώματα* Græcis) hic illic exterius in corpore conſpiciuntur, haud aliter, quamquam rarius, contingit, ut ipſa præter naturam quodammodo

386 OBSERVAT. RARIORUM
excrescant ossa. Hujusmodi satis magnam ossis tibiæ exostosin ipsemet olim cum Chirurgo *du Foix* vidi. Hoc autem quidquid est mali non melius sustuleris, quam si ipsum tibiæ os ad usque sinceram radatur partem, uti & statuit *Marcus Aurelius Severinus de efficaci Chirurgiâ part. 2. cap. 12. fol. mihi 142*: quo factò pulvere catagmatico conspergendum illud, vel si hoc minus juvet, adurendum est.

Aliter etiam diuturnius, ac difficultatis plenum est hoc malum.

IN OBSERVATIONEM CXIV.

H*Ippocrates lib. de articulis* contusis, ruptis, aliove modo læsis ossibus pituitosum quendam accrescere scribit humorem, quo multum afficiatur ipsum os; hunc autem humorem *Galenus* adeo tenacem, viscosumque ait, ut nullo cataplasmate, nullis emollientibus ad maturitatem perveniat, nec ullis ad exhalationem perducatur fomentis. *Lib. autem de Tumoribus præter naturam cap. 15. Classe 3. fol. mihi 84, & 14. meth. cap. 17. classe 7. pag. mihi 93* exostosin vocat cujuspiam ossis eminentiam intrinsecus à melancholica superfluitate profectam. Visitur autem hæc, teste eodem his, qui elephantia-
fi

si laborant. Certum utique est ipsum os, quamdiu naturali modo nutritur & augetur, solitam semper retinere formam, magnitudinemque: Quando autem aliquo vitio laborat nutrimentum, vel intemperie quâdam afficitur ipsum os, tum non tantum ejus substantia, soliditasque corrumpitur, sed & ipsa mutatur forma.

Martinus Bogdanus obs. med. 12 post Lyseri Method. pag. mihi 284. De octodecim annorum juvenis osse tibiæ memorat, quod à supremâ ad usque infimam partem intumescebat admodum, extendebaturque: hoc autem malum jam sex annos juvenem illum summo affecerat dolore, necquicquam Medicorum, Chirurgorumque implorata ope, ità ut ipsum os hic illic jam quodammodo exesum necessario tandem fuerit extirpandum.

Celsus lib. 8. cap. 10. fol. 126 hoc malum ossis cancrum dicit; *Barbette autem Anatom. pract. pag. mihi 13:* ossis corruptionem duplicem esse ait ὀστέονιον scilicet (*Beenzyger* ipsi) & ὀστέοφάγον (*Beenvretter*, sive cariem) quæ duo ita differre vult, ut nempe prioris causa sit pituita quædam præternaturalis, quæ os temperie sua, duritieque privat, unde caro illi non ita adhæret, quæmobrem & hæc, naturali forma mutata, fungosa evadit, sensimque intumescit. Os autem fit molle paulatimque corrumpitur, Posteriores autem sive cariem ex acri humore nasci statuit, qui, primo quidem corrupto osse, mox

388 OBSERVAT. RARIORUM
& membranam exedat, nec non subita exulcerationis, quæ carnem, cutemque afficiat, causa fit.

Tulpius lib. 4. obs. med. pag. mihi 315 acidam, malignamque pituitam causam ponit, quæ solidam ossis substantiam corrumpat, emolliatque. Idem & hoc loco exemplum viri cujusdam adducit, cui os humeri plurimum increverit, intus autem molle, corruptumque fuerit.

Huic *Tulpianæ* opinioni omnino assentior; quandoquidem & ipse olim ejusmodi crassam, tumidamque puellæ tibiā viderim, quæ caco-chymica admodum erat, pravisque scatebat succis, quamvis hæc post illius obitum non fuerit aperta. Simile mulieris cujusdam monstrosi brachii exemplum habet *G. Fabrit. Hildannus pag. 341. obs. 69.*

Hujusmodi etiam excrescentiæ in pecudibus aliquando reperiuntur; quæ autem hominibus obveniunt quamquam non semper (uti modo diximus) plerumque tamen lvi venereæ inveteratæ originem debent.

OBSERVATIO XCV.

Ossis tibiæ fissi terebratio.

NON capitis tantum, sed & tibiæ, sternique, atque alia nostri corporis ossa perforationem quandoque requirunt.

runt. Hujus rei, cum primum laborantibus succurrere inciperem, exemplum vidi in Juvene quodam, tunc quidem temporis *Nobiliss. admodum D. vander Myle* famulo, cui tibiæ os equus calce percusserat: Vulnus autem illud sanatum fuit, nulla intus latentis mali suspicione superstite, quanquam continuo vexaretur dolore famulus. Consultus igitur Chirurgus ille, cujus sæpius memini, *du Foix* fissum os tibiæ credidit, ita ut hoc longe, lateque tegminibus suis privare consultum duceret, ut terebrationi aptus daretur locus. Consensiente itaque læso durum hoc, immensique doloris plenum manuale opus hunc in modum cœptum est: Primo quidem novaculâ tibiam quater usque ad ipsum os incidit, deinde digitis cutis cum carne, ac ossis membrana avulsa est, ita ut quadratum, perforationique, quæ postridie fiebat, aptum relinqueretur foramen. Atque ita ille non dolore tantum liberatus, sed & pristinæ sanitati omnino fuit restitutus.

IN OBSERVATIONEM XCV.

C*elsus lib. 8. cap. 2. pag. 696 scribit. Si caries ossis alte descendit, per terebram urgenda crebris foraminibus est, quæ altitudine vitium æquent. Tnm in ea foramina demittenda candentia ferra sunt, donec inde siccum os ex toto fiat.*

Licet autem hujusmodi terebratio cranio ut plurimum accidat, aliis tamen ossibus usui esse potest; Idem namque malum quibuscunque obveniat ossibus eodem tollendum est remedio. Sic ossa fracta, fissa, vel mucrone quodam læsa contusave diversam quidem pro constitutione sua, sed ejusdem tamen remedii requirunt speciem.

Intus corrupta ossa fuisse terebrata variis demonstraverim exemplis. Nunquam tamen os quoddam sive tibiæ, sive alterius partis (præter cranium) propter fissuram fuisse perforatum, nisi observationis nostræ casu, probaverim.

Ejusmodi vero ossium fissuræ *fracturæ asserales* dicuntur. Ideo autem applicandum his est trepanum, quod fissura, è quâ continue aliquid intrò stillat, sese usque ad medullam penetret, unde multum mali. Periostium insuper inter deambulandum sæpius intra fissuram stringitur, multumque læditur, unde non immanis tantum dolor exoritur, sed & stillicidium super medullam plurimum augetur.

Jo-

Jobus Mekerannus cap. 69 obs. med. Chirurg. pag. 429. de ossis tibiæ corruptione agit, quod tribus foraminibus sibi invicem contiguis admodum, ac terebrando factis, fuerit sanatum.

Fieri autem potest, ut os sternum perforatione aperiendum sit, si pus videlicet intra mediastini duplicaturam contineatur, cujus rei observatio vigesima nona mentionem fecit.

OBSERVATIO XCVI.

Totum tibiæ os corruptione exesum.

PRæstantissimus Chirurgus *la Marche* Delphis Batavorum habitans retulit mihi opiferas se manus applicuisse quatuordecim annorum adolescenti cui diutius caries tibiæ os exedisset, ita ut longiore morâ totum os corruptum sustulerit Chirurgus; cujus in locum sensim accrescens callus tandem ita successerit, ut absque fulcro adolescens ille postea incesserit.

IN OBSERVATIONEM XCVI.

NON equidem negaverim contingere sæpe-numero, ut tibiæ, alteriusve ossis pars, ita

corrumpatur, ut emortua à sanâ separetur: noxia namque, atque inutilia, præsertim in junioribus, adeoque fortioribus, à corpore plerumque amoveantur, arcenturque.

Observationi nostræ non dissimile quid memorat *Roonhufius pag. 233.* de puellâ quadam, cujus os femoris, ingenti admodum frusto ablato, brevius tamen non evaserit, minusve incessui inservierit: frusti autem figuram, quam adjecit, habet *Tabula pag. 241.*

Hujusmodi autem rariora magnarum corruptorum ossium partium, ac ab incorruptis distinctarum exempla apud varios occurrunt scriptores, inter eos etiam apud *Albucafin*, & *Mekeranum cap. 66. fol. 414.* Tantum autem callum produci potuisse, qui totius tibiæ ossis suppleverit vicem, quis non miretur?

Thom. Bartholinus Act. med. vol. 3. fol. 1. obs. 1. casum nostro similem adducit, quo totum exciderit tibiæ os, quod tamen ita restituere visus fuerit callus, ut parum incommodi incedens ille, qui laboraverat, à parte sanatâ sentiret.

Adde *Carolus Battum Traët. 4. cap. 8. pag. mihi 275*, ubi de integro militis cujusdam femoris osse agit, quod abscessu corruptum, ac sublatum fuerit tandem. Hunc tamen militem nihilominus postea incedere, saltare, ac munere fungi potuisse memorat.

Quæri autem potest, an ossis femoris,

tibiæve, vel humeri, aut ulnæ, totius quanti corrupti callus defectum supplere queat?

Ipse autem illud vix fieri posse statuerim, unde enim callo suppeditaretur materia?

Quis etiam musculis membri motum efficientibus, seque Apophysi alligantibus daretur locus?

Quid ligamenti Epiphysi affixis, juncturasque connectentibus fieret? Ita ut necessario ejusmodi corruptorum ossium duas sanas, integrasque extremitates superstites requiram, unde nova callo proveniat materia. Quam maxime enim dubitaverim, possetne Epiphysis, nullâ sanâ ossi parte relictâ, eo loci callo materiam præbere: quandoquidem insignis quondam Chirurgus du *Foix* (vulgo *Lucq*) experientiâ se didicisse mihi narraverit id ipsum fieri non posse. Calli enim materiam initio quidem carnem esse, quæ circum os cresceret, idque ex eo liquere aiebat, quod semper versus cariei finem carnea quædam provenire soleat materia, quæ Chirurgo certissimum sit indicium finitæ eo loco ossis corruptionis. Quibus itaque Epiphysibus nulla ossis solidi remanet pars, illis callo generando nova materia præstari nequit.

OBSERVATIO XCVII.

Mola genu, quâ in longum patet, fracta.

Mense Martio anni 1667. *Job. Arnold.*
Smith ruricolæ non procul Hagâ
 nostrâ commorantis, qui è superiori æ-
 dium tabulato per gradus volutus, genu
 in ferrei claustrî januæ prostibuli quan-
 dam extremitatem impacto ceciderat,
 rotulam, qua longior est, ita ruptam
 reperi: ut disjunctæ minimi digiti spa-
 tio à se invicem distarent partes. Hanc
 autem ut curarent, Chirurgos *Henricum*
Holegeest, *Corneliumque Solingium* arcessi;
 quorum operâ ita sanatus fuit rusticus, ut
 gradienti nihil obesse videatur.

IN OBSERVATIONEM XCVII.

A*Vicena*, *Fabrit. Hildanus*, Aliique
 quam rarissime rumpi patellam ajunt,
 quod & experientia confirmat. Ratio est, quod
 illa mobilis sit, nec aliis jungatur ossibus;
 quare etiam facillime cuivis durioris materiæ vi
 cedens huc illuc impellitur.

*Parans lib. 14. cap. 22. pag. 311. nullum eo-
 rum*

rum se vidisse scribit, quibus rotula fuerit fracta, quin, quoad vixerint, claudicarint. Causam statuit, quod, quamprimum callus accreverit, ruptarum partium conjunctio liberum genu impediat motum.

Verum equidem est cruris motum post molæ fracturam non tam recte fieri. Illud autem fit ut plurimum, quod fractæ dicti ossis partes, dum callo conjungi incipiunt, inter obligandum Chirurgi digitis caute simul apprehensæ in quamcumque interdum non impellantur partem, ne inferius coalescant, concrecantque; cujus rei, utut maximi sit momenti, ne γὰρ quidem apud scriptores reperiri equidem miror: Illud enim ni fiat, facile contingit, ut callus apophysi, epiphyfique (si earum cartilago uti assolet, etiam contusa, vel eodem casu læsa est) affigatur; unde crus, postquam sanatum est, rigidum, ac flecti nescium remanet.

OBSERVATIO XCVIII.

Rotula transversè rupta.

ANni 1676. mensis Januarii die 28. vocatus fui cum dicto Chirurgo *Cornelio Solingio* ad C. de R. quæ plateam quandam transiens obverso in filicem genu mola, qua in latum patet, fracta erat.

396 OBSERVAT. RARIORUM
erat. Quæ ruptura, quamvis gravius
malum esset, quam cujus superius me-
mini, nihil incommodi (postquam per
sex hebdomadas probe curata, ac quieta
fuiſſet) incedenti attulit, nisi quod non
ita facilè gradus scandat.

IN OBSERVATIONEM XCVIII.

CUM patella genu, qua in latum, vel obli-
quum extenditur, rupta est majus diffi-
cioris inſeſſus periculum est, quam si, qua in
longum patet, frangatur; uti superioris obser-
vationis casu contigerat. Quandoquidem (quod
& optime, meo quidem judicio, *Fabrit. Hil-
danus cent. 5. obs. 88. pag. mihi 485.* scribit)
septimi, octavique, ac noni musculorum tibiam
moventium extremitates prope rotulam con-
currunt, & in validissimum tendinem definunt,
qui patellæ implantatur, tandemque in inferiore
parte ex eâ erumpens in anteriorem tibiæ sedem
sub genu ossi tenuissime annectitur, inseritur-
que. Ruptæ itaque transverse rotulæ partem al-
teram dicti musculi attollunt, alteram tendo ille
qui sub genu tibiæ ossi inseritur, deorsum pro-
trahit, hincque ille separatarum partium hiatus;
adeo ut quævis illas vix junctas contineat indus-
tria. Inde autem fit, ut, plurimo istis muscu-
lis adempto robore, rigido læsus incedat crure,
nec

nec sine difficultate id ipsum tollat ; patella enim reliquis ossibus, præcipue cum flectuntur, fulcri vicem præstat.

OBSERVATIO XCIX.

Infans assidue è Peste laborantis matris papillis expresso nutritus succo nihil omnino accipit incommodi.

Mirum profecto est , quod referre paro, nec silentio præterire possum, ut tanto magis Omnipotentis Dei providentiam quivis suspiciat, ac veneretur. Arcessitus quippe fui anno 1654. ad viduam Andreæ Scheenvoet marito, qui cum quatuor liberis peste interierat, cum infante matris lacte quotidie nutriendo superstitem. Hanc tamen etiam contagiosus ille tandem ita invasit morbus, ut quinque diversis corporis locis hæc sese manifestarit labe, in utrâque videlicet mammâ, ac crure, sub axillâ, nec non in dorso : per hebdomadas insuper undeviginti continuas lecto illam hoc affixit malum, nec destitit tamen infans succo
ex

398 OBSERVAT. RARIORUM
ex infectis papillis prodeunte ali per
fex hebdomadas ab eo tempore , quo
lue istâ fuisset impetita genitrix. Post
illas autem , quod esset ipsa oppido
debilitata , nec sufficiens alimentum
suppeditarent mammæ , à lacte mater-
no depellendus fuit ille. Licet autem
in infectis degerit ædibus, nec non tan-
to tempore alimenta è contagio labo-
rantibus hauserit infans papillis , à peste
tamen defensus diu cum matre super-
fuit.

IN OBSERVATIONEM XCIX.

M Ille exempla tam è sanctioribus passim pa-
ginis , quam diuturniore discas usu, quæ
demonstrent, quam mirandis plane modis Mun-
di Arbiter periculis suos subducat , alios , utut
quam diligentissimâ evitent curâ , iisdem obrui
sinat.

Tradit celeberrimus *Camerarius* observatio-
nibus suis infantem quendam duabus superfuisse
alumnis peste extinctis , quarum lacte nutritus,
nec tamen labe fuerit infectatus.

Memorabile etiam est, cujus meminit *Philip.
Salmuthus observ. med. cent. 1. obs. 97. fol. 58.*
Fæmina quædam , ait, Roslavii ad Albim peste
corri-

corripitur, moritur. Adiacet ipsi infans anni
unius, & dimidii in lecto, & lac ex defunctæ
uberibus haurit, maritus quoque post moritur.
infans autem evadit,

Sapientissime itaque profecto Regius
Psaltēs *Psalmo 91.*

*Si protegendam præsidio Dei
Credas salutem, rem, subolem, domum,
Insana cum sors intonabit,
Si domini fugias sub umbram,
Securus omnem fer violentiam
Sortisque, mortisque, & tetricas minas
Contemne. Securus tumultum
Despicias creperi duelli.
E fraude cæcâ te Deus eximet,
Frangetque casses insidiantium,
Nec sæviens late venenum
Letiferae patiere pestis.
Expandet alas te super, & suis
Pennis fovebit rebus in asperis:
Certusque promissæ salutis
Sub clypei latitabis umbrâ.
Noctis per atræ cæca silentia
Non expavesces cæca pericula:
Non luce grassantem timebis
Perniciem, nec aperta bella:*

*Interque strages mille cadaverum,
 Dextra, sinistrâ, mille cadaverum,
 Periculorum exors propinquam
 Incolumis fugies ruinam.*

OBSERVATIO C.

Mors ex rabidæ felis morfu.

HN: civis Lugdunensis in Batavis viginti tres circiter annos nati pollicis articulum tertium rabida momordit felis autumnò anni 1681. de quo quidem morfu ipse parum fuit sollicitus, utpote rabidam ignorans felem. Septem autem, octove post mensibus 27. nem-May anni 1682. die Mercurii maximus illi supervenit angor, de cephalalgia, gutturi siccatate, immensâque siti, nec non potus fastidio querenti. Veneris itaque die (quoniam haud dubie rabie fuit agitata felis) persuaderi sibi passus est, uti mari mergeretur. Quo quidem factò ille paulo melius se habuit, nec tantum esse cordis angorem dixit; vini etiam nullo pene tremore sese rigavit haustu; parumque quieturus recubuit,
 ne-

neque enim satis diu sufficienti refectus fuerat somno. Post horæ autem dimidium delirare, multum commoveri, maximeque opprimi, inquietarique coepit: Diei autem Saturni multo mane circa secundam extinctus est.

IN OBSERVATIONEM C.

CAnes fieri rabidos, venenatoque morsum tam hominibus, quam brutis nocere jam olim tristis docuit experientia; Illud ipsum autem & felibus absque transmissione per tactum supervenire, ingenuè fateor mihi antea non adeo fuisse compertum.

Quæritur itaque, an solus canis fiat rabidus, vel an alias bestias etiam à cane non morsas invadat rabies? *Galenus lib. 6. de loc. affect. cap. 5. pag. mihi 40* ita expressis verbis scribit: *Quoniam enim brutorum nulli supervenit rabies, cani hæc soli accidit.* Quod & statuisse videtur *Alex. Aphrodisius lib. 1. problemate 76* cum quærit, *quare ex animalibus soli canes æstate fiant rabidi?* Quibus adde *Christoph. à Vega comment. senten: 22. lib. 3. prognost.* ut & *Joh. Bravum lib. 1. de Hydrophobiâ cap. 1.* nec non *Androinum 7. de venenis cap. 2.* denique *Fracastorium lib. de morb. contagiosis cap. 10.*

Quidam autem hisce significare *Galenum*

402 OBSERVAT. RARIORUM
contendunt, ut plurimum canibus accidere rab-
biem.

Alii, quos inter *Mercurialis lib. 1, variar. lection. cap. 2*, nullum rabidum animal præter canem fortean *Galeno* visum, eive de nullo alio fuisse compertum ajunt. Ab his autem diversi, ad *Galeni* excusationem nullum animal verâ rabie præter canem infestari, scribunt, nisi forte cuidam illud mali ab alio brutorum genere, cui prius attulisset canis rabidus, fuerit allatum. Plurima namque sunt animalia, imo & mansue-
ta, quæ statis anni temporibus quemvis invadunt, nec tamen vera agitantur rabie; illa autem varios edunt sonos, quod conjungi ament, genituræque effervescentiâ impulsâ mirum in modum sæviunt. Si vero hujusmodi impetu agitata animalia vere rabida forent, in læsis, morsive ab iis postea rabiei vim, effectumque animadvertere daretur; quod tamen fieri quis non neget? Atque eo quidem sensu ferri posset *Galeni* opinio.

Peir. Salius Diversus de affect. particul. cap. 19 singularem quandam magis inesse canibus naturæ, proprietatem, quâ ex corruptione humorum in rabiem ferantur, quam cæteris bestiis, tradit; quamvis & hæ, præcipue si à cane rabido morsæ sint, in rabiem incidunt.

Scriptorum autem plurimi, atque omnes fere à *Galeno* dissentiunt. Quales *Aristoteles 8. de histor. Animal. cap. 22. ac 24.*, *Calius Au-*
re-

relianus, Porphyrius, Albertus Magnus, Avicenna, Eustachius Rudius lib. 4. de morb. occult: Valleriola, ac Fernelius lib. 2. cap. 14. de abditis.

Qui omnes multorum meminere animalium quibus sponte, nec à cane morfis supervenerit rabies: hæc inter autem numerant equos, lupos, camelos, porcos, boves, vulpes, urfos, pardos, fimias, viverras, mustelas, imò & gallos gallinaceos. Scribit etiam *Cælius Aurelianus acut. morb. lib. 3. cap. 9. fol. mihi 195* de rabido gallo, nec non *Th. Bartholinus cent. 5. hist. 52. fol. 119*: ut & *Baccius Prolegom. venen: & antidot. pag. 17*, de gallo gallinaceo veteri, qui rostro atroci finistram domini manum adeo læserat, ut sanguinis guttæ aliquot effluerent, unde tertio die hunc interemptum se vidisse ait: composuit autem ille hac de re sequens destichon.

*Dum furit in Dominum Gallus, perimit-
que veneno*

*Commorsum, ergo alius non Basiliscus
erit.*

Idem ille scriptor *dicti lib. pag. 16* de rabida agit fele, qualis etiam mentionem facit *Amatus Lusitanus cent. 7. curat. 66. fol. mihi 195*, ubi, *Xnares*; inquit, *Mercator Thessalonicensis*, aliique ejus domestici quatuor masculi & feminae uno eodemque die à fele dentibus unguibusve

*sunt commorsi, laniative, qui simul brevī inde
severissimis symptomatibus correpti suum obiere
diem. Idem & Scholio ad dictam historiam,
quum hac tracto, ait, memoria occurrit Epita-
phium à me olim Romæ sepulchro miserandi cu-
jusdam Hispani affixum, sculptumve visum,
qui è felis morsu obiit, & ita habet.*

*Hospes disce novum mortis genus, impro-
ba felis*

*Dum trahitur, digitum mordet, & in-
tereo.*

Idem Epitaphium Baccius de venenis fol. 16
in Templo S: Mariæ apud portam Flaminiam se
legisse testatur.

*G. Fabrit. Hildanus obs. Chirurg. centur. I.
obs. 86. fol. mihi 62, de juvene viginti annos
nato, cui nomen Daniel Perrin, scribit, qui
anno 1602 tempore messis à rabido fele scalptu-
ram in dextro pollice acceperat, supremâ vix, ac
ne vix quidem læsa cuticula, quum autem nul-
lus sequeretur dolor, nullaque inflammatio,
aliudve symptoma, & ipse felem rabidum esse ig-
noraret, hanc scalpturam (quæ non diu post
sponte coaluit) plane neglexit. Primo autem
sequentis Martii die paulatim melancholi-
cus fieri, & vaporibus, imaginationibusque
falsis commoveri admodum coepit, ita ut po-
stridie domo egredi, atque in publicum pro-
di-*

dire non auderet. Ipse itaque (sic *Fabritius*) tertio illius mensis die vocatus eum jam Hydrophobum reperi : Nec tantum ille aquam, vinumque, ac quicquid clari esset liquoris, abhorrebat quam maxime, sed ne videre quidem poterat, nec volebat, interrogatusque interdum, num bibere vellet, terribili sono edito, latebras petebat, sudabatque, ac angebatur quam plurimum, seque maximo cum impetu ex unâ in alteram lecti partem ita projiciebat, ut tres validiores viri eo vix ipsum continerent. Ingentes etiam quandoque clamores tollebat, circumstantesque aggredi, ac mordere gestiebat, non victum tantum, potumque sumere recusabat, sed & ad eorum mentionem horrescebat, poculi etiam aspectu territus. Has autem inter misérias eâdem nocte animam expiravit.

Zacut. Lusitanus pr. adm. lib. 3. obs. 83. novi ait, duos pueros, qui in lecto decumbentes à sefe rabido, in pede unguibus dilacerati, post 4 annos, rabie vexati obiere. Scire equidem nonnulli avidi erunt, qua viâ animalia rabida unguibus lædendo rabiem excitare possint, cum in dentibus, & salivâ maxima veneni vis latere dicatur? Nisi statuamus venenum non transferri ex unguibus simpliciter, sed ex unguibus salivâ veneficâ imbutis.

Quæstio etiam est, utrum bruta in rabiem acta fiant Hydrophoba? Non legimus apud Priscos bruta fieri Hydrophoba, sed ra-

bida. Verum discrepant Scriptorum sententiæ.

Negat id *Ætius de re med. lib. 6.* Canem rabidum non semper horrere aquam vult *Philip. Salmuth. cent. 3. obs. 90. fol. 155.* Cum enim (inquit) *Jena* anno 1577. studiorum gratia agerem, & aliquando exspatiarer, tres Carnificis servi canem rabiosum insequabantur: & cum unus eorum pontem supra *Salum* fluvium, reliqui duo ripam, viam sic intercepturi, peterent, canis certe medium & rapidum flumen tranabat, illis diu persequentibus.

Dioscorides lib. 6. cap. 35 hujusmodi canem potum, & escam averfari ait, ac licet siti prematur, tamen non bibere.

De cane rabido, qui ab alio morsus fuerat, & in hydrophobiam inciderat, monet *Borellus obs. 227. cent. 3. obs. 38*, cui si aqua tantum admooveretur imò nocturnis horis ad terram concidebat, sese circumagendo.

P. Michael de Heredia tract. varior. medicinal lib. 1. fol. 1. Vidi, inquit, canem rabientem, quem vulgus, ut solet, fustibus, & lapidibus persequabatur. Fugiens verò ille populum persequentem, rivulo factus obviam sic aquam pertimuit, ut retro conversus, maluerit experiri furorem populi insequentis, quam aquam rivuli pertransire, vel accedere.

Diu, multumque disceptatum fuit, posset ne rabidi canis sola spuma aliquem inficere?

Affirmare videtur *Galenus 6. de loc affect. cap.*

cap. 5. pag. mihi 40 cum scribit tantos in humoribus canis tum oriri corruptiones, ut solum sputum quempiam contingens rabiei sit causa. Huic accedit *Joh. Eravus lib. de Hydrophobia contra Fracastorium*. Illis addendi *Sennertus lib. 1. prax. part. 2. cap. 16. fol mihi 159*, *Zacutus Lusitanus lib 5. de med. Princip. historia quæst. 23*, *Ætius tetrabibl. 4. germ. 4. cap. 68*, *Paræus lib. 20. cap. 19*, *Fabrit. Hil-danus cent. 1. obs. 86. fol. 63*.

Joh. de Grado Consil. 82 tradit virum amplissimum *Joh. Coqueranum* immissa tantum in rabidi canis os manu, furore fuisse correptum quamquam nequaquam foret morsus.

Palmarius de morb. contagiosis de rabido rustico memorat, qui mortem instare animadvertens præsentem serio fuerit precatus, uti, quos brevi relicturus videbatur, supremum liberis figere liceret osculum. Fuit autem illud petenti concessum. Verum animum advortite, quæso: illo namque brevi post extincto, ipsi mox septem præterlapsis diebus, liberi eadem agitati rabie, iisdemque impetiti cruciatibus, symptomatibusque omnes interierunt.

Testatur *Cardanus lib. 2. contrad. tract. 5. contradict. 9*. Nobilem quendam Venetum, antequam catellum rabidum, quem fuerat osculatus, necandum tradidisset, in furorem incidisse.

Matthiolus in lib. 6. Diosc. cap. 36 duos se

vidisse memorat, quibus, tactâ tantum spumâ, nec morsis supervenerat rabies. Monet itaque seriò *Avicenna* eos, qui hujusmodi infectis famulantur, ne cibos, quos illi reliquere, comedant, periculum namque esse, ne morbo sint contaminati.

Aurelianus 3. de morb. acut. cap. 9. fol. 195 fartricis cujusdam meminit, cui intra triduum supervenerit rabies, quod filum fimbriæ pallæ à rabido discerptæ cane dentibus avulisset.

G. Fabrit. Hild. obs. Chirurg. cent. 1. obs. 86. fol. mihi 62 simile quid de honestâ quadam tradit muliere, quæ ruptam à cane, quem rabidum ignoraret, pallam consuerit, ac morfu itidem filum detraxerit. Illa autem per tres menses nihil sensit incommodi, tandem vero, sensimque melancholica facta imaginationibus, horrendis visionibus, terroribusque agitari coepit, vinum etiam, aquamque odisse, & quod pejusest, instar canum latrare, domesticos non agnoscere, atque modo hunc, modo illum mordere tentans, donec tandem in eâ misera animam efflaret.

Ab hoc autem vix differt, quod tradit *Andr. Baccius*.

Quidam etiam eo usque prolabuntur, ut solum, qui stygio rabie agitati canis ore exit, viatos inficere homines statuunt halitum: quos inter *Aretæus lib. 1. de signis, & causis acut: morb. cap. 7*, nec non *(al. Aurelianus acut. morb.*

morb. lib. 3. cap. 9, qui testatur quosdam se vidisse, quibus rabidi tantum canis obvio infectis halitu hydrophobia nata sit.

Per inspirationem contagiosum esse hunc morbum perhibet *Cardanus*, *Jonstonus Idea*, *Fontecha privilegio 10*, nec non *Josephus de aromataris part. 2. cap. 1. de rabie contagiosa*.

Sed illud à vero alienum videtur: Si enim tantæ esset efficacix, ut etiam eminus, & per inspirationem inficeret, non lateret tam diu, antequam se proderet illud virus.

Scribit *Dioscorides lib. 6. cap. 36*. Medicum *Themisonem*, dum rabido mederetur amico, simili contaminatum fuisse labe. Quod tamen se vix credere *Sennertus lib. 1. part. 2. cap. 16. fol. 195* ait. Multo namque facilius quivis crediderit illos fuisse hoc malo infectos, qui inscii nonnihil sumpsisse à rabidis vitiatum, quam qui his tantum adfuisse, opemque tulisse dicuntur. Invenias tamen & quosdam, qui solo rabie acti canis attactu lædi homines posse statuunt, dummodo cutis raritas, & patientis dispositio apta, ac validissimum infecti venenum adsit.

Verum *P. Salius Diversus libell: de morb. particul: , quorum tractatio ab aliis practicis non habetur cap. 19. fol. mihi 313*. illud ipsum pernegat. Dicit enim tantam attactu minime inesse vim, imò ne ipsum quandoque sufficere morsum: Quoniam videmus non omnes, qui morfi sint, in rabiem agi. Affirmat etiam hu-

jusmodi canis spumam attactam abique concomitante ulcere rabiei causam minime fore. Hujus etiam opinionis est *Amatus Lusitanus curat. Medicin. cent. 7. schol. curat. 41. pag. mihi 741* ubi se scire ait sputum rabidi canis, si sanguinem non tangat, extrinsecus nocere non posse. Huic adstipulatur *Fracastorius de morb. contagiosis, ac Conciliator diff. 179, ut & Fernelius de morb. oculis lib. 2. cap. 11. pag. mihi 494.*, qui item scribit canis rabie acti sputum in illam incidens cutem minime nocere. *Cap. autem 14. fol. mihi 508*, rationem addit: Quoniam cutis solida, ac valida est, crassioris veneni substantiam, ne intro transeat, arcere potest, nisi forte rupta, fissave, vel aperta foret.

Codronchus de rabie fol. 41, Venenum, inquit *hoc nimis imbecillis activitatis est, & ita ignavum in penetrando, & agendo, ut, nisi aperta fissave cute, communicari non possit, imò in aliquibus rabidis virus est ita tardum, ac debile, ut etiam per morsum non communicetur. Idem sentit Palmarius de morfu canis rabidi cap. 1. fol. 332. Spuma*, ait, *si in integram cutim inciderit, nihil sinistri tantopere metuen- dum, modo statim probe deterfus, & elotus fuerit locus: neque enim densa, & adstricta epidermis crassiorum venenorum (cujusmodi est venereum, elephanticum, & rabiosum) vim humori insidentem protinus altius in corpus penetrare sinet, nisi vel fissi, vel dilacerata sit.*

Non

Non lædere morsum, nisi cute denudata, statuit etiam *Rudius lib. 9. cap. 12. fol. 124* nec non *cap. 13. fol. 125.*

N. Tulpinus obs. med. cent. 1. cap. 20 nunquam sibi compertum scribit, cuiquam hominum vel minimum damni illatum per canis rabidi sputa: quæ tamen, ne forte nocerent, nihilominus iussit recte, mari semper abluere.

Postiores hos saniora sentire, experiëntiâ mihi sæpius constitit; cum enim quadraginta abhinc quatuor annis ad pictorem hic Hagæ vocatus essem, ut male sese habentes fauces, (ita namque aiebat) morbumque ejus perspicerem, nonnihil quidem reperi febricitantem, sed collo intus nec tumente, nec inflammato. Ita ut nihil mali in eo mihi apparere dicerem. Ille torvo vultu bibere tamen se non posse respondit, quod cum mirarer, periculum me facturum dixi, potumque ei dari iussi. His autem vix auditis immensus (mirum!) terror, gemitusque, ac quæstus, nec non angor ad potus solam mentionem virum invasere, horrendusque supervenit tremor, cum poculum manu arriperet. Fateor equidem ingenue summopere me fuisse miratum, (neque enim antea videram) cum eum tanta cum animi, corporisque perturbatione vix tenere poculum viderem, quod ori apte admoveere non posset. Domo itaque egredior, uxoremque, accepto signo, sequentem, num nuper rabidus maritum momordisset canis, rogo.

go. Illa, postquam paulisper hæsisset, conjugis, inquit, digitum ante tres hebdomadas, & amplius, parvulus canis momordit leviter, unde, sanato brevi post eodem, ipse quidem minime fuerit sollicitus: neque enim de rabie canis liquebat. Uxor etiam magnopere mirata est parvulum illud vulnus tantorum malorum causam esse posse. Ille autem impatientiâ, rabieque actus non ita diu postea in aquas, vicina namque ejus ædibus erat fossa, præcipitem se dedit, ac biduo tantum superfuit.

Nec fuit necesse (ut vulgo putant) ut impositis suffocaretur lectis, pulvinaribusque: Omnes enim hydrophobi per trestantum, quatuorve supersunt dies, ac veluti strangulationis, suffocationisve modo miseram finiunt vitam.

Idem exemplum, eademque vidi postea in duobus junioribus, fortioribusque symptomata, quorum prius ante triginta, & qui excedunt, posterius ante quatuordecim circiter annos conspexi. Horum utriusque labium catellus quam levissime læserat, unde ambo post Hydrophobiæ initium tres, quatuorve tantum vixere dies. Cum vero illi, qui ægris hisce sæpe adfuerant, illisque opem tulerant, me consultum venirent, rogarentque, quid facto opus esset, ac num in marinas aquas immersio requireretur? universos quam exactissime interrogavi, itane fuissent morfi, scalptive, ut sanguis eruperit, an etiam dentes, unguesve, vel insecto-

rum sputa eorum labia, quorum tenuissima cutis, aliamve corporis partem cute privatam tetigissent? Hic sputo se aspersum, alter morsum, tertius scalptum se affirmavit, nullus tamen vel minimum sanguinis fluxisse asseveravit. Jussi itaque, ut tacta loca aquâ marinâ probe abluerent, ac, bis, terve sumptâ Theriacâ, sudarent. Sin autem & æquore mergi præjudicio forte quodam ducti cuperent, per me id licere, quamvis non requiri, dixi. Nemo tamen, quod sciam eorum, qui tribus his adfuerunt rabidis, merius fuit, nec quidquam iis supervenisse inde mali comperi. Si vero sputum hujusmodi infectorum cutem attingens alios quoque inficeret, quidni eadem sudori esset vis? Hic tamen, cum maxime oppressorum sudantes manus, arterias carpi exploraturus, arriperem, quarum pori isto in angore plurimum plerumque emittunt humoris, mihi nunquam nocuit, quamvis non alio fuerim usus antidoto, quam quod aqua pura, quâ manus lavi, suppeditat.

Respiratione igitur, & contactu solo rabidorum contagium in alios transmitti non posse ex præmissis liquet.

Quærere insuper quisquam hoc loco posset, an in humanis etiam corporibus tales produci queant humores, qui ad rabidi canis venenum proxime accedant, quique nullo extrinsecus accedente contagio, homines in Hydrophobiam impellant?

Affir-

Affirmat id *Marcellus Donatus*, nec non quinque diversis casibus id ipsum *lib. 6. cap. 1. fol. mihi 559.* probare gestit. Ejusdem etiam sententiæ est *P. Salius Diverfus cap. 19. fol. 328. de affect. particul.*, ut & *Cel. Aurelianus, Avicenna, Ponzettus, Paraeus, Rudius, Platerus, Joseph. de Aromatariis, Zacut. Lusitanus medic. princip. hist. 20. lib. 5.*

Luc. Schröekius schol. ad obs. 78. Joh. Hellwigii fol. 245. Licet, ait, à rabiosi canis morfu hydrophobia ut plurimum oriatur, cum scilicet vulnere isti parum occursum est, quandoque tamen aliam agnoscit causam, nec semper à morfu illo originem ducit; qualem notante *Joh. Rhodio notis ad Scribonium Largum composit. 71 Sanchez in observ. prodidit.*

Petr. Borellus etiam centur. 3. obs. 38. scēminam eodem modo extinctam memorat, quæ ne quidem juscula ulla, nullaque alia liquida cernere tantum poterat. *H. Salmuth. centur. 3. obs. med. 52.* potatoris strenui mentionem quoque facit, qui in febre malignâ, alia inter symptomata, in hydrophobiam quoque inciderat, ita ut in quartum usque diem intensissimâ siti cum cruciaretur, eique os amarum, & lingua valde ficca, atque aspera existeret, potum quidem anxie expeteret, sed ex ori admoto tanto tremore, & motu percelleretur, ut nec guttulâ haustâ, deponere eum illico cogeretur.

Fateor

Fateor quidem humores in corpore nostro interdum ita corrumpi posse, ut venenorum naturam induant, sed tale determinatum, & speciale venenum, quod Hydrophobiam excitet, nullâ accedente causâ externâ, in corpore humano generari non crediderim.

In putredine quoque causâ hujus mali constitui nequit, nulla enim ibi putredinis adsunt signa, nec ea sine manifestis signis tam diu in corpore latere potest.

G. Hebenstreit ad Georg. Horstium lib. 7. de morb. contagios: & malignis obs. 22 fol. mihî 334 de hac quæstione scribens, se non velle, ait, defendere, tantam humoribus corporis humani induci posse corruptionem, unde hydrophobia oriatur, quia nonnulli quidem morbis, rabiei forsan similibus, sed non verâ rabie laborare comperiuntur: Siquidem luce meridianâ clarius esse putat, ac plerorumque insuper probatissimorum scriptorum, cum antiquorum, tum recentiorum unanimi consensu comprobatum, venenum rabidum absque externâ contage, & morsu animalis rabidi in homine minime progigni posse.

Nulla etiam adest febricula, nisi tribus, quatuorve ante obitum diebus, quando aquæ timor ut plurimum exoritur. Etsi autem experientias & historias quorundam Scriptorum in dubium non vocem: tamen existimaverim cum *D. Sennerto* consultum esse, ut si quid tale accidat,

cidat, atque aliquis in Hydrophobiam incidat non solum de morfu animalis rabidi inquirere, sed etiam de aliis modis, quibus hoc venenum in alios propagari possit, & quidem non solum quærere an nuper, sed etiam an unquam tale quid ipsi acciderit, cum venenum hoc multos annos, antequam vim suam exerat, latere possit.

Baptista Codronchus, variorum examinatis argumentis, ita concludit: In eam potius ire sententiam compellimur, hominem à principiis internis rabie corripì minime posse, nec in oppositum adducta nos cogunt aliter sentire.

Qua igitur tandem vi venenum rabidorum animalium agit, vel quâ in re malum hoc consistit?

Pelops Galeni præceptor (ut è libro 2. de *simpl. medicament. facult. cap. de cancris ustis* videre est) in immodicam siccitatem, quali in contrarium habitum mutatâ penitus solidarum partium substantia, veneni hujus essentiam statuit. Verum *Galenus* dicto libro *Pelopem* reprehendit, quod hujus affectus rationem è caulis manifestis se redditurum ambitiose jactaret.

Dioscorides, *Ætius*, *P. Ægineta*, nec non *Actuarius* volunt etiam intemperiem calidam, & siccam in partibus præcipue solidis contractam hujus mali esse causam. Hanc autem colligunt è symptomatibus rabiem concomitantibus, velut oculis flammeis, ore hianti, vigiliis, siti, nec

nec non, quod diebus maximè canicularibus rabie animalia, ac præcipue canes infestentur.

Verum intemperies calida, & sicca, in quâ mali hujus vis constituatur, non sufficit, cum vel tantilla veneni copia tantæ intemperiei causa vix statui, tantæve qualitatibus primis mutationis principium esse queat.

Illæ namque tam diu in corpore esse nequeunt sine læsione actionum corporis; neque effectus insignes caliditatis, & siccitatis in hydrophobis apparent.

Porro, si in solo calido, & sicco confisteret hujus morbi essentia, utique curari posset æger. Quin & Hæcticos videre licet ita emaciatos, ut sola ossibus vix adhæreat cutis, pulsuque ita duro, ut summe siccum esse cor non sit dubitandum, qui tamen hydrophobi non sunt, sed avide potum hauriunt. Verum quidem est, æstate multos quadrupedes ob æstum nimium ita in furias, ignemque ruere, ut quemvis etiam impetant, lædantque, licet verâ rabie non agitati. Nec cælo tantum calidissimo, sed & frigidissimo, atque aeris contrariis mutationibus canes rabidi fiunt.

Narrat *Joh. Fernelius* lupum quendam infectum, dissectumque in partes, ac tandem consummum edentum plurimos rabie contaminasse, quod fieri non potuisset, si essentia veneni hujus in qualitatibus primis confisteret, cum ignis vi inter præparandum, illæ multum immutentur.

Tandem & curatio idem persuadet, quæ non medicamentis refrigerantibus, & humectantibus, sed specifiâ vi præditis perficitur.

Objiciunt quidam casum, cujus *H. Capivacius prax. lib. 7. cap. 12.* meminit: de Monacho hydrophobo dissecto, in cujus pericardio nulla aqua reperta fuerit. Verum non evincit hæc historia rabiei causam in qualitatibus primis consistere, cum cujusque temperiei homines invadere queat. Defectus enim aquæ in pericardio, siccitas ventriculorum cordis, & exustionis nota in pericardio sequi potuerunt potus abstinentiam ex hydrophobiâ ortam.

Concludimus igitur rabidorum animalium contagium solo sputo transferri in alios.

Quo autem modo è læsâ parte in corpus reliquum propagetur hoc virus, mox dicturi sumus.

Animadvertendum porro est usque adeo noxium, malignumque hoc esse venenum, ut, cum ita vires suas exeruerit, ut hydrophobia insequatur, nemo sanari queat, uti & testatur *Dioscorides cap. 36. lib. 6.* expressisque affirmat verbis *Ægineta lib. 5. cap. 3.* quare hic Dioscoridis historias ex auditu traditas non tanquam veras admittit, *Themisonis* videlicet, ac alterius cujusdam per Eudemionem liberati. Eorum qui à rabie curati fuerint, exempla leguntur apud *Valleriolam, Paræum, Forestum, Palmarium, Gemmam, Scribonium*, aliosque; Verum hæc

hæc non fuit vera, aut saltem confirmata rabies.

Non cunctanter scribit *Ætius* nunquam se vidisse quenquam hydrophobum convaluisse. Ideoque minus vera creditur, quam tradit de Philosopho quodam ipse *Tetrabib. 2. serm. 2. cap. 24.* historia, teste *G. Reyes Elysio jucundiss. quest. campo, quest. 61. fol. mihi 467. ac 480.* ut & illa quam Apollonii vitâ lib. 6. tradit *Philostratus*, de juvene quodam, qui à rabido morsus cane instar canis latrarit, sederitque, ac manibus, pedibusque incesserit, ut caninam omnino videretur induisse indolem: ubi etiam de ipso loquitur cane; ut nempe ille postea ad juvenis pedes procubuerit, morsumque linxerit, ac tandem sanarit locum: Cum tamen canis, si verâ agitato fuisse rabie, juveni iterum magis nocuisset. Nec minus fictum videtur, quod *Plinius lib. 25. cap. 2.* de Cynorrhodo scribit, quandoquidem hoc nunquam tam mirandorum in rabidis effectuum causa fuerit, nisi forte dicatur læsus necdum in hydrophobiam incidisse, aliisque insuper convaluisse medicaminibus: quo modo etiam posteriores omnes accipiendi sunt scriptores, qui hac in re quidquam se fecisse, vel ab aliis factum vidisse tradunt, quos *Fabritius Hildanus cent. 1. obs. 86. fol. mihi 65.* memorat, è quorum numero sunt *Valleriola, Paræus, Forestus, Palmarius, Plinius, Gemma, Scribonius, Oribasius.* Neminem sanari,

ubi confirmatum est malum, testantur *Rudius de morb. occultis fol. 132. cap. 13. Lommiusque obs. lib. 2. fol. 63.*

Ægri raro quarto die supersunt metiendo tempus ab eo instanti, quo aquæ timor manifestari incepit, ut scribit *Galenus lib. 6. de locis aff. cap. 5. & 1. Coac. prenot. 2. textu 17.* Rabies jam facta, cum curationem non recipiat, non est mirum, ait *Codronchus fol. 209.* si eam scriptis tradere veteres neglexerint, exceptis *Aureliano, & Celso.*

Rodericus à Fonseca consult. med. 25. fol. 90. ita loquitur: *Illud affirmare licet, nullum, ubi ad illum statum devenerit, sanari posse, nec sanatum fuisse.* Idem affirmat *Palmarinus fol. 335.*

Verissimum itaque est *Ovidii* dictum, qui jam olim omnem frustra huic malo adhiberi medicinam his verbis 2. de Ponto cecinit.

*Tollere nodosam nescit Medicina podagram,
Nec formidatis ulla medetur aquis.*

Una superest quæstio, undenam fiat, ut tanto tempore lateat quandoque labes, antequam manifestetur, ac quare læsorum alii citius, serius infestentur alii? Verum equidem est læsos non continuo, sed post multos plerumque in rabiem agi menses, uti post alia ex nostrâ quoque liquet observatione. Quin etiam vel per totum annum, & amplius latet, antequam animadvertatur

tur venenum. Retulit mihi quondam expertissimus Medicus *G. Stratenus* vocatum se fuisse ad Consulem Woerdanum, cui à rabido læso cane, non nisi post annum, & aliquot menses supervenerit Hydrophobia, quique post triduum fuerit extinctus, licet præterito nihil omnino mali sensisset tempore.

Galenus 1. *Porrhæ.* sect. 2. *Comm.* 17. novisse se quendam scribit, qui non nisi post annum se læsum senserit.

Petrus Salius Diverfus, proditum memoriæ, inquit, ab antiquis habemus, hunc morbum interdum ad quintum, septimum, imò duodecimum annum dilatum fuisse. Idem affirmat *Albucasis*, *G. Horstius oper. medic. tom. 2. lib. 7. obs. 22. fol. mihi 322.* *Philip. Salmuthus Cent. 1. obs. 96. fol. 51. nec non Zacut. Lusitanus prim. lib. 3. pag. 386.*

Toto illud malum latuisse septennio tradit *Dioscorides*, quod & de duodecim annis *Avicenna* affirmat. Idem etiam *Albertus Magnus* 7. *de animal. lib. 2.* exemplo demonstrat, cum agit de quodam, cujus vulnus post duodecim recruderit annos.

Dignum profecto admiratione summâ, ac ad moræ probationem apprime utile est, quod *Abel Roscius Medicus G. Fabrit. Hildano* literis significavit, quas hic *Observationi 86. cent. 1. chir. obs. fol. mihi 65.* adjunxit. Sed ipsas, sultis, legite.

„ Anno 1581. matrona quædam mihi fami-
 „ liariter nota proximeque affinis, quum quo-
 „ dam die per urbem negotia haberet, & ageret,
 „ à canerabido ex improvviso impetitur, in fini-
 „ stro brachio mordetur, præsto advocati ad-
 „ fuerunt sedulo doctissimi medici, qui ex-
 „ quilibet remedia præscripserunt, partique af-
 „ fectæ apponenda jusserunt. Per os item Alex-
 „ ipharmaca propinari curarunt. Brachium su-
 „ pra vulnus ligaturâ validâ, vinculo arctissimo
 „ exceptum fuit. Topica attrahentia, foras-
 „ que venenum evocantia, ejusque vim retun-
 „ dentia, adhibita. Denique ferrum, & ignem
 „ loco læso applicuit Chirurgus. Tandem elap-
 „ sis paucis diebus, Deo volente, salva & in-
 „ columis evasit, vel evasisse videbatur, nullâ
 „ in brachio noxâ, nec tantum cicatrice fere re-
 „ lictâ, nulloque in corpore, ut apparebat,
 „ restante veneno. Verum quid evenerit audi
 „ quæso.

„ Septimo ab hinc anno recurrunt sympto-
 „ mata sæviora multò. Persentit in brachio alias
 „ læso dolorem acerbissimum, & veluti à cani-
 „ nis dentibus discerpi, & dilaniari. Inde pau-
 „ co interjecto tempore furor, & mentis alie-
 „ natio subsequuntur, mæror, tristitia, vigi-
 „ liæ summæ, sitis inextinguibilis, febris tandem,
 „ & maxima virium prostratio, ciborum deni-
 „ que omnium odium, nunquam tamen à po-
 „ vu abhorruit, nec liquida, quæ sitim extin-
 „ guere

„ guere valebant, rejecit. Morti proxima ju-
 „ dicata est, imo nulla nobis relicta erat vitæ,
 „ vel salutis spes. Sed in tot, tantisque malis,
 „ ita diligentissime illi manus auxiliares adhibitæ
 „ fuere, ut intra paucos dies perfectè sanata vi-
 „ sa sit. Sæva etenim illa accidentia, paulatim
 „ mitescendo absolute cessarunt. Post annos
 „ septem ab hac invasione, & decimo quarto à
 „ canis morfu, mirabilibus, iisque gravissimis
 „ morbis iterum tentari cœpit, principio duc-
 „ to à sinistro illo brachio. Tormina letalia
 „ sensit, vomitiones, & ructus incredibiles,
 „ omniaque symptomata atrabilia sustinuit,
 „ vigilias, & sitim maximam passa est, vellica-
 „ tionem, & dolorem ingentem in loco prius
 „ morfo habuit. Curatur iterum diligentissi-
 „ me, & me præsentè, inquit idem *Abel Ros-*
 „ *cins*, sanitati, ut videbatur, restituitur per-
 „ fectè, aptis ad id adhibitis remediis. Sopitum
 „ tandem judicavi malum, non deletum. Sic
 „ mansit per annos sex. Anno vigesimo à vul-
 „ nere accepto, denuo recurrit affectus, exci-
 „ tantur accidentia, ut prioribus annis, redeunt-
 „ que eadem symptomata. Sedatis anno sequen-
 „ ti iisdem, rursus tentatur honesta fœmina.
 „ Subsequenti anno repetiit malum bis. Anno
 „ proximo illapso ter ita correpta fuit. A tri-
 „ bus annis frequentiores, sed breviores fuerunt
 „ paroxysmi. In omnibus fere temporum mu-
 „ tationibus sibi brachium vellicari persentit.

„ Vereor ne brevi vitam anxiam , & calamito-
 „ sam , cum morte sæpius optatâ commutet.
 „ Vale. Datum Lauzannæ 14. Calend Octobris.
 „ anni 1604.

Anth. Musa Brassavolus lib. 2. Aphorism.
Comment. 23. repertos quosdam fuisse testatur,
 quibus septimo-decimo post morsum anno su-
 pervenerit furor.

Anth. Guainerius Tract: de venenis quendam
 fuisse ait , cui octavo-decimo anno hydropho-
 bia orta sit.

Joh. Schmidius miscell. med. phys. German.
decur. 1. an. 9. obs. 43. fol. mihi 117. mulieris
 meminit, in quâ per viginti annos venenum la-
 tuerit.

Memorat autem *Borellus obs. 74. cent. 1. fol.*
mihi 73. de quodam, qui, læso digito minimo,
 nec satis artificiose sanato , post triginta demum
 annos acerrimo illius digiti laceffitus dolore,
 quo loco morfu fuisset læsus , brevi post è vivis
 excesserit.

Alzaharavius compertum sibi scribit vene-
 num , antequam liquido appareret , integros
 quadraginta in corpore latuisse annos.

Quid ni qualecunque hoc venenum non æque
 diutius corporibus inhæreat, priusquam exterius
 manifestetur, ac Tarantulæ, lulsve venereæ ve-
 nena latuere quondam?

De Tarantula ita scribit *Athanas. Kircherus*
mundi magnetici lib. part. 8. cap. 8. p. mihi 587.

Dicitur, inquit, Tarantula à Civitate Taranto, vel à fluvio Thara, eo quod in hoc districtu, utpote calidioribus, & planioribus Apuliæ locis, ingens earum quotannis propullulet copia. Non quod aliis quoque in locis eadem non reperiantur; siquidem & in Calabriâ, Sici-liâ, quin & in campis Romanis æstivis mensibus subinde videntur Apulis prorsus similes, nisi quod veneno illo ad saltandum incitativo careant. Infestantur autem horum animalium puncturis præ aliis Rustici, Hortulani, messor-es, pastores, aliique, qui necessitate coacti sub dio, & in campestribus locis mensibus ma-xime calidis, & siccis, ut Junio, Julio, Au-gusto, ocreis, aut manicis non muniti dormire coguntur. Ac paulo post.

Morsu itaque transfundit (Tarantula) vene-num per corpus icti, qui in principio quidem adeo parum sentitur, ut simplex muscæ morsus videri possit; sed post anni revolutionem perac-tam calore solis, & temporis qualitate, ad so-nos, & musicorum instrumentorum harmoniam proportionatam suscitatum venenum patientes viros etiam, & matronas honestissimas in saltus agit ita violentos, ut sæpe postposito omni decoro, ruptisque omnis modestiæ vinculis, scurras, ardeliones, lymphatos, phylomania-cos, dæmoniacosque referre videantur. Por-ro bimestri spatio, antequam venenosa qua-litas funestos hosce saltus parturiat, in patiente

diversos morbos producit, uti deiectionem appetitus totalem, febres ardentes, artuum dolores, *ἀρεοφίαν*, καὶ *κανεξίαν* totius corporis pessimum colorem, qualis Ictericorum est. Unde medici pro mali, symptomatumque conditione remedia proportionata præter Theriacam, Orvietanum, Mithridatium, Bezoarticum pulverem, alia quoque antidota applicare solent, etsi vix unquam cura hujusmodi successum aliquem habuisse comperta sit, nisi sonus qualitati veneni proportionatus, qui per admirabilem quendam consensum patientem, velit nolit, usque ad sudorem, & defatigationem virium, membrorumque omnium laxationem, saltare cogit, accesserit. Hoc enim efficitur, ut viribus nimio motu fatiscentibus terræ illius vivum exanimis hominis simulacrum intuentibus præbeat; donec post paucillum temporis vino aliquantisper refocillatus, resumptis, restauratisque veluti viribus, majori nisu saltus eisdem singulis diebus usque ad tertiam, quartam, imo sextam, octavam defatigationem per triduum, aut quatrimum resumat, repetatque, hinc fit, ut hac agitatione vehementi, totiusque corporis maximâ convulsione sanguis incalcescat, pori aperiantur, venenum una cum sudore aliqua ex parte dispellatur: cum enim uenenum intimis fibris radicatum non ita facile dispelli possit unius anni saltu, quotannis saltus repetendus est, donec tandem tota vis veneni expurgetur, etsi non dubi-

tem

tem una salutatione multo tempore continuatâ agram cum veneno purgari posse, si tanto labori ferendo par esset, &c.

Comperimusne etiam Mercurii usu veneream luem ad tempus tantum sapius veluti suffocari, minime vero eradicari, ac multis post annis illius denuo animadverti indicia? Mihi certe non semel contigit post tres, quatuorve annos subsequentes, cum calere inciperet maxume, illius morbi videre signa recentia, quamquam ipsum tum facilius eradicari potuerit malum, diminutis quotannis accidentibus, sublatâque tandem causâ.

Vix centesimus quisque (inquit *Palmarius de lue venerea pag. mihi 26.*) levatur hydrargyro, recidivo ut plurimum morbo, qui tamen raro similis est radici, neque iisdem symptomatibus exercet, sed fere distillatione, arthritide, tophis, vel ossium carie: neque pari contagione eos, cum quibus societas est, afficit, quod humoris furor, & impetus, illis auxiliis repressus sit, etiam nondum mali radice evulsâ, tempore siquidem ea reviviscit, recurritque interdum post annum vigesimum, trigesimumve, tantoque intervallo mali fomes quasi sepultus intus delitescit. Fit tamen interdum, ut, qui ita curati sunt, seque expertos mali, prorsusque expeditos putant, alias, cum quibus concubuerint, contaminent, prolemque gignant eâ lue conspersam. Indicium sane tum temporis mali fermentum reconditum reservari, & (ut dici solet) in ipsis quali medullis delitescere. Vi-

Vidit hunc morbum reducem *Cardanus* post annos 22. ut scribit *Comment. in Hippocratem de alimento*. Et post 30. *Joh. Philip. Ingrassias de tumorib. præter naturam* fol. mihi 202. absque ullâ novâ conversatione. Tradit etiam *Joh. Fernelius lib. 2. de morb. contagiosis cap. 14. fol. mihi 512.* fædæ istius luis quandoque post 30. annos reliquias conspici, quare recte illa dicitur *Inducias facere, non pacem*.

Memini equidem quondam Lugd. Batavorum Medicinæ Professore *Walleum*, quem audiebam, narrasse, se dominam quandam novisse, quæ joci, ac delectandæ puerorum, innuptarumque puellarum turbæ ergo, ad breve tempus masculi cujusdam induerit vestes, atque ita cum aliis saltarit. Verum tandem constitit, non adeo pura hæc fuisse vestimenta, quandoquidem omnes, quos illa, postquam nupta esset, peperit, liberi venereâ labe fuerint contaminati, cum tamen nihil unquam mali in ipsâ fuerit animadversum, adeoque luem, nullâ in matrem cadente suspicione, è vestibus masculinis provenisse creditum fuit.

Non absolum itaque fuerit, si de veneni à rabido transmissi cane diutius in homine delitescentis causis nonnulla in medium proferam.

Primo quidem certum est, rabidi canis venenum per se tardius operari: Atque ideo *Fracastorius lib. de morb. contagios. cap. 10* tam lente serpere hoc venenum scribit, ut rarissime ante

ante vigesimum, post trigesimum autem ut plurimum diem, ac in nonnullis post menses aliquot, annosve (ut ante dictum) manifestetur. Cujus quidem tarditatis nulla præter crassitiem adduci potest causa, ob quam non ita cito in interiora se penetrare valet, notat etiam *Fernelius* lentissime illud, ac veluti per gradus operari, ita ut nihil mali initio sentiens is qui læsus est, quæ ipsum maneant fata, nesciat.

Nec solum hoc canis rabidi virus longo tempore humano in corpore multis annis, antequam se manifestet, integrum servatur, sed & cuivis rei adhærens vires suas minime amittit.

Sic generosus quidam vir, referente *Zaenro Lusitano prax. admir. lib. 3. obs. 87* quum forte per plateas iter ageret, ecce oborto tumultu, aspiciens retro, vidit canem rabiosum suffocandum, quem plebei funibus devinctum deferabant vociferatione magna. Ille, ut effugeret canis morsum stans circa, illum gladio circumfodit, & eo immisso in vaginam, cursum suum peregit. Ecce post 8 annos irâ percitus tres invadens, graviter gladio eodem percussit: hi vulneribus curatis, citra manifestam causam, post tres annos renuere potum coeperunt, tandem versi in rabiem, furiisque agitati, misere vitam cum morte commutarunt. Adfert etiam ex *Esaia Meischnero* historiam de ense, quo rabidus canis confossus fuerat, quem sub sponda derelictum post multos annos, ac rubigine ob-

430 OBSERVAT. RARIORUM
obductum puer sibi cum aptare voluisset, abster-
gens, ac perpoliens improvidus digito vulnus-
culum inflixit, ex quo rabie percitus periit.

Simile etiam Tarantulæ virus est, quod in-
secti hujus sputum instar visci cujusdam est,
quâ etiam viscositate veneni tardantur opera-
tiones, nec tam cito mala sese produnt symp-
tomata.

D Tarantula autem mox plura.

Statuunt præterea celebriores scriptores tar-
ditatem hanc æquelæsi corporis viribus, bonæ-
que dispositioni, ac veneni qualitati prævæ de-
beri. Ac sic quidem in hoc citius in illo tardius
vires ejus apparere liquido cernimus, prout ve-
neni hujus vel illius vis major, minorve agendo,
infectique magis minusve validum robur, adeo-
que plus, minusve resistendo est.

Quantum autem ad ipsum virus certum uti-
que est, hoc longe vehementius esse his, quam
illis canibus atque ita ejus effectus pro qualitat-
is diversitate citius, seriusve deprehendi. Quod
& in serpentibus apparet pro anni diversis tem-
poribus. Neque enim brumali tempore adeo
nocens eorum venenum est, quam quidem æsti-
vo, nec hyeme tam cito intro serpit penetratve,
adeoque tam cito non necat virus ab ipsis morfu
transmissum, quam æstate. Ceterum constat
etiam morsus, vulnerave plerorumque vene-
natorum animalium citius multo, vehementi-
usque nocere in regionibus fervidiore sole ca-
lenti-

lentibus, quam gelidam Arcton propius accedentibus terris. Quantum autem ad ipsius læsi corporis temperiem, viresque; aliis, atque aliis validiora, aut infirmiora dari corpora nemo negaverit. Quibus itaque celerior sanguinis motus, ac proinde major calor, firmioresque sunt vires, ea multo diutius noxium virus arcere possunt, eoque tardius infici probabile est. Ipse ego plurimos novi, qui uno, eodemque veneno non extincti fuerint tempore eodem, quamquam simul tumpfissent. Demonstrat & experientia à rabidis canibus, lupisve eodem plane tempore læsorum alios primo mense, secundo alios, imo & tertio demum quosdam rabiem invasisse. Corpora insuper alia aliis longe melius sunt intus disposita: ob quam rationem *Ætius* citius venena iis nocere tradit, quibus pravis corpora replentur succis.

Fieri etiam potest, ut quisquam iis utatur alimentis, potuve, quæ vel promoveant, atque excitent venena, vel etiam eadem suppriment, atque coerceant aliquamdiu.

Ipsa quoque veneni operatio citior est, vel senior pro læsarum partium differentiâ. Læso namque nervo, vel etiam venâ, aut arteriâ notabili multo citius per exteriora in nobiliores partes transmittetur venenum, quam parte demorsa, cui parum cum nobilioribus intercedit commercii.

Quid autem causæ, quod tantopere aquas horreant læsi? Non

Non equidem aquas tantum exhorrescunt, sed & quidquid iis est simile, aut potatur, ac sitim restinguit, quare nonnulli morbum hunc non *Hydrophobiam*, sed *Hygrophobiam* dicendum ajunt.

Causam vero hujus tumoris corruptum mentis judicium ex morfu, transfusoque veneno nonnulli statuunt: diuturnâ quippe, continuâque de læsione, morfuve cogitatione tales imaginationes, ac phantasmata cerebro, imprimi, ut assiduo canes videre, imo & in eos quandoque se mutatos infecti putent, interdumque mordere ac latrare gestiant. Cujus rei exempla habet *Dioscorides*, nec non *Nicolus serm. 4. tract. 4. cap. 15.* Has autem canum imaginationes morforum ut plurimum subire mentes volunt, cum aquam, quæ speculi lucidi instar adversas res quodammodo cernere dat, aspiciunt, ac tum in eâdem canes latere firmiter sibi persuadent, quare istam abominantes, ac denuo se morsum iri credentes cedunt retro, vel etiam liquorem illum à cane, quem vidisse se falsò imaginantur, vitiatum autumant, ideoque, licet quam maxume sitiant, fastidiunt: quale exemplum è *Rhaze* adducit *Marcellus Donatus lib. 6. cap. 1. pag. mihi 594.* de quodam, qui à rabido læsus cane, ac in Nosocomio, urgente siti, aquam petitam, porrectamque abominatus fætidam, nec aliter, quam si canis cujusdam eâdem lota essent viscera turbidam dixerit,

rit, productâque dein aliâ idem responderit non absque objurgatione, ac irati animi indicîis puram, clarioremque poscens.

At non semper depravata est hydrophobis phantasia, neque hi omnes delirant, quare non potest delirium hujus morbi pathognomonicum signum constitui. Non omnes delirare probat (si vera sit) historia Philosophi ex *Ætîi Tetra-bibl. 2. cap. 24.* Ut & ea, quæ à *G. Horstio lib. 7. part. 2. fol. 322.* est allata.

Testatur etiam *Salius Diversus* se vidisse aliquos à cane rabido demorsos, quibus nulla unquam fuit delirii suspicio. Non omnes delirant, inquit *Codronchus pag. 100.* aliqui enim mente constant ad ultimam vitæ horam. Idem affirmant *Nicolus, Cœlius Aurelianus, Fonseca, &c.*

Prædictæ opinioni etiam adversari videtur experientia. Cum multi etiam se læsos nesciant, quales ipse vidi. Illi autem cerevisiam fastidire dici nequeunt, quod canis imaginaria quædam forma in ea appareat, quando turbidior illa est, quam ut eam veluti exprimat. Hinc nec *Petrus Salius Diversus* illam admittit opinionem. Ægros enim nihil omnino videre asserit, utpote quos sæpius eâ de re interrogarit. Quin etiam repertos fuisse scribit, quibus (uti supra monuimus) nec à rabido cane mortis hydrophobia supervenerit. Quapropter aliam quandam adducit causam, ob quam hujusmodi homines

434 OBSERVAT. RARIORUM
quosvis detestentur liquores : Statuit quippe
horum usu rabidum illud ita excitari, & veluti
ebullire virus, ac aquam calci affusam, ut ve-
hementius multo agitatum interiores atrocius,
crudeliusque longe aggrediatur, commoveat-
que partes. Nemo autem (quod sciam) eorum,
quos rabidus momordit canis, aquâ potâ con-
valuisset, vel melius sese habuisse uspiam legi-
tur. Neque enim quam tantopere recusant,
veneni antidotum aqua est, uti sæpius con-
stitit.

Narrat *Tulpius lib. 1. obs. cap. 21. pag. mi-
hi 45.* de sene quodam septuagenario, uti ille,
postquam ex morfu in rabiem incidisset, quam-
quam Tya fluvio mersus tantum in visceribus
senferit ardorem, adeoque fuerit anxius, ut-
quandoque lecto decumbens omnia abjecerit
integumenta, ac ex eodem nudus profiluerit in-
terdum, nec non alta voce clamitans majori se
confici ardore, ac siti, quam humanæ ferre
queant vires; deinde etiam, uti potu levare
hanc gestienti omnia tremuerint membra nec
non post exiguum haustum è manibus decide-
rit poculum, atque usque adeo denique omne
omnino commotum fuerit corpus, ut non se-
mel elatâ exclamarit voce: quid mihi, quæso,
ô Viri, tam pertinaciter obtruditis, quod mi-
hi tantopere adversatur! Ipse autem, quamvis
abunde tandem potaret, nunquam ardorem pel-
lere, vel non ita diu post exortas convulsiones
tollere valuit.

Ne

Ne cui itaque mirum sit, si hujusmodi toxico infecti liquores valde refugiant, quoniam eorum usu (teste *Salio*, omnique pariter morforum turbâ) vehementer admodum commoventur, ut iis visis; imo & ad eorum mentionem (ut ante dictum) immane quantum agitentur. Atque illud quidem eodem plane modo fieri crediderim, quo nonnullis ad ciborum quorundam, purgantiumve aspectum, mentionemve nausea quædam, motusque corporis inusitatio supervenit, ab illorum detestatione ortus.

Cujus etiam sententiæ est *H. Mercurialis de rabie fol. 25*, ut & *Rudius de morb. occult. & venenatis lib. 4. cap. 13. fol. 129*, nec non *Rodericus à Fonseca consultat. 25. fol. 90*, ac *Sennertus prax. lib. 1. fol. 160*.

Visi sunt (inquit *Hieron: Rubeus annotat. ad cap. 27. lib. 5. Corn. Celsi*) strangulari hujusmodi rabidi aquæ potu, cum esset illis vis allata, ut potarent: quod & *Avicenna* testatur. Vidi ego (ita pergit) *Ravennæ in suburbio portæ Ursicinæ Emanuele*, vulgo *Manolium* appellatum, nautam, qui cum aquæ libras circiter quatuor, pluribus vicibus ebibisset, magnis enim convulsivis motibus ad aquæ aspectum, & potum torquebatur, sic ut sudore copiose persusus, viribus pene destitueretur, nocte tamen insequenti obiit.

Tubulos quosdam confici jussere quidam, quibus ægris (ne aquæ terrentur aspectu) po-

tum porrigerent. Hinc *Rhases*, *Avicenna*, ac cæteri Arabes docuerunt olim varia instrumenta parari, quibus clam, ac sine sonitu, & visu aquæ ægrotantes decepti bibant. Quod tamen remedium, quamvis ab omnibus fere recentioribus suo tempore reciperetur, minime probat *Codronchus* rationibus innixus. fol. 220.

P. M. de Heredia fol. 7. tract. varior. *Medicin.* testatur juveni cuidam, postquam eum ex hujusmodi tubulo potum haurire coegisset, tantam illico natam fuisse oppressionem, tantumque supervenisse tremorem, ut iterum letale venenum quoddam bibisse inscii credidissent.

Revera itaque non est timor, vel vana quædam imaginatio, propter quam liquores læsi recusant, sed sitientes illos refugiunt, quod tantum incommodi, dolorisque eorum adferat usus atque oblatio, timent enim, ne hisce suffocentur continuo. Neque dubium est, quin absit omnis faucium tumor, uti ipse non semel sum expertus, plurimique asseverant practici.

Guernerus Rolfincius dissertat. *Anatom. lib. 1. cap. 13. fol. 179.* Potus, ait, averſationem in morsis à cane rabido magni nominis medicus referebat ad inflammationem faucium, & conjunctam anginae speciem: sed aperta aliquoties cadavera nulla inflammationis vestigia ostendere.

Codronchus de rabie pag. 117. A nemine, ait, huc usque scriptum, vel experimento comprobatum est facultatem deglutiendi rabidis fuisse lesam.

Clariss. Vir. Joh. Wallens in Academ. Lugd. Batav. olim Medicinæ Professor med. pract. l. 2. cap. 2. pag. mihi 138 cum sedulo aliquando interrogasset hydrophobos quid causæ esset, quo minus biberent; iterum, iterumque rogati fusti simile quid gulis inhærere responderunt.

Similesne etiam questus ingeminant mulieres hystericæ? Nullus tamen tumor, aut inflammatio in earum apparet faucibus.

Quare autem hoc venenum hydrophoborum à liquidis irritetur, eorumque usu pessime sese habeant ægri, non ita manifesta est ratio,

Restat dicendum, quo tandem pacto è læsi loco in corporis reliquum propellatur hoc virus.

Salivæ itaque canis rabidi nonnihil inest fermenti, quod (uti diximus) lentum, & crassum minimeque volatile, ut febrium malignarum, pestisque contagium est, utpote è viscosis consistens humoribus, aërem, ut vehiculum minime agnoscentibus. Illud parti læsæ firmiter inhæret, atque hac ratione in corpus reliquum agit. Humores videlicet ad nutritionem affluentes ex eo fomite, cui permiscentur, dum per partem nutriendam circulantur, nonnihil continuè ad sanguinis deducunt officinam ita ut ibi easdem, quas antea in cane, producat fer-

438 OBSERVAT. RARIORUM
mentationes, planeque similia rabiei phænomena citius, tardius, pro variis circumstantiis excitet, quæ diversitatis ratio in agentis, & patientis (uti ante dictum) fortitudine, ac debilitate consistit.

Nec de hoc veneno, ejusque effectu magis probanda inuenias, quam de Tarantulæ ictu venenoque, quamquam de utroque speciosa satis verba, veram tamen ejus, quod res est, nuspiam reperiās causam.

Sed de Tarantula pauca addam insuper.

Epiphan. Ferdinandus hist. 81. pag. mihi 254. mirum quid de sene quodam annorum nonaginta quinque memorat, qui quamquam adeo debilis esset, ut vix absque fulcris staret, ictus ab hujusmodi Apulâ araneâ illico tamen, audita harmoniâ musica, instar capreoli saltarit. Addit idem hæc araneas ad tibiæ, tympanive, aut ulterius cujusdam instrumenti musici subsultare sonum. Ac, qui mihi, inquit, non credit, veniat huc, ac videat, atque ita me vera scripsisse comperiet.

Illud ipsum etiam affirmat *Kircherus mundi magnetici pag. mihi 599.*

Est, inquit, præterea hoc vel maxime admiratione dignissimum, quod hoc venenum idem præstet in homine ex similitudine quadam naturæ, quod in Tarantula proprio sibi subiecto. Sicut enim venenum musica excitatum, continua musculorum vellicatione hominem ad sal-





Apula Aranea Sive Tarantula ad Musicum Subsiliens somnum.

saltandum excitat, sic & ipsas Tarantulas, quod nunquam credidissem, nisi testimoniis patrum fide dignissimorum id compertum haberem. Scribunt enim hujus experimentum in Civitate Andria in Palatio Ducali coram uno è Patribus nostris, totaque præterea aula factum esse.

Nam Ducissa loci, ut hoc admirabile naturæ prodigium luculentius pateret, Tarantulam data opera inquisitam conchæ aquâ refertæ, atque in ea supra festucam tenuem libratam imponi, & mox cytharoedum vocari jussit; quæ primo quidem ad sonum cytharæ nullum motus dedit vestigium, mox tamen, ubi sono humori proportionato præludere coepit, bestiola frequenti pedum subsultatione, totiusque corporis agitatione saltationem non affectavit duntaxat, sed & vere ad numeros harmonicos subsiliendo eam expressisse visa est; cessante quoque cytharoedo, cessavit & subsultare bestiola. Hoc vero, quod præsentem in Andria mirabantur, Tarenti postmodum ordinarium compererunt, ubi sanatorum, quia musica suâ hoc malum etiam publicis magistratus stipendiis ad pauperum remedium, solatiumque conducti curare consueverunt ad curas patientum certius, faciliusque accelerandas, primo ex infectis quærere solent, ubi, quo loco, aut campo, & cujus coloris Tarantula, à qua morsus ipsis sit inflictus.

Quo facto indicatum locum protinus, ubi frequentes numero, atque omnis generis Taran-

tulæ retium texendorum laboribus incumbunt; accedere solent medici Cytharoedi, variaque tentare harmoniarum genera; ad quæ, mirum dictu, nunc has, nunc illas saltare, non secus ac in duorum polychordorum æqualiter concinnatorum personatione, illæ quæ similes sibi fuerint tono, & æqualiter tensæ moventur, reliquis immotis; ita & pro similitudine, & conditione Tarantularum nunc has, nunc illas saltare comperiunt; cum vero ejus coloris Tarantulam quæ à patiente indicata fuerat, in saltum prorumpere viderint, pro certissimo signo habent modulum se habere verum, & certum humori venenoso & *ταραντιζοντι* proportionatum, & ad curandum aptissimum, quo si utantur, infallibilem curæ effectum se consequi asseverant. Idem & *ejusdem lib. pag. 588.* Nec homines solum, ait, sed & alia animalia à Tarantulis icta ad saltandum concitantur. Recitat *D. Sennertus lib. 1. prax. pag. 2. cap. 7.* Vespam à Tarantulâ morsam, simulque Tarantulam ad vicini Cytharoedi sonum tripudiasse; Gallum quoque commorsum Tarantatorum more concinne saltasse. Quod & de omnibus animantibus asseri debet.

Plura alia, nec minus miranda de Tarantulâ idem *Kircherus dicti mundi magnetici parte 8. lib. 3.*

Nec magis certæ causæ quidquam de *Chorea Sancti Viti* reperias, quæ furoris, insanixve quæ-

quædam est species, quâque agitati continuo, nec unquam cessante currendi, saltandique studio tenentur. Dicitur autem Chorea Sancti Viti quod ille quondam (licet immerito) hujusmodi morbos, malosque affectus tollere potuisse dicatur. Hujus autem rei exemplum est apud *Platerum lib. obs. pag. mihi 85. ac tom. 1. prax. cap. 3. fol. 87.*

Vidi, inquit, cum puer adhuc essem Bazileæ feminam quandam hoc horrendo affectu laborantem, quæ in tribus Suburbii cinericii domum quandam, non procul à parentis aedibus, à lictoribus ducebatur, cui Magistratus viros quatuor robustos, qui alternatim uno fesso, altero succedente, cum eâ dies, noctesque tripudiarent, constituit, quod fere mensis spatio, spectantibus multis duravit, sine fere intermissione, etsi solearum pedum ejus cutis attrita esset. Et licet aliquando, ut cibum caperet, & somno correpta sedere cogeretur, tamen gestu motuque corporis inquieto, interim nihilominus corpus veluti saltans agitabat, donec omnino viribus prostratis, adeò ut nec stare amplius posset, à saltu cessare coacta, in Hospitale vecta est, ubi refecta sensim denuo convaleuit.

Simile quid Cortraci in Flandriâ se vidisse memorat *N. Tulpus observat. lib. 1. cap. 16.* Plura qui desiderat de Choreâ hac, adeat *G. Horstium lib. 2. observ. 45. fol. 112. & seqq.* nec non *Schenkius fol. 155. G. à Reyes Elys.*

*jucundiss. quæst. campo, quæst. 97. fol. 714. ut
& Sennerti instit. fol. 412. libroque pr. fol. 164.*

Quoniam igitur, usque adeo contagiosus, periculosusque rabidi canis morsus est, summo-
pere, oportet, illum, quâ fieri possit maximâ,
diligentiâ caveamus.

Operam igitur non ludam, si universa rabie
agitati canis signa, indiciave lectori cauto ob
oculos ponam.

Sunt autem hæc. Cibus, potumque aver-
santur quotquot rabie agitantur canes, spumam-
que ore, ac naribus ejiciunt, quemvis aggre-
diuntur, ac mordere gestiunt, cessante tamen
latratu; oculi autem illis sunt rubicundi admo-
dum, ac flammei, neminem veluti agnoscunt,
caudæ vero sunt pendulæ, linguæque (quibus
fuscus, vel etiam flavus ut plurimum est color,
tanquam felle imbutis) multum ex ore propen-
dunt. Quam citissime interdum hujusmodi
canes currunt, ac sæpe etiam incautius in mu-
rum, aut aliud quid prono incurrunt corpore,
quin & cursum nonnunquam præter expectatio-
nem subito sistunt; cæteri autem canes istos fu-
giunt.

Discutienda autem unica restat quæstio, num
videlicet cani rabies ex verme quodam in cere-
bro, vel sub linguâ existente proveniat?

*Jacob. de Part. super Avicen. Fen. 1. Tract.
2. cap. 3. canes in rabiem ferri dicit scribi prop-
ter vermem quendam in cerebro latentem. G.*

Reyes

Reyes à Franco quæst. 61. fol. 464. merum hoc esse ait figmentum, neque enim quemquam id ipsum asserere. Licet sint, qui in caprarum capitibus vermes quandoque reperiri scribant. Uti apud *Alfarium à Cruce de quæsitis per epistolam, cent. 3. fol. mihi 194.* legi potest.

Bartholinus Epistolar. medic. centur. 3. Epistolâ 38. pag. mihi 198. Æstas enim hæc sicca, æstuanisque, ait, multa animalia in phrenitidem, & vertiginem agit, quod damno suo multi apud nos agricolæ experti sunt. Notandum id imprimis de equis, bobus, & ovibus. Vermes capiti inesse ita affectorum, rusticorum nostrorum est observatio.

Quod num etiam in canibus fiat, non ita est exploratum.

Videtur credere *Plinius* rabiem canibus ex vermiculo quodam oriri, qui sub illorum lateat linguis, *natural. enim historiae lib. 29. cap. 5. pag. mihi 540.* Est, inquit, vermiculus in lingua canum, qui vocatur à Græcis λύσσα, sive λύττα, quo exempto infantes catuli nec rabidi fiunt, nec fastidium sentiunt.

Ille autem, cujus modo memini, *G. Reyes quæst. 62. pag. mihi 476.* fictum illud, fabulosumque dicit, sicut & illud, quod *Dioscorides*, ac *Serapio* de rabidi canis molari dente corio confuto incluso, ac ubivis circumlato, tanquam infecti canis morsus antidoto, asseverant. *Jo-*
bns

bus Mekeranus obs. cap. 59. pag. mihi 364. parvulis canibus plerumque vermem sub linguis nasci scribit, quo laborent, ubi multum rodere cernuntur. Cum enim temperiei siccae, calidæque sint, vermibus titillatum sub lingua tolerare nequeunt, unde longe calidior (præsertim diebus canicularibus) sanguis ipsis febris, propendentisque linguæ (tam propter vermem, quam ariditatem) ac tandem rabiei causa est.

Baptista autem Codronchus lib. 2. de Hydrophobiâ fol. mihi 223. Sciendum, inquit, est, illam partem, quam eximunt, non esse vermiculum, sed nervum vermibus teretis figurâ.

Quin & Aldrovandus lib. 6. de insect. fol. 679. cap. 3. nonnullos non animalculum quoddam hoc, sed nervosum plexum credere tradit.

Franciscus Foel lib. 2. morb. univers. sect. 4. pag. mihi 150. rabiei canum causam inter alias statuit putrefactionem, ac inflammationem nervosæ illius congeriei vermibus referentis, quæ sub canum linguis conspicitur, & Græcis λύσσα, id est vermis, nominatur. Hæc enim vermiformis congeries si catulis bis excidatur, iisve post quadragesimum à productione diem extrema præcidatur cauda, (ut testatur Columella de re rusticâ (lib. 7. cap. 12. fol. mihi 519.) nunquam in rabiem incident.

Quidquid sit, ipse ego affirmare non dubito vermem minime è catulorum linguis, sed nervosum quoddam educi ligamentum.

Vermem autem esse linguarum caninarum sectores medici hominibus, uti credo, persuadent, ut majus iis inde obveniat lucrum: haud secus, ac circulatores, qui dentes evellunt, vermem quendam in dente molari latere vulgo persuadent, qui continue dentem illum exedat, corrumpatque, atque ita maximi doloris sit causa: cum tamen non nisi nervosa quædam, ut ante dixi, vermemque referens reperiatur particula.

Petrus autem Salius Diverfus cap. 19. fol. mihi 312. canibus hoc quicquid est mali è peculiari quadam corporis humorum corruptione nasci arbitratur ex esu, potuque ciborum, liquorumque putridorum, ortâ: addit insuper quam accuratissime sese animadvertisse hanc plerumque canum rabiei fuisse causam, quod corrupta, putridaque hominum cadavera, vel carnes animalium putrescentes comedissent, vel potum con similem hausissent, vel alia abominabilia degustassent.

Ut autem paucula addamus de curâ. Quisquis à rabido morsum se cane sciverit, quanto citius læsum aquâ falsâ, vel urinâ abluat locum. *Raymund. Joh. Fortis centur. 1. consult. 20.* præfert hoc casu vinum calidum, cui pauxillum salis admistum sit, Sal enim demorsis, præcipue ei vulnere, quod canis fecit, medicamentum est, ut *Celsus vult cap. 27. lib. 5. fol. 509.* Alii nonnihil Theriacæ addunt.

Quod

Quod si insuper ipsam vulnus aperuerit cutem, ad trium, quatuorve digitorum latitudinem supra illud firmissimo vinculo, siquidem fieri possit, læsa pars erit constringenda.

Monet autem *Celsus*, ne tam firmiter illa ligetur, ut omni privetur sensu. Quæ constrictio si per vinculum propter læsæ partis constitutionem fieri nequeat, adstringentes pulveres ovi admixto albumine, vel eorum loco defensiva vicinis locis admovenda sunt emplastra.

Ut autem omnis veneno ad interiora præcludatur transitus, non inutile erit, si, prout *Celsus* monet, cucurbitulæ læsæ applicentur parti, quas cum multâ flammâ majoris attractionis ergo adhibere, ac scarificare, terque renovare, & affigere jubet. Si vero parti demorsæ cucurbitula apponi nequit, veluti digitis &c, nec etiam scarificatio ibi locum habere potest, hirurgines plures circa vulnus applicari possunt: Deinde emplastrum *Galenii* applicandum è pice, aceto & opoponace in vino liquato.

Ablui deinde locus morsus, & fomentari poterit sequenti remedio:

℞. *Theriaca* ℥ss.
vini generosi ℥j.

Eidemque postea non inutiliter hoc applicabitur cataplasma.

℞. *Theriaca vet.* ℥℥.
Succi capar. ℥℥.
Stercor. Columb. ℥℥ij.
Salis comm. ℥ij.
Pulv. rut.
Scordii āā ℥℥.
aq. vitæ q. s.
Fiat Cataplasma.

Postridie vel etiam quintâ, sextâve post horâ
cendenti quoque vulnus aduri poterit ferro :
cum ut dometur, consumaturve eidem inhæ-
rens virus, tum ut simul aliquamdiu ulcus aper-
tum maneat, per quod virus diu effluat, quod
postremum ad quadragesimum usque diem ad
minimum plerique requirunt scriptores me-
dici.

Fieri autem id facile poterit, si pisum ma-
juscule singulis diebus bis, vel etiam exsiccatae
spongiæ particula, uti solet fistulis, immittatur.
Quamquam *G. Fabrius Hildanus obs. 87.*
cent. 1. fol. 67 quavis hebdomadâ sequenti pul-
vere vulnus bis terve intus consperferit.

℞. *Pulv. precipit.*
lap. Bezoard.
pulv. rad. Angelicæ āā ℥j.
misce.

Hunc enim & attrahentem, venenoque resis-
tentem dicit.

Neque tamen leviter, vel summa tantum incute, sed profundius facienda est dicta adustio, si per membrum infectum liceat; plus enim peccaverit, si minus, quam si magis profunde adusserit Chirurgus.

Heurnius autem *lib. de morb. cap. 13.* (quicum *Dioscoride* cucurbitularum applicationem, adustionemque, prioribus diebus transactis, non multum adferre utilitatis scribit) *cautio adsit*, ait, *in cauteriorum impositione, ut, ubi morbi principium (quod varium est, duorum, quatuor, & plurimum dierum) præterit, à cauterio pax sit. Nam altius jam se insinuavit venenum: scarificabimus tamen, & siccantia. evocantiaque imponemus.* Si ustio, aut adurentia remedia primis diebus prætermissa fuerint, nec scalpro carnem incidere, nec ustionem experiri operæ pretium est scribente *Palmario fol. 338*, quia malum jam altius penetravit.

Continuo autem separanda est adustione facta crusta, ne veneno impediatur exitus: separatio autem recenti butyro, oviq; vitello effici potest.

Jobus autem *Mekeranus* ad hoc efficiendum utitur *unguento Basílico, Theriaca mixta*, posteaque modò descriptum vulneri imponit cataplasma.

Galenus lib. de Theriaca ad Pisonem non utitur ferro candente, sed carnem profunde & orbiculatim excidit, ut vulnus diutius apertum retineri possit.

Non-

Nonnulli, si partis conditio ferat, partem demorsam statim amputandam censent, exemplo illorum, qui aspidē, aut viperis demorſi, digitos amputaverunt, & salvi evaserunt.

Verum non ita necessarium hoc videtur, cum venenum canis rabidi non sit tam celeris activitatis, ac venenum aspidis, & viperæ, & aliis modis satis possit educi.

Fabrit. Hildanus obs. 98. cent. 2. ac cent. 1. obs. 87. fol. 67. adustam crustam postridie sectione eximit, nullâ omnino vulnēri adhibitâ pinguedine, quod eādē venenī impediatur exhalatio. Post adustionem autem gossipium aquâ vitæ tinctum læso admovet loco, admixta itidem Theriaca, ac dein sequens emplastrum supra linteum extensum applicat.

Rx. Capar. aliquantulum sub cinerib. coctarum.

Fermenti acris

Far. Sinap. ā ʒj.

Theriaca ʒi.

Fol. ruta.

Scord. ā mß.

Misceantur in mortario addendo parum mellis.

Tantum autem ardentis ferri in hoc malo usum asserit, ut circulatorem quendam se novisse dicat, qui non alio, nisi hoc contra venena usus sit remedio, licet id ipsum se non probare fol. 177. scribat.

450 OBSERVAT. RARIORUM.

Describit *Jobus Mekeranus* pag. mihi 367. hunc potum quotidie bibendum.

℞. *Rad. Scorzon.*

Fol. Ruta.

Betonica.

Nepethæ ā mj.

Salv. minor pug. ij.

Levist. mß.

Coq. in vino Gall.

colatura detur usui.

Palmarius de morb. contagiosis pag. mihi 344. *cap. de morfu canis rabidi* mirum in modum sequentem extollit pulverem, ad dragmam dimidiam sumptum, imò & Hydrophobis prodesse tradit, si eodem tribus, antequam prandeant, horis, sive sicco, sive cum saccharo, syrupove aut etiam melle, in bolum formato, vel alioquin cum vini quantitate parciore utantur.

℞. *Fol. Ruta*

Verbena

Salvia.

Plantag.

Fol. Polypody.

Absynthy vulg.

Mentha

Artemisia.

Melissophyl.

Beton.

Hyperici

Centaur. min. ā part. aq.

Fiat omnium pulvis.

Hoc autem loco filere nequeo, quod mihi, impressa jam observationum Centuriâ contigit. Vicino quippe mihi Fabro cuidam lignario X. Sept. anni 1682. canis erat, qui à prætereunte, eoque rabido cane morsus post novem dies malè sese habere cœperat, nec cibum, nec potum admittens, quietisque impatiens, sine lege huc illuc discurrebat, oculis inconstantibus admodum, atque halitu oris graveolenti. Nihilominus tamen ipse faber, ejusque uxor, nec non puella quædam alia, ut & famulus (at quam imprudentur!) canem hunc ad ora salivam hausturum (ita enim solebat) admittebant, donec manifesta se rabiei proderent indicia. De quâ cum nullum tandem esset dubium, immerso aquis cane, extinctoque, ad me venit. Consului itaque, uti se æquore tingi omnes juberent continuo, (licet, ut mox dicam, huic remedio absque aliis non multum fidam) domumque reversi lectis decumberent. Tum vero diaphoretica unicuique præbui, quotidieque jam adducta sumere præcepi remedia, præcipue autem *Palmarii Electuarium*, *Galenique pulverem*, quorum mentionem modo feci. Tum, ut hisce per integrum uterentur mensem, suasi. Necdum tamen horum cuiquam vel minimum mali obvenisse intellexi.

Nobiliss. Vir. Joh. Ludov. Hannemannus part. 2. Act. Med. Thom. Bartholini obs. 110. fol. 274. admirandam describendo remedio at-

452 OBSERVAT. RARIORUM
tribuit laudem, nunquam enim fefellisse, imo
ipfos Hydrophobos sanasse tradit.

℞. *Herb. Ruta*

Abrotani

Beton. angust. fol.

Salvia angust. fol. ā mj.

Incisis affunde acet. vini opt. ℥j. si que tem-
pus permittit, per aliquot horas maneant in infu-
so, exprime, expresso adde

Theriaca Andromachi ℥ij.

Adultus magnum de eo faciat haustum, ju-
nioribus & puerulis detur cochleatim, sin vero
periculum metuatur, additur

Herb. card. fullonum mj.

vel hujus sem. contus. ℥j.

Addit vulnus commorsum per 9. dies aper-
tum tenendum, ac prædictas herbas expressas
post fricationem cum bacillo è vite applicandas
omni mane, tam diu donec æger in portu navi-
get: & si metus periculi adhuc sit, repetendam
esse potionem.

Usque adeo salutiferas autem has ait, ut to-
ta Respublica Medica simile euporiston vix ha-
beat. Illud & ipse datis ad me literis significavit
Vir Excellentissimus, scripsitque fide dignam si-
bi asseruisse Matronam solo sem. card. fullonum
usu in lacte dati restitutum Hydrophobiâ labo-

tan-

tantem, & hoc semen adjici aliis compositis alexipharmacis, quanto magis furori, & Hydrophobiæ proximus est æger.

Si quis itaque à cane morsus fuerit, quem non viderit, vel etiam de visi rabie dubitaverit, aut si quis de eâ certus, num aptis satis expulsum sit venenum remediis, hæreat, nonnulli, quales sunt *Ætius*, *P. Aegineta*, *Oribasius*, alique, vulneri, ulcerive jubent panis offam vino nonnihil immaceratam, contusæve impo-
nere juglandes, quibus postea comesis si extin-
guantur gallinæ, continuanda erunt remedia,
apertumque tenendum vulnus: licet *Eustachius Rudius de morb. occult. fol. mihi 26. ac 134. ut*
& *Ful. Caesar. Claudinus empyr. ration. fol. mihi 300.* non ita certum hoc credant experimen-
tum.

Quid autem de mersione in aquas dicendum?

Celsus equidem *lib. 5. cap. 27.* unicum mi-
ferrimi hujus mali remedium statuit nec ino-
pinantem in piscinam, non antea ei prævisam
projicere, & si natandi scientiam non habet,
modo mersum bibere pati, modo attollere; si
habet, interdum deprimere, ut invitus quo-
que aquâ satietur. Sic enim simul & sitis, &
aquæ metus tollitur. Hanc autem in aquas im-
mersionem ipse, ut & *Cælius Aurelianus*, re-
quirit, antequam nata sit hydrophobia, ob-
ruaturque symptomatibus pessimis æger, vix
enim quidquam tum superesse levaminis ait.

Hoc tamen quaecunque remedium nunquam fallere Batavorum vulgus putat.

Forestus lib. 20. obs. 28. fol. mihi 350. de innumeris memorat, quibus, ipso consulente, aquâ merfis nihil exinde supervenerit mali. Idem & testatur N. Tulpius lib. 1. obs. med. cap. 20. pag. mihi 43. Verum illi fortean sputo contacti tantum, nec ita læsi, ut sanguis manaverit (uti & dicto loco indicat Forestus) vel aliis insuper usi fuere remediis.

Beverovicus autem parte primâ Thesauri valetudinis adversæ cap. 9. fol. 440. alique fallere quandoque se vidisse immersionem affirmant.

Quod & animadvertit Cardinalis Ferdin. Pozettis lib. 3. de venenis cap. 18. fol. 569. Permulti, inquit, se in mare demersere, nec tamen exinde adversus rabiem quicquam adjumenti sensere. Quamobrem (ait Paræus lib. 20. cap. 14. fol. 440.) illi remedio non est fidendum.

Rejicere videtur frigidam balneorum aquam Avicenna, timet enim, ne poris occultis, intus propellatur virus. Quo modo eâ de re etiam judicat Rudius de morb. occult. p. 127. ut & alii. Ille autem eo loco nec Dioscorid: nec Galenum, aliove ad præveniendam hydrophobiam ullam unquam dulcis, temperatique, frigide balnei fecisse mentionem tradit.

Scribit Oribasius ante vigesimum diem balnea nocere, ante quadagesimum statuunt alii. Avicenna

cenna autem loco modo adducto, ne læsum, ait, eo tempore in balneum admittas, necaveris enim, si intrare siveris.

Codronchus de rabie fol. 47. scimus, inquit, quendam divitem, à catulo manu commorsâ, septimo die cum ingentissimo aquæ cruciatu, ac convulsionibus miserrimè vitâ excessisse, nec illi quicquam contulisse, quod aquâ bis, & ter mer-sus fuerit, & eam potaverit. Idem fol. 202. ita pergit; In mare dejectionem abjque aliorum usu medicaminum cum Andr. Baccio lib. de venenis, & Antidoti rejicerem, quam meam opinionem Forestus lib. 10. obs. 28. confirmat narratione illâ de juvene, cui Delphis Batavorum post sextum à læsione mensem, quamvis aquis merso, hydrophobia fuerit orta, forte, quod legitima spreverit remedia.

Hæc præterea in aquis immersio hyberno præfertim tempore periculosior videtur, si debiles insuper, tenellique homines morfi fuerint. Quapropter dicti libri modo adscripto loco Celsus: Sed aliud, ait, periculum excipit, ne infirmum corpus aquâ frigidâ vexatum nervorum distensio absumat. Damnat etiam hoc genus remedii Cælius Aurelianus acut. morb. 3. cap. 16. eò quia, inquit, sæpe agri ex hujusmodi immersione incurrunt convulsiones, contractiones, & alia mala.

Novi, ait *Beverovicus dicto loco* quendam rusticolam, qui mer-sus, ac, madidis retentis vestibus, trahæ impositus, antequam domum reverteretur, expiraverit.

G. Stratenus medicus nuper celeberrimus retulit mihi ingeniosam quandam Dominam à canelâsam rabido ipsum consuluisse, an hijeme, stringente aquas glacie, sese mergi pateretur, cum tenello esset corpore, frigeretque admodum aer. Ipse autem se immersionem dissuasisse mihi dixit, verum infectæ parti aliquoties cucurbitulas cum scarificatione imponi juberet, præcepit, eandemque passim, Theriacâ, aquâ rutæ, similive liquore destillato, vel etiam vino mixtâ ablueret, intereaque quotidie per integrum mensem antidoto quodam uti non cessaret, atque ita omnis mali immunis evasit. Ipse autem optimum profecto hunc sanandi modum judicaverim, namque injectioni in aquas, præcipue si altius vulnus foret, non nimium fidens, quamquam non omnino rejiciam, ab ipso usque initio alia insuper intrinsecus, extrinsecusque applicuerim remedia.

Scribit *Palmarius p. mihi* 347. hunc in modum.
 ,, Nostrates hoc remedii genus ad præcautionem
 ,, usurpant, mare fluviis præferentes: Hydro-
 ,, phobiâ jam oppressis istam curationem in fœ-
 ,, liciter cessisse, at præcautionis gratiâ pleris-
 ,, que profuisse, multorum experienciâ comper-
 ,, tum est. Quamquam ne huic quidem reme-
 ,, dio prorsus fidendum esse per multorum mor-
 ,, tes didicerunt populi maritimi. In plerisque
 ,, enim aquæ conspectus hydrophobiam veneno
 ,, in corpore commoto celerius exsuscitat, quod
 ,, alioquin sine ullo ægri incommodo diutius de-
 ,, litet-

litescere, & alexipharmaco extinguï domari-
que potuisset.

Petrus Salius Diversus de affect. particul.
cap. 19. pag. 339. Unicum tamen, inquit, ab
antiquis ad hoc propositum est remedium, vi-
delicet aquæ dulcis balneum, ejusdemque po-
tus, quo, eorum auctoritate fretus, aliquan-
do expertus, nullam in eo utilitatem inveni,
imo cum plurimum hujus nonnulli potassent,
plurimum etiam detrimenti hinc eos conse-
cutos, quam rem cum accurate perpen-
derem, ratio, & frustrata experientia me
vanum esse remedium istud credere coëge-
runt. Imo cum ingens antipathia sit inter
aquam, & virus istud, epota aqua semper
detrimento erit patientibus, cujus merito,
& maximà cum ratione ab *Avicenna libr.*
4. fen. 4. tract. 4. cap. 7. dictum fuit: &
quandoque sorbet ex eâ, quare strangulatur per
eam, & moritur.

Ideoque censet *Salius Diversus* non oportere
Medicos huic fidere sanandi modo, utpote vano,
& contra rationem administrato.

Th. Bartholinus Centur. 2. hist. 89. Mulier
quædam, inquit, Lugduni in Batavis Ao.
1645. à cane rabido morsa aquâ Rheni præter-
fluentis, sanitatis recuperandæ gratiâ, abluta
est, sed curru cum aliâ comite in civitatem
reversura, prope portam vomitu supervenien-
te, animam evomuit. Itineris socia, quam

,, vomitus venenosus adsperserat, infeceratque
 ,, tertio inde die quoque exspiravit.

Quantum autem ad venæ sectionem attinet, frustra quidem illa hoc casu fit, quod eâ non expellatur virus, sed debilitentur vires plurimum, ideoque ad resistendum minus fiant idoneæ.

Solæ cucurbitulæ læsæ adhibitæ parti admittuntur.

Qui hydrophobis venas scindere parant (ut scribit idem *Salins Diver(us fol. 340.)* quo mortem maturent, medium proponunt, cum quod sectione illâ deficient vires, tum quod veneno minime resistat qualiscunque istæc exoneratio.

Nec adhibendas putem alvi purgationes, præfertim etiamnum recenti malo, quando iis ab exterioribus ad interiora humorum excitetur motus. Ita & testatur *Rudius p. 136. G. Fabrit. Hildanus Cent. 1. obs. 87. fol. 67.* Nec non *Sennertus med. pract. libr. 1. part. 2. cap. 16. fol. 163.*

Quamquam & sint, qui huiusmodi purgantia, sumpto prius quodam antidoto, ante hydrophobiam admittant. Si vero ipso morbi initio cuiquam alvus impura, atque excrementis referta sit, poterit enema, aliudve lenius purgans præscribi.

Ne quid autem indictum maneat, videamus, an ne ejus, qui momordit, canis pili appliciti juvent?

Tradunt equidem nonnulli illos essentiæ quâdam

dam paritate venenum educere, haud aliter, ac solet contusus Scorpio vulneri, quod fecit, admotus omne tollere virus, quos inter reperio *Plinium lib. 24. cap. 5. fol. mihi 540. Paræum lib. 20. cap. 14. p. mihi 440.* Ut ut autem illi, & præter hos alii quoque hoc extollant antidotum, suprà adscriptis ægros adjuvare tutius crediderim remediis.

Illos autem Anticyras navigare jubeo, qui læsis venenati, à quo vulnus illatum, canis assatum jecur triduo comesum ad sanationem facere scripserunt. Quando etiam tradit *Galenus de compos. medicam. per gen. cap. 16.* ejusmodi hepar laudari quidem à quibusdam, verum & audisse se aliquos huic remedio nimium fidos misere interuisse.

Sunt, qui putent, scribente *Avicenna lib. 4. fen. 6. tract. 4. cap. 9,* rabidi canis cruorem, assatumve hepar læsos sanare posse; Ille autem se hæc præscribere non audere ait.

Paræus etiam *lib. 20. cap. 14. fol. 440.* sibi eâ de re non liquere dicit. Quamvis *Palmarius pag. mihi 342. dicti libri* experientiâ se didicisse asserat rusticos quosdam canis rabidi, à quo læsi essent, jecinoris esu hydrophobiam evasisse.

Verisimilis tamen non est qualiscunque hæc curatio, quod scribant *Fernelius lib. 2. de abdit. rerum causis cap. 14.,* ac *Donatus fol. 592* rabido lupo comeso, multos fuisse infectos, quibus etiam non ita diu post hydrophobia orta sit.

Qua-

Quale exemplum etiam *Bauhinus* de porco in rabiem verso adducit, qui plurimis comesus miferriimi fuerit leti causa.

Neque magis crediderim morsui canis rabidi medendi rationi, quæ fit Sacello *Divi Bellini* de quo *Calius Rhodiginus*; vel quæ peragitur *Divi Donini* Templo, de quo *Mathiolus* agit.

„ Horum ille *lib. 17. lect. antiq. cap. 28.* Est
 „ in Rhodiginis paludibus, inquit, Divi Bel-
 „ lini Templum, miraculorum frequentia ce-
 „ leberrimum, & affluxu hominum etiam notissi-
 „ mum. Erectæ ædis causa fere publica est.

„ Pulsus is Divus Patavio, grassantibus no-
 „ bilium plerisque, quod severius, sanctiusque
 „ quam illis probari posset, Episcopum ageret,
 „ insectantibusque inimiciter adversariis, in
 „ palustre agri nostri solum quindecim millibus
 „ Rhodigio distans divertit. Cum manus ho-
 „ minum evasisse videretur, canum rabiem non
 „ evasit, à quibus è vestigio convulsus, dis-
 „ cerptusque mox in Divorum indigitamenta
 „ relatus, templum in illis emeruit locis, in
 „ quo & arca marmorea ferreis occlusa cancellis
 „ latet sanctissimum ejus corpus.

„ Templi vero ex necis genere ea cœlestis est
 „ proprietas, si quis clavem sibi quæsierit, quâ
 „ ædis valvæ recludantur, ac ea candente,
 „ quicquid rabie agitari orsum sit, attigerit,
 „ præsentissimum est remedium, & nunquam
 „ non verum. Hic vero *Comment. in cap. 37.*
 „ *lib.*

lib. 6. *Dioscoridis* subsequenter refert: per-
 pauci nostro tempore habentur à cane rabido
 demorſi, qui medicos conſulant, nam eſt
 tanta religionis vis, ut omnes quos rabidi ca-
 nes momorderint, partim ad *Divi Donini*
 Templum confugiant, partim vero ad *Divi*
Bellini Sacellum, ubi quibuſdam exorcismis,
 & panibus characteribus obſignatis, à ſacer-
 dotibus perquam facile ſanantur, ut pluri-
 morum teſtimonio equidem fateri poſſum.

Aſſertionem *Calii Rhodigini* de clave Tem-
 pli *Divi Bellini* quod attinet, illam partim ſu-
 perſtitioſam, partim quoque rationali cura-
 tioni convenientem judicat *G. Horſtius cent.*
problem. Therapeut. Decad. 10. quaſt. 2. fol.
mibi 204. Superſtitioſam, propterea quod
 falſâ plebis perſuaſione virtus quædam ſanandi
 clavibus illius Sacelli tribuatur: partim vero cu-
 rationi naturali convenientem, quatenus ejuſmo-
 di clave candente morſus inſlictuſ exurit,ur,
 quâ ratione venenum elicitur, vulnuſ apertuſ
 conſervatur, viruſque illud minus ad internas
 corporis partes ſe inſinuat. Etenim verum eſt,
 quod habet *Dioſcorides lib. 6. cap. 48.* Ubi con-
 tra, inquit, virulentos icuſ uſtio expeditiſſi-
 muſ auxiliuſ eſt, utpote cum ignis cætera vi-
 ribus præſtet, ſive quod viruſ domet, & peni-
 tiuſ ferri non patitur, ſive quod pars ignem
 experta poſtea non vulgare fundamentuſ cura-
 tioni præbeat, manente diutinuſ exulceratione.

Ad-

Adjuvat naturam in expellendo firma phantasiæ persuasio, quæ vel sola plurimos, gravissimosque morbos non raro curat.

Matthiolus porro sibi ipsi probabiliter respondet, nam, *Cogitanti, mihi, ait, quonam pacto id tam facile eveniat, nonnulla se obtulerunt rationes, quas libere dicam. Haud dubie imprimis divina auxiliatur gratia quippe cum non parum molestiæ, malique morsu canis rabidi affectis inferre possint Cacodæmones, ut qui in atrabilariis humoribus suam habeant sedem, iisque exorcismis cedentes abeunt, & afflictorum corpora munda relinquunt, sublato secum veneno. Illud præterea addiderim, quod fortasse sacerdotes ipsi aliquod nobis occultum habeant antidotum, quod panibus illis admiscentes, agres devorandum præbent, vel id aliquo in potu bibendum exhibent.*

Ipse autem de *Bellini Sacello*, *Doninique Templo*, ut & de *Huberti Fano*, quod apud *Leodienses* est, ac de quo ea fere memorantur, quæ de *Donini Æde* tradit *Matthiolus*, idem statuerim, quod de strumis, quas, cum solo Regum contactu penitus dicantur tolli, expertos admodum convenientibus remediis illorum jussu pellere medicos exploratissimum est.

Atque hic quidem primæ observationum nostrarum rariorū Centuriæ esto

U N I C O R N U

D I S S E R T A T I O.

NOstræ hujus de *Unicornu* disquisitionis initium constituat pars quædam literarum, quas Vir Amplissimus *Cornelius Neolandius Brederodius* Fæderati *Belgii* Procerum auctoritate Regni *Angolensis* in *Africa* Concilii Politici quondam 'Assessor ad honorandum admodum Virum *Godefridum Syndicum Genevensem* dedit 23. Martii 1643. in ejusdem Regni Urbe *Loandâ S. Pauli* scriptas: Harum autem partem hunc in modum verti.

Ipse equidem tibi nihil omnino novi de hac Orbis terrarum parte litteris significo, utpote in quâ nihil geratur, quod ad tuas pervenire dignum sit aures, præsertim hominis universi theatri Europæi spectacula oculis usurpantis. Flagro, mehercle, atque conficior pene desideratissimæ illius terrarum partis (elapso præcipue, in quod Proceribus obstrictus triennio) amore, in qua vel otiosus mal-

mallem existere spectator, quam heic locorum inter quoscunque tandem præcipuus. Contigit mihi, fatebor equidem, hisce in regionibus cum Regibus, Principibusque unâ esse, & *veras audire* & *reddere voces*, à quibus honoribus affectus, nec sine reverentiæ testimoniis dilectus sum; neque etiam inter nostros potentiæ, auctoritatisque mihi quidquam deest. Verum enim vero non isthæc animum delectant, nec juvant tantis terrarum intervallis, mariumque immensis fluctibus ab optimis divisum amicis, quibus, quas debeo, dignas grates persolvere non datur.

Cæli partis, sub quâ hîc vivitur, insolitis noxia admodum est qualitas: Pauci enim sunt, qui mortem, vel gravissimum ad minimum effugiant morbum. Servavit me in hunc usque diem laudanda Dei benignitas, quem mihi usque mansuetum precor, speroque; si vero aliter quidem de me statuerit, fiat, quicquid voluerit.

Suâ quidem sponte harum regionum sterilis est tellus, nullosque, vel oppido paucos producit fructus fluviorum

autem

autem ripis non defunt mali Aurantiæ, citreæque, nec aliæ in Brasiliâ, Europâque, notiores herbæ, sed magno constat harum cultus, propter immensam fervorum, quos hic requirit, multitudinem. Ovium etiam, Boumque, ac porcorum, aprorumque nobis abunde est: Copiose etiam admodum cervi, cervæque, ut & rupicapræ reperiuntur, & ferinam præstantes carnem Phasiani, perdicesque, palumbes, ac coturnices, nec non galli, gallinæque variegati coloris, longe aliis autem, quam quales in Patriâ meâ vidi, teguntur plumis, palatoque longè sunt amæniores. Adsunt & anseres feri, anatesque, ac querquedulæ cum ficedulis, aliisque, quas ignoratis, natantibus avibus. Feræ bestię quoque hîc dantur plurimæ, Elephanti videlicet, Leonesque, ac Tigres, Lupi, & Bubali, omnes profecto feræ admodum. In aquis autem Crocodili, ut & Hippopotami, ac Sirenes degunt. In terris longius ab Oceano recedentibus Rhinoceroses etiam Zebæque apparent, quæ omnia animalia cursus celeritate superant. Inve-

nitur & Unicornu *Afris Bembe*, ac *Poc-cabembe* dictum : hujusmodi animalis cornu servo, longe ab iis, quæ in *Europa* hoc circumferuntur nomine, diversum. Mihi certe quam compertissimum est hic, licet rarius, veram reperiri *Monocerotem*.

Hujusmodi autem cornu nullum unquam experimentum feci, affirmantibus licet unanimiter *Afris*, præstantissimum id contra quævis venena antidotum, quandoquidem *Bezoardico* plus fido lapidi, qualem instar gallinacei ovi domi meæ habeo; hunc namque crebrior mihi magis commendavit usus. Alia rariora pauca hisce in plagis reperire est, ac quod monstri simile, nihil monstri hæc profert *Africæ* ora, præter barbaras, ac fanioze ratione carentes plurimorum *Maurorum* animas. Quibus autem maxima insunt humanitatis vestigia, pleniorque judicii facultas, *Congenses* dicuntur. Dantur ad me quandoque à Rege, ejusve fratre *Bambæ* Duce literæ nonnulla indicia humani habentes ingenii, in cæteris autem non, nisi probrorum, vitiorumque, videas congeriem. Hisce &c. Ad-

ADNOTATIONES

Ad hanc literarum partem.

UTrum verum, ac tale, qualis meminit S. Scriptura, detur Unicornu, diu multumque fuit certatum. Ad hoc autem ut respondeatur, sciendum duplicis nominis intellectu Unicornu scriptoribus usurpari. Hinc enim factum est, ut, neglectâ quidem istâ distinctione, erraverint plurimi.

Significat itaque generaliori nomine Unicornu omne animal, cui unum frontem defendit cornu. Hujusmodi autem bestię plures sunt. Quatuor dari animalium genera, quibus uno superbiat frons cornu, *Laurentius Catalanus Pharmacopœus Magdalonensis*, alique scribunt.

Primum genus est Avium, quas inter *Dynon* etiam in *Æthiopiâ* degentem numerat: ibidem reperiri aves, quibus unicum sit cornu, *Ælianus* auctor est *libr. 17. Hist. animal. cap. 10.* Ille autem hoc loco generalius *Cornu* intellexit, ita ut eo nomine etiam frontis quandam protuberantiam comprehendat.

Avibus non quidem cornua, sed excrescentias esse scribit *Bartholinus cap. 7. de Unicornu pag. mihi 46.* *Scaliger exercitat. 231. num. 5.* cornutas aves in *Insula Catigan*, quæ in mari *Pacifico*, sive

del Zur sita est, nasci scribit, quæ magnitudine gallinis nostratibus pares sint.

Vormius autem cap. 17. fol. mihi 293. per Catigane insulæ aves illas intelligit, quas *Topan* Indi, avem Rhinocerata alii dicunt. Ipse inter alia cranium, cornutumque hujusmodi avis rostrum servo, quod mihi quidam ex Indiâ Asiaticâ redux dono dedit; illud autem maximi rostri intuitu minimum est, neque enim anserino majus est multò. Ipsum quoque ulnæ semissi fere par est longitudine rostrum; quodque hujus superiori parti annectitur cornu, crassum, ac non-nihil recurvum, ejusdemque substantiæ, cujus illud, est. Hoc autem cavum, tenue, ac molle ejusdemque fere materiæ, cujus sunt cancri marini conchæ, quartam, & amplius, ulnæ partem æquat longitudine, nec non circuitu.

Deinde etiam pisces inveniuntur cornuti, quos inter animal marinum *Uletif*, sive *Illetif* nomine est, cujus *Joh. Renodæus lib. 3. mat. med. cap. 24. nec non Thom. Barthol. de Unicornu cap. 14. pag. 92. meminere. De aliis etiam piscibus unum fronte gerentibus cornu Olaus, Albertusque* scripserunt, quos inter & ille referendus est, cujus mentionem faciunt *Clusius lib. 6. exotic. cap. 17. ac Bartholinus fol. 93. Ut & marinus canis, quem Haahic vocat Epist. med. cent. 1. fol. 373. Denique & Unicornu æquoreum Narhual* nomine apud eundem de *Unicornu cap. 15.*

Tertio etiam cornua gerunt locustæ quædam,
qua-

fig²
Scarabens Unicornis

Plag: 469.



Abis Rhinocerotis
Sibe Topai Cornu

fig: 1



quales *Catalanus* cum pisce *Uletif*, servare se scribit.

Scarabeorum quorundam meminit *Vormius*, quibus unum itidem cornu sit. Agit & de iis *Bartholinus de unicornu cap. 8. fol. 53.* qui & exactam, in quâ conspiciuntur picti, exhibet tabulam; qualem etiam dat *Moufetus de insectis.* *Albertus Magnus* quoque, ac *Ulysses Aldrovandus* ad amussim insuper de cornutis scribere serpentibus; de quibus vide sis *Bartholinum de unicornu, fol. 55. cap. 9.* Inveniuntur & bicornes, tricornes, multicornesque: a cornibus enim nomen accepit *Cerastes* Serpens perquam maleficus, & pestilens. Recenset & volatilia Insecta unicornia *Aldrovandus*: è quorum genere & bicornia sunt, quale est illud quod cervus volans dicitur, quia cornua similiter, ut cervi, ramosa habet.

Quarto quadrupedia quædam animalia singula unum fronte gerunt cornu, quæ inter nonnulli & *Rhinocerotæ* numerant, quamvis revera duo huic sint cornua.

Inter quadrupedes autem bestias quibus unum cornu est, *Onagri* etiam, seu asini agrestres, reperiuntur, in *Æthiopiæ* degentes desertis, de quibus etiam *Aristoteles 2. histor. animal. cap. 8. & 3. de part. animal. cap. 2.* nec non *Ælianus libr. 4. cap. 52. Pliniusque libr. 11. cap. 37. & 41.* Ut & boves quidam, vaccæque, & bubali, quorum etiam *Plinius libr. 8. cap. 2.* mentionem

facit, quibus unicum, tantum istis in regionibus cornu obtigit, sicut & equis nonnullis in Indiâ.

Bovis etiam in sylva Hercyniâ Cervi figurâ, cujus à mediâ fronte inter aures unum cornu existit excelsius, magisque directum notioribus cornibus; meminit *Julius Caesar libr. 6. de bello Gallico pag. mihi 246.*

Solinus Polyhist. cap. 65. fol. 194. de Bubus unicornibus & tricornibus refert.

Aliis autem in regionibus, ac præcipue in Africâ, caprearum genus quoddam unico cornu notatur, quibus & accensendi Oryges; de quibus idem *Bartholinus dicti tractatus fol. 62. 69. ac 73. legipotest: meminerunt tamen & horum Aristot. 2. de histor. animal. cap. 1. ac libr. 3. de partibus cap. 2. nec non Martialis lib. 13. Epigram. 95. ut & Juvenalis Satyr. 9. vers. 140.* Cornutorum etiam leporum *Gassendus vita Peirescii. l. 2. p. 96. meminit, qui ex Norvegiâ allati Lovanii fuerunt visi. Denique & verum Unicornu est, Indis Carcazonus, Arabibus autem, Persisque, ac Tartaris, &c. Carcand, sive Carcandan, teste Æliano hist. libr. 16 cap. 20. quamquam illi, pro locorum, in quibus degit, varietate, diversa obveniant nomina.*

Atque hæc quidem generalius de animalibus, quibus unum cornu nascitur, præmissa sunt.

Strictius autem Unicornu certum quoddam designat animal κατ' ἐξοχήν sic dictum, quod
unum

unum ei cornu sit. De illo autem solo nostra instituta est desceptatio, quâ maxime videndum erit, deturne hujusmodi animal alicubi gentium, an secus?

Verum quidem hoc Unicornu Ogiigii diluvii tempore interiisse, nihilque de eo restare, præter ea, quæ hodieque in Bohemia, Misniaque nec non Sylvâ Hercyniâ, ac extremis Thuringiæ finibus è terra eruuntur cornua, nonnulli acriter contendunt. At illud ebur, cornuve fossile Monocerotis cornu verum dici nequit.

Thom. autem Brownius pseudo-doxiæ epidemica, seu de vulgi erroribus cap. 23. pag. 301. hæc esse fragmina lapidis Ceratitis ait, qui vulgo cornu fossile, cujusque variæ, ac plurimæ in Germaniâ è terræ sinu producuntur species, verique Unicornu nomine passim venduntur.

Hæc autem fragmina nil nisi duriorum quarundam materierum sunt petrificationes, ut cornuum, dentium, ossium, ramorumque arborum, quorum nonnulli adeo non omnino mutantur, ut originis proprietatem, odoremque etiamnum servant, uti ille de fraxinorum, juglandumque fragmentis testatur. Similia *Deussingius dissertat. de Unicornu § 39. pag. 278. quandoque & in Hollandiâ, præsertim palustribus locis, ac interdum in æstuario Groningensi, ut & Comitatu Meursensi, alibique reperta fuisse perhibet. Horum etiam meminit Sennertus Epitom. natural. scientiæ lib. 5. cap. 4. de lapid. & gemmis fol. mihi 74.*

Quam facillime autem saxea hæc, ac fictitia cornua à veris discerni possunt: hæc enim firma admodum, duraque sunt, ut vix radi, nedum contundi queant, linguæque admota non adhærent, ut illa quæ non dura, sed veluti calcinata sunt; Ossa quidem videntur, cum tamen lapidis minerales sint, quare nullo dissolvuntur negotio, contundunturque, ac, veluti terra sigillata, linguæ adhærent. Usus autem eorum est ad vulnera, & ossa fracta conglutinanda, ulceraque sananda, dicunturque etiam epilepticis, & alvi Infantum torminibus prodesse.

Dictum tamen difficile est Unicornu isto periisse diluvio; neque enim permisisse videtur immensa Dei providentia, ut quaecunque tandem eo extingueretur animalium genus, nec revivisceret, sive ex servatis in Arcâ animalibus, sive aliis quibusdam modis. Hac autem de re lege, sodes, *Genes. cap. 6. v. 19. 20. ac cap. 7. v. 2. 3. 9. 15. 16.* Et certe si ejus meminit *Jobus* scriptor sacer, ut mox liquebit, non est statuendum, spiritum S: Chimæram induxisse, si itaque post diluvium fuerit ab illo memoratum, tanquam animal notum, saltem famâ, & existens, qui potuit cataclysmo periisse? Ut jam non in partes vocetur *Aristoteles*, qui, ut se, rerumque omnium genera conservet, diligentissimam scribit Naturam; statuit quippe ea animalia, quæ semel producta ab Universi Creatore fuerint, semper, quanquam fera in propagine, superfore.

Dari

Dari non tantum animalia unico insignita cornu, sed Monocerotem per excellentiam vocari, ac à reliquis, quibus unum fronti cornu inhæret, animalibus longe differre, non pauca adstruunt sanctioris paginæ testimonia, ut *Num.* 23. v. 22. 24, *Itidem* 24. v. 8, *Deuteron.* 33. v. 17., *Hiobi* 39. v. 1. ac 9. *Psal.* 22. v. 22. *Psal.* 29. v. 6., *Psal.* 92. v. 11., *Esaia* 34. v. 7. Qui utique omnes viri *Ἰεσπεύστοι* post fatale scripserunt diluvium, ac graphice admodum, opinor, depictum Unicornu nobis, non fictitium tamen, etiamnum exhibent.

Animadvertendum insuper censeo illis locis non nominari tantum Monocerotem, sed & mysticam in eo latere doctrinam, quam exponere hujus loci non judico. Certe dubium non est, quin hæc illi tacuissent, si non existeret ejusmodi animal.

Unicornu præterea non tantum nominat sacra pagina, sed & erudititas admodum ex ejusdem natura imagines format, mirasque recenset qualitates, ut; Primo prædicatur ejus *ferox indoles*: *Jobus* quippe cap. 39. v. 12, &c. *Num tibi servire volet Unicornis, aut ad tua præsepia manebit? Num tu Unicornem subjugio ligabis in sulcis, ut post te liras occet? Tune ei, qui sit magni roboris, confides, aut laborem tuum committes? An credes fore, ut tibi sata referat, & in tuam comportet aream?*

Hæc autem manifeste indicant verba nullâ

domari arte, nullis contineri vinculis, nec ullis subactam insidiis mansuescere Monocerotem; cum tamen vel ferocissimis jugum fuisse impositum animalibus, ut Leonibus, Tigribusque, &c. ab ipso mox tempore, quo producti essent, arte domitis etiam nuper *Hagiensibus* meis constitit.

Secundo: memoratur *nobile*, *præstantissimumque robur*: dicti enim *cap. 39. v. 14.* ita legitur; *Tunc ei, quisit magni roboris, confides?*

Numer. etiam cap. 23. v. 22. ita *Bileamus* de populo *Isrælitico*: *Eduxit illum ex Ægypto Deus robore præditus Monocerotio.* Confer *Numeror. cap. 24. v. 8.*

Tertio: illius indicatur *animositas*, quam non sine laude *Bileamus* extollit, cum dicit: *Deus Isrælem ex Ægypto eduxit, est enim ejus robur* (aliis *altitudo*, aut *animositas*) *tanquam Unicornu.* Adde & *Psalmum 29. v. 6.* ubi, *Vox Jehovæ, inquit Psaltes, confringit Cedros Libani, & exilire facit quasi Juvencos, Libanum, & Sirion more pullorum Unicornium.*

Denique quartò refertur *indomita Monocerotis feritas*, nemo quippe, teste *Jobo cap. 39. v. 12. &c.* asperrimum hoc animal domuerit. *Ælianus*, *Plinius*, *Solinusque*, ut & posteriores, nec cicurari, nec vivum capi posse audacter affirmant, teste *Bartholino de unicornu fol. 207. cap. 28.*

Atrocissimum, inquit *Solinus Polyhistor. cap. 65. fol.*

65. fol. 194. Monoceros est animal, quod vivum non venit in hominum potestatem, & interim quidem potest, capi vero non potest.

Sed hisce obstare videntur S. Scripturæ loca *Genes. 1. v. 28. Genes. 9. v. 2. Psal. 8. v. 9.* ut & *S. Jacobi Epistol. Cathol. cap. 3. v. 7.* Ubi legitur: *Omnis enim natura, & volucrum, serpentumque, & aqnatilium, humanâ industriâ domatur, & domita est.*

Verum sciendum est illas bestias reverâ domari non posse, cum jam diutius in sylvis degerunt, iisque assueverunt tandem. Neque enim unquam hujusmodi Unicornu domitum fuisse constat. Subigi autem quid vetat unicornium catulos, nec sylvis, nec feritati assuetos? Certe poterit arte hisce imponi jugum. Neque aliter accipiendum crediderim *B. Jacobum.*

Simili plane modo Leones, Tigresque (uti modo diximus) & quicquid ferarum est, ab eo tempore, quo modo geniti sunt, humanæ industriæ traditi mansuetiores fiunt multò, ac, quamquam feritatem istam, nunquam omnem exuisse videantur, recte tamen domitos dixeris.

Unicornes autem cum propter asperitatem, ac robur, tum quod remotis, inaccessisque ut plurimum lateant locis, ab hominibus non domantur.

Ad indolem hujus feræ etiam cornu excellens pertinet, neque enim illius in sacris paginis tantum reperias elogia, ut *Deuteron. 33. v. 17.* ubi
super

476 DE UNICORN. DISSERT.

super *Iosepho* ita *Moses*: *Primogenitus ejus bos majestate præditus est, & cornibus Monocerotis, quibus populos protinus ad extremum terrarum feriet. Psalmo etiam 92. v. 11. David ait de Messia Regno: Extolles meum cornu, veluti Unicornis.* Verum illud etiam hodieque Medici, imo & Barbari, eorumque locorum incolæ in quibus colunt Monocerotes, plurimi faciunt, præstantissimumque adversus quævis venena antidotum credunt.

Verum equidem est in Sacro Codice τὸ *Rem*, seu *Reem* modo *Monoceros*, modo *Rhinoceros* verti, utpote quo significetur *exaltatus est*; unde etiam fit, ut promiscue hæc multi sumant interpretes: passim tamen Hebræorum *Rem*, five *Reem* septuaginta, plurimisque hodiernis interpretibus, quos enumerat *Sam. Bochartus de Animal. S. S. part. 1. pag. 951.* Unicornis est: ut ex *Num. cap. 23. v. 22.* aliisque locis constat, vulgata autem Latina versio ista nomina per *Rhinocerota* in *Mosis*, *Iobique* scriptis reddidit, in *Psalms* autem, *Esaiæque*, per *Monocerotem*. D. etiam *Hieronymus*, nunc hoc, nunc illud intellexit animal, quod quibusdam S. Scripturæ locis non unicum tantum reperiatur cornu, sed per numeri enallagen, cornua.

Ideoque *Psal. 22. v. 22.* *Rhinoceros* vertit, pauci tamen, nisi qui eum sequuntur, hanc admittunt versionem. Videatur quoque de *Iobi*, *Davidisque* locis *Iob. Pierius Hieroglyph. libr. 2. pag.*

2. pag. 21. qui modo *Unicornem*, modo *Naricornem* verius legi existimat. Notum enim est, Rhinoceroti duo esse cornua, quamquam negantibus nonnullis. Illorum autem alterum in imâ fronte prope nasum, quo Elephantos aggredditur, iisque ventres perforat, alterum minus prope dorsum est.

Hebræorum vero *Reem* geminum attribui cornu *Deuter. 33. v. 17.* adeoque *Rhinocerotem* designari *Hieronymus* ait, quod Monoceroti unum tantum sit cornu. Vide tamen late de eo differentem *Sam. Bochartum de animalibus S. Scripturæ part. 1. libr. 3. cap. 27.*

Rhinoceroti etiam bina nasci cornua ex *Martiale lib. Spectac. Epigram. 22.* palam est, qui sic de illo:

*Namque gravem gemino cornu sic extulit
Ursus,
Jactat ut impositas Taurus in astra
pilas.*

quamvis longe aliter exponente *Bocharto d. lib. cap. 26.*

Testatur etiam *Pausanias lib. 9.* non unum, sed duo Rhinoceroti esse cornua, alterum ingens, ac supra nasum natum, minus alterum, sed validissimum, paulo ad cervicem recedens.

Convenit *I. Casar Scaliger Exercitat. 205;* nec non *Pierius Hieroglyph. lib. 2. pag. mihi 21.*

478 DE UNICORN. DISSERT.

Accuratissimus hujus rei indagator *Hieronymus Lusitanus* gente è Soc. Jes. itidem gemino cornu insignem statuit *Rhinocerot*, cum *Æthiopia Descriptione* Germanorum linguâ editâ (neque enim aliam videre licuit) distinguendum dicat Unicornu ab *Abada*, sive *Rhinocerote*; id enim vel ipsa evincere nomina, cum *Monoceros* illud, hoc *Rhinoceros* vocetur animal, quibus utique non unum, idemque significetur. Corporis figurâ longe etiam hæc differre notat animalia: Esse quippe *Monocerot* unum, idemque longum, rectumque cornu, quod efficacissimum sit contra venena remedium. *Rhinocerot* autem, sive *Abada* bina cornua esse, non nihil recurva, & ea quoque, quamvis non ita promptum, adversus toxica antidotum præstare scribit. Differunt præterea multum hæ feræ colore, pedum, capitis, pellisque formâ, &c.

Gualterus Scouterus lib. 3. Itinerarii India Asiaticæ pag. mihi 124. tradit animal, quod *Abadam* appellant Lusitani, vix capi posse vivum, propter vires, immensumque robur. Hujus autem cornu non tam longum esse ait, quam quod gerit *Monoceros*, cui alia plane sit forma: Breviora quoque *Rhinocerot* crura esse asserit, rostrumque suillo non multum dissimile, sed, proportionem habita, acutius paulo; cornu ei ex naso assurgere, atque initio crassius, versus superiorem partem multo tenuius evadere, coloris-

orisque è fusco viridis, non omnino nigri (ut quidam falso) esse, quod autem cinericeum, albescensve sit, carius longe vendi, idque ipsos plurimi facere ait Indos. Addit & aliud huic animali cornu esse circa primam dorso vertebram.

Utrum vero illi, qui unum tantum Rhinoceroti cornu esse contendunt, minus illud cornu non considerarint tanquam tale, an vero variæ dentur Rhinocerotum species, quarum hi uno, gemino illi insignes sint cornu, non usque adeo exploratum; quamquam verisimile esse scribat ejusdem generis animalia variis in regionibus formam nonnunquam aliquomodo differre: Hircis quippe diversis in terrarum plagis interdum unum, bina quandoque, imo & tria aliquando esse cornua. Ita ille pag. 1203.

Varia etiam est cervinorum cornuum, aliorumque animalium, pro regionum diversitate, forma.

Dari autem verum, ac κατ' ἐξοχήν sic dictum Unicornu plurimorum etiam, Doctissimorumque testantur virorum monumenta, quos inter Ctesias qui primus, teste *Plinio lib. 8. cap. 12.* de eo scripsit: nec non post hunc *Philetes, Ælianus, Plinius, Isidorus, Albertus*, aliique.

Philetes scriptor Græcus, hoc descripsit animal cap. 30. Unicornu, inquit, est animal calcibus, & morsu crudeliter feriens, cui cornu ferissimum media prominet in fronte, non concavum aliorum instar cornuum, nec leve, planum-

numve, aut politum, sed limâ ferreâ asperius, ad modum tamen limacis convexum, & striatum, teloque acutius, eo quod recurvum non sit, sed directum, nigrumque, excepto mucrone. Eadem legas *Æliani variar. Hist. libr. 16. cap. 20. Plinii libr. 8. cap. 21. fol. 138.* Qui omnes hoc animal vivum capi negant. His adde *Solinum Polyhist. cap. 65. pag. mihi 199.* nec non *Gregorium lib. 31. moral. cap. 13.*

Paulus Iovius hist. lib. 18. fol. mihi 872. De *Gogianis* in *Africâ*, Nilique fontibus agens ejusdem Regni Incolas affirmare tradit alatos ibidem reperiri *Dracones*, nec non *Monocerotem*, cui sit pulli equini forma, color cinericeus, cervix jubis decora, hircina barba, ac cubitale cornu, longe efficacissimum contra venena antidotum.

Montanus Descript. America cap. 3. de novo Belgio fol. 125 in *Canada* oris nonnunquam conspici animalia scribit, quæ equis non omnino sint dissimiles: his autem bifulcas ungulas, ac hirsutas jubas, nec non caudas, quales sunt apris, nigros oculos, & cervinas cervices, singulisque unum mediâ in fronte cornu esse ait; hæc etiam vastissima, ac quam maxime deserta petere loca, aliudque ab alio ita timeri tradit; ut nec mares cum fæmellis pascantur, nisi coitus tempore, quo feritatem poni, postea vero illa eâdem, quâ antea, ferocitate non quævis tantum animalia, sed & sui similia aggredi ait.

Idem pag. 214. in *Insulâ California*, quæ est
Reg.

Regni *Quivira*, feròs reperiri equos testatur uno, sed ingenti, frontem insignes corna, quibus Mustelina pellis, cervinumque caput, ac cervix brevior, nec non ab una parte dependentes jubæ, ut & tibiæ graciles, caprinique sint pedes.

Paulus Venetus lib. 3. cap. 15. de Regno Basman in Java minore sic habet: Inveniuntur apud eos Elephanti, & Unicornes in magnâ multitudine, & sunt Unicornes paulò minores Elephantis, pilum habentes Bubali, & Elephanti pedem; habent caput, ut aper, & more porcorum libenter morantur in luto, & aliis immunditiis. In medio frontis gestant cornu unum grossum, & nigrum. Linguam habent spinosam, quâ ledunt homines, & animalia.

Ut autem magis liqueat veram, proprièque dictam monocerotem existere, *Plinium* in partes vocabo: Hic enim *lib. 8. cap. 21.* postquam modo adducto capite de multis, admirandisque egisset animalibus, quibus unicum, fronti cornu esset, ac tandem feræ cujusdam, libero Patri sacrae, cui nomen *Axis*, mentionem fecisset, *Orsei*, inquit, *Indi simias candentes toto corpore venantur. Asperrimam autem feram monocerotem reliquo corpore equo similem, capite cervo, pedibus Elephanto, caudâ apro, mugitu gravi, uno cornu nigro, mediâ fronte cubitorum duum, eminente: hanc feram vivam capi negant. Videtur autem Plinius per Orseos Nysæ Indiæ urbis Incolas intellexisse. Hæc autem ad Meri mon-*

tis, ubi *Bacchum* a Nymphis educatum *Diodorus Siculus* tradit, radicem sita est. Urbem autem, ac montem Deo isti sacrarant prisci, testantibus, præter *Plinium dicto loco*, *Juvenale Satyr. 7. v. 63.* *Lucanoque Pharsal. lib. 8. v. 227.* aliisque. A *Nysa* autem urbe, cui præerat, *Bacchus* forte *Dionysius* dictus est. Quam maxime autem animadvertendum censeo, hisce omnibus, quæ a *Plinio* cum de Monocerote, tum de urbe *Nysâ*, sacrisque in *Bacchi* honorem ab incolis institutis traduntur, convenire cum monetâ quadam libro miraculoso *Pyrrhi Ligorii*, excellentiss. *Ferrariæ Ducis antiquarii* ob eam memoriam solam religiosè asservandâ, insertâque, cui insculptus est monoceros inclinans caput, & cornu cantharo *Baccho* sacro immittens cum hac inscriptione; *Nyseon*. Quo symbolo non tantum religionem in *Bacchum*, sed & venationis laudem quam sibi jure merito, quod tam asperam feram venati essent, deberi credidere, significarunt.

Unde *Baccius de Unicornu fol. mihi 62.* è conjecturis bonis rationibus fundatis colligere se ait, fuisse hunc *Alexandri Magni* nummum, quod *Gracâ* inscriptione *Nyseon* insigniretur, quæ *Cheldæa* minime, ac multò minus *Indica* sit. Certum quoque est nullum *Gracorum*, aliorumve *Europæorum* præter *Alexandrum* in hos jus habuisse populos. Hic enim victo *Dario Persarum Rege* totum nominis sui terrore Orientem im-

implevit. Ita ut prospero successu *Herculis* terminos, qui in urbe *Nysâ* erant, ac *Gangem* transgressus fuerit, *Brachmanesque*, quos hodie *Braminos* Indi dicunt, viferit. Ille autem *Nysam* urbem, aliosque populos, apud quos, aris erectis, solennia instituit *Baccho*, *Herculi*que sacra, præcipue tutatus est. Ac sicuti summus ille terrarum Rex, quacunque pateret Imperium, ad insignium victoriarum memoriam passim arcus, aras, Pyramidasque, aliaque *Trophæa* erigere solitus erat, quæ *Ptolomæus* in *Riphaïs* etiam montibus, ac prope *Caspium* mare, nec non apud *Sogdianos* in *Asiâ*, Indiâque in *Hydaspi* fluminis *Nysam* præterfluentis ripis erecta describit, *Solinus*que cap. 65. ac *Plinius* lib. 6. cap. 18. aras *Alexandri Magni* itinerum terminos in *Hyphasis* ulteriori ripâ positas vocant. Ita etiam verificabile fit *Macedonem* augendæ famæ, gloriæque ergo, quam tot clarus victoriis longe, lateque extendere cuperet, ejusmodi nummos cudi jussisse; qui qualescunque sint, evidenter, quale animal monoceros sit in *Nysæ* proprie montibus ortum, demonstrant.

Ne quem autem altum scribentium de Unicornu mœretur silentium, cum tamen per tot, tantasque terras se diffuderint *Alexandri* arma, ac nomen; Sciendum est *Onesicritum* Philosophum, Historiographumque (quem & Medicum fuisse, ac in Insula *Astypalæa* natum, nec non in *Diogenis* schola eruditum *Alexandro* militasse, ejusque

originem, laudesque monumentis ad posteros transmisisse apud *Strabonem lib. 15.* legimus, cujusque *Curtius lib. 10.* ac *Solinus cap. 66.* mentionem faciunt.) memorare apud *Prasios* (gentem *Indiæ* celeberrimam, cujus & *Ælianus hist. animal. cap. 20.* *Pliniusque lib. 6. cap. 19.* meminere) equos Unicornes cervinis capitibus reperiri.

Verum jam nunc audire mihi videor dicentes, si, quales modo descripsisti, monocerotes dentur, qui fit, ut tam raro conspiciantur, atque adeo varie de iis scriptores loquantur?

Hæc autem nihili faciet, quisquis mecum consideraverit asperrimam esse feram Monoceretem, ac in vastis, desertisque degentem locis, montibus videlicet *Africæ* ut plurimum, ideoque rarius in hominum prodire conspectum. Adde, quod & indomitum sit animal, nisi forte capiantur catuli; quales ad *Prasiorum* Regem olim fuisse adductos *Ælianus hist. animal. lib. 16. cap. 20.* auctor est, quam historiam *Plinius lib. 8. cap. 21.* confirmat; qui festis dein diebus robora ostensuri in arenam producti fuerint.

Accedit, quod hæc fera, si casu quodam grandior in hominum pervenit potestatem, ob aëris alimentique mutationem facillime extinguatur in longinquas abducta terras.

Sunt tamen plurimi, qui vidisse se monoceretem testentur. Sic *P. Venetus lib. 3. cap. 15.* in *Tartariâ* vidisse se Unicornu scribit.

Ludovicus Vartomanus Itineris sui Æthiopici lib. 1. geminos Unicornes Mechæ se vidisse asserit. Majorem equino pullo 30. menses nato haud absimilem credit. Prominet in fronte cornu unicu-
m, longitudine trium cubitorum. Longe natu minor est alter, utpote anniculus, ac equino pullo simillimus. Ejus cornu quaterni palmi longitudinem non excedit. Coloris est id animal equi mustelini, caput cervi instar, collo non oblongo, rarissimæque jubæ ab altera parte solum dependentes. Tibias habet tenues, easdemque graciles admodum, hinnuli modo. Ungulas anteriorum pedum bifidas habet, caprinos pedes ferme referentes. Tibiarum posteriorum pars exterior villosa est, pilique plurimi. Sane id animal ferum videtur, verum ferociam nescio quâ comitate condit. Advecti sunt ex Æthiopiâ ab Æthiopum Rege ad Mechæ Sultanum, quem vocant.

Aloysius Cadamustus Itinerarii sui cap. 50. itidem conspexisse se Unicornu eâ in novi (quem vocant) Orbis parte memorat, quæ India quam maxime propinqua est.

Idem ille, cujus supra memini, Pater *Hieronymus Lusitanus è Soc. Jesu* indagator strenuus tradit *Descriptione Æthiopiæ*, quendam etiam è Soc. Jes. itinerisque socium, qui aliquo tempore in Æthiopiâ, sive Presbyteri Joannis (quem vocant) terris degisset, avidum maxime fuisse hujusmodi cornuti animalis habendi: qua-

propter ad eum adductum fuisse à matre recentem catulum. Hic autem usque adeo laborum impatiens erat, ut paucis post diebus extingueretur. Meminit & idem Lusitani cujusdam Tribuni, qui ipsi narraverit, quomodo cum viginti exercitus militibus in iisdem oris viderit parvæ vallis denso nemore cinctum equum perfectum formâ, pilisque, ac colore, cujus unicornu esse dicitur. Dixerat quoque ille equo mediocri animal illud magnitudine par fuisse, coloreque subnigro, ac caudâ, ut & jubeis nigris, pilisque brevibus, ac paucis, nec defuisse fronti elegantibus distinctum lineis cornu, cujus quinque circiter spithamas longi color albesceret.

Thom. Bartholinus hist. anat. cent. 2. hist. 61. Franciscus, inquit, *Marchio de Magellanes Africanus*, nomine Regis sui Guinensis ad Curlandiæ Ducem Legatus Hafniæ 1652. subsistens in patriâ suâ Unicornu reperiri dixit è genere quadrupedum sæpe a se visum, nec de eo in Africa dubitari. Atque ex ejus relatione se comperisse idem scribit Unicornu *Afris Tirè Bina*, quod est cornutum animal, dici, velocissimumque, ac ferum animal in deserto *Canò* oberrare, unde vivum capi nequeat, sed sagittis figatur; Cadaver tamen reperiri, quod à veterum Monocerate non multum distet. Magellanicus tamen vivum non viderat. Unicornu autem illud, referente ibidem *Afro*, magnitudine, & forma

me-

mediocrem exprimit equum, capite, cruribus, & pedibus pilosis, jubâ brevi, vixque spithamam longâ, caudâ equinâ, nec valde pilosâ. Cutis omnis glabra, pilisque brevissimis. Linea nigra per dorsum cinereum excurrit: à maxillâ autem inferiori ad abdomen color candidissimus est. In fronte crinium fasciculus visitur, è cujus medio cornu unicum prodit, cui ille quamvis a fronte separato adhæret. Cornu autem vix tres superat spithamas octo, vel novem circiter pollices in basi crassum: nec tamen hoc in gyros instar borealis cornu contortum est, sed exiguas tantum habet incisuras; color ei flavus est circa radicem cavo. Mas solus cornu isto, fœmina cætera mari simillima sine eo visitur. Reliqua vide sis apud *Bartholinum d. l.*

Vincentius Blanquius cap. 25. fol. 129. Itinerarii per totum terrarum orbem, tradit se in civitate *Canaranensi*, quæ est Regni Peguani in Indiâ, apud hospitem quendam fuisse commoratum, cui duo Monocerotum fuissent cornua, quorum alteri ossis frontis etiam tum adhæsisset pars. Ille virum hunc interrogatum, viventiane vidisset hujusmodi animalia, respondisse narrat, se duo tantum conspexisse, quibus parvis admodum nondum essent cornua, alterumque à Rege venante fuisse captum, matrem vero nunquam apparuisse quavis quæsitam industriâ; Monocerotes enim hominum conspectum fugere, serpentumque majorum vitare dicuntur oc-

cursum, utpote qui ipsis quam maxime infestis noceant.

Memini equidem, ait idem, me illud Unicornu in Peguensi regio septo vidisse, cum longe ejus linguam ab aliorum animalium linguis, utpote longam, asperamque differre, caput autem cervino magis, quam equino simile esse animadverti. Pilis etiam ea animalia plurimum discerni tradit. Qui vero Monocerotem regunt, alimenta que præbent, impuram feram dicunt, suoque delectatam fæto, nec unquam demittentem cornu in aquas vidisse, cum biberet, dicunt.

Indorum reliqui tam multa, diversaque de hac tradunt ferâ, ut, cui nam credendum sit, vix videas.

Braminorum (quos ille vocat) è numero quidam dicebat, dictumque Jurejurando confirmabat, se Regi *Casubi*, cum horum Unicornium unum caperetur, adfuisse, illud autem candidum, ac valde annosum, maxillisque eò usque foras prominentibus fuisse, ut cute nudati longe ordine conspicerentur dentes. Memorat etiam ferociter se defendisse, cornuque inter arboris cujusdam ramos avulxisse, captumque, ac vinctum Regi traditum quinque tantum superfuisse dies: Neque enim quidquam cibi sumebat, quod vapulasset inter capiendum post Regis nepotem vulneratum. Unde indomitam, flectique nesciam esse feram quivis concipiat.

jiciat. Scribit & Reginas ex illius ossibus armillas confici jussisse, Regem *Casubi* autem sibi retinuisse cornu, ut & se *Courbeum* quendam itineris socium, cum per quinque menses in aula Regia degissent, rogasse, uti coruu illud conspiciendi licentiam peteret, Regem autem allatum cornu *Courbeo* donasse, qui præstantissimum, ut munus munere compensaret, horologium Regi dono dederit. Illud autem cornu multum colore tradit *Blanquius* ab iis diversum fuisse, quæ *Mechæ*, alibique vidisset, cum id è cinereo albescentis, hæc autem subfusci essent coloris. Regem etiam ipsis conjugis suæ armillas ex alia ejusdem cornu parte confectas, ac optime olentes, totiusque capitis ossa à Principe quodam istius Regni in arca conservata ostendisse memorat.

J. H. Seyfrid Medullæ memorab. Natura fol. mihi 593 ex *Otthone Guerike* tradit anno 1663 *Quedelinburgi* in *Saxonia* in campo quodam integrum monocerotis sceleton, quâ formâ hujusmodi animalia jacere solent, sed capite elevato, fuisse repertum, cujus fronti adhæreret cornu quatuor plus cubitos longum, ad longitudinis proportionem crassum, cornu autem, caputque unâ cum aliquot costis, spinâ dorsi, atque ossibus reverendæ admodum Principi *Abbatissæ* ibidem degenti traditum fuisse.

Testes autem hosce oculares inter se, aliosque qui ex aliorum tantum scripsere relatu, ita in

describendo cornu discrepare non adeo miremur: Ita nonnulli, qui animal id non videre, cornu istud, cui diversos admodum colores attribuunt, modo lævem, modo inæqualem, striatumque ajunt, modò negant, alii tres spithamas longum dicunt, quidam etiam quinque, incisosque afferunt nonnihil pedes, refragantibus iterum aliis.

Cornuum autem, pilorumque colorum diversitatis causa hæud dubie est ætatis, (ut ex *Blancquio* adductis liquet) vel etiam regionis differentia.

Ita candidi reperiuntur corvi, ursique, ac lepores in Islandia, nova Zemblâ regionibusque Arcto vicinis. Albos etiam quoque cervos fuisse conspectos *Aristoteles libro de coloribus*, *Pliniusque lib. 8. cap. 32. fol. mihi 142*, ac *Bochartus de animal. S. Scriptura pag. 963.* tradunt. Albentes etiam nonnunquam reperti fuere Elephanti, quos divinis pagani affecerunt honoribus. Reliquas vero circumstantias regionum, aërisque, ac alimentorum, opinor, varietas efficit, uti id aliis non tantum animalibus, sed & ipsis contingit hominibus, quibus indoles, moresque pro ætatis, plagarumque, nec non nutrimenti differentiâ longe dissentiunt.

Illis autem, qui, cum ex relatu, aliorumque, tantum fide scripserint, errarunt, ignoscendum esse reor.

Anne etiam dissentientium videmus de Rhinoc-

nocerote opinionum agmina, qui copiosius multò, sæpiusque reperitur, quam Monoceros, ita ut dixerit *Ælianus hist. animal. lib. 17. cap. 40.* supervacuum fore, si quis Rhinocerotæ descripserit, quem tot Græci, Romanique coram aspexerint, optimeque norint. Multum tamen plurimorum de eò discrepant monumenta. Ajunt namque *Bontius*, ac *Neohofius* eum coloris esse subcinerei, *Plinius* autem, & *Strabo* in spectaculo à *Pompejo magno* instituto, Rhinocerotem subflavi coloris conspectum fuisse memorant.

Testatur *Andersen* pellem ei esse è nigra cæruleam, quidam plicatam eam, squammeam vero nonnulli, tergumque scutulatum, ac veluti perpetuo thorace munitum asseverant. Duo huic feræ cornua alii attribuenda, unum tantum alii pertinaciter contendunt. Denique illud modo nigrum, modo cinericeum, albumve, unumque pedem, cubitive partem quartam longum dicunt, minus autem esse varii, duos vero pedes longitudine æquare ab his diversi statuunt.

Considerandum denique reor verum Unicornu rarius in hominum potestatem pervenire, ac reperiri. Atque hinc quidem contigit, ut tot arte, fallaciâque veritatem imitante conficta. vel aliorum etiam animalium cornua pro veris habita, magnatibusque obtrusa sint, utque tot, tantique viri splendidam fabulam Monocerotem, vanumque ejus cornu contra quævis

toxica crediderint antidotum. Quamquam & hi culpâ quâlicumque absolvendi sint, quod miris, nec adeo compertis difficilius fides habeatur: ut *Horatianum* illud huc transferam.

Segnius irritant animos demissa per aurem,

Quam quæ sunt oculis subjecta fidelibus.

Præsertim cum usu didicissent has isti cornu vires non esse, quod, cum esset alterius animalis, falso monocerotis crediderant.

Abfit tamen, ut quisquam propter hanc scribentium discrepantiam inane tantum nomen existimet Unicornu. Quandoquidem enim rarior hæc fera est, solisque lateat in locis, atque non ita multis nota sit, non erraverit fortassis, qui nonnullos eam pro lubitu, erraneisve narrationibus, picturisque inductos descripsisse dixerit, non inepte enim *Flaccus*:

Ficta voluptatis causâ sunt proxima veris.

Denique quoniam plura sunt uno frontem munita cornu animalia (ut supra notatum) quæ hoc certe, cum sit unicum, Unicornem excellentiorem referunt, facile contingere potuit, ut errores, nævique in eorum scripta propter multum a se distantium bestiarum male conjunctas, separatasve qualitates irreperint.

Quod si quis scire gestiât, quâ fiat, ut nec

Hippo-

Hippocrates, nec *Galenus* Monocerotis meminert, cum ejus cornu tam præstantissimum dicatur contra quævis venena antidotum?

Interrogari poterit, quid causæ sit, quod non æque scire desideret, cur nullam Rhabarbari, aloëve *Hippocrates*, nullam itidem foliennæ Alexandrinæ, Camphoræ, spermat: Ceti &c. *Galenus* fecerit mentionem, cum tamen eorum illa tempore extiterint?

Certum etiam est, nec *Hippocratem*, nec *Galenum*, *Dioscoridem*ve unquam vel famâ tantum Ambram gryseam, lapidemve Bezoardicum, aut Guajacum, vel Sassafras, Salsamve Parillam, Guttamve Gemou, aut denique Mechocacan. novisse. Licet autem his viris egregiis ista minus fuerint nota, ideone eorum temporibus eodem, quo nunc producuntur modo orta fuisse sanus quispiam inficiabitur?

Plurium insuper rerum, quæ è longinquis ad nos apportantur plagis, vel etiam desertis proveniant in locis, ac minus solitæ, rarioresque sunt, licet formam, aliasque ignoremus circumstantias, optime tamen innotescit usus. Quam variantes etiam de Rhabarbaro bene multi opiniones scriptis fecere notas? Ignorabatur, quænam esset planta, & quibus hæc venisset ab oris. Quam incertæ etiam de Castoreo sententiæ sparsæ sunt, quod ex Fibri testiculis nonnulli constare hariolati erant? Quam ambigue etiam multi Ceti semen Ambram gryseam, monstrive
cujus-

cujusdam excrementum, vel piscis alicujus hep-
par, aut avium fragrantibus nutritarum herbis
alvinas fæces fluctibus in mare a celsis detrufas
rupious, aut denique fungorum marinorum
quoddam statuere genus?

Similiter etiam nuper varia admodum, dis-
crepantiaque *de Succino* prolata sunt judicia,
aliis illud bituminis quandam speciem, cretam-
ve, resinam aliis ab arboribus quibusdam pro-
manentem, nonnullis autem bestiarum quoddam
excrementum clamantibus.

Quam aliena etiam à veritate nuperrime de
Spermate Ceti prodita sunt! ut & ipse *Caspar*
Hofmannus de medicam. officinal. Paralipom. c.
66. fol. mihi 678. se nescire, quidnam sit, aperte,
ac ingenue fateatur. *Scraderus Pharmacop. med.*
Chym. lib. 3. cap. 31. fol. 170. inter Scriptores de
ejus origine non convenire ait, quandoquidem
quidam balænx genituram dicant, sed immeritò,
ut sentit ipse, quod illud ipsum etiam iis reperia-
tur in locis, quibus nec vola quidem, aut vesti-
gium balænarum sit. Alii salis florem dicunt,
cujus meminerint veteres, adeoque sal maximum
spumofum vocant. Sed nec hi saniora sentiunt flos
enim salis veterum rubebat, eratque tenuis, aquo-
susque, ac subfalsus, nec non detergere aptus. Ha-
rum autem qualitaturn Spermati Ceti nulla inest.

Hoc autem, quin è Ceto proveniat, dubitare
non sinunt non ita dudum nota argumenta.

Piscis enim quidam è Balænarum generibus in
lit-

littus impulsus Norfolciense, repertusque a piscatoribus fuit 60. pedes longus, cujus è capite fluent olei, ac Ceti spermatis profluxere, ac a piscatoribus collecta, asservataque sunt diligenter. Aperto autem capite ipsa spermatis reperta fuit, ut sic dicam, officina certis conclusi cancellis justo ordine dispositis, qui anserinis ovismagnitudine pares, laminisque vel adulti hominis caput magnitudine æquantibus obtecti, favorumque formâ albentes, atque oleo scatentes essent, teste *Brownio Pseudodoxia Epidem. fol. 318.*

Hoc autem sperma Ceti naturale est, nostrum autem, quod passim in Pharmacopoliis prostat, mere factitium, & compositum, duplicis est generis: Alterum è cerebro, alterum quod à balænæ conficitur pinguedine.

Sed nec dum etiam satis constat, cujus arboris sit *Agallochum*, sive *lignum Aloes*, quibusve crescant *Malabathri* folia truncis. Illius namque tantum scimus arborem desertis, inaccessisque florere in locis, nec nisi hujus frustra tantum conspici, quæ quotannis exundantes Ganges, Indusque, alique Orientis fluvii trans ripas eji- ciunt, ac bene olentia accolis colligenda relinquunt. De malabathri foliis autem (quæ tanquam præstantia aromata *Theriace* plerumque admixta fuere, ac quorum defectum nunc simile quid supplet) non convenit inter scribentes. Verum non ita diu constitit illa *Canella* arboris esse folia, quamquam hujusmodi arborum varia genera

nera in *Malabariâ*, insulisque *Ceylanâ* ac *Japanâ*, alibique sint, aliæque verum *cinnamomum*, *cassiam ligneam* aliæ, *Malabathri* autem folia nonnullæ producant; annotante *Jacobo Brcjinio obs. 130. miscel. cur. med. phys. Anni 4. pag. mihi 439.*

Nuperrime quoque dubitarunt nonnulli, unde *Camphora* originem duceret: certatum quippe diu, atque in diversas itum est sententias, illis eam è frutice prodire, his minerale dicentibus. *Agricola 4. fossilium*, *Fuschius lib. 1. de compon. medicam*, ac *Cesalpinus metall. 33. Indicam*, *fulphureamque* ajunt *Camphoram* terram esse; *Matthiolus in Dioscorid. lib. 1. cap. 75. fol. 104. Arboris* cujusdam *Gummi* esse statuit in montibus Indicis, quibus sit vicinus Oceanus, tantâ crescentis multitudine, altitudineque, ut centum aliquoties homines simul patulo tegmine, umbrâque contegere queat.

Garcias ab Horto Archiater quondam Vicarii Regis in India cap. 11. aromatum fol. mihi 48. satis ostendit minus recte se hanc novisse arborem, licet diutius istis in regionibus vixerit; Is autem mercatores Lusitanos infimulat, qui, dummodo lucri bonum esse odorem ex re qualibet sciant, parum sint solliciti, quas ferat tellus, quam adunt, arbores, quibusve hæ insignes existimentur fructibus.

Ante paucos autem annos demum constitit è cortice radice *Canella* arboris oleum, ac sal quoddam

dam volatile per distillationem prodire, quod posterius frigefactum ab oleo sejungitur, ac deorsum vergit; quamvis per coctionem etiam ab illo *Camphora* separari possit.

Quispiamne etiam scire se autumet, cujus arboris sit *Thus* nobis adeo usitatum, & unde plurima Gummi proveniant? Temerarium certe duco, quod non videris, continuo velle negare, quando rerum etiam naturalium sæpius multa caligine tegitur ratio, ut non nisi multâ erui possit industriâ, præcipue si rariores sint, ac in longinquarum tantum terrarum pene inaccessis reperiantur locis. Humanum igitur est, si quis in hisce erret.

Statuo itaque, quandoquidem multorum, quorum quotidianus est usus, vix innotescit origo, ac indoles, non negandum esse unicornu existere, quamvis non ita multis notum sit, cum quod rarius propter jam dictas rationes reperiat, tum quod nunquam fere vivum capiatur. Et observandum profecto est, omnes uno ore scriptores hoc ipsum asserere.

Sed nec sic quidem cuivis satisfecero. Erunt quippe, qui dicant, si alicubi in terris hoc existat animal, cur non *Romani* etiam, quorum Imperium Oceano, fama astris fuit terminata, hoc animal in Triumphis (quos Victoribus sæpe decrevere) circumduxerunt, vel quid ni etiam pugnaturum more Rhinocerotum, Elephantum, ac Tigrium, nec non Leonum, Uro

rumque, ut & Urforum, atque Orygum in Amphitheatra induxerunt?

Sed & his, quod sæpius dictum, respondendum: Animal rarissimum esse monocerotem, ac nunquam fere vivum capi, quin & indomitum esse, captumque, dum alio tranfertur per mare, facile extingui, uti & Rhinocerotes, Cameli, aliæque feræ: cujus rei *Ælianus* quoque *lib. 10. cap. 18. fol. mihi 295.* rationem reddit, *Bacchusque fol. 35.* aliique testimoniis confirmant. Idemne etiam plurimis herbis, aromatibusque è longinquis regionibus hæc in terras advectis contingere videmus?

Verum quotusquisque est, qui Romanum imperium nequaquam ad eam Indiæ partem, quam *Indus, Gangesque* rigant, ac in qua Monocerotes copiosius reperiuntur, extensum fuisse ignoret: Ipsi namque Romani nunquam *Parthis* virtute militari superiores fuere, utut quandoque de iis fuis, fugatisque triumphaverint. Vix enim trajecto *Euphrate* eorum quam latissime patentem fines viserant; cum paulo post amissis cecedit *Crassus* signis, inultâque erravit umbrâ.

Quid autem de cornibus, quæ in Europa nostra Reges plurimi, Principesque, aliique potentiores quam religiosissime tanquam Unicornium asservant, dicendum?

Verisimile est ea, quæ sæpius conspiciuntur, non unius, ejusdemque animalium generis esse,

sed

sed plurium, quibus tamen unum tantum frontem tueatur cornu. Alia enim lineis circumductis distincta cornua, glabra alia, ac modo candida, modo nigra sunt. Sic etiam duo cornua colore nigro mucronibus acutis, ac superficiebus in spiras contortis *Ferdinandis II. Imp. Rom.* sibi comparavit quondam, sed Onagrorum illa erant.

Quæ bina in *S. Marci* Ærario custodiuntur Venetiis, æqualia, glabraque sunt, ac Onagrorum cornibus quam maxime sunt similia.

Illæ autem quæ in *S. Dionysii Fanopropæ Lutetias*, nec non *Windsoræ in Angliâ* monstrantur, in spiras quoque contorquentur, qualia sunt omnia, quæ in *Dania, Moscoviaque*, nec non *Germaniâ*, ac *Trajecti ad Rhenum* visuntur. Ideoque non tantum credunt *Dani*, sed & demonstrare posse se dicunt, omnia hæc ex ipsorum Regno provenire cornua, quibus testis accedit *Bartholinus epist. cent. 1. fol. 237.*

Frequentes enim hæc fuerunt olim merces, cum libera, notaque esset à *Norvegiâ in Groenlandiam* navigatio, ac quotannis in utramque regionem ut plurimum hinc inde institueretur. *Dani* autem tum temporis falsa hæc cornua non piscium quorundam dentes, sed *Monocerotia* dicebant.

Scribit *Vormius musei sui lib. 3. Animal. cap. 14.* omnia ista, quæ inde proveniunt, immerito dicta cornua dentes esse cujusdam balæ-

næ, quæ in *Groenlandiâ*, *Islandiâ*que *Narhual* vocetur, ac si balænam dicas alimento viventem. Est enim *Hual* balæna, *Nar* esca. *Bochartus* autem *Islandis* ita vocari scribit, quod cadaveribus vesci credatur, *lib. de Animal. S. S. part. 1. pag. 956.* Horum autem piscium quidam vel 40. longi sunt cubitos iisque, scribente *Vormio*, summo in capite duo sunt foramina, ad ipsum os penetrantia, per quæ respirant, immissamque pro lubitu aquam egerunt. Hosce autem dentes esse hinc liquere ait, quod singuli superiori mandibulæ affigantur parti. Dentes etiam, non cornua vocat *Angrimus Jonas* *specimine Islandico.*

• Censet etiam *Aristoteles* omnibus *Monocerotibus* media in fronte cornu nasci; hi autem pisces falsa ista cornua anteriori mandibulæ parti, cujus cavernis plerumque aliorum inseruntur dentes, affixagerunt. Ita ut, quod antea cornu creditum fuit, ex hujusmodi piscis frontis osse dentem esse constet, quoniam isti per *Symphysin* osse non conjungitur, sed superiori maxillæ per *Gomphosin* infigitur. Nulli autem præter hunc maximum balænæ isti dentes sunt, quo glaciei fragmina ingentia, si quibus cingatur, non sine violentia rumpit, ut transitum sibi aperiat, unde & ille interdum læditur, partemve sui amittit, quales sæpe in Littore reperiuntur. Dens autem ille prope cranium aliquomodo cavus est, atque in eo parvulum quandoque cornu,

nu, si ita vocare liceat, crescit ejusdem plane formæ, cujusest ille, uti apud *Vormium cap. 14. fol. 285.* legere est. Unde *Simon Viresius lib. 1. Groenlandiæ antiquæ fol. 39.* credere se ait hisce piscibus dentes istos tandem excidere, aliosque iterum nasci pari modo, quo infantibus, ac interdum adultioribus contingit, ut à novis crescentibus dentibus priores illi propellantur, protrudanturque. Atque ideo quidem credit tot ejusmodi dentes à piscium separatos capitibus in *Groenlandiam Islandiamque* à glacie provehi.

Paulus etiam Jovius lib. 18. histor. de vero Monocerotio agens cornu, id, inquit, vivo animali non detrahitur, cum ullis insidiis intercepti nequeat. Cornu tamen sponte decisum in desertis reperitur, ut in cervis accidere videmus, qui ex senectæ vitiis, renovante natura, vetus cornu exuunt, venantibusque relinquunt.

Rocheffortus de Insulis America prætentis cap. 8. fol. 159. aliam quandam Unicornis marini describit speciem, qualem in *Testudinum Insulæ*, quæ non procul *S. Domingo* est, littora fuisse expulsum narrat anno 1644. Hic autem piscis octodecim pedes longus, ac totum corpus squamis magnitudine nummi Imperialis, vel Philippici, (quem vocant) coloreque cæruleo obtectum erat: Isti autem unicorni equino paulo majus caput erat, sed forma pari, pulcerri-

moque frons conspicua cornu , quod novem cum dimidio pedes longum , directumque , ac sensim tenuius acuto spectabatur mucrone , hujus autem partis capiti proximæ circuitus sedecim pollices latus erat : Ipsum autem cornu instar cochleæ Torcularis contortum erat ; quin & coronæ quædam imago capiti inhærebat. Piscis autem formam ipse exhibet pag. 162.

Nunc autem de hujusmodi cornuum viribus nonnihil dicam. Ipse etenim quævis quadrupedum , sive Unicornium sive multicornium cornua contra venena antidota præbere statuo, quod volatile quoddam sal contineant : Hoc autem spiritus concitat , sanguinemque longe reddit tenuiorem , nec non cor ipsum maxime roborat , venenis adversatur , & pestilentibus febribus insigne est remedium , humores noxios per sudorem , & urinam expellens : longe tamen majorem huic , quam illi cornu resistendi venenis inesse efficaciam , imò vehementius sese his opponere crediderim cornua , quæ in calidioribus reperiuntur plagis , quod plurimum haud dubie volantis salis includant.

Nec veteres cornuum virtutes salutare ignorasse videntur. Hinc enim est , quod olim cornibus biberint. Unde *ὅτι τὸ κέρατον κερᾶν* miscere , ac bibendum præbere ; hinc autem *κερατὴς*. Urorum etiam cornua potuum gerula facta fuisse inter regias mensas *Solinus cap. 32.* prodit. Tradit etiam *Ælianus* potentiores apud

apud Indos cornibus afini Indici bibere solere: quod & affirmat *Philostratus vitæ Apollony Thyanæi lib. 3.*

Septentrionis autem incolis maxime cornua poculorum vices supplerunt. Sic *Saxo* etiam *Grammaticus hist. Danicæ lib. 7.* illos Urorum bibisse cornibus testis est. De corneis autem Veterum, Regumque poculis legatur *Athenæus lib. 21. Dipnosoph.*

Observandum quoque puto in calidissimis orbis terrarum partibus pessima etiam, ac maxime noxia gigni toxica, ideoque Providentissimum Mundi Arbitrum illis etiam locis præstantissima suppeditasse antidota, quibus ista suffocentur, obtundanturque, crediderim,

Propriæ dictæ equidem Monoceroti admirandas esse dotes, viresque quibus letalia, ac minus cognitis necantia modis venena supprimat, ac vincat, nullâ ratione negare quempiam posse statuit *Brownius Pseudodoxiæ Epidemicæ cap 23.* Quando enim Alcis ungulæ, cornuaque comitiali laborantibus morbo prodesse dicuntur, quando etiam non tantum os cordis cervini, sed & ejusdem cornu est corroborans, Hyacinthorumque confectio, &c. ingreditur, quid causæ est, quod illam Monocerotio cornu inesse negemus potestatem? Minime vero se credere idem *Brownius* ait, hujus tantam esse antidoti efficaciam, ut, quod tamen haud pauci volunt, sublimato, aliisque, quæ secundâ (ita ait) qualitate,

litate, five partium rosione necant, resistat venenis.

Memorat *Ulysses Aldrovandus* Judæum quendam Venetiis unicornu vendere voluisse, ac, ut verum esse probaret, cornu parte circulum in mensa duxisse, immisosque primo Scorpionem, mox & Araneum, illius terminos superare minime potuisse, sed huc illuc repentes intra horæ quadrantem nec ante antidoti vi interiisse. Simile quid *Stephanus Rodericus Castrensis lib. 4. de Meteor. microcosm. cap. 4.* magno quopiam cornu factum se vidisse tradit, quod Nobilis quidam Lusitanus ipsi monstravit, Regisque, cognati sui, esse dixerit. Hic autem cornu, ut minimè fictum esse ostenderet, araneam imposuit, quæ, cum quam citissime aufugere niteretur, vi retenta brevi solâ antidoti vicinitate extincta est. Testatur hic insuper vidisse se in Lusitania Monocerotis ossa quamplurima superasse venena, asseritque paucos admodum absque hoc insigni remedio Magnates ex India in Lusitaniam reduces esse.

Narrat etiam *Monardus Traët. de Lapide Bezoard.* similem se *Hispani* ab hujusmodi cornu frusto proveniente vidisse effectum. Quamobrem hoc omnia omnino præstanti virtute antecellere antidota statuit: Nec dissentit Vir Eru-
ditissimus *Ficinus de vita Calitus comparanda*, qui cornu isti cælestes propemodum dotes attribuit. Idem censent *Brassavolus, Dioscorides,*
Mat-

Matthiolus, Baccius, atque omnes fere, qui de pestilentibus, malignisque febribus plura scriptis consignarunt, uno tamen omnes fatentur ore rarius illud reperiri, atque inter Regum, potentiorumque thesauros numerari pretiosiores.

Amatus Comment. in Dioscorid. libr. 1. enarrat. 52. omnes, qui in India fuerint, asseverare ait monocerotis cornu apud Reges, Principesque maximo esse in pretio, imo & Lusitanos, qui diutius Medicinam in India laborantibus fecissent, dixisse Medicos nullum excellentius Indis veneno, contagiosive infectis febribus propinari remedium posse. Atque ideo quondam Indi Proceres Monocerotio cornu auro præmunito bibere soliti fuere, ne qua forte tradente *Æliano*, toxica nocerent. In *Æthiopia* quoque regiis illud imponitur mensis, quo explorent aulici, num quid veneni epulis inditum sit. Memorat etiam *Paulus Jovius lib. 31. Clementem VII. Pontificem Romanum Francisco I. Galliarum Regi* hujusmodi cornu bicubitale, cælatoque innixum auro dono dedisse, quo cujusvis cibis admixti veneni vim eluderet. Hanc quoque ob causam magnæ in India auctoritatis Viri ex ejusmodi cornu confectis ornantur armillis: uti supra è *Blanquio* annotatum.

Laudat quam maxime *Aloysius Mundella* hoc cornu tanquam à cane rabido, aliisve infectorum toxicis certissimum remedium. Ne cui itaque mirum sit, si illud cum propter raritatem, tum

propter eximias dotes tanto pretio olim fuerit divenditum, ut etiam memoret *Baccius pag. mihi 105*, Germanos quosdam Mercatores Romanam venisse, ut cornu Monocerotis quibusdam Principibus offerrent, quod 90000 coronatis æstimarent. *Julius I. I. I. P. M.* scribente eodem, officinam aromatariam, pretiosisque refertam pharmacis, quam vaticano in Palatio extrui curaverat, donavit inter alia Monocerotii cornu fragmento à Ragusinis mercatoribus 12000 coronatis empto. Quo *Baccius Augustinum Riccium* Medicum Pontificium usum fuisse se scire ait, qui illud interdum pondere scrupuli unius, quandoque 10. granorum ad minimum, vel cum aqua aliqua cordi appropriata, requirente necessitate, cum felici multis successu, qui hujus ope magna evitarunt pericula, propinaverit.

Quamquam autem dens ille piscis *Nerhual*. non cornu sit, iis tamen insignis est dotibus, quas bene multi quondam ei, tanquam Monocerotio cornu, attribuerunt. Non animadvertuntur, scribente *Brouwnio d. libro fol. 301.* in plurimis, quamvis non in omnibus, quæ apud nos reperiuntur, plurimique fiunt, cornibus istæ qualitates, quæ aliis inesse solent: neque enim igne, coquendove, aut liquoribus mollescunt, nec multum gelatinæ iis decedit, nec facile calcinatione philosophicâ dissolvuntur, sed rimis fariscunt, vel in laminas solvuntur, contra, quam aliis accidit cornibus.

Adi

Adi etiam id ipsum confirmanter *Bartholinum epist. med. cent. 1. fol. 100.* Testatur hic quoque *epist. med. cent. 2. fol. 579*, nec non *hist. anatom. rarior. cent. 2. hist. 56.* ac *cent. 4. hist. 4. & cent. 5. hist. 46.* se non sine prospero successu febricitantibus, præmissis ex methodo præmittendis, hujus dentis pulveris dragmam dimidiam præbuisse, qui veluti maxima quadam vi sudores expulerit, febremque minuerit. Quod ipsum se & in malignis grassantibus febribus, tertianisque expertum ait. In aliis etiam morbis, quos ejectione sudorum tollere quis gestit, non minus felici eventu hujusmodi rasi, posteaque contusi dentis pulvis intus sumitur.

Memorat idem *cent. 2. fol. 662. Kyperum Professore* quondam Lugdunensem in Batavis hujus dentis pulverem peste laborantibus prospere exhibuisse. Quin & *N. Tulpus obs. med. cent. 4. obs. 58.* conducere unicornu marinum expellendis variolis & morbillis, domandisque febribus malignis, se non semel expertum esse scribit.

Martinus Forbissenus navigatione in regiones Occidentis, & Septentrionis piscem mortuum in Septentrionis mari se invenisse narrat, qui undis agitabatur, & in rostro unicum cornu rectum gerebat longitudine unius ulnæ cum semisse. Hoc autem intus cavum fuisse, ac quosdam in id aræneas injecisse, quæ è vestigio fuerint mortuæ, scribit.

Statuunt tamen nonnulli qualitates quas S. Pagina animali *Rem* attribuit, omnium optime *Orygi* convenire.

Est tamen *Oryx* æque, imo magis ignotus, quam proprie dicta *Monoceros*, ac de utroque pari varietate loquuntur Scriptores.

Primo namque *Caprea* generaliter Latinis *Capra*, ac præcipuè fera est, cujus tamen plures species, *Rupicapra*, *Dama*, *Ibex*, *Bubalis*, *Pygargus*, *Capra Strepficeros*, *Dama vulgaris*, *Capra Moschi*, *Bezoardica*, *Oryx* &c.

Oryges autem *Columella lib. 9. cap. 1. Cervis*, at *Plinius lib. 8. cap. 53*, *Bochartusque de Animalibus S. Scripturae cap. 28. partis primæ pag. mihi 974.* ac *Franzius hist. Animal. sacr. part. 1. cap. 23.* *Capreis* annumerant. Ita ut hujusmodi *Caprea* nonnullis *Oryx*, quibusdam *Dorcas*, vel *Bubalis* aut *Dama*, *Gazellæ*, aliisque *Ibex* sit, nec cui potissimum adhæreas dicere promptum sit.

De *Orygum* origine, locisve in quibus degant, non una etiam est opinio, *Herodotus lib. 4.* animalibus accenset, quæ prope *Tritonis* *Africæ* fluvii fontes proveniunt.

Orygem quoque in illa Orbis parte nasci tradit *Plinius lib. 10. cap. 73.* vocatque *Getulum* *Orygem* *Juvenalis Satyra. 9.*

In *Æthiopiâ* produci *Agatarchides*, *Strabo* *Diodorusque*, ac *Heliodorus* contendunt. In *Ægypto* etiam reperiri *Plinius lib. 2. cap. 40.*
Ælia-

Ælianusque hist. Animal. lib. 7. cap. 8. nec non lib. 10. cap: 29. scribunt. Idem etiam lib. 14. rupicapras summis montium Lybiæ cacuminibus degere tradit.

Formam insuper Orygum alii, atque alii diversam faciunt, dum modo unicum, modo duo illis concedunt cornua. Qui capreis annumerant, bina tribuunt, quos inter *B. Bochartus*, quamquam pag: 939. ita dicat: *Reperitur in Sægestana, & Bulgaria sylvis, Damir, Charis fera, quæ in medio capitis cornu habet unicum.* Quod etiam p. 967. repetit.

Plinius etiam lib. 11. cap. 46. unum Orygi tantum esse cornu asserit: ita quoque Aristoteles lib. 2. histor. animal. cap. 1. ac lib. de part. animal. cap. 2. ut & Oppianus de venatione lib. 2. versu 445.

Ælianus hist. animal. lib. 14. cap. 15. quatuor cornua Orygibus esse scribit non directâ, sed recurva, ac prope humeros contingentia, unde de Damis, Orygibusque Platycerotibus locutus videtur.

Binas exhibet Orygis figuras *Ionstons*, verum utrum magis illum, an *Asinum* referant *Indicum*, sive *Onagrum*, ne *Aldrovandum* quidem dicere ausum ait p. 86. fateturque nihil omnino certo sibi de ejus formâ liquere. *Bochartus* etiam cap. 27. part. 1. de *Animal. S. Script. fol. 966.* non plane *Reem* naturam (quo *Orygem* significari contendit) sibi perspectam scribit, ac pas-

510 DE UNICORN. DISSERT.

passim *Orygi*, licet obscurius, duo adscribi non diffitetur cornua, cum etiam *quandoque Unicornem* esse ex *Aristotele*, ac *Plinio* constare p. 970 dicat.

Sed nec de substantiâ cornu inter scriptorés convenit. *Nierenbergius* cap. 3. *hist. naturalis* fol. 111. longa, firmaque huic feræ cornua *Bartholinus* autem de unicornu, p. 70. ac 71. cava esse variaque, ut arcus, citharaque, ac fistulas ex iis conficiat.

Oryges meticulosos alii, timidosque, ut *Athenæus* lib. 5. *Virgilius* *Æneid.* lib. 10. *Ovidius* *Fastorum* lib. 5 nec non *Bartholinus* de Unicornu, crudeles vero alii ajunt.

Hoc autem inde natum crediderim dissidium, quod bicornes Capreæ (quibus illos nonnulli annumerant) timidiores sint proprie dicto, ac unicornu *Oryge*, quem sævum *Oppianus* lib. 2. de venatione v. 446. *Martialis*que lib. 13. *Epigram.* 95. nec non *Plinius* lib. 2. cap. 40. scribunt.

Columella lib. 9. cap. 1. cum cæteris animalibus ad usus humanos mactari *Oryges* scribit his verbis: ,, Feræ pecudes, ut Capreoli, Damæque
,, nec minus *Orygum*, cervorumque genera,
,, & Aprorum, modo lautitiis, & voluptatibus
,, Dominorum serviunt, modo quæstui, ac re-
,, ditibus.

Bartholinus etiam de Unicornu p. mihi 72. *Orygis* corpus sanum admodum, hominesque nutrie aptum, ideoque illum inter pura quoque ani-

animalia populo Israëlitico commendatum scribit, ut *Deuteron. 14. v. 5.* constat.

Gratissimi saporis hæc carnes fuisse, lautissimasque conjicias, quod Romanorum dapes constituisse scribat *Juvenalis Satyr. 11.*

Dissentiunt denique de Orygis longitudine, ac magnitudine, quotquot fere eum describere. *Herodotus* enim *Ælianusque lib. 4. hist. Animal. cap. 15.* bovi magnitudine parem dicunt; *Oppianus lib. 2 versu 55.* illum Rhinocerote non multo esse majorem scribit. Verum *Aristoteles hist. Animal. lib. 3. cap. 2.* Capream inter minima cornuta, quadrupediaque animalia ponit, dicitque se non nosse parvum animal cornutum, capream autem, quæ noscat, omnium esse minimam,

Hirco parem, barbatumque sub mento Orygem scribit *Albertus Magnus*, barbam etiam attribuit *Ælianus lib. 14 cap. 15.*

Atque hæc quidem de Oryge. Cæterum, quisquis illa recte perpenderit, fatebitur utique omnia, quæ de *Rem*, sive *Reem* sacra profert pagina, de Oryge, Capreave bicorni, non posse dici. Constat quippe ex *Numeror. 23. v. 22.* *Tò Rem* maxime altum esse animal, contra quam *Aristoteles*, ac *Albertus Magnus* de Oryge testantur.

Animali *Rem* excelsum etiam cornu esse è *Psalmo 92. v. 11.* liquet; *Extolles meum cornu sicut Rem*: verum cervorum etiam alteriora esse

esse cornua, quam caprearum, quis ignorat?

Nec tamen inscius sum capream saltare, ac lascivire, nec non cornibus petere solere, atque hac consideratione illud *Deuteron. 33. v. 17.*
„Sunt ejus cornua tanquam Rem, quibus po-
„pulos arietabit, capreæ tribui posse. Verum & insolitæ feritatis *Rem* est, quare ab hujusmodi ferarum cornibus defendi cupit Regius *Psalm. 22. v. 22* Cum tamen viri docti, atque ipso rerum usu facta fides capreas timidiores esse demonstrent.

Illud etiam quod *Jobus cap. 39. v. 14.* de *Rem* scribit, capreis attribui nequit, quæ propter virium defectum ab arandi necessitate eximuntur.

At dicet forte quispiam *Orygem*, qui ex caprearum genere sit, fortem esse sævumque. Verum equidem est eum capreis esse sæviorem, sed tamen illi passim duo tribuuntur cornua. Omnes insuper unamini consensu proprie dictum unicornu nec capi, nec sub juga mitti posse perhibent. Cum tamen & S. Scriptura, alique (quos inter *Martialis* annotato Epigrammate 95 lib. 13

Sævus Oryx constat quot mihi morte canum?)

Cervos domasque, ac Capræas, ideoque & *Oryges* retibus, canibusque vinci doceant Facile laqueo capi posse *Orygem* tradit *Albertus*

Mag.

Magnus, teste *Ionstano*. Memorat etiam *Arhe-
neus lib. 5.* in superba *Ptolomæi* pompa *Orygum*
bigas septem fuisse; *Horus* etiam *Apollo lib. 1.*
cap. 46. *Ægyptios* Reges huic infedisſe animali
auctor eſt.

Nec quicquam effecerit, quiſquis è S. Scrip-
turæ locis ſuperius adductis duo *Reem* tribui cor-
nua, ac proinde, non eſſe unicornu dixerit.
Kimchius enim, *Aquinaſque*, ac *Pomarius*,
aliique Hebræi, atque Arabes *Rem*, animal
unico frontem ſpectabile cornu ſcripſere. Ani-
madvertendum inſuper eſt S. Scripturam per nu-
meri enallagen plura *Reem* tribuere cornua. Quan-
do autem legimus *Deuteron. 33. v. 17.* *Cornua
ejus ſunt, tanquam τὸν Reem*, non neceſſario
habemus vertere *Monocerotis*, ſed dici utique
poſteſt *Monocerotia*, ut plurimi vertunt. Ita ut
non videam, quid impulerit *Hieronymum*, ut
Pſalmi 22. verſum 22. *Rhinoceroti* attribuerit: Ne-
que enim poſteriori illo modo confuſio, quam
vitare voluiſſe S. Pater videtur, quæpiam oriri
potuiſſet. Sed hic loquendi uſus apud Hebræos,
alioſque notior eſt, quam ut multis exponatur.

Urum etiam nonnulli loco *Monocerotis* ob-
trudere voluere. Sed quam invita id fiat ratione,
vel ipſum nomen clamat, quod recentius longe,
minusque notum, quam Unicornis. Hujus enim
quadringentiſ ante Chriſtum annis *Cteſias* ævo
Artaxerxis Mnemonis meminit; Is enim in ex-
cerptis apud *Photium*, *Sunt*, inquit, *Aſini ſyl-*

vestres in India equispares, aut etiam minores. Urum autem quis ante Cæsarem novit? Certe post hunc pauci admodum illius fecere mentionem, tacente etiam omni Græcorum turba. Atque ideo *Plinius lib. 28. cap. 10.* hos nec uros novisse, nec *bisontes* tradit; quamvis bubus feris quam maxime abundant Indiæ saltus: Nec constare ait *Bochartus p. 962.* uros alibi fuisse: quam in Hercynia sylva, aut locis parum remotis: unde *Mosis* ævo Judæis innotuisse nemo sibi persuaserit. Nec est, qui, ut scribit idem, Syriam, Palæstinamque uros producere asserat. *Mosem* igitur, *Jobum*, & *Balaamum* voce *Reem* necesse est aliud significasse.

Tandem etiam *Onagrum* nonnulli proprie dictam Monocerotam statuere; Scimus equidem hujus feræ cornu à Monocerotio forma differre, sed & non minus præsens adversus venena esse remedium. Quamquam & hoc animal unicornu magnitudine par sit, variis tamen distinguitur modis; pilis videlicet, longitudine, æqualitate, ac colore cornu, nec non pedibus, &c. Quæ omnia etiam pro regionis, in qua nascitur, diversitate differunt. Cornuti namque in India asini agrestes sunt, ut & in Scythia, Africaque, tradente *Herodoto lib. 4.* nec non *Æliano hist. animal. lib. 10. cap. 40.*

Quin & ipsa sacra pagina *Iobi cap. 39. v. 8. ac 12.* unicornem, *Onagrum*que distinguit, ac diversa utrique tribuit nomina. Quamquam *Onager* etiam

solitarius sit, ut *Osee cap. 8. v. 9. Iobi cap. 24. v. 5. Esaia cap. 23. v. 14.* nec non *Daniel cap. 5. v. 21.* liquet.

Adde vivos capi, domarique Onagros, testibus *Varrone de re rustica lib. 2. cap. 6., Plinio lib. 8. cap. 43., ac Anatolio Hippiatric. cap. 14. Martiale*, aliisque: quod de monocerate vera utique asseri non potest. Ait enim hic *epigram. lib. 13. epigr. 101.*

Pulcer adest Onager: mitti venatio debet Dentis Frythræi: jam removete finus.

Scribit etiam *Ionstonus de quadrupedibus c. 3.* quosdam ad generandos mulos Onagros jam domitos eligere, quod hæc quam facillime sub jugum veniat fera, subactaque rarius solæ repetat loca. Onagros ab Arabibus in desertis lacqueis, aliisque capi Instrumentis testatur *Leo Africanus p. 215.*

Nec dissentit *Iobus cap. 39.* docet enim liberum vinculis incedere onagrum; qualis quamdiu manet, in desertis degit, Civitatumque frequentiam temnit, &c.

Atque ita quidem Lectori constare censuerim, nec dentem piscis *Narhual* cornu, multo minus monocerotium, nec etiam *Orygem Rem* esse, cum quod bina plerumque feratur genere cornua, tum quod timidior sit, dometurque, nec non lautas luxuriosis præstet epulas. Quamquam enim animi intrepidi, sævusque sit *Oryx* quandoque, capitur tamen, ut sæpius dictum. Verum enim vero si *Doctiss. Sam. Bochartus de*

Animalib: S. S. pag. 961. & 962 veterum testimoniiis abunde se probare dicat τὸ *Rem* non in boum, sed caprearum esse numero. ac p. 970. *Jobum* ita exponat, ut scilicet dometur quidem *Rem*, attamen arandi eximatur necessitate; ne videlicet negetur posse intelligi *Oryx*, qui domatur, ac propter roboris defectum aratri immunis est. Si idem *Bochartus* etiam p. 968. feritatem *Orygis*, ac robur, quale *Jobus*, aliique τὸ *Rem* tribuunt, docte, atque elegantur ex prophanis demonstret, anne igitur, ut eruditissimo viro assentiamur, necesse est, dicamusque τὸ *Rem* non unicornu excellentius, sed *Orygem* esse? Minime vero. Ille enim isthæc omnia, quo pollebat, ingenio conquisiuit unâ, eaque maxima, ut putabat, ratione, quam apertissime p. 954. indicat, ductus, quod nempe de eo nusquam legisset, inaudivissetve ab iis, qui peregrinis etiam indagatores accuratiores in terris vixerint; quam etiam ob rationem viri magni *Mercurialis*, *Paræus*, *Deodatus*, aliique existere verum negant unicornu.

Ipse itaque unicornu vere sic vocatum ab omnibus hisce quam maxime distare animalibus, atque illud ipsum non modo propter similitudines à *Spiritu Sancto* ab eo sumptas, sed & propter expressas quam apertissime proprietates, ferocitatem videlicet, robur, animositatem, feramque indolem, ac denique propter veterum, recentiorumque monumenta, atque ocularium testimonium fidem, non tantum ante *Ogygium* extitisse cataclysmum, sed & hodieque, ac præcipue quidem in *Africa*, existere, atque reperiri existimo.

F I N I S.

I N D E X

OBSERVATIONUM RARIORUM,

CENTURIAE PRIMÆ.

- I. **C**ranii suture pavore quodam disunctæ. pag. 1
- II. Infans absque cerebro in lucem editus. p. 6
- III. Abscessus in fronte infantis. p. 16
- IV. Abscessus ossis capitis. p. 19
- V. Cranii dedolatio. p. 23
- VI. Depressio cranii. p. 27
- VII. Gravis capitis casus absque trepano sanatus. p. 31
- VIII. Unius eiusdemque caput vigesies septies trepano terebratum. p. 36
- IX. Gravis lapsus capitis non sine cerebri læsione. p. 38
- X. Abscessus intus in ipso capite. p. 46
- XI. Abscessus in cerebri ventriculis. p. 49
- XII. Lapillus in glandula pineali, ac vasis spermaticis reperiens. p. 53
- XIII. Turunda è capite per nasum emissæ. p. 61
- XIV. Glandula parotis exulcerata. p. 66
- XV. Multum aquæ post caput gravius ictum ex aure emissum. p. 68
- XVI. Continuus alterius lateris morbus convulsivus. p. 75

INDEX OBSERVATIONEM.

- XVII. *Cartilaginea gingivae ex crescentia.* p. 80
- XVIII. *Plurimum sanguinis è dente molari
emissum.* p. 84
- XIX. *Sanguis è palpebris erumpens.* p. 85
- XX. *Ranula.* p. 87
- XXI. *Frustum fistulae, quâ Tabaci Amatores
fumum imbibunt, faucibus inherens, causa
mortis.* p. 92
- XXII. *Annulus gemmâ insignis ab infante in
fauces ingestus eique mortis causa.* p. 95
- XXIII. *Armi Vitulini ossiculum in arteriam
tracheam ingurgitatum.* p. 97
- XXIV. *Pulvis Pyrius è tubo ferreo (musquetam
nostrates vocant) in gulam explosus.* 100
- XXV. *Abscessus in faucibus cum cibi, potusque
per novem dies continuos abstinentiâ.* p. 103
- XXVI. *Pus ex abscessu ad exteriorem colli par-
tem per nares emissum.* p. 109
- XXVII. *Rancitas insanabilis è frigida cerevisia
haustu.* p. 113
- XXVIII. *Varii Lapilli è pulmone per tussim
ejecti.* p. 116
- XXIX. *Vulnus in osse Sterni.* p. 119
- XXX. *Vulnus per pectus penetrans.* p. 122
- XXXI. *Vocis defectus, ac Paralysis post laesum
pectus.* p. 127
- XXXII. *Vomica membrana sua conclusa.* p. 129
- XXXIII. *Gravida, ac partui propinqua mu-
lieribis vena scissa.* p. 132
- XXXIV. *Pus ex abscessu pectoris per alvum
emissum*

INDEX OBSERVATIONUM.

- emissum.* p. 135.
- XXXV. Pus è pectore proveniens per renes, vesicamque emissum. p. 138
- XXXVI. Quassatio aque in pericardio, etiam foris auribus percepta. p. 144
- XXXVII. Cor planum, eique adherens firmiter pericardium, medioque in ventre Lien. p. 147
- XXXVIII. Polypus cordis. p. 151
- XXXIX. Ipsius ventriculi ima pars vulnerata, sanataque. p. 156
- XL. Fungicomiesi repentinae mortis causa. p. 162
- XLI. Gravissima post usum ponzi Colocynthidis Symptomata. p. 173
- XLII. Opium ad dimidiam dragmam sumptum, p. 176
- XLIII. De noxio admodum, nec non letali herba, radicisque Oenanthes veneno. p. 182
- XLIV. Aqua fortis pota. p. 196
- XLV. Lapis è Fecore per abscessum detrusus, p. 198
- XLVI. Pus ex abscessu jecinoris continue per pulmonem, atque hinc per fauces tussie ejectum. p. 202
- XLVII. Bilis in Infantibus per poros ipsius fellis vesicula transmissa pravorum symptomatum causa. p. 204
- LVIII. Lien vomica circumquaque cinctus, p. 206
- XLXIX. Insolite admodum magnitudinis Lien in infante repertus. p. 209

INDEX OBSERVATIONUM.

- L. *Renes inferius uniti.* p. 214
- LI. *Urina transitus renis calculo per sedecim dies obstructus.* p. 217
- LII. *Renum alter Ulceribus totus quantus exesus.* p. 221
- LIII. *Prominentia Umbilici grandior.* p. 223
- LIV. *Hernia intestinalis incuriâ quadam locobubonis aperta.* p. 226
- LV. *Tarda admodum alvi exoneratio.* p. 230
- LVI. *Tumor durus in intestinis repertus.* p. 237
- LVII. *Excrementorum vomitus post Herniam.* p. 243
- LVIII. *Pus, atque excrementa per Umbilicum emissa.* p. 247
- LIX. *Purgamenta alvi ex intestino colo per lumbos ejecta.* p. 257
- LX. *Fæces per inguex exclusæ.* p. 260
- LXI. *Varii, pinguiorcs, viridesque globuli per alvum excrepi.* p. 263
- LXII. *Pituita aliquamdiu cum facibus alvinis simul excreta.* p. 266
- LXIII. *Infantis cujusdam abdomen passim exulceratis glandulis refertum.* p. 270
- LXIV. *Cerasorum nuclei in intestino Colo per sex circiter menses latentes.* p. 273
- LXV. *Mulieri uno, eodemque fœtu gravide quadrages, ac novies vena scissa.* p. 275
- LXVI. *Uteri ruptura.* p. 284
- LXVII. *Ipsius Uteri corporis inversio.* p. 291
- LXVIII. *Ka-*

INDEX OBSERVATIONUM.

LXVIII.	<i>Vagina uteri extensio.</i>	P. 295
LXIX.	<i>Vera totius uteri procidentia.</i>	P. 298
LXX.	<i>Pseudo-partus Hydatidum.</i>	P. 301
LXXI.	<i>Fœtus materno in corpore putrefactus.</i>	P. 305
LXXII.	<i>Canis è muliere natus.</i>	P. 309
LXXIII.	<i>De Mola Virginali.</i>	P. 315
LXXIV.	<i>Fœtus in secundis repertus.</i>	P. 323
LXXV.	<i>Gemini singuli quidem suo utentes umbilicali funiculo, at tertio insuper communi donati.</i>	P. 329
LXXVI.	<i>Sanguinis fluxus continuus ad ipsum, usque partus diem, novoque insuper singulis mensibus auctus profluvio.</i>	P. 332
LXXVII.	<i>Menstrua periodus infanti anni unius.</i>	P. 336
LXXVIII.	<i>Puerpera absque Lochiis.</i>	P. 339
LXXIX.	<i>Sanguis menstruus ex irascentis papillis effluens.</i>	P. 342
LXXX.	<i>Menstruum viris per penem profluvium.</i>	P. 344
LXXXI.	<i>Vesica vulnus an letale sit?</i>	P. 347
LXXXII.	<i>Vesica ruptura.</i>	P. 351
LXXXIII.	<i>Cantharides corpori exterius admota etiam vesica noxia.</i>	P. 353
LXXXIV.	<i>Membrum virile totum quantum recisum.</i>	P. 357
LXXXV.	<i>Scrotum omne sphacelo sublatum.</i>	P. 363
LXXXVI.	<i>Infantis penis non perforatus.</i>	P. 365

INDEX OBSERVATIONUM.

LXXXVII. <i>Fungus cancrifus in interiori Matricis colli parte.</i>	P. 368
LXXXVIII. <i>Cancer in urinario foeminae meatu.</i>	P. 372
LXXXIX. <i>Anus maligno ulcere exesus.</i>	P. 374
XC. <i>Calculus per ulcus prope inguen emissus.</i>	P. 376
XCI. <i>Calculus per inguen prodiens.</i>	P. 379
XCII. <i>Calculi infra inguen ex ulcere prodeuntes.</i>	P. 381
XCIII. <i>Pili in abcessu.</i>	P. 383
XCIV. <i>Ossea excrescentia.</i>	P. 385
XCV. <i>Offis tibiae fissi terebratio.</i>	P. 388
XCVI. <i>Totum tibiae os corruptione exesum.</i>	P. 391
XCVII. <i>Mola genu, quâ in longum patet, fracta.</i>	P. 394
XCVIII. <i>Rotula transversè rupta.</i>	P. 395
XCIX. <i>Infans assidue à Peste laborantis matris papillis expresso nutritus succo nihil omnino accipit incommodi.</i>	P. 397
C. <i>Mors à rabide felis morsu.</i>	P. 400
<i>De Unicornu Dissertatio.</i>	P. 463

F I N I S.

INDEX RERUM,

Questionumque prima hac Centuriâ ventilatarum.

- N**Um cranii futuræ ætatis provectis disjungi possint? Pag. 2
- Utrum quis cerebro, vel ejus parte absque functionum animalium læsione, vel privatione carere possit? pag. 8
- An quibus os frontis futurâ in duas post septimum, octavumve annum divisum manet partes, capitis ossa circa verticem non coaluerint? pag. 18
- An morbo Gallico ossa, integrâ cute, abscessum pati, consumi, & putrescere queant? pag. 20
- Num os tam calvariæ, quam nasi, palatique corruptio isti morbo semper originem debeat? pag. 21
- Quomodo subveniendum, quibus apertus palati locus est? Ibid.
- Cerebri vulnera non semper letalia. p. 23. 42
- Utrum cranium depressum loco restitui semper necesse sit? pag. 29
- An depressi cranii requiratur perforatio. pag. 30
- Quomodo tam auctorum, quam infantum cranii depressionibus medendum. pag. 31
- Utrum sanguis, pus, saniesve per ipsa possit transfundere ossa? pag. 32
- Non solum foras pus calvariam, sed & multò facilius foris in interiora transire aptum est. pag. 33
- Utrum, sanie per cranii poros exsudante, necessaria sit terebratio? pag. 34
- An integro post gravem lapsum, ictumve cranio trepanum adhibendum? pag. 34
- Num gravibus non sine cerebri læsione capitis vulneribus semper adsit febris? pag. 40
- An muti protinus fiant, quibus cerebrum concutitur? pag. 41
- Num

I N D E X R E R U M.

- Num ad fracturæ cranii notitiam inter alia signum sit, si nec dentes comprimere læsus, nec ferrum mordere queat? pag. 43
- Pulveris sternutatorii abusu maxima interdum oriuntur incommoda. pag. 47
- Abscessus non solum inter cranium, duramque matrem, sed & inter utramque cerebri membranam nec non in sinibus duræ matris, ventriculisque imò in ipsa cerebri oriri possunt substantia. pag. 51
- Dantur vomicæ cerebri. pag. 52
- In omnibus corporis humani partibus lapilli produci possunt. pag. 54
- An, illæso ethmoide osse, corpora quædam solida, lapilli scilicet, nec non vermes, aliaque viva animalia è capite per nares prodire ejicique possint? pag. 62
- Vermesne in cerebro generari queant? pag. 62
- Unde magna illa, quæ post gravem ictum, casumve ex aure effluit, lymphæ copia prodeat? pag. 70
- Per quas vias infantibus sanies sæpe multa per menses aliquot ad aures derivetur? pag. 73
- Terror multa mala, eaque incurabilia, imo intercum & subitanæam adfert mortem. pag. 76
- Quomodo motus convulsivus à convulsione differat? pag. 78
- Tremor non est motus convulsivus. pag. 79
- Obstructis mulieri mensibus, sanguis diversis corporis partibus, imò per dentis alveum, e palpebris, &c. ejici potest. pag. 85
- Unde tumoris ranulæ denominatio? pag. 87
- Qualis sit ille tumor, qua in parte, quove ex humore nascatur? pag. 88
- Quis curarionis modus? pag. 89
- Pessime agunt, qui infantibus, contenti ut sint, aliquid durioris materiæ, quodque deglutiri queat, porrigunt. pag. 95
- Num

I N D E X R E R U M.

- Num ocluso gutture, clysterum nutrientium beneficio corpus reficiatur? pag. 104
- Miræ puris metastases pag. 110
- Pus à læsis artubus in alvum fluens, pag. 111
- Corporum duriorum deglutitorum, vel in corpus immisissorum excretiones variæ, inauditæque. pag. 112
- Insanabilia quandoque è frigida cerevisiæ sive aquæ hauſtu corporibus labore antea calentibus incommoda. pag. 113
- Cur asthma laborantes sese vix lecto continere queant? pag. 117
- Num cavitas quædam naturaliter intra duplicaturam mediastini existat? p. 120
- Utrum tuto aperiatur trepano os sternum ad puris, alteriusve humoris intra duplicaturam mediastini contenti educationem? pag. 121
- Quibus hujus eo loci collectio dignoscatur signis? pag. 121
- Utrum totus thorax, illæso pulmone, perforari queat? pag. 123
- Unde è pectoris vulnere sæpe partis alicujus, vel totius interdum corporis flatulentus proveniat tumor? pag. 124
- Cur sanguis è læsi pulmonis vasis sæpe omnis per os tussi absque ullo ejus versus diaphragma descensu excernatur? p. 127
- Utrum vomicam pulmonis ruptam subitanea mors, tabesve necessario sequatur? p. 130
- Cur vomicâ laborantes ante ruptionem nullis fere symptomatibus, veluti febre, &c. laborent? p. 131
- Vomica intra mediastinum reperta. p. 132
- Utrum gravidæ, ac partu propinquæ, nec non febre acuta, pleuritide, anginâ, vel alio gravi morbo laboranti vena secanda sit? p. 132. & seqq. item 278
- Utrum empyicis à pulmone pus per alvum ductum letale sit? p. 136

I N D E X R E R U M.

- Incerta est via, quâ pectus, & pulmo per alvum purgentur?** p. 137
- Neque satis cognita est, per quam pus, vel sanguis è pectore, aut pulmone ad renes, vesicamve descendat.** p. 141
- Scriptoris sententia.** p. 143
- Cordis adeo vehemens interdum est palpitatio, ut extra cubiculum audiatur, imo costæ tractu temporis supra os sternum alte eleventur, aut rumpantur?** p. 146
- Utrum palpitatiioni cordis medeatur venæ-sectio?** p. 147
- Num ventriculi letalia sint vulnera?** p. 157
- Unde fungorum nomen apud Batavos?** p. 164
- Cujus sint naturæ?** Ibid.
- Dividuntur in bonos, & malos.** p. 165
- Boni duum sunt generum.** p. 166
- Quomodo hi à malis discernantur?** p. 168
- Quomodo succurrendum iis, qui vel fungorum bonorum nimiam copiâ, vel pravis usi fuere?** p. 171
- Pessima ab usu colocynthidis symptomata.** p. 171. &c.
- Pomi colocynthidis agendi tanta est vis, ut etiam exterius adhibitum, pinguibusque mistum purget.** p. 174
- Cur aliquis in Medecina illius pomi, cum adeo noceat, usus sit?** p. 176
- De noxia opii vi.** p. 179
- Cur gibbosis interdicitur opii usu?** Ibid.
- Opium sive per se, sive aliis mixtum, & externe applicitum mortis causa esse potest.** p. 180
- Letalis est radicis Oenanthæ usus.** p. 182
- Quibus Oenanthæ à cicuta differat?** p. 189
- Cicuta vi prædita est narcotica.** p. 191
- Ratione loci natalis venenum ejus majus, minusve observatur.** p. 193
- Etiam hisce in regionibus cicutæ somnum conciliandi** vis

INDEX RERUM.

- vis est. p. 194
- Sicuti opium, ita & cicutā extrinsecus admota noxia est. p. 195
- Unde bilis proveniat copia, quā cum ventriculi, tum intestinorum tunicæ sæpe post mortem tinctæ reperiuntur? p. 205
- An, quibus splen magnus est, gingivæ sit corruptæ, atque os fæteat? p. 211
- Lienis magnitudo non tantum respectu diversitatis huius, illiusve corporis, verum & pro regionum, vivendique rationis varietate differt. p. 212
- Quibus natura laxus, fungosus, spongiosusque lien, plerumque major est. Ibid.
- Ad ejus molem multum etiam faciunt arteriæ, quæ illum intrat, venæque, quæ ex eodem exit, magnitudo. Ibid.
- Interdum crassâ, cartilagineaque digiti circiter crassitiem æquante membranâ lien obtegitur. p. 214
- Quibus urinæ transitus renis calculo, vel alia de causa per multos impeditur dies, licet calculum postea reddiderint, rarissime integræ restituantur valitudini. p. 218
- Urinæ meatibus aliquamdiu obstructis, venæ totius corporis, instar varicum mirum in modum, imò etiam ad pollicis interdum crassitiem intumescunt. p. 219
- Quotus dies suppresso lotio laboranti funestus? p. 220
- Interdum ureter ob distensionem à calculi, vel materiæ sabulosæ obstructione disrumpitur. p. 223
- Ureter in calculosis duos interdum admittere digitos, imò intestinis æqualis visus est. Ibid.
- Utrum Exomphalo peritonæi fiat ruptio, an vero dilatatio tantum? p. 225
- Quibus signis distinguantur herniæ inguinales, bubonæque, tum venereæ, tum pestilentes? p. 229
- An alvi juvenibus humidæ, senescentibus exsiccentur, & contra? p. 234
- Utrum

INDEX RERUM.

- Utrum vera, ac completa, uti vocant, hernia mulie-
ribus accidere possit? p. 243
- Quomodo intelligendus Hippocratis aphorism. XXXI
sect. 5. p. 284
- An in partu divellantur ossa pubis? p. 289
- An uterus omnino ad vitam sit necessarius? p. 294
- Perperam vaginæ ipsius uteri procidentia olim credita
est. p. 293. &c.
- Num verâ totius uteri accidere possit procidentia? p. 298
- Quænam hydatidum sit causa? p. 305
- Utrum viva animalia præter fœtum humanum à mulie-
re producantur? p. 309
- An è fœmina molæ absque ope virili proveniant? p. 316
- Num superfœtationes dentur? p. 324
- Anne gemelli in utero eâdem semper cingantur mem-
branâ. p. 311
- Quomodo intelligendus sit Aphorism. Hippocrat. LX.
Sect. 5. p. 333
- An letalia sint vesicæ vulnera. p. 347
- Num orbatus didymis ad actum venereum plane sit
ineptus? p. 361
- Cur, quod viros à castratione præ hæmorrhagia nimia,
non etiam bruta mortis maneat periculum? p. 362
- Ubinam ortum habuerit calculus per ulcus prope in-
guen emissus? p. 378
- Ureter nimia calculi distensione disrumpi potest. p. 380
- Duplex est ossis corruptio. p. 378
- Utrum aliorum ossium præter cranium fiat terebra-
tio? p. 388
- Anne ossis femoris, tibiæve, aut ulnæ corrupti callus
defectum supplere queat? p. 393
- Cur rarius rumpatur patella? p. 394
- Cur rotulâ fractâ plurimi claudicent? p. 395
- Qua

INDEX RERUM.

- Quæ de causa transversa rotulae fractura oblonga curatu sit difficilior ?** p. 399
- An feles, uti canes, absque transmissione per tactum rabidæ fieri possint ?** p. 401
- An solus canis, ut Galenus sentit, fiat rabidus ?** ibid.
- Vtrum bruta in rabiem acta fiant hydrophoba ?** p. 405
- An canes rabidi semper horreant aquam ?** p. 406
- Solane canis rabidi spuma inficiat ?** ibid.
- An rabie agitati canis halitus sit contagiosus ?** p. 408
- Non lædit morsus, nisi cute denudata.** p. 411
- Vtrum rabidi homines, ut vulgus putat, impositis suffocandi sint lectis ?** p. 412
- An in humanis etiam corporibus tales produci queant humores, qui ad rabidi canis venenum proxime accedant, hydrophobiamque excitent ?** p. 413
- An putredo huius mali causa ?** p. 415
- An hydrophobi febricula laborent ?** ibid.
- Qua vi rabidorum agat venenum ?** p. 416
- An intemperies calida, & sicca mali hujus vis ?** ibid.
- An hydrophobi curentur ?** p. 418
- An iidem diu superesse possint ?** p. 420
- Cur tanto sæpe tempore in parte morsa rabidi canis virus lateat, antequam sese exerat ?** ibid.
- Vtrum hoc cuivis rei adhærens vires diu integras conservet ?** p. 429
- An, & cur nonnulli serius, citiusque hoc veneno inficiantur ?** p. 430
- Quam ob causam tantopere aquas horreant læsi ?** p. 431. 436
- An semper depravata sit hydrophobis phantasia ?** 433
- Cur quosvis timeant liquores ?** p. 434
- Num aqua pota melius se habeant ægri ?** ibid.
- An hisce faucium tumor, aut inflammatio adsit ?** p. 436
- Quomodo è læsa parte in corpus reliquum propagetur hoc virus ?** p. 437
- De hoc veneno, ejusque effectu non magis probanda,**
LI
quam

I N D E X R E R U M.

- quam de Tarantulæ ictu, & veneno, nec non de
Chorea S. Viti reperiās. p. 440
- Quamnam sint rabie agitati canis signa? p. 442
- An canibus rabies a verme quodam in cerebro, vel
sub lingua existente proveniat? ibid.
- An verus vermis è catulorum educatur linguis? p. 444
- An ex esu, potuve ciborum, liquorumque putrido-
rum canibus hoc quicquid est mali oriatur? ibid.
- Quibus modis à cane, aliove animali rabido morfi
tractandi? p. 445
- Quomodo veneno ad interiora via præcludenda? 446
- Utrum candenti ferro vulnere sit succurrendum? p. 447
- An profundius sit facienda adustio? p. 448
- Num cucurbitulæ juvent scarificatæ? Ibidem.
- Utrum alexipharmacis intus exhibitis malum oppug-
nandum? p. 450
- Anne aliquid imponi possit parti, unde certo læsus
rabidum dignoscat virus? p. 453
- Utrum profit hydrophobis demersio in aquas? Ibid.
- An adjuvet venæsectio? p. 458
- Aut purgatio? Ibid.
- Utrum canis, qui momordit, pili appliciti juvent? Ibidem.
- Num illius assatum jecur comesum sanet? p. 459
- Utrum fidendum sit medendi rationi, quæ sit Sacello
Divi Bellini, vel Divi Donini Templo? p. 460
- Utrum hodie verum, ac tale, qualis meminit S.
Scriptura, detur Unicornu? p. 467
- Quatuor animalium genera uno cornu prædita. Ibid.
- An detur certum quoddam animal, quod per excel-
lentiam Monoceros dicatur? p. 470
- An verum sit Unicornu, quod in Bohemia, Misnia-
que, nec non Sylva Hercynia è terra eruitur? 471
- An verum Unicornu Noachico perierit diluvio? 472
- Quas S. S. Monoceroti attribuat qualitates. p. 473
- Utrum dometur Monoceros? p. 474
- Num

Num Rhinoceroti duo sint cornua ?	p. 477
An Monoceroti equina, ut vulgo pingitur, sit forma ?	p. 480
Utrum ejus natalis locus sit in Africa ?	p. 482
Cur tam raro conspiciatur Monoceros ?	p. 484
Testimonia eorum, qui Unicornu videre.	p. 485
Cur tam diversa sit Scriptorum de Unicornu sententia ?	p. 491
Cur Hippocrates, Galenusque monocerotis non meminert ?	p. 493
Quamobrem Romani hoc animal in Triumphis non circumduxerint, pugnaturumve in Amphitheatr induxerint ?	p. 497
Quidnam de cornibus dicendum, quæ in Europa à Regibus, Principibusque tanquam Monocerotia asservantur ?	p. 498
Quibus hæc cornua dotentur viribus ?	p. 502
Utrum qualitates quæ S. S. animali Rem attribuit, Orygi convenient ?	p. 508
Variorum de Oryge sententiæ.	ibid.
Utrum per Vrum Monoceros intelligi queat ?	p. 514
Anne Onager verum sit Unicornu ?	ibid.


F I N I S.




E R R A T A.

PAg. 1. lineâ 1. desinctâ lege disinctâ. p. 4. l. 10. Agi
neta leg. Agineta. p. 16. l. 11. constitum leg. constitu-
tum. pag. 20. l. 2. figurâ, leg. 2. & 3. Tab. 5. fol. 302.
p. 48. l. 27. plegmatici. leg. phlegmatici. p. 50. l. 2. concavi-
tate. leg. cavitare. p. 103. l. 5. ceseberrimus. leg. celeberrim-
mus. p. 114. l. 10. defessâ l. defessâ. p. 121. l. 16. humor.
leg. humor. pag. 173. lin. 18. amagydalatis. leg. amygdalatis,
p. 179. l. 2. locutum. l. locutam. p. 180. l. 13. foptus. leg. so-
pitus. p. 184. l. 22. vibâ l. vivâ. p. 200. l. 1. factum. leg. fa-
ctam. p. 222. l. 17. repiri. l. reperi. pag. 223. l. 17. Hernia
umbilicalis. l. Prominentia umbilici. p. ibid. l. 20. hernia.
leg. exomphalus. pag. 224. lin. 17. herniam. leg. exomphalon.
pag. 232. lin. 10. la3. leg. Laz. pag. 240. l. 1. ho. leg. horam.
p. 241. l. 15. observationem. l. observationis. p. 260. l. 13.
Ingunc. leg. inguen. pag. 270. lin. 2. glaudulis. leg. glandulis.
p. 282. l. 17. tamem. leg. tamen. p. 293. l. 7. Item. leg. idem.
p. 299. l. 8. Graef. leg. Graef. p. 302. l. 16. adjecta. l. adjec-
ta. pag. ibid. l. 17. Tabula, leg. Tabulâ. p. 315. l. 5. usque.
leg. iisque. p. 337. l. 16. partes. leg. partus. pag. 347. lin. 6.
perfectam. leg. perfectam. pag. ibid. l. 14. paritium. leg. par-
rium. pag. 354. lin. 5. vehementissimo. leg. vehementissimo.
p. ibid. l. 24. malarum. leg. malorum. p. 380. l. 9. fito. leg.
sito. pag. 384. l. 23. homidica. leg. homicida. p. 408. l. 22.
misera. leg. miseria. p. 409. l. 9. effet. leg. esset. p. eadem. l.
ult. Affimat. l. affirmat. p. 489. l. 5. coruu. leg. cornu. pag.
494. l. 23. maximum. leg. marinum. p. 508. l. 2. attribuit.
leg. attribuit. p. 509. lin. 10. Sylvis, Damir, leg. sylvis, in-
quit Damir. p. 510. l. ult. nutrie. leg. nutrire. p. 512. l. 27.
domasque. leg. damasque. p. 515. l. 25. genere. leg. gerere.

Alia insuper, nec non commata, quæ sæpe loco non suo po-
sita, vel omissa agnosco, qui par est, emendabit, resti-
tuetque lector: Impari ne quidem errasse Typographus vi-
debitur. Quod semel dixisse sufficiat.





STALP.
OBSERV.
RARIORUM

AD.
SCHOONK

1

LEIDEN
1687